





Cicerone vol III 1, 12

62

COLLECTIO
LATINORVM SCRIPTORVM

CVM NOTIS.

TAVRINI

MDCCXIV

PER VIDVAM POMBA ET FILIOS.

BIBL. NAZ
Vitt. Emanuele III

Racc.
de Maximis

C

3

NAPOLI

Rec. of Mariny C 3

M. T. CICERONIS
OPERA OMNIA

TOM. III.



M. TVLLII
CICERONIS
OPERA

EX RECENSIONE

CHRIST. GODOFR. SCHÜTZII

ADDITIONIS COMMENTARIIS

TOMVS TERTIVS



AVGVSTAE TAVRINORVM
EX TYPIS VIOVAE POMBA ET FILIORVM

ANNO MDCCXXIV



M. TVLLII CICERONIS
OPERA RHETORICA

TOM. III.

PRAEFATIO

Tertium tandem Rhetoricorum Ciceronis volumen foras exit, cuius editionem bellici tumultus aliquantum retardaverant.

In *Bruto*, s. libro de claris Oratoribus recensendo adhibuimus lectiones duorum Codicum Mss. bibliothecae Guelferbytanæ a Io. Fr. Heusingero collatorum. Primus horum, quem nota *Gu.* 1, designavi, est Gudianus 38 fol. membranaceus, ex quo potiores quidem lectiones iam excerpterat Cl. Schneiderus in epistola ad E. T. Langerum, doctissimum illius bibliothecae praefectum, editioni Bruti Wetzelianæ praemissa. Alter codex in eadem bibliotheca Aug. 12, 13, forma quadruplicata, quem nota *Gu.* 2 ab altero distinxi, idem videtur fuisse, quem Schneiderus ait a Langero diligenter quaesitum, nusquam tamen repertum fuisse.

In *Oratore* ad M. Brutum trium codicum ab Heusingero collatorum lectionibus uti sumus. Pri-

mus est Gud. 38 fol. ubi exemplum Oratoris sic inscriptum sequitur libros tres de Oratore: MARCI TVLII CICERONIS ORATOR VEL DE *optimo genere dicendi Incipit feliciter ad Brutum*. Notabiles quasdam ex eo lectiones enotaverat Cl. Schneiderus. Secundus est Aug. 12, 13, in quo tertium de Oratore librum excipit Orator sic inscriptus: *Marci Tullii Ciceronis de optimo genere dicendi ad marcum brutum*. Tertius est Gud. 2 fol. ab initio mutilus. Nam post librū de Oratore tertium sine ulla inscriptione incipit a verbis capitis 26 istis: *antoque robustius quam hoc humile*. Idem codex sine ulla significatione a c. 57 transilit ad cap. 69 extr. Istos igitur codices ita notavi, Gu. 1, 2, 3.

Verum excerpta Heusingeriana e duobus prioribus codd. quae mecum communicavit Cl. Conradus Heusingerus non excurrunt ultra cap. 27, sive ipsum conferendi laborem haud absolverit ille, sive pars quaedam schedarum forte perierit.

In *Topicis* nullum habui a libris scriptis adiumentum.

In *Partitionibus oratoriis* adhibui lectiones Ms. Gud. 2 fol. ab Heusingero excerptas. Is codex ita incipit: *Operis exordium*.^{*} Antecesserant autem *synonyma quae Ciceroni tribuuntur*. Ante §. 3, c. 1, demum praemittitur titulus: *Marci Tullii Ciceronis de partitione orationis liber incipit feliciter*.

Denique in libello *de optimo genere oratorum* ad manus erant lectiones e cod. Gud. 38 fol. ab Heusingero excerptae. In hoc Ms. libellus hic subiicitur Bruto de claris Oratoribus; relicto quidem spatio, cui titulus a miniatore inscriberetur. Id quum factum non esset, nuper ab aliquo, quem Heusingerus putabat Lauterbachium, bibliothecae Guelpherbytanae custodem, titulus ex impressis libris adiectus est. At hic libelli codex nihil aliud offerebat, praeter vitiosas negligentissimi librarii scripturas, quarum nullam prorsus rationem habendam esse duxi.

De editionibus ad usum criticum adhibitis, quae in praefatione ad Vol. II dixi, ea hic repetere nihil attinet. Scr. Halae Cal. Maii MDCCCXVIII.



M. TVLLII CICERONIS
DE
CLARIS ORATORIBVS
LIBER
QVI DIGITVS
B R V T V S.

SVMMARIVM

*I*n praefatione libri Cicero primum Q. Hortensii mortem ~~ex~~plorat, additis consolationis causis, cap. 1-2; deinde occasionem huius dialogi exponit. Nimirum ad eum M. Brutus cum T. Pomponio Attico venerant, eumque rogaverant, ut, quem nuper in Tusculano, solo audiente Attico, inchoasset sermonem de claris oratoribus, nunc utrique plenum exponeret, cap. 3-5.

Sequitur ipse dialogus, in quo Cicero, postquam, unde ductus esset sermo cum Pomponio in Tusculano habitus exposuerat, cap. 6, primum breviter Graecos oratores artisque rhetoricae scriptores recenset cap. 7-13; deinde ad Romanos accedit, in quibus primum antiquiores, de quorum eloquentia nihil certi habeat dicere, enumerat, ut L. Brutum, M. Valerium Maximum, L. Valerium Potitum, Appium Claudium, C. Fabricium, Ti. Coruncanium, M. Curium, M. Popilium, C. Flaminium, Q. Fabium Maximum Verrucosum, Q. Metellum. cap. 14.

Sequuntur ii, de quibus certior eloquentiae memoria constabat, in hisque primum M. Cornelius Cethegus, cap. 15, M. Cato Censorius, cuius orationes et oratoriae laudes cum Lysia comparantur, et cur hic felicior sit ab omni laude quam ille,

- exponitur, cap. 16-19. Post Catonem nominantur quidam qui cum eo grandiores natu vixerant, C. Flaminius, C. Varro, Q. Maximus, Q. Metellus, P. Lentulus, P. Crassus, Scipio Africanus, eiusque filius, Sex. Aelius; deinde minores aetate, C. Sulpicius Gallus, Ti. Gracchus, P. F., P. Scipio Nasica Corculum, Q. et M. Nobiliores, T. Annius Luscus, L. Paullus Macedonicus, Africani iunioris pater, cap. 20; tum A. Albinus, Ser. Fabius Pictor, Q. Fabius Labeo, Q. Metellus, L. Cotta, C. Laelius, P. Africanus iunior, Ser. Galba, cap. 21. In primis de horum trium, Laelii, Africani et Galbae, laudibus dicitur cap. 22-24.
- Post illos nominantur L. et Sp. Mammii fratres, Sp. Albinus, L. et C. Aurelii Orestae, P. Popillius eiusque filius Caius, Porro C. Tuditanus, M. Octavius, praecipue autem M. Aemilius Lepidus Porcina. Deinde Q. Pompeius, L. Cassius, M. Antius Bristo, duo Caepiones Cn. et Q., cap. 25.
- Sequuntur P. Crassus, valde probatus orator, cuiusque aetati iuncti duo C. Fannii, C. et M. filii, M. Scaevola augur, iuris civilis intelligentia, non oratoria laude clarus, L. Coelius Antipater, cap. 26.
- Praecipue autem eminent Tib. Gracchus C.que Carbo, cap. 27. Minorem vero eloquentiae laudem adepti D. Brutus, M. fil. Q. Maximus, Paulli nepos, Scipio Serapio, P. Lentulus, L. Furius Philus, P. Scaevola, M. Manilius, M. Fulvius Flaccus, C. Cato, P. Decius, M. Drusus, C. fil. eiusque frater C. Drusus, M. Pennus et T. Flamininus, cap. 28.
- His adiunguntur M. Scaurus cap. 29, P. Rutilius cap. 30, Q. Aelius Tubero, oratione Stoici oratores cap. 31, C. Curio, illustris orator cap. 32, et praestantissimus ingenio, studio, doctrina C. Gracchus, cap. 33.
- Huic successit aetati C. Galba, P. Scipio, L. Bestia, C. Licinius Nerva, C. Fimbria, C. Sextius Calvinus, M. Brutus, accusator ille vehemens et molestus, L. Caesulenus, T. Albuellus, cap. 34.
- Porro Q. Catulus, pater et filius, Q. Metellus Numidicus, M. Silanus, M. Aurelius Scaurus, A. Albinus, Q. Caepio, C. et L. Mammii, Sp. Thorius, M. Marcellus, P. Lentulus, L. Cotta, cap. 35.
- Sequuntur summi oratores L. Licinius Crassus et M. Antonius, de quibus diligenter agitur cap. 36-44; interiecto Q. Scaevola, qui cum Servio Sulpicio comparatur cap. 41.

Tum recensentur Cn. Domitius, C. Coelius, M. Herennius, C. Clodius, C. Titius, L. Afranius, Q. Varro, M. Gracilius, cap. 45.

His adiunguntur nonnulli ex sociis et latinis oratoribus, Q. Vettius Vettianus, Q. et D. Valerii Sorani, C. Rusticellus Bononiensis, T. Betucius Barrus Asculanus et prior aetate L. Papirius Fregellanus, cap. 46.

Hos excipiunt e Romanis L. Philippus, Crasso et Antonio, sed longo intervallo proximus, et eius aetati fere coniuncti L. Gellius, D. Brutus, L. Scipio, Cn. Pompeius, Sexti fil., M. Brutus, C. Bilienus, Cn. Octavius, cap. 47; tum C. Iulius Caesar, L. fil., P. Cethegus, Q. Lucretius, Vespillo, Aphilia, T. Annius Velina, T. Iuventius, P. Orbius, T. Aufidius, eiusque frater M. Virgilius, P. Magius, Q. Sertorius, C. Gorgonius, T. Iunius, cap. 48.

Sequuntur ii, quos Cicero ipse audivit. Inter quos facile primas tulisse ait cum suo tum omnium iudicio C. Cottam et P. Sulpicium, cap. 49: idque cum in hanc disputationem ducit, ut, an recte populus de oratoribus iudicet, disquirat, cap. 49-54. Tum laudes Cottae et Sulpicii fusius exponit cap. 55-56: agiturque porro de Pomponio cap. 57, de Curione cap. 58-60, ubi simul de domestica institutione ad linguae puritatem multum valente disputat; porro de C. Carbone, Q. Vario, L. Fusio, compluribus aliis vel e numero oratorum exclusis, vel brevissime memoratis, cap. 61.

Sequitur P. Antistius cap. 62, L. Sisenna cap. 63, et Hortensio, de quo postea pluribus verbis agit, memorato agitur de M. Crasso, C. Fimbria, Cn. et P. Lentulis, cap. 65, M. Pisone, cap. 66, P. Murena, C. Censorino, L. Turio, C. Macro, cap. 67, de C. Pisone, L. Torquato, Cn. Pompeio M., D. Silano, Q. Pompeio, P. Autronio, L. Octavio, C. Staleno, cap. 68, porro de C. et L. Caepasiis, fratribus, de Cosconio et Arrio, cap. 69. His adiunguntur L. Torquatus, M. Mesalla, Celer et Nepos Metelli, Cn. Lentulus Marcellinus et C. Memmius, cap. 70.

Tum rogatus a Bruto Cicero, ut de Caesare et M. Marcello, utroque vivo, iudicium suum exponat, primum Marcellum ipse laudat, Caesaris autem laudes fere ad Atticum remittit, ita tamen ut iis ipse non minus quam Brutus assentiatur, cap. 71-75.

Past illos recensentur C. Sicinius, C. Visellius Varro, L. Tor-

*quatus, Triarius cap. 76, M. Bibulus, Appius Claudius, L. Domitius, P. et L. Lentuli, T. Postumius cap. 77, P. Cominius, T. Accius, C. Piso cap. 78. Sequuntur M. Caelius cap. 79, M. Calidius cap. 80, C. Curio, P. Crassus, C. Licinius Calvus cap. 81-82, a cuius exilitate sumit occasionem de Attico dicendi genere disputandi, cap. 83, qua degressione laudata Atticus Ciceronem pervellit, quod nimis laudibus multos Romanos extulerit oratores, cap. 83-87. Sequuntur iam Hortensii laudes cap. 88, quibuscum coniungit Cicero de suis studiis, laboribusque forensibus narrationem, cap. 88-94. Tum quaestioni, cur Hortensius magis adolescens quam pro-
 vecta aetate orator floruerit, respondetur, cap. 95-96. Epilogus hortatur Brutum, ut, quamquam iniqua nunc sint reip. et oratorum studiis tempora, tamen eloquentiae laudem tueri seque ex turba patronorum eripere velit, cap. 97.*

Quam e Cilicia decedens Rhodum venissem, et eo mihi de Q. Hortensii morte esset allatum, opinione omnium maiorem animo cepi dolorem. Nam et amico amisso, quam consuetudine iucunda, tum multorum officiorum coniunctione me privatum videbam, et interitu talis anguris dignitatem nostri collegii diminutam dolebam: qua in cogitatione, et cooptatum me ab eo in collegium recordabar, in quo iuratus iudicium dignitatis meae fecerat, et inauguratum ab eodem; ex quo, augurum institutis, in parentis eum loco colere debebam. Augebat etiam molestiam, quod magna sapientium civium, bonorumque penuria, vir egregius, coniunctissimusque mecum consiliorum omnium socie-

E Cilicia) Quam provinciam pro-
 consule rexerat A. V. C. 702, 703.

Decedens) C. Marcello, L. Paulo

Coss. h. e. A. V. C. 703 decessit pro-
 vincia.

Diminutam) Lallem. *diminutam*.
Sapientum) Ga. 1, *Sapientum*.

tate, alienissimo reipublicae tempore exstinctus, et auctoritatis et prudentiae suae triste nobis desiderium reliquerat: dolebamque, quod non, ut plerique pulabant, adversarium, aut obrectatorem laudum mearum, sed socium potius, et consortem gloriosi laboris amiseram. Etenim, si in leviorum artium studio memoriae proditum est, poëtas nobiles poëtarum aequalium morte doluisse: quo tandem animo eius interitum ferre debui, cum quo certare erat gloriosius, quam omnino adversarium non habere? quum praesertim non modo nunquam sit aut illius a me cursus impeditus, aut ab illo meus, sed contra semper alter ab altero adiutus et communicando et monendo et favendo. Sed quoniam perpetua quadam felicitate usus ille cessit e vita, suo magis, quam suorum civium tempore; et tum occidit, quum lugere facilius rempublicam posset, si viveret, quam iuvare; vixitque tamdiu, quam licuit in civitate bene beateque vivere: nostro incommodo, detrimentoque, si est ita necesse, doleamus; illius vero mortis opportunitatem benevolentia potius, quam misericordia prosequamur, ut quotiescunque de clarissimo et beatissimo viro cogitemus, illum potius, quam nosmetipsos, diligere videamur. Nam, si id dolemus, quod eo iam frui nobis non licet, nostrum est id malum; quod modice feramus, ne id non ad amicitiam, sed ad domesticam utilitatem referre videamur. Sin, tanquam illi ipsi

* *Alienissimo reipublicae tempore*) Significat initium belli civilis inter Caesarem et Pompeium A. V. C. 704. Cf. Epp. var. XVI, 11 et 12, ad Attic. VII, 5, 6, sqq.

* *Et auctoritatis, et prudentiae suae*) Nempe auctoritas Hortensii apud Caesarem et Pompeium plurimum valuisset, ut in concordiam redirent, prudentia autem quibus con-

siliis id perficiendum esset, ei suggerere poterat.

* *Non — adversarium*) Huic testimonio non repugnat, quod in exilio queritur se ab Hortensio sceleratissime insidiosissimeque tractatum, ad Q. Fratrem I, 3, tum enim forsitan iniquius praee dolore de Hortensio iudicaret, et, si iure offensus esset, post reditum cum eo in gratiam redierat.

acerbitatis aliquid acciderit, angimur, summam eius felicitatem non satis grato animo interpretamur. Etenim si viveret Q. Hortensius, cetera fortasse desideraret una cum reliquis bonis et fortibus civibus; hunc autem praeter ceteros, aut cum paucis sustineret dolorem, quum forum populi Romani, quod fuisset quasi theatrum illius ingenii, voce erudita, et Romanis Graecisque auribus digna, spoliatum atque orbatum videret.

2. Equidem angor animo, non consilii, non ingenii, non auctoritatis armis egere rempublicam, quae didiceram tractare, quibusque me assuefeceram, quaeque erant propria cum praestantis in republica viri, tum bene moratae et bene constitutae civitatis. Quodsi fuit in republica tempus ullum, quum extorquere arma posset e manibus iratorum civium boni civis auctoritas et oratio, tum profecto fuit, quum patrocinium pacis exclusum est aut errore hominum, aut timore. Ita nobismetipsis accidit, ut quamquam essent multo magis alia lugenda, tamen hoc doleremus, quod, quo tempore aetas nostra perfuncta rebus amplissimis, tanquam in portum confugere deberet, non inertiae, neque desidia, sed otii moderati, atque honesti; quumque ipsa oratio iam nostra canesceret, haberetque suam quandam maturitatem, et quasi senectutem; tum arma sunt ea sumpta, quibus illi ipsi, qui didicerant eis uti gloriose, quemadmodum salutariter uterentur, non reperiebant. Itaque ii mihi videntur fortunate beateque vixisse, cum in ceteris civitatibus, tum maxime in nostra, quibus quum auctoritate, rerumque gestarum gloria, tum etiam sapientiae laude perfrui licuit. Quorum memoria, et

¹ Hunc autem praeter ceteros. Vulg. hunc autem et praeter ceteros. Et sic Gen. 1, 2. Ernesti delevit et. Heusingero placebat. Hunc aut praeter ceteros.

ros, aut cum paucis etc.

Rebus amplissimis. Gen. 1, amplissimos honores.

recordatio in maximis nostris gravissimisque curis iucunda sane fuit, quum in eam nuper ex sermone quodam incidissemus.

3. Nam quum inambularem in xysto, et essem otiosus domi, M. ad me Brutus, ut consueverat, cum T. Pomponio venerat, homines cum inter se coniuncti, tum mihi ita cari, itaque iucundi, ut eorum adspectu omnis, quae me angebat de republica, cura consederit. Quos postquam salutavi, Quid vos, inquam, Brute et Attice, nunc? quid tandem novi?

Nihil sane, inquit Brutus, quod quidem aut tu audire velis, aut ego pro certo dicere audeam.

Tum Atticus, Eo, inquit, ad te animo venimus, ut de republica esset silentium, et aliquid audiremus potius ex te, quam te afficeremus ulla molestia.

Vos vero, inquam, Attice, et praesentem me cura levatis, et absenti magna solatia dedistis. Nam vestris primum literis recreatus, me ad pristina studia revocavi.

Tum ille, Legi, inquit, perlubenter epistolam, quam ad te Brutus misit ex Asia, qua mihi visus est et monere te prudenter, et consolari amicissime.

Recte, inquam, est visus. Nam me istis scito literis ex diuturna perturbatione totius valetudinis tanquam ad adspiciendam lucem esse revocatum. Atque ut, post Cannensem illam calamitatem, primum Marcelli ad Nolam proelio, populus se Romanus erexit, posteaque prosperae res deinceps multae consequutae sunt: sic post rerum nostrarum et communium gravissimos ca-

Inambularem) Gu. 1, *ambulare*).

Populus se Romanus) Gu. 1, *se populus Romanus*.

* *Rerum nostrarum et communium gravissimos casus*) *Communium de*

proelio Pharsalico, nostrarum de dolore et periculo ob res a Pompeio male gestas, de divortio cum Terentia uxore facto, de Dolabellae generi moliminibus sibi valde molestis intelligendum.

sus, nihil ante epistolam Bruti mihi accidit, quod vellem, aut quod aliqua ex parte sollicitudines allevaret meas.

Tum Brutus, Volui id quidem efficere certe, et capio magnum fructum, si quidem quod volui, tanta in re consequutus sum. Sed scire cupio, quae te Attici literae delectaverint.

Istae vero, inquam, Brute, non modo delectationem mihi, sed etiam, ut spero, salutem attulerunt.

Salutem? inquit ille. Quodnam tandem genus istuc tam praeclarum literarum fuit?

An mihi potuit, inquam, esse aut gratior ulla saluatio, aut ad hoc tempus aptior, quam illius libri, quo me hic affatus quasi iacentem excitavit?

Tum ille, Nempe eum dicis, inquit, quo iste omnem rerum memoriam breviter, et, ut mihi quidem visum est, perdiligenter complexus est?

Istum ipsum, inquam, Brute, dico librum mihi saluti fuisse.

4. Tum Atticus, Optatissimum mihi quidem est quod dicis: sed quid tandem habuit liber iste, quod tibi aut novum, aut tanto usui posset esse?

Ille vero et nova, inquam, mihi quidem multa attulit, et eam utilitatem, quam requirebam, ut, explicatis ordinibus temporum, uno in conspectu omnia viderem: quae quum studiose tractare coepissem, ipsa mihi tractatio literarum salutaris fuit, admonuitque, Pom-

Volui id quidem efficere certe) Guilielmus maluerat: *volui quidem certe*, quasi *id efficere* a glossatore addita essent. At hic nihil mutandum; non enim praecedit verbum, quod in *volui quidem certe* intelligi possit.

Mihi quidem multa attulit) Vulgo abest *attulit*, quod additur Gu. 1. Id-

que Schneiderus sine damno concinantis et per regulas grammaticas abesse non posse putabat. Heusingerus autem urget id sibi placere. Saue enim ex antecedentibus habuit repetere licet: *Ille vero et nova, mihi quidem, multa habuit, et eam utilitatem.*

poni, ut a te ipso sumerem aliquid ad me reficiendum, teque remunerandum, si non pari, at grato tamen munere: quamquam illud Hesiodium laudatur a doctis, quod eadem mensura reddere iubet, qua acceperis, aut etiam cumulatione, si possis. Ego autem voluntatem tibi profecto remetiari; sed rem ipsam nondum posse videor; idque ut ignoscas, a te peto. Nec enim ex novis (ut agricolae solent) fructibus est, unde tibi reddam quod accepi: sic omnis foetus repressus, exustusque siti flos veteris ubertatis exaruit: nec ex conditis, qui iacent in tenebris, et ad quos omnis nobis aditus, qui paene solis patuit, obstructus est. Seremus igitur aliquid tanquam in inculto et derelicto solo; quod ita diligenter colemus, ut impendiis etiam augere possimus largitatem tui mu-

Teque remunerandum) Difficile est explicare, quomodo Cicero dicere potuerit *ut a te ipso sumerem aliquid ad te remunerandum*. Itaque suspicor eum scripsisse: *ut ad te ipse scriberem aliquid ad me reficiendum teque remunerandum*. — Sic in epist. ad Varonem Academicis quaestionibus praemissa: *Expectabam omnia iam diu, neque sustinebam, ne ad te prius ipse quid scriberem, quam aliquid acceperis, ut posses te remunerari quam simillima munere*.

* *Novi fructus*) Intelliguntur novae orationes, quas Cicero vel coram populo, vel in iudiciis, vel in senatu potuisset habere, nisi converso reip. statu eloquentia conticuisset. *Conditi fructus* sunt orationes olim quidem habitae, sed nondum elaboratae atque editae. Huius dicit in tenebris iacere, i. e. neglectas in scriniis; *aditumque sibi ad eas, qui paene solis patuerit, obstructum*, h. e. iocinis temporum se absterreci, ut eas iterum in manus sumat, edendasque curet; omnino viz

ab alio quodam adhuc lectas. Ernesti hunc *aditum* proprio significatu accepit; quasi Cicero illo tempore ab istis libris abfuerit, ut ipse eos legere aut aliis dare non posset. Sed hac interpretatione turbatur metaphorae continuatio; nec intelligi potest, cur Cicero, si Romae fuisset, libros e Tusculana aliave villa asportandos curare haud licuisset. Quod denique dicit, *se iam velle aliquid tanquam in inculto et in derelicto solo serere*, id de scriptis rhetoricis et philosophicis accipiendum. Cf. de Nat. Deor. I, c. 4.

Exustusque siti flos veteris ubertatis exaruit) Hunc verborum ordinem praecептаvit Lambinus; quum vulgo in aliis legatur: *exustusque flos ubi veteris ubertatis exaruit*. Vtque ratio eundem sensum praebet. Nempe *sitis veteris ubertatis* est desiderium antiqui status reip. in quo largus erat oratorum proventus, et amplissima eloquentiae materia.

In inculto) abest praepositio *Gu. 2. Efferre fruges*) *G. 2. efferre fruges*.

neris; modo idem noster animus efficere possit, quod ager, qui quum multos annos quievit, uberiores efferre fruges solet.

5. Tum ille, Ego vero et expectabo ea, quae polliceris, neque exigam, nisi tuo commodo, et erunt mihi pergrata, si solveris.

Mihi quoque, inquit Brutus, expectanda sunt ea, quae Attico polliceris, etsi fortasse ego a te huius voluntarius procurator petam, quod ipse, cui debes, se incommodo tuo exacturum negat.

At vero, inquam, tibi ego, Brute, non solvam, nisi prius a te cavero, amplius eo nomine neminem, cuius petitio sit, petiturum.

Non mehercule, inquit, tibi repromittere istuc quidem ausim. Nam hunc, qui negat, video flagitatorem, non illum quidem tibi molestum, sed assiduum tamen, et acrem fore.

Tum Pomponius, Ego vero, inquit, Brutum nihil mentiri puto. Videor enim iam te ausurus esse appellare: quoniam longo intervallo modo primum animadverti paulo te hilariorum. Itaque, quoniam hic, quod mihi deberetur, se exacturum professus est, quod huic debes, ego a te peto.

Quidnam id? inquam.

Expectanda sunt) Vulgo, et *expectanda sunt*. Recte vero Ernesti copulam deleri iussit. In Gu. 2 est et *expectanda*.

Sunt ea) Gu. 1 omittitur ea.

Incommodo tuo) Lambinus addidit tuo, idque h. l. concinnius quam quod vulgo scribitur *incommodo* simpliciter; etsi id Ernesti pro adverbio capiendum censuit. Gu. 1, ut edii. Vcl. Victor. omittit se ante *incommodo*.

Ausim) Sic Gu. 1, recte. Et sic

Lallem. e Ms. Reg. Vulg. *ausus sim*,

Quidnam id? inquam. Et scribas inquit, aliquid: iam pridem enim contigerunt tuae literae. Nam ut illos de republica edidisti, nihil a te sane potest accepimus; eisque nosmetipsi ad veterum annalium memoriam comprehendendam impulsati atque incensi sumus. Sed illa quum poteris; utque ut possis rogo. Nunc vero, inquit, si es animo vacuo, expone nobis quod quaerimus.) Totus hic locus, uti in eo verba Cj-

Vt scribas, inquit, aliquid: iampridem enim conticuerunt tuae literae. Nam ut illos de republica libros edidisti, nihil a te sane postea accepimus; eisque nosmetipsi ad veterum annalium memoriam comprehendendam impulsī, atque incensi sumus. Sed illa quum poteris; atque ut possis rogo. Nunc vero, inquit, si es animo vacuo, expone nobis quod quaerimus.

Quidnam est id? inquam.

Quod mihi nuper in Tusculano iuchoasti de oratoribus, quando esse coepissent, qui etiam, et quales fuissent. Quem ego sermonem quum ad Brutum tuum, vel nostrum potius, detulissem, magnopere hic audire se velle dixit. Itaque hunc elegimus diem, quum te sciremus esse vacuum. Quare, si tibi est commodum, ede illa, quae coeperas, et Bruto, et mihi.

Ciceronis agnosco, tamen est eiusmodi, ut cum hoc casu quodam translatum putem. Nam ab ipso Cicerone hic inculcatum nemo mihi persuaserit. Primum enim quaero, quomodo in mentem venire potuerit Attico, a Cicerone petere, ut aliquid scriberet, quum paulo ante Cicero iam ei pollicitus esset, se aliquid scripturum, idque ille se expectaturum, nec nisi eius commodo exacturum dixisset? Deinde Atticus, avidissimus librorum a Cicerone scriptorum lector, dicere non poterat, se post libros de Republica nihil ab eo postea accepisse. Quid enim? Num ille libros de legibus ignorabat? Deinde illa verba: *Sed illa quum poteris, atque ut possis rogo*, recte Ernestium offeoderant. Postremo ineptum erat addi: *si es animo vacuo*, ab eodem scilicet homine, qui paulo post dicturus erat, *quum te sciremus esse vacuum*. Quare omissis his legi mihi aliquis haec verba continua: *Itaque quoniam hic quod mihi*

deberetur se exacturum professus est, quod huic debes, ego a te peto. Quidnam est id? inquam. Quod mihi nuper in Tusculano iuchoasti de oratoribus, quando esse coepissent, qui etiam et quales fuissent, et quae sequuntur, iudicetque, annua omnia sic summius procedant, aptiusque cohaereant.

Ad veterum annalium) Gu. 1, 2, *ad rerum naturalium.*

Sed illa quum poteris; atque ut possis rogo.) Ernestius ad h. l. « Lepidum scil. est, inquit, aliquem rogare ut possit. Scriba stultus sic fecit. Corrige potes. Nempe facetum est rogare, ut faciat, quemadmodum possit, iudicetque nil melius expectari posse, quam facere possit ». At in hoc genere rogandi equidem non video quid facetum sit. Præterea ut potes h. l. abhorret a reliqua strictezza verborum. Deberet saltem esse: *ut poteris*. Itaque, si illa verba omnino a Cicerone scripta sunt, iocose ea sic alata esse

Ego vero, inquam, si potero, faciam vobis satis.

Poteris, inquit: relaxa modo paulum animum, aut plane, si potes, libera.

6. Nempe igitur hinc tum, Pomponi, ductus est sermo, quod erat a me mentio facta, causam Deiotari, fidelissimi atque optimi regis, ornatissime, et copiosissime a Bruto me audisse defensam.

Scio, inquit, ab isto initio tractum esse sermonem, teque Bruti dolentem vicem, quasi deflevisse iudiciorum vastitatem et fori.

Feci, inquam, istuc quidem, et saepe facio. Nam mihi, Brute, in te intuenti, crebro in mentem venit vereri, ecquodnam curriculum aliquando sit habitura tua et natura admirabilis, et exquisita doctrina, et singularis industria. Quum enim in maximis causis versatus esses, et quum tibi aetas nostra iam cederet, fascesque summitteret, subito in civitate quum alia ceciderunt, tum etiam ea ipsa, de qua disputare ordimur, eloquentia obmutuit.

Tum ille, Ceterarum rerum causa, inquit, istuc et doleo, et dolendum puto; dicendi autem me non tam fructus, et gloria, quam studium ipsum, exercitatioque delectat: quod mihi nulla res eripiet, te praesertim tam studioso. Etenim dicere bene nemo potest, nisi qui prudenter intelligit. Quare qui eloquentiae verae dat operam, dat prudentiae, qua ne maximis quidem in bellis aequo animo carere quisquam potest.

Praeclare, inquam, Brute, dicis, eoque magis ista dicendi laude delector, quod cetera, quae sunt quondam habita in civitate pulcherrima, nemo est tam humilis,

arbitror; q. d. rogo te ut possis, i. e. ne te posse dissimules.

portane monuit Ernesti. Vulg. si potero.

Aut plane) Bene sic emendavit Wetzelius. Vulg. aut sane.

Si potero) Ita scribendum esse op-

qui se non aut posse adipisci, aut adeptum putet: eloquentem neminem video factum esse victoria. Sed quo facilius sermo explicetur, sedentes, si videtur, agamus.

Quum idem placuisset illis, tum in pratulo propter Platonis statuum consedimus.

7. Hic ego, Laudare igitur eloquentiam, et quanta vis sit eius, expromere, quantamque his, qui sunt eam consequuti, dignitatem afferat, neque propositum nobis est hoc loco, neque necessarium. Hoc vero sine ulla dubitatione confirmaverim, sive illa arte pariatum aliqua, sive exercitatione quadam, sive natura, rem unam esse omnium difficillimam. Quibus enim ex quinque rebus constare dicitur, earum unaquaeque est ars ipsa magna per sese. Quare quinque artium concursus maximarum, quantam vim, quantamque difficultatem habeat, existimari potest. Testis est Graecia, quae quum eloquentiae studio sit incensa, iamdiuque excellat in ea, praestetque ceteris, tamen omnes artes vetustiores habet, et multo ante non inventas solum, sed etiam perfectas, quam haec est a Graecis elaborata dicendi vis, atque copia. In quam quum intueor, maxime mihi occurrunt, Attice, et quasi lucent Athenae tuae; qua in urbe primum se orator extulit, primumque etiam monumentis et literis oratio est coepta mandari. Tamen ante Periclem, cuius scripta quaedam feruntur, et Thucydidem, qui non nascentibus Athenis, sed iam adultis fuerunt, litera nulla est, quae quidem ornatum aliquem habeat, et oratoris esse videatur. Quamquam opinio est, et eum, qui multis annis ante hos fuerit, Pisistratum, et paulo seniore etiam Solo-

Expromere) Gu. 2, *exprimere*.

Qui sint) Gu. 1, *qui sunt*.

Hoc loco) Abest loco Gu. 1.

Hoc vero) Gu. 1, *Hec ego*. Gu. 2

Hoc vere.

nem, posteaque Clisthenem, multum, ut temporibus illis, valuisse dicendo. Post hanc aetatem aliquot annis, ut ex Atticis monumentis potest perspicui, Themistocles fuit; quem constat quum prudentia, tum etiam eloquentia praestitisse; post Pericles, qui quum floreret omni genere virtutis, hac tamen fuit laude clarissimus. Cleonem etiam temporibus illis, turbulentum illum quidem civem, sed tamen eloquentem constat fuisse. Huic aetati suppare Alcibiades, Critias, Theramenes; quibus temporibus quod dicendi genus vignerit, ex Thucydidi scriptis, qui ipse tum fuit, intelligi maxime potest. Grandes erant verbis, crebri sententiis, comprehensione rerum breves, et ob eam ipsam causam interdum subobscuri.

Ex Thucydidi scriptis) Vulg. *Thucydidis*. « Romanum vero volumen: *Ex Thucydidi scriptis*, quae mihi vera esse germanaque lectio videtur. Vitare voluit, opinor, asperum illum Cicero et inuavem concursum litterarum et geminatum sibilum. Propterea *S* detraxit de illo *Thucydidis*; ut et alias interdum; velut post de M. Cethego loquens: ut quam deam in Pericli labris scripsit Eupolis sensitavisse, et quae sequuntur. Nam praeterquam quod sic vetus habet exemplar, citat eodem modo semel atque iterum Politianus. Idem secundo de Oratore: omnes etiam tum retinebant illum Pericli suum. Sic est enim in antiquioribus, ubi Hervagius *Periclis*. Et hic Cicero iucundioris sonitus causa *S* detraxit. Persius quoque Satira quarta: Quo frctus dic hoc magni pupille Pericli? Sic Verrina quarta Cicero: quod Priscianus observavit: In *Timarchidis* potestate, pro *Timarchus*; qui tamen locus nunc corrupte legitur, non tam opinor incuria librario-

rum, quam temeritate scilicet. Sic *Diocli* septima Verrina pro *Dioclis*. Idem ad Att. IX: « Et odia improhorum rursus in nos, quae iam extincta erant, incendamus et Luceii consilia ac *Theophani* persequamur ». Et iterum: « Ariarathes Ariobarzani filius Romam venit pro *Ariobarzani* ». Item Virgilius Acri *Oronti*, primo Aeneidos, pro *Orontis*. Terentius *Archonidi* pro *Archonidis*: ut ante eum Plautus *Agathocli* et *Collicli* pro *Agathoclis*, *Colliclis*. Sic et Sallustius: Ad bellum *Persi* Macedonicum, pro *Persis*, id quod Corneius adnotavit, et Cicero (ad idem) *Filium* inquam *Ferri* pro *Ferris*. Consuasse veteres *S* litteram huiusmodi genitivis detrudere, testatur (ut alios omitam) Priscianus. Haetenus Io. Rivius, cuius disputatio doctior est Eruestii arbitrio, qui sine causa negat sibi hunc archaismum placere.

Crebri sententiis) Gueff. 1, 2 *crebris sententiis*.

Comprehensione rerum breves) Sic Gueff. 1. Vulgo *compressione rerum*

8. Sed ut intellectum est, quantam vim haberet accurata, et facta quodammodo oratio, tum etiam magistri dicendi multi subito exstiterunt. Nam Leontinus Gorgias, Thrasymachus Chalcedonius, Protagoras Abderites, Prodicus Ceus, Hippias Heleus, in honore magno fuit, alique multi temporibus eisdem. Hi docere se profitebantur, arrogantibus sane verbis, quemadmodum causa inferior (ita enim loquebantur), dicendo fieri superior posset. Iis opposuit sese Socrates, qui subtilitate quadam disputandi refellere eorum instituta solebat. Huius ex uberrimis sermonibus exstiterunt doctissimi viri; primumque tum philosophia, non illa de natura, quae fuerat antiquior, sed haec, in qua de bonis rebus, et malis, deque hominum vita, et moribus disputatur, inventa dicitur. Quod quoniam genus ab hoc, quod proposuimus, abhorret, philosophos aliud in tempus reiiciamus; ad oratores, a quibus degressi sumus, revertamur. Exstitit igitur iam senibus illis, quos paulo ante diximus, Isocrates, cuius domus cunctae Graeciae quasi ludus quidam patuit, atque officina dicendi, magnus orator, et perfectus magister, quamquam forensi luce caruit, intraque parietes aluit eam gloriam, quam nemo, meo quidem iudicio, est postea consequutus. Is et ipse scripsit multa praeclare, et docuit alios; et cum cetera melius quam superiores, tum primus intellexit, etiam in soluta oratione, dum versum effugeres, modum tamen, et numerum quandam

breues. Iam Gesnerus in Thesouro L. v. *Compressio*, coniecerat legendum esse *comprehensione*. Eodem modo Cic. de Fin. II, 20 dicuntur *breviter comprehensae sententiae*.

Nam *Leontinus* — *temporibus eisdem. Hi docere*) Ita Schütz non monito lectore, an e Mss., an ex coniectura.

Ceterum edd. omnes quas inspexi, lectionem a Victorio invecam exhibent: *Tum Leontinus — in honore magno fuit; alique multi temporibus eisdem docere se profitebantur*. Ed. T.

Causa inferior. Guelsh. i omistum causu.

oportere servari. Ante hunc enim verborum quasi structura, et quaedam ad numerum conclusio nulla erat; aut, si quando erat, non apparebat eam dedita opera esse quaesitam; quae forsitan laus sit; verumtamen natura magis tum, casuque nonnunquam, quam aut ratione aliqua, aut observatione fiebat. Ipsa enim natura constructione quadam verborum comprehendit, concluditque sententiam; quae quum aptis circumscripta verbis est, cadit etiam plerumque numerose. Nam et aures ipsae, quid plenum, quid inane sit, iudicant, et spiritu, quasi necessitate aliqua, verborum comprehensio terminatur; in quo non modo defici, sed etiam laborare turpe est.

9. Tum fuit Lysias, ipse quidem in causis forensibus non versatus, sed egregie subtilis scriptor, atque elegans, quem iam prope audeas oratorem perfectum dicere. Nam plane quidem perfectum, et in quo nihil admodum desit, Demosthenem facile dixeris. Nihil acute inveniri potuit in eis causis, quas scripsit, nihil (ut ita dicam) subdole, nihil versute, quod ille non viderit; nihil subtiliter dici, nihil presse, nihil enucleate, quo fieri possit aliquid limatius; nihil contra graude, nihil incitatum, nihil ornatum vel verborum gravitate, vel

Dedita opera) Non est quod hoc cum Schneidero abesse malis. Nam eo sublato et sententia debiliior fieret, et numerus langueret.

Quam aut ratione aliqua) Gueff. 1, 2 omittit *quam*. Priscianus h. l. ita excitat: *Verumtamen natura magis tunc, casuque nonnunquam, haud ratione aliqua aut ulla observatione fiebat*. In Victor. sic legitur: *verumtamen natura magis, tunc casu nonnunquam quam aut ratione aliqua aut ulla observatione fiebat*.

Constructione) Victor. Camerar. *circumscriptione*.

Circumscripta) Gueff. 2 *conscripta*. Victor Camerar. *constricta*.

Et in quo nihil admodum desit) Vulgo, et cui nihil admodum desit. Gueff. 1, et cui in quo nihil admodum desit, quod Hensingero auctore praetulimus. Et sic iam ed. Omnib. Cf. de Orat. III, 4 extr. ubi dicitur: *ut neque in Antonio desset hic ornatus*.

Nihil ornatum vel verborum gravitate vel sententiarum) Gothofredi coniectura, *vel verborum granditate, vel sententiarum gravitate* admittere non potest, quia iam praecesserat, *nihil contra grande*.

sententiarum, quo quidquam esset elatius. Huic Hyperides proximus, et Aeschines fuit, et Lycurgus, et Dinarchus, et is, cuius nulla exstant scripta, Demades, aliique plures. Haec enim aetas effudit hanc copiam; et, ut opinio mea fert, succus ille, et sanguis incorruptus usque ad hanc aetatem oratorum fuit, in qua naturalis inesset, non fucatus nitor. Phalereus enim successit eis senibus adolescens, eruditissimus ille quidem horum omnium, sed non tam armis institutus, quam palaestra. Itaque delectabat magis Athenienses, quam inflammabat. Processerat enim in solem et pulverem, non ut e militari tabernaculo, sed ut e Theophrasti, doctissimi hominis, umbraculis. Hic primus inflexit orationem, et eam mollem teneramque reddidit; et suavis, sicut fuit, videri maluit, quam gravis, sed suauitate ea, qua perfunderet animos, non qua perstringeret; tantum ut memoriam concionitalis suae, non (quemadmodum de Pericle scripsit Eupolis) cum delectatione aculeos etiam relinqueret in animis eorum, a quibus esset auditus.

10. Videsne igitur, vel in ea ipsa urbe, in qua et

Aliique plures) Lambin. *aliique complures.*

Et opinio mea fert) Guelf. 1, ut opinio nostra fert.

Non tam armis institutus, quam palaestra) Lambinus dedit *palestrae*. Sic Cicero rem ad quam institutus esset Demetrius designasset; nempe eum se exerceuisse institutumque fuisse ad genus dicendi epidicticum, non ad forense; quemadmodum de Orat. I, cap. 18: *nitidum quoddam genus est verborum et laetum, sed palaestrae magis et olei, quam huius civilis urbae mo fori*. Praestat tamen altera lectio *valestra*. Nam etiam paulo post Cicero de ipsa institutione Demetrii seu

de eius ratione discendi ac studio loquitur, quum dicit: *Processerat — non ut e militari tabernaculo, sed ut e Theophrasti — umbraculis*. Itaque significat Demetrium non tam eloquentiam forensem, quam epidicticam didicisse.

Perstringeret) Hanc Guelf. 1 lectionem vulgatae *perfringeret* una cum Schneidero praeferebam iudicavi. Aptè is comparavit locum cap. 92: *consulatusque meus, qui illum primo leviter perstrinxerat*, i. e. pupugerat, recteque *monuit, aculeos*, qui paulo post h. l. memorantur, verbo *perstringere* potius convenire.

Vel in ea ipsa urbe) Optime sic

nata et alta sit eloquentia, quam ea sero prodierit in lucem? Siquidem ante Solonis aetatem, et Pisistrati, de nullo, ut deserto, memoriae proditum est. At hi quidem, ut populi Romani aetas est, senes; ut Atheniensium secula numerantur, adolescentes debent videri. Nam etsi Servio Tullio regnante viguerunt, tamen multo diutius Athenae iam erant, quam est Roma ad hodiernum diem; nec tamen dubito, quin habuerit vim inaguam semper oratio. Neque enim iam Troicis temporibus tantum laudis in dicendo Vlyssi tribuisset Homerus, et Nestori (quorum alterum vim habere voluit, alterum suavitatem), nisi iam tum esset honos eloquentiae; neque ipse poeta hic tam idem ornatus in dicendo, ac plane orator fuisset; cuius etsi incerta sunt tempora, tamen annis multis fuit ante Romulum; siquidem non infra superiorem Lyncurgum fuit, a quo est disciplina Lacedaemoniorum astricta legibus.

11. Sed studium eius generis, maiorque vis agnoscitur in Pisistrato. Denique hunc proximo seculo Themistocles insequutus est, ut apud nos, perantiquus; ut apud Athenienses, non ita sane vetus. Fuit enim regnante iam Graecia, nostra autem civitate non ita pridem dominatu regio liberata. Nam bellum Volscorum illud gravissimum, cui Coriolanus exsul interfuit, eodem fere tempore, quo Persarum bellum, fuit, similisque fortuna clarorum virorum. Siquidem uterque, quum civis egregius fuisset, populi ingrati pulsus iniuria, se ad hostes contulit, conatunque iracundiae suae morte sedavit. Nam etsi aliter est apud te, Attice, de Coriolano, concede tamen, ut huic generi mortis potius assentiar. At ille ridens, Tuo vero, inquit, arbitrato; quoniam quidem concessum est rhe-

emendavit Heusingerus. *Vulg. ut in Ernestidelevit ut, ea ipsa urbe; et sic Guelf. uterque.*

toribus ementiri in historiis, ut aliquid dicere possint argutius. Vt enim tu nunc de Coriolano, sic Clitarchus, sic Stratocles de Themistocle finxit. Nam, quem Thucydides, qui et Atheniensis erat, et summo loco natus, summusque vir, et paulo aetate posterior, tantum mortuum scripsit, et in Attica clam humatum; addidit, fuisse suspicionem veneno sibi conscivisse mortem: hunc isti aiunt, quum taurum immolavisset, excepisse sanguinem patera, et eo potu mortuum concidisse. Hanc enim mortem rhetorice et tragice ornare potuerunt: illa mors vulgaris nullam praebebat materiem ad ornatum. Quare, quoniam tibi ita quadrat, omnia fuisse in Themistocle paria et Coriolano, pateram quoque a me sumas licet; praebebo etiam hostiam, ut Coriolanus sit plane alter Themistocles. Sit saue, inquam, ut lubet, de isto; et ego cautius posthac historiam attingam, te audiente; quem rerum Romanarum auctorem laudare possum religiosissimum. Sed tum fere Pericles, Xantippi filius, de quo ante dixi, primus adhibuit doctrinam; quae quamquam tum nulla erat dicendi, tamen ab Anaxagora physico eruditus exercitationem mentis a reconditis abstrusisque rebus ad causas forenses popularesque facile traduxerat. Huius suavitate maxime hilaratae sunt Athenae; huius ubertatem et copiam admiratae, eiusdem vim dicendi terroremque timuerunt.

Ad ornatum) Al. *ad ornandum*.

Et Coriolano) Lamb. et in *Coriolano*. Verius fortasse,

* *Huius suavitate maxime hilaratae sunt Athenae*) Quam hic suavitatem appellet, plane intelligitur e cap. 6 Partit. oratoriar. ubi snave genus dicendi fusius exponitur. Nun repugnat igitur, quod Cicero Offic. I,

30 ait summam auctoritatem Periclem esse consequutum sine ulla hilaritate. Hilaritas enim in iocis et facetiis spectatur, a quibus abhorrebat Periclis ingenium. Quare Plutarchus in eius vita, τὸν λόγον ὑψηλὸν εἶχεν, inquit, καὶ καθαρὸν ὀχλεῖσθαι καὶ παρούργου βωμολοχίας, ἀλλὰ καὶ προσώπου σύστασις ἀδρυστος εἰς γέλωτα. Quam h. l. suavitatem dixit Cicero,

12. Haec igitur aetas prima Athenis oratorem prope perfectum tulit. Nec enim in constituentibus rempublicam, nec in bella gerentibus, nec in impeditis, ac regum dominatione devinctis, nasci cupiditas dicendi solet. Pacis est comes, otiique socia, et iam bene constitutae civitatis quasi alumna quaedam eloquentia. Itaque ait Aristoteles, quum, sublati in Sicilia tyrannis, res privatae longo intervallo iudiciis repeterentur, tum primum, quod esset acuta illa gens, et controversiis nata, artem et praecepta Siculos, Coracem, et Tisiam conscripsisse. Nam autem neminem solitum via, nec arte, sed accurate tamen, et de scripto plerosque dicere; scriptasque fuisse et paratas a Protagora rerum illustrium disputationes, quae nunc communes appellantur loci. Quod idem fecisse Gorgiam, quum singulorum rerum laudes vituperationesque conscripsisset; quod iudicaret hoc oratoris esse maxime proprium, rem augere posse laudando, vituperandoque rursus affigere. Huic Antiphontem Rhannusium similia quaedam habuisse conscripta, quo neminem unquam melius

eam sibi de Orat. III, 34; *leporum* appellat.

Et controversiis nata) Ed. Omnib. aliaeque, ut Victor. et *controversia natura*. Vulg. ut Camerar. et *controversia natura*. quod Ernesti, si sanum esset, significare posse putabat, Siculam naturam proclivem ad controversias fuisse. Atqui hic sensus, etsi verus et necessarius, nullo modo per Latinitatem verbis *controversa natura* exprimi potest. Itaque nihil melius est Jacobii emendatione, per literas mecum communicata, quam in ordinem recipere nullus dubitavi. *Gens controversiis nata* recte dicitur ad controversias proclivis. Ceterum Schaeferus difficultatem vulgatae lectionis

transpositione sublevabat, hoc modo: *quum, sublati in Sicilia tyrannis, res privatae longo intervallo controversiis et iudiciis repeterentur, tum primum, quod esset acuta illa gens natura, artem et praecepta Siculos—conscripsisse.*

Appellantur) Camerar. *appellantur*.

Habuisse conscripta) Hactenus ex Aristotele retulit Cicero: sequentia quo neminem, ad Thucydidem auctorem referuntur. Locus est de bello Pelop. VIII, 68. Quae deinde sequuntur: *nem Lysiam—transulisse rorsus ex Aristotelis libro de artibus Rhetorum de prompta.*

ullam oravisse capitis causam, quum se ipse defenderet, se audiente, locuples auctor scripsit Thucydides. Nam Lysiam primo profiteri solitum artem esse dicendi; deinde, quod Theodorus esset in arte subtilior, in orationibus autem ieunior, orationes eum scribere aliis coepisse, artem removisse. Similiter Isocratem primo artem dicendi esse negavisse, scribere autem aliis solitum orationes, quibus in iudiciis uterentur: sed, quum ex eo, quia quasi comitteret contra legem, quo quis iudicio circumveniretur, saepe ipse in iudicium vocaretur; orationes aliis destitisse scribere, totumque se ad artes componendas transtulisse.

13. Et Graeciae quidem oratorum partus, artisque fontes vides, ad nostrorum annalium rationem, veteres; ad ipsorum, sane recentes. Nam antequam deleta est Atheniensium civitas hac laude dicendi, multa

Sed, quum ex eo—saepe ipse in iudicium vocaretur) Non placet Ernestii coniectura: saepe ipse in iudicium vocaretur. Si hoc Cicero voluisset, simpliciter scripsisset: in iudicium vocaretur. Quia autem additur saepe ipse, respiciuntur verba: quo quis iudicio circumveniretur. Ceterum nec Isocratis de es re silentium, nec Plutarchi testimonium, qui his tantum Isocratem in iudicium vocatum esse scribit, eo valet, ut a vulgata h. l. lectione discedendum sit.

Quo quis iudicio circumveniretur) Gothofr. citat. lectionem: quo quis in iudicio circumveniretur. Id hoc loco aptius videtur. Iudicio circumvenire aliquem est accusationem s. crimen conflare, quo ille condemnatur. Ita Cie. or. pro Cluent. c. 68 init. In iudicio autem aliquis circumvenitur, quum ei adversarius insidias necit, calumnia quadam, vel artibus illicitis.

Ad artes componendas) A Ms. Corradi uno itemque Lambinialtero aberrat componendas. Id autem recte defendit Ernestius, ut e Graeco expressum: siquidem etiam Plutarchus in Isocrate narrat auctores quondam docere eum *τις τας συγγραμμάτων*.

Et Graeciae quidem oratorum partus artisque fontes vides) Vulgo legebatur: *Et Graeciae quidem oratorum partus fontesque vides*, in quo acule quidem Ernestius sensit non bene convenire partus et fontes; minus feliciter autem postremum vocabulum in foetus mutandum censuit; qua tautologia nihil esset frigidius. Itaque potius correxi artisque fontes. Nam Cicero primum docuimus c. 10, 11, qui prius fuissent Graeciae oratores; deinde c. 12 artis rhetoricae fontes inde a Corace et Tisia repetierat.

iam memorabilia et in domesticis et in bellicis rebus effecerat. Hoc autem studium non erat commune Graeciae, sed proprium Athenarum. Quis enim aut Argivum oratorem, aut Corinthium, aut Thebanum scit fuisse temporibus illis? nisi quid de Epaminonda, docto homine, suspicari libet. Lacedaemonium vero usque ad hoc tempus audiui fuisse neminem. Menelaum ipsum, dulcem illum quidem tradit Homerus, sed pauca dicentem. Brevitatis autem laus est interdum in aliqua parte dicendi, in universa eloquentia laudem non habet. At vero extra Graeciam magna dicendi studia fuerunt, maximique huic laudi habiti honores illustre oratorum nomen reddiderunt. Nam ut semel e Piraeo eloquentia evecta est, omnes peragravit insulas, atque ita peregrinata tota Asia est, ut se externis oblineret moribus, omnemque illam subtilitatem Atticae dictionis, et quasi sanitatem perderet, ac linguam paene dediceret. Hinc Asiatici oratores non contemnendi quidem nec celeritate, nec copia, sed parum pressi et nimis redundantes, Rhodii saniores, et Atticorum similiores.

Susplicari libet) Guelf. 1, 2, *susplicari libet*.

Omniemque illam subtilitatem Atticae dictionis) Sic e conjectura Ernestii rescripti. Vulgatum enim *omniemque illam salubritatem Atticae dictionis* ferri non potest, quia sequitur: *et quasi sanitatem*. Victor. autem et Camerar. omissa copula edidit *quasi sanitatem*. Fieri lamen etiam potest, ut Cicero scripsit: *omniemque illam sinceritatem*. Sic enim c. 55 de Coelia: *Nihil erat in eius oratione nisi sincerum, nisi sicum atque sanum*. Laminus vitio vulgatae sic medebatur, ut *deleto salubritatem* scriberet. *omniem-*

que illam Atticae dictionis quasi sanitatem.

* *Ac linguam paene dediceret*) Vulgo, *ac loqui paene dediceret*. At quum hic agitur de Asiatico genere dicendi, quod nimia verborum copia redundabat, dici non poterat, eo devenisse illorum oratorum eloquentiam, ut loqui paene dediceret. Nam qui loqui dediscit, is obmutescit. At illi ab Attico dicendi genere ad Asiaticum desciscabant; h. e. alia quadam quasi lingua loquentes, pristinam linguam dediscabant. Itaque pro *loqui* fidenter substitui *linguam*. Ceterum in Ed. Omnib. *ac loqui paene dediceret*.

Sed de Graecis hactenus. Etenim haec ipsa forsitan fuerunt non necessaria.

14. Tum Brutus, Ista vero, inquit, quam necessaria fuerint, non facile dixerim: iucunda certe mihi fuerunt, neque solum non longa, sed etiam breviora, quam vellem.

Optime, inquam; sed veniamus ad nostros, de quibus difficile est plus intelligere, quam quantum ex monumentis suspicari licet. Quis enim putet aut celebritatem ingenii L. Bruto illi, nobilitatis vestrae principi, defuisse? qui de matre suaviauda ex oraculo Apollinis tam acute arguteque coniecero, qui summam prudentiam simulatione stultitiae texerit; aut eloquentiam? qui potentissimum regem, clarissimi regis filium, expulerit, civitatemque, perpetuo dominatu liberatam, magistratibus annuis, legibus iudiciisque devinxerit; qui collegae suo imperium abrogaverit, ut e civitate regalis nominis memoriam tolleret; quod certe effici non potuisset, nisi esset oratione persuasum. Videmus item paucis annis post reges exactos, quum plebes prope ripam Anienis ad tertium milliarium consedisset, eumque montem, qui sacer appellatus est, occupavis-

* *Bruto*) L. Iunio Bruto, qui Marci filius fuit. Marcus vero Iunius, quum, ut auctor est Dionysius, duceret originem ab uno eorum, qui cum Aenea coloniam deduxerant in Italiam, et dives esset, dignus est iudicatus, cui Tarquinius Priscus Tarquiniam filiam uxorem daret: ex qua duos filios sustulit, M. Iunium, ut nos putamus, et hunc L. Iunium, qui postea *Brutus* est appellatus; quod quum patrem primum, deinde Marcum fratrem, quod divites et prudentes essent, a Tarquinio Superbo et quidem annulo suo interfectos intellexisset, ne

et ipse interficeretur, se stultum esse simulavit. CORR.

* *De matre suaviauda*) Quum vox, inquit Livius, ex infans specu sic reddita fuisset: *Imperium summum Romae habebit, qui vestrum prius, o iuvenes, osculum matritulerit*: quumque Tarquinii de osculo matri suae ferendo cogitarent, L. Brutus alio ratus spectare Pythicam vocem, velut si prolapsus cecidisset, terram osculo contigit, scilicet quod ea communis mater omnium mortalium esset. IDEM.

Quum plebes) Quum, quum plebs.

set, M. Valerium dictatorem dicendo sedavisse discordias, eique ob eam rem honores amplissimos habitos, et eum primum ob eam ipsam causam Maximum esse appellatum. Ne L. Valerium quidem Potitum arbitror non aliquid potuisse dicendo, qui, post decemviralem invidiam, plebem in patres incitatum legibus et concionibus suis mitigaverit. Possumus Appium Claudium suspicari disertum, quia senatum iamiam inclinatum a Pyrrhi pace revocaverit; possumus C. Fabricium, quia sit ad Pyrrhum de captivis recuperandis missus orator; Ti. Coruncanium, quod ex pontificum com-

* *L. Valerium Potitum*) P. Valerii, qui consul iterum Ap. Herdonium Capitolium tenentem obsedit, et interfectus fuit, filium: et Publii Valerii Publicolae, qui reges eiecit, nepotem, ut docet Dionysius lib. XI, ubi scribit ille quidem hunc cognominis *Potitum* dictum fuisse; sed causam nec ipse, nec alius, quem nos videmus, refert. CORNADVS.

Mitigaverit) *Lambin. mitigavit.*

Revocaverit) *Guelf. 1, Lambin. revocavit.*

* *C. Fabricium*) Hic est C. Fabricius Luscinus, qui cum Q. Aemilio his consul, et censor fuit; cui paupertas, quam negant alii se ferre posse, ut ait Cicero, tolerabilis fuit; et quidem ita, ut quum Samnites, quos universos in clientelam habebat, ad eum decem aeris, et quinque pondo aequali, totidemque vervos misissent, ipse in Samnium, ut scribit Valerius, IV, 3, remiserit; illud quod refert Gellius I, 14 praefatus sibi, dum membris, quas cupiditate moventur, obistere atque imperare posset, nunquam quidquam defuturum. Hinc missus ad Pyrrhum regem, ut de reconciliatione captivis ageret, simul, ut

patriam desereret, ab eo tentatus est. Eius enim amicitiam et aurum, atque adeo quartam regni partem, ut scribit Eutropius, sprexit. Illud etiam Fabricii factum laudatur, de quo Cicero lib. III de Offic. ita scribit: *Perfuga a Pyrrho venit in castra Fabricii, eique est pollicitus, si praemium sibi proponisset, se, ut clam venisset, sic clam in Pyrrhi castra rediturum, et enim veneno necaturum. Hunc Fabricius reducendum curavit ad Pyrrhum, idque eius factum a senatu laudatum est.* Cum Cicero Livius, Eutropius, et Frontinus sentiant, Quadrigarium, ut arbitror, sequuti: sed alii scriptores, paene omnes, dissentiant. CORNAD.

* *T. Coruncanium*) Hic anno V. C. 473 consul cum P. Valerio Lucino fuit: et primus ex plebe pontifex maximus creatus est, ut lib. XVIII refert Livius, qui tamen libro X scripserat, legem latam fuisse multo ante, ut quatuor pontifices de plebe adlegereutur: sed illi pontifices erant minores, hic pontifex maximus appellabatur. Hinc sunt illa Ciceronis verba in Orat. pro Domio: *Omnia ex Coruncani auctoritate, qui peritissimus pontifex fuisse dicitur,*

mentariis longe plurimum ingenio valuisse videatur; M' Curium, quod is tribunus plebis, interrege Appio Caeco, diserto homine, comitia contra leges habente, quum de plebe consulem non accipiebat, patres aule auctores fieri coëgerit; quod fuit permagnum, nondum lege Maenia lata. Licet aliquid etiam de M. Popillii ingenio suspicari, qui quum consul esset, eodemque tempore sacrificium publicum cum laena faceret, quod erat flamen Carmentalis, plebei contra patres concilatione et seditione nunciata, ut erat laena amictus, ita venit in concionem, seditionemque quum auctoritate, tum oratione sedavit. Sed eos oratores habitos esse,

acta esse constaret. Hunc sapientem veteres iudicabant, ut in Laelio Cicero testatur; ubi illum cum Fabricio, et Curio etiam coniungit. INEM.

* *M' Curium*) Hic est Manius Curius, *Dentatus* appellatus, quod, ut ait Plinius, cum dentibus sit natus, vir ab omnibus scriptoribus magnopere commendatus: qui consul enim P. Cornelio Rufino, Samnitibus caesis, et Sabinis, qui rebellabant, victis, atque, ut Livius libro XI refert, in deditionem seceptis, bis in eodem magistratu triumphavit: ac consul iterum factus eum L. Cornelio Lentulo quum delectum, ut Livius et Valerius scribunt, haberet, eius qui citatus non responderat, bona vendidit: Pyrrhum iterum ex Sicilia in Italiam reversum vicit, et Italia expulit, atque de illo triumphavit. Primus etiam, ut auctor est Eutropius, Romam quatuor elephantes duxit, Lucas boves tunc appellatos, quod in Lucanis tum primum visi fuissent. Extremum vero tempus aetatis in vita rustica consumpsit, ita quidem, ut agrum, quod ait Plutarchus in Catone, fodiret: cui ad focum sedenti magnum aurum pon-

das quum Samnites attulissent, repndiunt sunt. Non enim aurum habere praeclearum sibi videri dixit, sed iis qui haberent aurum, imperare. IUDT.

Quod fuit permagnum) Guelf. 1, 2, Ed. Omnib. *Camerar. quod fuerit permagnum.*

* *Leges Maenia*) Lata a Maenio tribuno plebis, anno Urbis 467, ut patres ante inita a populo suffragia, fierent auctores eius rei, quam populus iussurus esset, neque adeo reprehendere comitia, hoc est, irrita facere possent. Vide Gronovium, *Observ.* 1, 25, qui locum hunc Ciceronis egregie illustrat. ERNEST.

* *M. Popili*) Qui quater consul fuit, et in primo quidem et secundo consulatu Tiburtes vicit; in tertio vero cum Gallis bellum gessit, in quo etiam vulnus accepit, sed eos tandem quum vicisset, triumphavit; in quarto quum foris pax, et domi concordia esset, nihil, quod magis fuerit momenti, gessit. Popillii autem erant plebei, ut Livius ostendit, vel de hoc M. Popili, ista verba scribens: *M. Popilius Laenas a plebe consul, a patribus L. Cornelius Scipio electus.* Et

aut omnino tum ullum eloquentiae praemium fuisse, nihil sane mihi legisse videor; tantummodo coniectura ducor ad suspicandum. Dicitur etiam C. Flaminius, is, qui tribunus plebis legem de agro Gallico et Piceno viritim dividendo tulit, qui consul apud Trasimenum est interfectus, ad populum valuisse dicendo. Q. etiam Maximus Verrucosus orator habitus est temporibus illis; et Q. Metellus, is, qui bello Punico secundo cum L. Veturio Philone consul fuit.

15. Quem vero exstet, et de quo sit inemoriae proditum, eloquentem fuisse, et ita esse habitum, primus est M. Cornelius Cethegus, cuius eloquentiae est au-

Paterculus P. Laenatem tribunum plebis vocat. CORRAD.

* C. Flaminius) C. Quintus Flaminius. Fuit enim ex Quintiis, quos scribit Livius a Tullo rege in patres lectos, quum inter Albanorum principes essent, unde postea semper ea gens patricia fuit; in qua, quod refert Plinius, aurum ne feminas quidem habere mos fuit, tantum aberat, ut viri haberent. Quintia gens, inquam, fuit patricia: sed quum Flaminius hic dicitur tribunus plebis, apparet vel eam duplicem, patriciam et plebeiam, vel eam ex alia gente potius fuisse. ID.

. Q. etiam Maximus Verrucosus) Laub. Q. etiam Fabius Maximus Verrucosus.

* Q. etiam Maximus) Q. Fabius Maximus Verrucosus, Ovicula, Cunctator. Fabius patricios fuisse cum veterum monumenta paene omnia, tum Livius lib. II saepe testatur. Verrucosus autem dictus est a verruca in labris, ut ait auctor libelli de Viris Illustr. A Plutarcho vero, scribitur Βρόχωνος, quod in superiore labro carunculam habet. Ovicula di-

ctus est a clementia, ut inquit idem auctor de Viris illustr. et Plutarchus. Cunctator autem, quod, ut inquit Eumius, unus homo nobis cunctando restituit rem. CORRAD.

* Q. Metellus) Quintus Caecilius Metellus: Caeculus enim Praeneste condidit, unde putant Caecilios ortos, quorum erat nobilis apud Romanos familia. Alii aliter sentiunt. Hic autem Q. Caecilius Metellus aedilis cum C. Servilio, legatus cum L. Veturio M. Livii et C. Claudii consulum, magister equitum eiusdem M. Livii Dictatoris: consul cum eodem L. Veturio, dictator comitiorum causa, ac tandem daceviri apud Livium cognoscitur. Plura invenire non potuimus, quomvis etiam diligenter quassaverimus. Itaque ne scira quidem potuimus, quare orator sit habitus. IDEM.

Quam vero exstet) Camerar. qui vero exstet.

*) Cethegum) Ia est M. Cornelius Cethegus, qui censor ante consulatum fuit, deinde consul Etruriam provinciam sortitus est; postremo proconsul in Gallia cum Magne collatis

ctor, et idoneus quidem, mea sententia, Q. Ennius, praesertim quum et ipse eum audiverit, et scribat de mortuo; ex quo nulla suspicio est, amicitiae causa esse mentitum. Est igitur sic apud illum in nono (ut opinor), annali:

Additur orator Cornelia' suaviloquenti
Ore Cethegus Marcus, Tuditano collega.
Marci filius; — —

et oratorem appellat, et suaviloquentiam tribuit; quae nunc quidem nulla est in plerisque; latrant enim iam quidam oratores, non loquuntur. Sed est ea laus eloquentiae certe maxima.

— — is dictus popularibus olim,
Qui tum videbant homines, atque aevum agitabant,
Flos delibatus populi,

Probe vero. Ut enim hominis decus ingenium, sic ingenii ipsius lumen est eloquentia, qua virum excellentem praeclare tum illi homines florem populi esse dixerunt.

— — Suadaeque medulla.

Πειθὺν quam vocant Graeci, cuius effector est orator,

signis feliciter pugnavit: quae quidem omnia tu apud Liv. xxvii, xxix et xxx invenies. Horatius poëta Cethegos cinctos appellat, quod is mos esset Cethegis, ut cincti et paene nudi in bellum proficiscerentur; unde Lucanus et Silius eos nudos et exsertos vocarunt. CORRAD.

Et idoneus quidem, mea sententia Ed. Omnib. et idoneus, mea quidem sententia, verius fortasse.

Quae nunc quidem nulla est in plerisque Verissime sic emendavit Heusingerus. Vulg. quae nunc quidem non tam est in plerisque.

Aevum agitabant) Ed. Omnib. aevum agebant.

**Flos delibatus*) i. e. exquisitus, ut mirum sit hoc verbum coniectoris sollicitatum fuisse, quarum alia alia fatilior est. Merula *illibatus*, alius nescio quis, *delibutus*, Verburgius (quod vis homini sano in mentem venire potuisse putes) *delibratus*; nuper Purgoldus *delicatus* proposuit, iambum sic pro spondeo hexametro obtradi nescius.

Suadaeque medulla) Ita scripsit Ennius, non *et suada medulla*, ut vulgo legitur apud Gellium Noct. Att. lib.

hanc *Suadam* appellavit Ennius; ut, quam deam in Periclis labris scripsit Eupolis sessitavisse, huius hic medullam nostrum oratorem fuisse dixerit. At hic Cethegus consul cum P. Tuditano fuit bello Punico secundo, quaestorque his consulibus M. Cato, modo plane annis CLX ante me consulem, et id ipsum nisi unius esset Ennii testimonio cognitum, hunc vetustas, ut alios fortasse multos, oblivione obruisset. Illius autem aetatis qui sermo fuerit, ex Naevianis scriptis intelligi potest. His enim consulibus, ut in veteribus commentariis scriptum est, Naevius est mortuus; quamquam Varro noster, diligentissimus investigator antiquitatis, putat in hoc erratum, vitamque Naevii producit longius. Nam Plautus P. Claudio, L. Porcio consulibus, viginti annis post illos, quos ante dixi, consules mortuus est, Catone censore.

16. Hunc igitur Cethegum consequutus est aetate Cato, qui annis IX post eum fuit consul. Eum pos ut perveterem habemus, qui L. Marcio, M' Manilio consulibus mortuus est, annis LXXXIII ipsis ante me consulem. Nec vero habeo quemquam antiquiorem, cuius quidem

XII, cap. 2 ubi Senecae iudicium de his versibus carpit.

In *Periclis labris*) Victor. in *Pericli labris*, rectius.

Scripsit Eupolis) In versiculis ex eius comoedia *Δελφοί* ab Aristophanis Scholiaste ad vs. 529 Achaenensium servatis: Κράτιστος οὗτος ἐγένετ' ἀνδρώπων λέγειν· ὅποτε παρὶθι, ὥστε οἱ ἑταροὶ θρονοῖς ἐκκαθίστασθαι λέγων ὑπερβῆται ῥήτορας. Τυχὺς λέγειν μὲν, πρὸς δὲ γ' αὐτοῦ τῷ τάχει Παῖδς τις ἐπακρόατο τοῖσι χεῖρασιν. Οὕτως ἐκέλευε, καὶ μόνος τῶν παρόντων τὸ κέντρον ἐγκατέλειπε τοῖς

ἀνθρώποις. Hos versus respexit Cicero de Orat. III, 34: cuius in *labris veteres comiri, etiam quum illi maledicerent* (quod tum *Athenis fieri licet*) *Leporem habitasse dixerant, tantumque in eo vim fuisse, ut in eorum mentibus, qui audissent, quasi aculeos quosdam relinqueret.* Quoi loco tamen vix credibile est Ciceronem Παῖδς latine *Leporem* reddere voluisse. Fortasse alius Comicus Eupolidem imitatus Χάρην in *Pericli labris* sedisse dixerat, nisi forte Ciceronem ibi memoria fecellit. Ceterum cf. Quintil. X, 1, 82; Plin. Epp. I, 20, 7 ed. Gess.

scripta proferenda putem, nisi quem Appii Caeci oratio haec ipsa de Pyrrho, et nonnullae mortuorum laudationes forte delectant. Et hercules hae quidem exstant; ipsae enim familiae sua quasi ornamenta ac monumenta servabant, et ad usum, si quis eiusdem generis occidisset, et ad memoriam laudum domesticarum, et ad illustrandam nobilitatem suam. Quamquam his laudationibus historia rerum nostrarum est facta mendosior. Multa enim scripta sunt in eis, quae facta non sunt; falsi triumphi, plures consulatus, genera etiam falsa, et a plebe transitiones, quum homines humiliores in alienum eiusdem nominis infunderentur genus; ut, si ego me a M' Tullo esse dicerem, qui patricius cum Servio Sulpicio consul, anno x post exactos reges fuit. Catonis autem orationes non minus multae fere sunt, quam Attici Lysiae; cuius arbitrator plurimas esse. Est enim Atticus, quoniam certe Athenis est et natus, et mortuus, et functus omni civium munere; quamquam Timaeus eum, quasi Licinia et Mucia lege, repetit Syracusas. Et quodam modo est nonnulla in iis etiam inter ipsos similitudo. Acuti sunt, elegantes, faceti, breves; sed ille Graecus ab omni laude felicior. Habet enim certos sui studiosos, qui non tam habitus corporis opimos, quam gracilitates consecretentur; quos, valetudo modo bona sit, tenuitas ipsa delectet. Quamquam in Lysia sunt saepe etiam lacerti,

Et a plebe transitiones) Recte sic Lambin. Ernestinusque correxit vulg. et ad plebem transitiones.

In alienum) Guelf. 1, in alicuius.

A M' Tullo) Sic emendavit Heusingerus. Vulg. a M' Tullio.

Patricius cum Servio Sulpicio consul) Sic recte Guelf. 1, 2. Victor. Vulgo consule, male.

Non minus multae fere sunt) Opti-

me sic Guelf. 2 et Victor. Vulg. non minus multae verae sunt. In Gn. 1 est simpliciter non minus multae sunt.

Et quodam modo est nonnulla in iis, scil. orationibus, inter ipsos, Lysiam et Catonem similitudo. Eam Atticus non concedit c. 85.

Delectet) Guelf. 1, 2, delectat, quod non spreverim, modo paulo ante etiam reponas consecretantur.

sic ut fieri nihil possit valentius; verum est certe genere toto strigosior. Sed habet tamen suos laudatores, qui hac ipsa eius subtilitate admodum gaudeant.

17. Catonem vero quis nostrorum oratorum, qui quidem nunc sunt, legit? aut quis novit omnino? At quem virum? dii boni! mitto civem, aut senatorem, aut imperatorem; oratorem enim hoc loco quaerimus; quis illo gravior in laudando? acerbior in vituperando? in sententia argutior? in docendo edisserendoque subtilior? Refertae sunt orationes amplius centum quinquaginta (quas quidem adhuc invenerim, et legerim) et verbis, et rebus illustribus. Licet ex his eligant ea, quae notatione et laude digna sint, omnes oratoriae virtutes in eis reperientur. Iam vero Origines eius quem florem, aut quod lumen eloquentiae non habent? Amatores huic desunt, sicuti multis iam ante seculis et Philisto Syracusio, et ipsi Thucydidi. Nam ut horum concisis sententiis, interdum etiam non satis apertis, officit Theopompus elatione atque altitudine orationis suae: sic Catonis luminibus obstruxit haec posteriorum

Sunt saepe etiam) Gu. 1, *sunt etiam saepe*.

Concisis sententiis, interdum etiam non satis apertis) Quae vulgo hic adduntur: cum brevitate tum nimio acumine, ea iam Rivius delenda censuit. Nec dubium est ea hic e grammatici notatione irrepsisse. Lambinus insuper ea duobus codd. Mss. afuisse testatur. Itaque eiecimus.

Officit) Vulg. *officit*. Sed praeteritum requiritur, quum paulo post sequatur *obstraxit*.

Officit Theopompus elatione atque altitudine orationis suae) Post haec verba adduntur in omnibus editionibus ista: *quod idem Lysiae Demosthenes*, in quibus manifesto mihi visus sum interpolatoris cuiusdam

vestigio deprehendere. Primum enim in Lysia nec concisae sententiae neque non satis apertae occurrunt, quibus, ut Theopompus Thucydidi, Demosthenes potuerit officere. Deinde paulo ante dictum erat, Lysiam suos laudatores habere, hic autem Catoni, ut Philisto et Thucydidi, amatores deesse dicitur. Accedit quod paulo post Cicero eos reprehendat, qui Lysiam et Hyperidem ament, Catonem fastidiant; unde perspicitur illam parenthesin, quod idem Lysiae Demosthenes, plane a Ciceronis consilio abhorreere. Itaque religio mihi fuit ei diutius in textu locum iniuria occupatum concedere.

Posteriorum) Ed. Omnib. *posterorum*. Sed vulgatum recte aliis lo-

quasi exaggerata altius oratio. Sed et in nostris inscitia est, quod ii ipsi, qui in Graecis antiquitate delectantur, eaque subtilitate, quam Atticam appellant, hanc in Catone ne noverunt quidem. Hyperidae volunt esse et Lysiae. Laudo. Sed cur nolunt Catones? Attico genere dicendi se gaudere dicunt. Sapienter id quidem. Atque utinam imitarentur, nec ossa solum, sed etiam sanguinem! Gratum est tamen, quod volunt. Cur igitur Lysias et Hyperides amatur, quum penitus ignoretur Cato? Antiquior est huius sermo, et quaedam horridiora verba; ita enim tum loquebantur. Id muta, quod tum ille non potuit, et adde numeros; et aptior sit oratio; ipsa verba compone, et quasi coagmenta, quod ne Graeci quidem veteres factitaverunt; iam neminem antepones Catoni. Ornari orationem Graeci putant, si verborum immutationibus utantur, quos ap-

corum exemplis e Cicerone excerptis defendit Rivius.

Sed et in nostris inscitia est) Prudenter intellexit Heusingerus, particulam et h. l. otiosam esse; idque vel simpliciter delendum, vel reponendum *sed in nostris inscitia est*. In ed. Omnib. legitur *sic et in nostris inscitia est*, et quid ipsi. —

Ne noverunt quidem) Sic Lambinus edidit. Vulg. *non noverunt quidem*. Heusingerus coniecit: *hunc in Catone non noverunt. Quod Hyperidae volunt esse et Lysiae, laudo*.

Sed cur nolunt Catones) Optime sic Lambinus. Vulga male: *Sed cur nolunt Catones*, quod habet etiam Gu. uterque.

Atque utinam imitarentur, nec ossa solum, sed etiam sanguinem) Eructio videbatur hic verbum aliquod excidisse, quia *imitarentur ossibus et sanguini* non bene conveniret. Heusingerus ita explicabat: *Atque uti-*

nam imitarentur Atticam dicendi genus, nec quod ad ossa solum, sed etiam quod ad sanguinem attinet. Schneiderus non male ad pictoris similitudinem retulit, formam corporis, in eoque non ossa solum, sed etiam sanguinem imitantis.

Et adde numeros; et aptior sit oratio) Rescribendum: *et adde numeros, ut aptior sit oratio*; quod Ernesti offert e Ms. Reg. et sine causa damnat; nimirum ex numeris praescriptis in conclusione sententiarum aptae exoritur genus orationis. Cf. orat. c. 5a sqq. Hoc ibidem sit apud antiquos, ut apud Catonem, non fuisse. Nam et verba eligebant et sententias graves et suaves reperiebant; sed eas aut vincebant aut explebant parum.

Ipsa verba compone, et quasi coagmenta, quod ne Graeci quidem veteres factitaverunt) Significat Catonem nondum satis diligentem fuisse in componendis et struendis verbis,

pellant *πρόσους*, et sententiarum orationisque formis, quae vocant *σχήματα*. Non verisimile est, quam sit utroque genere crebro distinctus Cato.

18. Nec vero ignoro, nondum esse satis politum hunc oratorem, et quaerendum esse aliquid perfectius; quippe quum ita sit ad nostrorum temporum rationem veritus, ut nullius scriptum exstet dignum quidem lectione, quod sit antiquius. Sed maiore honore in omnibus artibus, quam in hac una dicendi, versatur antiquitas. Quis enim eorum, qui haec minora animadvertunt, non intelligit, Canachi signa rigidiora esse, quam ut imitentur veritatem? Calamidis dura illa quidem, sed tamen molliora, quam Canachi; nondum Myronis satis ad veritatem adducta, iam tamen, quae non dubites pulcra dicere; pulciora etiam Polycleli, et iam plane perfecta, ut mihi quidem videri solent. Similis in pictura ratio est, in qua Zeuxim, et Polygnotum, et Timanthem, et eorum, qui non sunt usi plus quam quatuor coloribus, formas et lineamenta laudamus; at in Echione, Nicomacho, Protogene, Apelle, iam perfecta sunt omnia. Et nescio an reliquis in rebus omnibus idem eveniat: nihil est enim simul et inventum, et perfectum; nec dubitari debet, quin fuerint ante Homerum poëtae; quod ex eis carminibus intelligi potest, quae apud il-

ut neve asper eorum concursus, neve hiulcus esset, sed quodammodo coagmentatus et laevis; quae sunt Ciceronis verba lib. III de Orat. c. 43, quocum comparandum est Oratoris ad M. Brutum c. 44, 45.

Quam sit utroque genere crebro distinctus Cato) Victor, quam sit in utroque genere et creber et distinctus Cato.

Quam in hac una dicendi) Guelf.

1, 2: quam in hac una arte dicendi. Ed. Omnib. quam in hac arte dicendi.

At in Echione) Vnlg. Aëtione. At iam Lambinus ex Rivii coniectura edidit Echione. Ed. Venet. Omnib. Eëtione. Cod. Palat. et Guic. Etione. Gu. 1, Mentione. De Echione pictore loca veterum collegit Iunius in Catalogo artificum.

lum, et in Phaeacum, et in procorum epulis canuntur.
Quid? nostri veteres versus ubi sunt?

— quos olim Fauni, vatesque canebant,
Quum neque Musarum scopulos quisquam superarat,
Nec dicti studiosus erat: . . .
Ante hunc . . .

ait Ennius ipse de se; nec mentitur in gloriando. Sic enim se res habet. Nam et *Odyssea* latina est Livii tanquam opus aliquod Daedali, et Livianae fabulae, non satis dignae, quae iterum legantur. Atque hic Livius primus fabulam, C. Clodio Caeci filio et M. Tuditano consulibus, docuit, anno ipso, antequam natus est Ennius; post Romam conditam autem quartodecimo et quingentesimo, ut hic ait, quem nos sequimur. Est enim inter scriptores de numero annorum controversia. Attius autem a Q. Maximo quintum consule captum Tarento scripsit Livium, annis xxx post, quam eum fabulam docuisse et Atticus scribit, et nos in antiquis commentariis invenimus; docuisse autem fabulam annis post xi C. Cornelio, Q. Minucio consulibus, ludis

Quot olim Fauni) Sunt versus Ennii, quorum partem etiam laudat Orat. c. 51. Verba *Fauni vatesque canebant* Quintilianus affert Inst. or. IX, 4, 115.

Ait Ennius ipse de se) Vulgo abest nomen Ennii. Sed quum autem nominatus non esset. Cicero non potuit nomine suppresso simpliciter dicere: ait ipse de se.

* *Nam et Odyssea latina est Livii tanquam opus aliquod Daedali*) Vulgo nam et *Odyssea latina est sic tanquam o. a. D.* In Gu. 1 et edit. Venet. est: nam et *Odyssea latina est sic in tanquam opus aliquod Daedali.* Certum est in sic in latere nomen Livii. Cicero Ennii dictum hac ratione

comprobat, quod quae Livius Andronicus ante eum scripsisset, satis rudia et inpolita fuerint. Nam et *Odysseum* Latinam Livii eiusmodi esse, ut cum rudibus illis Daedali statuis comparari possit, et Livianas fabulas non satis dignas esse, quae iterum legantur.

Primus fabulam) Victor. qui primus fabulam.

Ludis Iuventatis) Veram hanc lectionem primus e Ms. eruit Victorinus. Antea enim corrupte edebatur *ludis Iuvenatilis*. Res narratur apud Livium lib. XXXVI, c. 36 his verbis: *Item Iuventatis ordem in Circo maximo C. Licinius Lucullus duumvir dedicavit. Foverat eam sexdecim annis ante M.*

Iuventatis, quos Salinator Senensi proelio voverat. In quo tantus error Attii fuit, ut his consulibus XL annos natus Ennius fuerit; cui quum aequalis fuerit Livius, minor fuit aliquanto is, qui primus fabulam dedit, quam ii, qui multas docuerant ante hos consules, et Plautus et Naevius.

19. Haec si minus apta videntur huic sermoni, Brute, Attico assigna, qui me inflammavit studio illustrium hominum aetates et tempora persequendi. Ego vero, inquit Brutus, et delector ista quasi notatione temporum, et ad id, quod instituisti oratorum genera distinguere aetatibus, istam diligentiam esse accommodatam puto. Recte, inquam, Brute, intelligis. Atque utinam exstarent illa carmina, quae multis seculis ante suam aetatem in epulis esse cantitata a singulis convivis de clarorum virorum laudibus, in Originibus scriptum reliquit Cato! Tamen illius, quem in vatibus et Faunis annumerat Ennius, bellum Punicum, quasi Myronis

Livius consul, quo die Hasdrubalem exercitumque eius occidit; idem censor eam faciendam locavit M. Cornelio, P. Sempronio Coss. Huius quoque dedicandae causa ludi facti. (nempe A. V. 561.) Sed si verum est quod Attius narravit, hi ludi Iuventatis iam anno 556, quo anno C. Cornelius et Q. Minucius Coss. erant, habiti fuerint necesse est.

* Quos Salinator Senensi proelio voverat) Proelio apud Senam, quo M. Livius Salinator (ita dictus tribus annis post consulatum, quod vetigil salis commentus erat. Liv. XXIX, 37), et C. Claudius Nero Hasdrubalem vicerunt. A. V. C. 546; Liv. lib. XXVII, c. 46 sqq. Nam Victorii error, qui *Senonensi proelio* legendum putabat, dudum a

viris doctis, in primis Camerario, correctus est.

Cui quum aequalis fuerit Livius) Ed. Omnib. quod aequalis fuerit Livius. Malim cum Schneidero: cui si aequalis fuerit Livius; nam Cicero negat Livium Ennio aequalem fuisse. Omnino totus hic locus non satis cohaeret; aptius inter se necterentur sententiae, si legeretur: *In quo tantus error Attii fuit, ut quum his consulibus 40 annos natus Ennius fuerit, ei si aequalis fuit Livius, minor fuerit aliquanto is, qui primus fabulam dedit, quam ii, qui multas docuerant ante hos consules, Plautus et Naevius.* Et Plautus et Naevius) Primum et melius abfuerit.

Annúmerat) Sic Gn. 1, 2. Vulg. enumerat.

Illius — bellum Punicum) Quod

opus, delectat. Sit Ennius sane, ut est cerle, perfectior; qui si illum, ut simulat, contemneret, non, omnia bella persequens, primum illud Punicum, acerrimum bellum, reliquisset. Sed ipse dicit, cur id faciat:

— — — scripsere, inquit, alii rem
Versibus — — —

et luculente quidem scripserunt, etiam si minus, quam tu, polite. Nec vero tibi aliter videri debet, qui a Naevio vel sumsisisti multa, si fateris, vel, si negas, surripuisti.

20. Cum hoc Catone grandiores natu fuerunt C. Flaminius, C. Varro, Q. Maximus, Q. Metellus, P. Lentulus, P. Crassus, qui cum superiore Africano consul

Naevis versibus Saturniis descripsit.

Reliquisset) Schoeiderus ante hoc verbum putabat excidiase *intactum*, quia *relinquere* non dicitur pro *omitte*. Attameo Cicero Verr. III, c. 44 dixit: *quae nunc ego omnia praetereo atque relinquo*, i. e. omitto. Et sic infra c. 45 ioit.

* *C. Flaminius*) Is qui A. V. C. 536 cum Ca. Servilio Geminio Cos. fuit. Supra memoratur c. 14.

* *C. Varro*) C. Terentius Varro, qui, ut ait Livius lib. XXII, c. 25 loco non humili solus, sed etiam sordido natus est. Patrem laonem fuisse ferunt, ipsamque iustitorem mercis, filioque hoc ipso io serviliae artis ministerium usum. Is iovenis, ubi ex eo genere quaestus pecunia a patre relicta animum ad spem liberalioris fortunae adiecit, Cos. cum L. Aemilio Paulo factus apud Caonae culpa sua vires populi Romani, ut ait Val. Max. exhausit. CORR.

* *Q. Maximus*) Idem qui supra c. 14 addito cognomine *Ferrucosus*

nominebatur, alias *Ovicula*, item, quod notissimum, *Quaetator* dictus. IDEM.

* *Q. Metellus*) *Q. Caecilius Metellus*, aedilis cum C. Servilio, legatus cum L. Veturio M. Livii et C. Claudii consulom, magister equitum eiusdem M. Livii dictatoris, consul cum eodem L. Veturio, dictator comitiorum causa ac tandem decemvir. IDEM.

* *P. Lentulus*) P. Cornelius Lentulus Caudicus, qui cum Licinio Varro: A. V. C. 517 consul fuit. Nullus enim praeter eum fuit his temporibus; qui consul, minor nato Catone fuerit, et P. Lentulus sit dictus. Duos quidem P. Lentulos apud Livium, sed praetores agnoscimus. Ao vero Cicero hic inter tot consules praetoriorum nominavit, dubitari ut potest, ita verisimile non videtur. ID.

* *P. Crassus*) P. Licinius Crassus, Dives, Pontifex Maximus, qui quom ante nec praetor, nec consul esset, magister tameo equitum, et censor est factus. Ex aedilitate enim

fuit. Ipsum Scipionem accepimus non infantem fuisse. Filius quidem eius, is, qui hunc minorem Scipionem a Paulo adoptavit, si corpore valuisset, in primis habitus esset disertus. Indicant cum oratiunculae, tum historia quaedam Graeca, scripta dulcissime. Numeroque eodem fuit Sex. Aelius, iuris quidem civilis omnium peritissimus, sed etiam ad dicendum paratus. De minoribus autem, C. Sulpicius Gallus, qui maxime omnium nobilium Graecis literis studuit, isque et oratorum in numero est habitus, et fuit reliquis rebus ornatus atque elegans. Iam enim erat unctior quaedam splendidiorque consuetudo loquendi. Nam, hoc praetore ludos Apollini faciente, quum Thyestem fabulam docuisset,

gradum ad censoram fecit; sed quum L. Veturius collega decessisset, censura se abdicavit, cui postea praetori facta provincia peregrina evenit (Liv. XXVII, 22). Hunc Cicero in Cat. mai. pontifici et civilis iuris fuisse peritissimum ostendit. Quin vero Dives hic etiam sit appellatus, qui veterum monumenta viderit, dubitare non poterit. In.

Qui cum superiore Africano consul fuit) A. V. C. 547; Liv. XXVIII, 38.

** Ipsius Scipionem*) Eundem quem modum superiorem Africanum appellaverat.

** Filius quidem eius*) P. Cornelius Scipio, quem Velleius Patere. I, 22 ait nihil ex paterna iocunditate praeter speciem nominis, vigoremque eloquentiae retinuisse. Cf. Cic. Cat. mai. c. 11.

Dulcissime) Gu. 1, dilucidissime. *Numeroque eodem*) Ed. Omnibus numeroque eorum.

Sex. Aelius) Est Sex. Aelius Catue, de quo agit Orat. I, 45, 56; III, 33.

De minoribus autem C. Sulpicius

Gallus, qui maxime omnium) Ernestio videbatur delendum qui; quia alias in de minoribus autem C. S. Gallus intelligendum foret fuit a superioribus: Cum hoc Catone grandiores nati fuerint; quod ei durissimum videbatur, quum tam multa interposita sint, et sit novi generis initium. At enim illud fuit e proxime antecedentibus, Numeroque eodem fuit Sex. Aelius, cepti potest. Etiam Gu. 1, 2 habent qui maxime.

Unctior) Gu. 1, 2, mitior Sed ut coena unctior est i. q. lautior, sic antior consuetudo loquendi est exquisitior atque ornatio.

** Ludos Apollini*) Haec sunt verba ex carminibus Marci vatia a Livio lib. XXV relata: *Apollini iuvendos caneo ludos, qui quotannis comiter Apollini fiant: quum populus dederit ex publico partem: privati uti conferant pro se suaeque. His ludis facienda praerit praetor is, qui ius populo plebique dabit eunum.* Q. igitur Fulvius Placcus et App. Claudius Pulchros consulibus, id est, anno ab V. C. 542, ludis Apollinacris a P. Cornelio

Q. Marcio, Cn. Servilio consulibus, mortem obiit Ennius. Erat eisdem temporibus Ti. Gracchus, P. filius, qui bis consul et censor fuit, cuius est oratio Graeca apud Rhodios; quem civem cum gravem, tum etiam eloquentem constat fuisse. P. etiam Scipionem Nasicae, qui est *Corculum* appellatus, qui item bis consul et censor fuit, Publii illius, qui sacra accepit, filium, habitum eloquentem dicunt; etiam L. Lentulum, qui

Sylla praetore urbis primum factus: inde omnes deinceps praetores urbani fecerunt, sed in unum annum vocabant, dieque incerto faciebant. Consulibus vero M. Claudiu Marcello, et T. Quintio Crispino, id est anno ab V. C. 546, P. Licinius Varus praetor urbis legem ferre ad populum iussus est, ut hi ludi in perpetuum in statum diem voverentur. Itaque ipse primus ita vorit, fecitque ante diem ter. Non. Quint. Is dies deinde solemniter servatus est.

CONRADVS.

* *Ti. Gracchus* — quem civem cum gravem, tum etiam eloquentem constat fuisse) Repugnare videtur quod Scaevola dicit de Orat. I, 9: omnium mihi videor — eloquentissimos audisse Ti. et C. Sempronios quorum pater, homo prudens et gravis, haudquamquam eloquens, et saepe alias et maximus censor salutis reip. fuit. Sed ibi Scaevola loquitur, cupiens nimis eloquentiae laudibus detrudere. Itaque quum deberet dicere *mediocriter eloquens*, exaggerando eum dicit *haudquamquam eloquentem fuisse*, ut fortasse ibi *haudquamquam eloquens* est ab interpolatore. Certo quia sequitur: *Atque is non accurata quadum orationis copia*, melius abfuisse *haudquamquam eloquens*; cui enim iam esset abjudicata omnis eloquentia, eum accurata quadum orationis copia uti

haud potuisse superfluum erat adiacere.

* *Tib. Gracchus*) Hic est Tiber. Sempronius Gracchus, qui magnam laudem est adeptus, quod tribunus plebis solus ex toto illo collegio L. Scipioni fuit auxilio, inimicissimus et ipsius et fratris eius Africani. Con.

Publii illius, qui sacra accepit, filium) Vulgo: *M. alium illius, qui sacra acceperit, filium dicunt*; in quo dicunt Ernesti delevit, ut iam Gellius susserat. In Gu. 1 est *eloquentem inde autit illius*, corrupte. (Sic excerpit Heusingerus. At Schneiderus citat: *inde aurorum illius*.) Pighius vero ad Annal. 579 corripbat: *Publii illius, qui sacra accepit, filium habitum eloquentem dicunt*. Ernestiana clavis M. Scipionem P. Nasicae eius, qui sacra acceperat, filium ex solo hoc loco retulit; eadem P. Scipionem Cn. F. L. N. qui optimus de toto populo iudicatus est, et sacra Matris Deum manu sua accepit, patrem facit Publii Scipionis Nasicae, qui *Corculum* est appellatus. Quae mihi doctrina errare vacare non videtur. Quid enim? Si P. Scipio, is qui sacra accepit, fuit pater P. Scipionis Corculi, atque item M. Scipionis, de qua vulgaris lectio in Bruto meminit, cur Cicero M. hunc Scipionem non fratrem potius Scipionis Corculi vocavit? Contra po-

cum C. Figulo consul fuit; Q. Nobiliorem, M. filium, iam patrio iustituto deditum studio literarum, qui etiam Q. Eunium, qui cum patre eius in Aetolia militaverat, civitate donavit, quum triumvir coloniam deduxisset; et T. Annium Luscum, huius Q. Fulvii collegam, non indisertum dicunt fuisse. Atque etiam L. Paullus, Africani pater, personam principis civis facile dicendo tuebatur; et vero etiam tum Catone vivo, qui annos quinque et octoginta natus excessit e vita, quum quidem eo ipso anno contra Ser. Galbam, ad populum summa contentione dixisset; quam etiam orationem scriptam reliquit.

21. Sed vivo Catone minores natu multi uno tempore oratores floruerunt. Nam et A. Albinus, is, qui graece scripsit historiam, qui consul cum L. Lucullo

irem M. Scipionis Cicero aperte distinguere videtur a patre; Scipionis Corculi his verbis: *M. alium illius, qui sacra accepit, filium*, quum statim de Scipione Corculo antea dixisset. Quid dicam, inepte *alium Marcum* dici, quem rectius debebat Cicero sic: *Marcum item (Scipionem) illius qui — filium*. Quare mihi perplicet emendatio Pighiana. — Haec enim Schneiderus in ep. ad Langezum, qui Ernestii errorem recte castigavit, vulgataeque lectionis incommoda diluendo explicuit. Itaque textum h. l. de Pighii sententia mutavi. Nondum tamen eius opera Ciceronis manum plane restitutam esse opinor. Nam eum infinite scripsisse *qui sacra accepit*, mihi quidem nemo persuadebit. Itaque Pighii emendationi aliquid addendum videtur, totusque locus sic restituendus: *P. etiam Scipionem Nazicam, qui est Corculum appellatus, qui item his consul et censor fuit, P. illius, Idacae matris*

qui sacra accepit, filium, habitum eloquentem. Illud IDAEA MATRIS latere videtur in corrupta scriptura Gu. 1, INDE AVTRIT. Certe non magis hic Cicero simpliciter scribere potuit, *qui sacra accepit*, quam Cat. Mai. c. 13, pro Catonis verbis: *sodalitates autem me quaestore constitutae sunt, sacris Idacis magnae matris acceptis*, infinite scribere potuisset *sacris acceptis*. Ceterum de sacris Idacae matris Pesinunte Romam delatis, et a P. Scipione, quem in tota civitate senatus virum omnium optimum iudicarent, solemniter ritu acceptis, longa est narratio Livii XXIX, 14.

Et vero etiam) Bene hoc Ernestius pro vulg. *et vero etiam* substituit.

Contra Ser. Galbam) Eius orationis fragmentum servavit Gellius Noct. Attic. XIII, 24.

Graece scripsit historiam) In cuius principio veniam petit, si Ro-

fuit, et literatus et disertus fuit; et tenuit cum hoc locum quendam etiam Ser. Fulvius, et uua Ser. Fabius Pictor, et iuris et literarum, et antiquitatis bene peritus. Quintusque Fabius Labeo fuit ornatus iisdem fere laudibus. Nam Q. Metellus, is, cuius quatuor filii con-

mans homo minus eleganter Graece scripsisset: quam quum legisset M. Cato, Nae tu, inquit, Aule, nimium nugator es, qui maluisti culpam deprecari, quam culpa vacare. Hoc apud Gellium lib. XI, c. 8, et Macrobi. lib. I Saturn. leges. CORRAD.

Ser. Fabius Pictor) In Palat. est Servis, in Caiac. Serius. Gulielm. malebat Sextus. In Gu. est Seunus. Corradum Servilianus corrigentem refellit Vossius de histor. lat. I, 3. Nicol. Cisnerus in Praef. ad alteram Partem opp. Fr. Duareni corrigebat Quintus, quia Servii nomen in gente Fabia sit insolens, quod etiam Corradus admonuit. Sed longe aliud literas monet Vossius I, 7, qui nihil mutandum censet, quum nimis pauci ex Victorium familia noti sint. (SCHNEIDER, Epist. ad Langeum p. 32.)

* Fabius Pictor) Qui fuerit, ne Corradus quidem Bruti explanator exponit. Quamobrem, et de hoc quod sentimus, aperiamus. Fuerunt igitur tres Pictores, qui literarum, et quidem antiquitatis cognitione floruerint, Q. Fabius Pictor, N. Fabius Pictor, et Ser. Fabius Pictor. Q. Fabius omnium antiquissimus bello Gallico Cisalpino, ut ait Orosius, et post Punico bello, ut inquit Livius, interfuit. Ex eius Annalibus latinis Gellius lib. V, cap. 4 testimonium profert. Idcirco autem latinis addidi, ut eos redarguerem, qui hunc Q. Fabium Graece scripsisse existimarent, in quo alterius Fa-

bii Pictoris, praenominis Numerii, similitudine, ut credo, decepti sunt: cuius meminit Cicero in lib. I de Divinat. c. 21. Serv. autem Fabius Pictor, quem iuris et antiquitatis bene peritum vocat Cicero, is est, cuius meminit Macrobius lib. III: *Primo*, inquit, *pontificii iuris libro apud Pictorem hoc verbum positum est, Pictulari*. Et Nominis: *Fabius Pictor rerum gestarum libro primo ... Idem iuris pontifex libro tertio ...* Quibus in verbis illud esse peccati puto, quod *pontifex* pro *pontificii* scriptum sit. Quare quum dixit Cicero, eum *antiquitatis bene peritum esse*, liberos eius rerum gestarum intellexit; quum *iuris*, de iure pontificio. SIGOXYS in *Fragm.*

* Q. Fabius Labeo) Dubitamus, an is sit, quem Cicero lib. I de Officiis, et Valer. Maximus scribunt, a senatu Nolaus et Neapolitanis arbitrum de finibus datum, ita terminasse, ut multum agri, quod in iudicio esset relictum, populo Romano adiudicaret. Ceteras res eius desideramus: nisi forte Cicero regreditur ad eum, qui consul cum M. Claudio Marcello anno 571 fuit: quem Domitius etiam poetam vocat. Id.

* Q. Metellus) Qui Andrisum, Pseudophilippum vocatum, vicit, Macedonium domuit, Achaeos praefilio fudit, et de Andrisco, sive Macedonia triumphavit, ut ostendit Cicero in Orat. in Pisonem; atque haec quidem omnia fecit, quum praetor esset, ut Livius, Paternulus et aucto-

sulares fuerunt, in primis est habitus eloquens, qui pro L. Cotta dixit, accusante Africano; cuius et aliae sunt orationes, et contra Ti. Gracchum, exposita in C. Fannii annalibus. Tum ipse L. Cotta, veterator habitus, Sed C. Laelius et P. Africanus in primis eloquentes;

Libelli de Viris Illust. scribunt. Vnde cognoscitur error Flori, et aliorum, qui credunt Metellum tunc consulem fuisse, quam Macedoniam domuit, a qua *Macedonicus* est appellatus. Quod si nullus scriptor nominationem dicat, eum tunc praetorem fuisse, ex ordine tamen historiae et temporum id ipsum cognoscimus. Livi aetate exstabat oratio Metelli, quam Caesar Augustus, quum de meritis ordinibus ageret, velut eo tempore scriptam in senatu recitavit, ut testatur etiam Suetonius in Augusto; quo tamen loco interpretes putant orationem Metelli Numidici, non Macedonici significari, Gellium sequenti, qui lib. I, c. 6 multa, tanquam ex oratione Metelli Numidici, recitat. Sed vel Gellius erravit, vel male descriptus est liber, et oratio *Metelli Macedonici* legi debet: vel dicendum Metellum quoque Numidicum ea de re orationem scriptam reliquisse. Id.

* *Consulares fuerunt*) Fuerunt illi quidem consules, ut ait Philippica VIII, sed non omnes ante patris mortem; siquidem Cie. lib. V de Fin. ita scribit: *Q. Metellus tres filios consules vidit, a quibus unum etiam censorem et triumphantem: quartum autem praetorem.* Quae verba Val. Max. VII, 1 videtur ita male descripsisse: *Fecit, ut eodem tempore tres filios consulares, unum etiam censorem, duos triumphales, et quartum praetorium videret.* Reliquit etiam tres filios nuptas, hinc Cicero

Tuscul. I sic ait: *Metellum multi filii, filiae, nepotes, neptes in regem imposuerunt.* Idem propemodum Val. Max. et Plinius testantur. Id.

* *L. Cotta*) L. Aurelius Cotta, qui cum Ser. Sulpicio Galba consul an. 610 fuit: qui quum in senatu contenderent, uter adversus Viriatum in Hispaniam mitteretur, Scipio dicto, ut neuter in provinciam mitteretur, obtinuit, ut refert Val. Maximus VI, 4. Id.

* *Veterator*) *Veteratores*, inquit Sex. Pompeius, *callidi dicti a multa rerum gerendarum vetustate.* Ob id hanc eum esse credimus, qui nihil habebat, ut Africanus ait apud Val. Max. VI, c. 5, quinque tribunus plebis esset, fiducia sacrosanctae potestatis creditoribus suis satisfacere nolebat, nisi a collegis fuisset coactus, ut Val. Max. lib. VI, cap. 5 scribit. Vnde cognoscimus Aureliam gentem plebeiam fuisse, in qua fuit cognomen *Cotta*, ductum, ut quidam volunt, à τὸ τοῦ νότον, quod iracundus, et oris torri fuerit is, qui primus Cotta fuerit appellatus. Id.

* *C. Laelius*) Hic, ut Cicero Philipp. XI refert, fuit filius illius C. Laelii, qui maioris Africani in Hispania et in Africa semper comes fuit, ita ut a multis *Africanus* ipse quoque sit appellatus. Certe cum Africano maiore arctissima familiaritate iunctus fuit: ut Laelius hic et Africanus amicitiam, tanquam hereditatem quandam crevisse, ei postea sig-
nauisse videatur, ut ea maxima il-

quorum exstant orationes, ex quibus existimari de ingenii eorum potest. Sed inter hos, aetate paulum his antecedens, sine controversia Ser. Galba eloquentia praestitit; et nimirum is princeps ex Latinis, illa oratorum propria, et quasi legitima opera tractavit; ut egrederetur a proposito ornandi causa, ut delectaret animos, ut permoveret, ut augeret rem, ut miserationibus, ut communibus locis uteretur. Sed nescio quomodo huius, quem constat eloquentia praestitisse, exiliores orationes sunt, et redolentes magis antiquitatem, quam aut Laelii, aut Scipionis, aut etiam ipsius Catonis; itaque evanuerunt, vix iam ut appareant.

22. De ipsius Laelii et Scipionis ingenio, quamquam ea iam est opinio, ut plurimum tribuatur ambobus, dicendi tamen laus est in Laelio illustrior. At oratio Laelii de collegiis, non melior, quam de multis, quam voles, Scipionis; non quo illa Laelii quidquam sit dulcius, aut quo de religione dici possit augustius; sed multo tamen vetustior, et horridior ille, quam Scipio: et quum sint in dicendo variae voluntates, delectari mihi magis antiquitate videtur, et lubenter verbis etiam uti paulo magis priscis Laelius. Sed est iste mos homi-

lustris habeatur, quod Laelius Ciceronis ostendit. Fuit igitur hic Laelius praetor, fuit consul cum Q. Servilio Coepione an. 614, fuit augur, et Sapiens est appellatus. Hic ante Scipionem ponitur, quia maior natu fuit. **Idem.**

De ingenio eorum) Recte sic emendavit Ernestius vulg. *de ingenio oratorum*.

Ut egrederetur) Lamb. ut *degrederetur*.

Ut permoveret, ut augeret) Victor. aut *permoveret, ut augeret*. Ed. Omnia. aut p. aut a. male. Eodem sta-

tim, aut *communibus locis* pro ut c. l.

Itaque evanuerunt) E Purgoldi correctione pro vulg. *exanuerunt* h. l. non satis apto. Idem verbum similiter ponitur c. 27 extr. *isque et orationes reliquit, quae iam evanuerunt.*

Oratio Laelii de collegiis) Ed. Victor. Gollhof. *oratio Laelii de collegis*. Lamb. *oratio Laelii a collegis*.

Aut quo de religione) Hanc scripturam elicit Heusingerus e Gu. 1, 2, ubi legitur, *aut quo e religione*. Vulg. *aut quod de religione*.

Sed est iste mos) Gu. 1, *sed iste mos*. Victor. Camerac. *sed est mos*.

num, ut nolint eundem pluribus rebus excellere. Nam ut bellica laude aspirare ad Africanum nemo potest, in qua ipsa egregium Viriatico bello reperimus fuisse Laelium: sic ingenii, literarum eloquentiae, sapientiae denique, etsi utrique primas, priores tamen libenter deferunt Laelio. Nec mihi celerorum iudicio solum videtur, sed etiam ipsorum inter ipsos concessu ita tributum fuisse. Erat omnino tum mos, ut in reliquis rebus melior, sic in hoc ipso humanior, ut faciles essent in suum cuique tribuendo. Memoria teneo, Smyrnae me ex P. Rutilio Rufo audisse, quum diceret, adolescentulo se accidisse, ut ex Senatusconsulto P. Scipio et D. Brutus (ut opinor) consules de re atroci magnaque quaerereut. Nam quum in silva Sila facta caedes esset, notique homines interfecti, insinulareturque fa-

Vt bellica laude) Sic Gu. 2; ut *ex bellica laude* vulgo, idque etiam Gu. 1 tenet.

Egregium Viriatico bello reperimus) *Viriatico* pro *Viriati* re-sumsit Ernestius ex edit. Mediol. et Venet. 1485. *Viriati* tamen defendit Hensingerus ad Cic. de Offic. II, 11.

* *Viriati bello*) *Viriatus* ex pastore venator, e venatore latro, mox iusti quoque exercitus dux factus universam Lusitaniam occupavit, et bellum cum Romanis per quatuordecim annos, ut Florus et Orosius scribunt, vel octo continuus, ut placet Appiano, gessit, multosque Romanos duces vicit; ac tandem a suis, quos Servilius Caepio corruerat, est interfectus. Historia est apud Liv. lib. LII et LIV et alias. Aliter *Viriatico*, fortasse recte, ut bellum *Viriaticum* dicatur ut bellum *Mithridaticum*; quamquam Suetonius bellum *Viriaticum* vocat. Stobaeus in *Fragm.*

Priores tamen libenter deferunt

Laelio) Ed. Omnib. omittit *libenter*. Sane commodè abluerit, fortasse ex antecedente periodo hic a quodam librario repetitum.

* *Smyrnae me ex P. Rutilio Rufo audisse*) Is enim ab equitibus repositundarum iniuste clamantis Smyrnae exul successerat A. V. 648, ubi cum Cicero in itinere per Asiam A. V. 674 convenit. De eo cf. infra c. 30, et de Orat. I, 53.

Audisse) Gu. 1, 2, *audivisse*.

* *Consules*) Gu. 1, *consul*. P. Scipio Nasica Serapio et D. Iunius Brutus consulatum gesserunt A. V. 615.

Nam quum in silva Sila) Corrupte Gu. 1: *nam quum istinas ita*. Ed. Venet. Omnib. *nam cum aestivis ita*. Victor. Camerar. *nam quum in sylva sila*. Veram lectionem in *silva Sila* primus ingenii sagacitate eruit Turnebus adversar. XI, 1. Corradus de pecuariis in *Silva Scantia* cogitaverat.

milia, partim etiam liberi, societatis eius, quae picarias de P. Cornelio, L. Mummio censoribus redemisset, decrevisse senatum, ut de ea re cognoscere et statuerent consules. Causam pro publicanis accurate, ut semper solitus esset, eleganterque dixisse Laelium. Quum consules, re audita, *amplius* de consilii sententia pronuntiavissent, paucis interpositis diebus iterum Laelium multo diligentius meliusque dixisse, iterumque eodem modo a consulibus rem esse prolatam. Tum Laelium, quum eum socii domum reduxissent, egissentque gratias, et, ne defatigaretur, oravissent, loquutum esse ita: se, quae fecisset, honoris eorum causa, studiose accurateque fecisse; sed se arbitrari, causam illam a Ser. Galba, quod is in dicendo fortior acriorque esset, gravius et vehementius posse defendi. Itaque auctoritale C. Laelii publicanos causam detulisse ad Galbani. Illum autem, quod ei viro succedendum esset,

Picarias) Hanc lectionem praebet Gu. uterque. Gothofr. *pecarias*. Frustra corrigebat Corradus *pecuariis*. (In Camerac. est *pecuaria*.) Nam *pix* Brutia tum erat in pretio; Plin. hist. nat. XVI, 1; et in silva Sila, quae erat in Bruttiis, *picariae* exercebantur.

* De P. Cornelio, L. Mummio) P. Cornelius Scipio Africanus minor et L. Mummus censuram inierunt A. V. 611.

Causam illam a Ser. Galba, quod is in dicendo fortior acriorque esset, gravius et vehementius posse defendi) Vulgo editur: *quod is in dicendo gravior acriorque esset*. At enim *gravior* haud est ferendum, quia statim sequitur *gravius*. Quod in eius locum recepi *fortior* est e coniectura Victorii. Haud scio tamen an praefendum fuerit cum Reitzio Misc. Olus.

Vol. X, pag. 189, *ardentior*. Ita enim *ardentior acriorque* optime respondent iis, quae paulo post de Galba dicuntur, illum non in agendo solum sed etiam in meditando *vehementem* atque *incensum* fuisse. Infra quaque cap. 80 occurrit *actio ardentior*. Trillerus obs. pag. 229, et Buttmanus teste Spaldingio ad Quintil. lib. I, pag. 22, incidunt in vocabulum *atrocior*. Id tamen accusatori potius quam defensori convenit. Vestigia scripturae in Gu. 1, ubi est *adhortator*, in Gu. 2, qui habet *adhortor* (ut ed. Omnib.) Reitzii coniecturae foveant, nisi forte putes in iis *lucere adornator*, ut iam in Iunt. Ald. *ornatore* saltem legebatur. Hoc tamen de diligentia meditandi capiendum esset, in qua Laelius Galbae non cedebat, ut qui ipse pro publicanis studiose accurateque dixisset.

verecunde et dubitanter recepissee. Unum quasi comperendinatus medium diem fuisse, quem totum Galbam in considerata causa, componendaque posuisse. Et, quum cognitionis dies esset, et ipse Rutilius rogatu sociorum domum ad Galbam mane venisset, ut eum admoneret, et ad dicendi tempus adduceret; usque illum, quoad ei nuntiatum esset, consules descendisse, omnibus exclusis, commentatum in quadam testudine cum servis literatis fuisse; quorum aliis eodem dictare aliud tempore solitus esset. Interim quum esset ei nuntiatum tempus esse, exisse in aedes eo colore, et iis oculis, ut egisse causam, non commentatum putares. Addebat etiam, idque ad rem pertinere putabat, scriptores illos male mulcatos exisse cum Galba. Ex quo significabat, illum non in agendo solum, sed etiam in meditando vehementem atque incensum fuisse. Quid multa? magna expectatione, plurimis audientibus, coram ipso Laelio sic illam causam, tanta vi, tantaque gravitate dixisse Galbam, ut nulla fere pars orationis silentio praeteriretur. Itaque multis querelis, multaque miseratione adhibita, socios, omnibus approbantibus, illa die quaestione liberatos esse.

Itaque aut Victorii aut Reitzii ratio amplectenda. Nam I. Gronovii commentum, cui placebat *altior*, neminem alium, cui placeat, inveniet.

Unum quasi comperendinatus medium diem fuisse) Sic interpungendum esse recte monuit Purgoldus. Vulgaris enim interstinctio, *unum, quasi comperendinatus, medium diem fuisse*, suspicionem movet comparationis particula *quasi* significatae, quae tamen hic nulla esse potest. Quasi enim h. l. est i. q. fere.

Tempus esse) Aliud esse Gu. 1.

* *Male mulcatos exisse*) Sic Vi-

ctor. Gu. 1, 2, Camerarius recte. Nam significatur, in ardore commentandi Galbam scriptores istos icibus et colaphis praetercunctem et maous intactam percussisse. Ernesti autem io Clav. Cic. irae id Galbae tribuit, quod illi servi dictatorem nimis celeviter assequi non potuerint. Nec impedio, quo minus utrumque coniungatur. Ed. Omnib. male exisse mulcatos.

Illam die quaestione liberatos esse) Gu. 1, *ille est dies quaestione*: Gu. 2, *illa die quaestione*, ut libitarius disquisitione in codice, quum descripserit,

23. Ex hac Rutiliana narratione suspicari licet, quum duae summae sint in oratore laudes, una subtiliter disputandi, ad docendum, altera graviter agendi, ad animos audientium permovendos; multoque plus proficiat is, qui inflammet iudicem, quam ille, qui doceat, elegantiam in Laelio, vim in Galba fuisse. Quae quidem vis tum maxime cognita est, quum, Lusitanis a Ser. Galba praetore contra interpositam, ut existimabatur, fidem, interfectis, T. Libone tribuno plebis populum incitante, et rogationem in Galbam, privilegii similem, ferente, summa senectute, ut ante dixi, M. Cato legem suadens in Galbam multa dixit; quam orationem in Origines suas retulit, paucis antequam mortuus est, an diebus, an mensibus. Tum igitur nihil re-

invenisse videntur. Et sic iam Grutero visum. In edit. Venet. Omnib. est illa *dis* questione; in quo Ernestus librarium de illa phraasi: *dis* hominibusque approbantibus, cogitasse opinatur. Sed potius *dis* ex syllaba *dis* male intellecta factum. Disquisitio pro questione occurrit ap. Cic. pro Sulla cap. 28, ubi dicit: in magnis disquisitionibus repentinisque periculis vitam uniuscuiusque esse testem.

Ex hac Rutiliana narratione) Gu. 1, 2: Ex hac Rutilia narratione, «quod fortasse probari posset, ut Rutilia narratio dicatur, ut lex Tullia, aqua Claudia, via Flaminia et reliqua id genus. Rutiliana tamen narratio recte dicitur, ut Papiriana domus et Tadiana res lib. I ad Alt. ep. 5, ut verbum Terentianum in Laelin; ut duobus modis haec nomina deducantur a familiis, ut ab eadem familia Pompeia domus, Pompeia porticus, Pompeianus miles, Pompeiana castra.» CORRAD.

* Lusitanis) Ser. Galba est accusatus a Libone, quod Lusitanorum magnam

manum, interposita fide, praetor in Hispania interemisisset, ut Valer. Max. lib. VIII, cap. 1, refert, qui lib. IX, cap. 6, scribit ad hunc modum: Ser. quoque Galba summae perfidiae: triana enim Lusitaniae civitatum convocato populo, tanquam de commodis eius acturus, novem milia, in quibus flos iuventutis consistebat, electa, et omnis exuta, partim trucidavit, partim vendidit: quo facinore maximam cladem barbarorum magnitudine criminis antecessit. Triginta milia Lusitanorum trucidato fuisse Suetonius in Galba testatur: Appianus vero, in libro de rebus in Hisp. gestis, rem pluribus exponit. Id.

Nihil recusans) Omissum nihil Gu. 1, 2, Ed. Omnib. Victor. Camerer. Recte autem Corradus nihil recusans h. e. de poena sibi intelligenda. Ut Cic. pro Plancio cap. 1, nihil de poena recusabo. Et Gruterus apte laudavit Valer. Max. lib. VIII: Reus Galba pro se iam nihil recusans, parvalos liberos, et Galli sanguine con-

cusans Galba pro sese, et populi Romani fidem implorans, cum suos pueros, tum C. Galli etiam filium flens commendabat; cuius orbitas et fletus mire miserabilis fuit propter recentem memoriam clarissimi patris; isque se tum eripuit flamma, propter pueros misericordia populi commota, sicut idem scriptum reliquit Cato. Atque etiam ipsum Libonem non infantem video fuisse, ut ex orationibus eius intelligi potest.

Quum haec dixissem, et paulum interquievissem, Quid igitur, inquit, est causae, Brutus, si tanta virtus in oratore Galba fuit, cur ea nulla in orationibus eius appareat? quod mirari non possum in eis, qui nihil omnino scripti reliquerunt.

24. Nec enim est eadem, inquam, Brute, causa non scribendi, et non tam bene scribendi, quam dixerint. Nam videmus alios oratores inertia nihil scripsisse, ne domesticus etiam labor accederet ad forensem; pleraeque enim scribuntur orationes habitae iam, non ut habeantur; alios non laborare, ut meliores fiant; nulla enim res tantum ad dicendum proficit, quantum scriptio; memoriam autem in posterum ingenii sui non desiderant, quum se putant satis magnam adeptos esse dicendi gloriam, eamque etiam maiorem visum iri, si in existimantium arbitrium sua scripta non venerint; alios, quod melius putent dicere se posse, quam scribere; quod peringeniosis hominibus, neque satis doctis, plerumque contingit, ut ipsi Galbae. Quem fortasse vis non ingenii solum, sed etiam animi, et naturalis quidam dolor dicentem incendebat, efficiebatque, ut et

unctum sibi filium flens commendare coepit.

Pro sese) Gu. 2, *pro se.*

Eripuit flamma) Ed. Omnib. *eripuit flammam pro flammae.*

Interquievissem) Gu. 1, *quievissem.*

Appareat) Gu. 1, 2, Ed. Omnib. Victor. *apparet.*

Ad dicendum proficit) Gu. 1, *ad dicendum valet.*

Naturalis quidam dolor dicentem incendebat) « In hoc loco dolorem

incitata et gravis et vehemens esset oratio; dein quum otiosus stilum prehenderat, molusque omnis animi, tanquam ventus, hominem defecerat, flaccescebat oratio; quod iis, qui limatius dicendi consecrantur genus, accidere non solet, propterea quod prudentia nunquam deficit oratorem, qua ille utens eodem modo possit et dicere et scribere; ardor animi non semper adest, isque quum coudedit, omnis illa vis et quasi flamina oratoris exstinguitur. Hanc igitur ob causam videtur Laelii mens spirare etiam in scriptis, Galbae autem vis occidisse.

25. Fuerunt etiam in oratorum numero mediocrium

equidem censeo exquisite dictum de ea animi indole naturali, qua sensus παθητικός, ipsosque affectus facillime concipit. Maxime autem nunc sensus et affectus eius intelligi, qui cum quodam dolore coniuncti sunt, totus locus autecedens, in quo de Galba disseritur, declarat. Nam et multis querelis multaque aniseratione adhibita socios quaestione liberasse, et populi Romani fidem implorasse et suis pueros fletu commendasse misericordiamque populi commovisse dicitur. Haec igitur ut posset Galba, naturali eundem dolori tribuendum Cicero putabat, cuius sententia nunc obscura esse non potest. Itaque mirabar, Wexelium, recentissimum Bruti interpretem, ita iudicium praecipitasse, ut Schneideri coniecturam, *naturalis quidam calor*, in textum reciperet. Nam quod illam coniecturam re et contextu confirmari dicit, utrumque eam potius dissundet et dolorem commendat, ut docuiamus. Etenim querelis, lacrymis, fletibus, miserationi, quae Galbae orationi Cicero nunc sola tribuit, non calor, sed dolor ille, quem explicavimus, aptus est. De Galba cf. Orat. I. 55.

De dolore autem sententiam nostram plane confirmabit insignis locus Orat. 37, ubi luculentissime Cicero se ipso explent. Nam quum se id dicendo pluribus miserationibus itum esse dixisset, quod alii oratores perorationem sibi plerumque reliquissent, hoc addit: *in quo ut viderer excellere, non ingratia sed dolore assequebar*. Hanc autem ipsam sententiam copiose, his verbis repetit: *Sed ut supra dixi, nulla me ingenui, sed magna vis animi inflammat, ut, me ipse non teaceam.* Haecenus I. C. Th. Ewesi in lex. technol. latinor. rhet. pag. 346 sqq. cui prorsus assentior. Accedit, quod Quintilianus quidem saepenumero vocabulo *caloris* pro ardore animi utitur, Cicero non item.

Dein quum) Gu. 1, *deinde cum.*

* *Flaccescebat oratio*) Metaphora ducta est a velis, quae flaccida sunt, quum ea ventus non amplius implet.

Galbae autem vis occidisse) Gu. 1, *Galbae vis occidisse*; Gu. 2, *Galbae autem occidisse*. Quum h. l. metaphora a vento petita sit in verbis *Laelii mens videtur spirare*, *lectionem occidisse praetulerim*; nam venti *cadere* dicuntur, et *vires*, et *animi*.

L. et Sp. Mumminii, fratres, quorum exstant amborum orationes; simplex quidem L. et antiquus; Sp. autem nihilo ille quidem ornatior, sed tamen astrictior. Fuit enim doctus ex disciplina Stoicorum. Multae sunt Sp. Albini orationes. Sunt etiam L. et C. Aureliorum Orestarum, quos aliquo video in numero oratorum fuisse. P. etiam Popilius cum civis egregius, tum non indi-

*L. et Sp. Mummi) L. Mummius novus, ut ait Paternulus, et paene ignobilis a principio fuit, quando ἑστὸν οὐκ ἔχομεν αὐτῶν ὄνομα, ut Plutarch. in Mario scribit, quum Romani nobiliores nomina minimum tria haberent. Nam quod L. Mummius Achaicus postea dictus est, quantum potius quam tertium nomen est, et a quibusdam nomen appellatur. Hic L. Mummius cum Cn. Cornelio Lentulo consul fuit, anno ab V. C. 608, quamvis alii collegam L. non Cn. vocent. Consul Achaicus vocit, unde Achaicus est appellatus, et Corinthum delevit, ac triumphavit. Hoc bellum scripserunt Liv. lib. LI, LII; Justinus lib. XXXIV; Auctor libelli de Viris Illustr. cap. 60, et alii. Sp. Mummius bellum in Hispania gessit, et de Lusitania triumphavit, ut Appian. in lib. de Reb. in Hisp. gestis scribit, et fuit in decem legatis L. Mummius fratri, ut lib. XII ad Att. ep. 30, Cicero docet. Fuit hic Sp. Mummius etiam legatus in Aegypto cum Africano, quod Justinus lib. XXXII refert. Quare autem Mummius sint dicti, nos adhuc invenire non potuimus. Illud quidem satis auctore Paternulo constat, eos homines novos fuisse ac plebeios, quando L. quidem Mummius apud Ciceronem in Orat. post Redit. tribuens plebis agnoscitur, quem tamen Dio lib. XXXIX, Δούλιον Νίμμιον Κοινωγράφον,

opinor, appellat. CORRAD.

Simplex quidem L.) Ed. Omnib. simplex quidem Lucius fuit.

*Sp. Albini) Sp. Posthumii Albini, qui cum M. vel, ut est in Sallustio, Q. Minucio Rufo consul anno ab V. C. 694 fuit, unde consularem infra Cicero vocat. Hic est enim Sp. Albinus, qui, quod scribit Sallustius, Massioiasse persuasit, ut regnum Numidiae ab senatu peteret, et alia gessit, quae apud eundem possunt legi. CORRAD.

Doctus ex disciplina) Go. 1, doctus disciplina; Gu. 2, Ed. Omnib. doctus, et disciplina.

*L. et C. Aureliorum Orestarum) Lucius cum M. Aemilio Lepido consul fuit, anno ab V. C. 628, et Sardos subegit. Alicui tamen possit ille videri, qui consul cum Sex. Iulio Caesare fuit anno 597. De Caio adhuc nihil scriptum videre potuimus, sed coniecimus tantum hunc Lucii fratrem fuisse, ut hic L. et C. Aurelio, fratres coniungat, ut statim L. et Sp. Mummius coniungat. Id.

*P. etiam Popilius) P. Popilius Laenas, qui cum P. Rutilio consul fuit, anno ab V. C. 622. Hic igitur Popilius consul fuit, quo anno in iudicium vocati sunt, qui cum T. Graccho senserant. Ergo quum quosdam T. Gracchi amicos, ut refert Plutarchus, urbe eiecisset, postea cognovit latam esse legem a C. Grac-

sertus fuit; C. vero, filius eius, disertus. Caiusque Tuditanus cum omni vita atque victu excultus atque expolitus, tum eius elegans est habitum etiam orationis genus. Eodemque in genere est habitus is, qui iniuria accepta fregit Ti. Gracchum patientia, civis in rebus optimis constantissimus, M. Octavius. At vero M. Aemilius Lepidus, qui est Porcina dictus, iisdem temporibus fere, quibus Galba, sed paulo minor natu, et summus orator est habitus, et fuit, ut apparet ex orationibus, scriptor sane bonus. Hoc in oratore latino primum mihi videtur et lenitas apparuisse illa Graecorum, et verborum comprehensio, etiam artifex, ut ita dicam, stilus. Hunc studiose duo adolescentes ingeniosissimi, et prope aequales, C. Carbo, et Ti. Gracchus audire soliti sunt; de quibus iam dicendi locus erit, quum de senioribus pauca dixerō. Q. enim Pompeius non contemptus orator

cho similem privilegii, ut in iudicium vocaretur quicumque in magistratu constitutus indicta causa quempiam eiecisset. Quare ipse ex urbe discessit; nec ita multo post fuit restitutus. Hinc ait infra Cicero: *L. Bestia bonis initiis orsus tribunatus, nam P. Popilium vi C. Gracchi expulsum sua rogatione restituit*, Id.

* *C. Tuditanus*) C. Sempronius Tuditanus qui, cum M. Aquilio, quem Paulus Orosius M. Acilium Capitolinum vocat, consul fuit anno ab V. C. 621. His consulibus novendialibus feriis sermo de Rep. fuit a Cicrone institutus paulo ante mortem Africani, ut lib. III ad Q. Fratrem refert. Hunc Tuditanum praetorem P. Popilio et P. Rutilio consulibus fuisse scribit Libo, ut Cicero testatur lib. XIII ad Attic. ubi dubitat, an hic in decem legatis Mammio fuerit. Id.

* *Lepidus*) Idem paene significat *Lepidus*, unde credimus veteres *Ae-*

milius per *Lepidum* interpretatos, et sic deinceps *Lepidum* cognomen Aemiliorum fuisse. Hic M. Aemilius Lepidus Porcina cum C. Hostilio Mancino consul fuit anno ab V. C. 617. Appianus libro de rebus in Hisp. gestis, pluribus de eo agit, et eum ob cladem in pugna adversus Vaccaeos acceptam condemnatum fuisse: sed Val. Max. lib. VIII, c. 1, scribit L. Cassio accusatum crimine nimis sublime structae villae in Alsiensi agro, gravi multa affectum fuisse. Quare *Porcina* sit dictus, nos adhuc quaerimus. Id.

* *Q. Pompeius*) Is, quem Val. Max. lib. VIII, cap. 5, Q. Pompeium Aufidinum vocat, qui consul quum esset cum Cn. Servilio Caepione, anno ab V. C. 613 in Hispaniam praefectus, Thermestinos, ut Liv. lib. LIV videtur scripsisse, quum Termantini ab Appiano vocentur, subegit: deinde, non semel a Numantinis quum fuisset

temporibus illis fuit, qui summos honores, homo per se cognitus, sine ulla commendatione maiorum est adeptus. Tum L. Cassius multum potuit, non eloquentia, sed dicendo tamen; homo, non liberalitate, ut alii, sed ipsa tristitia et severitate popularis; cuius quidem legi tabellariae, M. Antius Briso, tribunus plebis, diu re-

victus, veritus, ne postea Romae accusaretur, clam cum illis de pace corripit agere: deinde vero quum M. Popilius Laenas successor venisset, ille iam metu belli praesentia successoris liberatus, institutus est quicquid fecerat, Cic. lib. II de Finib. illum *callide improbum* vocat, quod fordus cum Numantinis sit institutus. Hunc etiam Cicero lib. II Acad. Quaest. inter populares ponit. In.

* *Per se cognitus*) Sui, non maiorum, virtute nobilitatus. Q. enim Pompeius humili atque obscuro loco natus est, ut Cicero ait Verrina VII, Εἰδέναι γὰρ οὐ Περικλέους ὡς αὐτῶν γυγόντων, ut scribit Plutarch. in Apophth. ubi locus est Scipionis. Hinc a Cicero in Oratione pro Fonteio, et in Orat. pro Marcia Q. hic Pompeius *homo novus* appellatur. Inimicitias cum Caepionibus et Metellis gessit, ut in Orat. pro Fonteio et apud Valer. Max. videbis. Ab eius etiam amicia Scipio Laelii nomine se removet, ut Laelius apud Ciceronem testatur, ob eam fortasse causam, quam Plutarchus in Apophth. scribit, quod, cum Laelio consultum petente, pollicitus Scipioni fuisset se non petiturum, postea tamen petierat. In.

* *L. Cassius*) L. Cassius Longinus, a quibusdam *Ramilia* dictus, qui fuit consul cum L. Cornelio Cinna, anno ab V. C. 626, et censor cum Cn. Servilio Caepione, ut Frontinus refert in libris de Aquaeductibus. Cuius vero Cassii duplex videtur

fuisse, patricia et plebeia, nam multi Cassii inter primos consules, et multi tribuni plebis in veterum scriptis inveniuntur. Id.

Non liberalitate) Frustra Ernestius convicit *hilaritate*. Nam pravae liberalitati, qua plebs corrumpitur, recte opponitur *severitas*.

* *Tristitia et severitate*) « Idem parum bis videtur dicere xar' ἐντὶ ἑαυτοῦ. Nam *tristis* et *severus* saepe convertuntur, ut ostendit etiam Servius illud Virgilii interpretatus: *Amenaeque severum*. Et Donatus ad Terentium ita scribit: *Tristis ad laudem interdum sumitur, non ad amaritudinem*. Cicero: *iudex tristis et integer*. L. igitur Cassius ita *tristis* et *severus* fuit, ut, quod Valer. Max. lib. III, cap. 7, scribit, olim quum praetor esset, eius tribunal propter nimium severitatem scopulus reorum diceretur. Hinc Cicero Verrina IV ita scribit. *Non quaero iudices Cassianos; veterem severitatem iudiciorum non requiro*. Nec ita multo ante ibidem Potamonem iudicem Cassianum et hominem severum ἀσπαστὸς appellat. » Hactenus Corradus, qui tamen oblitus est, quae sit inter *tristitiam* et *severitatem* iudicis differentia, nobis exp. nere. *Tristis* igitur iudex est, ita morosus natura, ut haud sit ad ignoscendum pronus; *severus* est, qui officii iudicis memorem faciora punire, quam condonare mavult.

* *Legi tabellariae*) Tabella data, inquit iudici, quum legem L. Cassius,

stitit, M. Lepido consule adiuvante; eaque res P. Africano vituperationi fuit, quod eius auctoritate de sententia deductus Briso putabatur. Tum duo Caepiones multum clientes consilio et lingua, plus auctoritate tamen et gratia sublevabant. Sed Pompeii sunt scripta nec nimis extenuata (quamquam veterum est similis), et plena prudentiae.

26. P. Crassum valde probatum oratorem iisdem fere temporibus accepimus, qui et ingenio valuit, et

Lepido et Mancino cons. id est anno ab V. C. 617, tulit. Voce Romani suffragium tulerunt usque ad annum fere 614. Tunc enim Gabinia lex de suffragiis per tabellam ferendis est lata; sequuta biennio post Cassia est; tertia Papiria; quarta Coelia: quae tabellariae sunt appellatae: quibus littera populo data est, in qua bonis ignorantibus, quid quisque sentiret, tabella vitiosum occultaret suffragium, ut Cicero lib. III de Leg. scribit. Sic enim quisque suam tabellam in cistam coniciebat, ut occulte posset adversari. CORRAO.

* *Tum duo Caepiones* Cn. et Q. ut ipse Cicero oral. pro Fonteio (cap. 7) et Valerius Max. VIII, 5, vocant. Illud addit Valerius, iisdem parentibus illos natos fuisse, et per omnes honorum gradus ad summam amplitudinem pervenisse. Id.

Auctoritate tamen) Abest tamen Gueff. 1.

* *Sed Pompeii sunt scripta*) Pompeii nomen h. l. falso a librariis illatum esse nullus dubito. Nam si de Q. Pompeio hic loquutus esset Cicero, cuius paulo ante mentionem fecerat, cur non potius ibi statim esse quendam ab eo scriptas orationes memorasset. Si de alio quodam, non

simpliciter dixisset Pompeii. Ergo certum est antea legendum esse: *Tum duo Caepiones Cn. et Q.* aut si maavis: *Tum Cn. et Q. Caepiones*; hic autem: *Sed Quinti sunt scripta*. Hoc praenomen *Quinti* induxit librarium, ut Pompeii adderet, quod deinde, ut super factum, verum nomen extraxit. Et sic iam Corrao visum: qui simul memorat nonnullos h. l. legere: *Sed Publii sunt scripta*; cui tamen *Publio* non magis hic locus est quam Pompeio.

* *P. Crassum*) P. Licinium Crassum Mucianum Divitem. Nam quum P. Mucii Scaevolae filius fuisset a P. Licinio Crasso adoptatus, ita de more fuit appellatus. A. V. 623 Cos. fuit, quo tempore Claudius Cos. des. de C. Carbonis seditione retulit et aenuatus id decrevit, quod Cicero lib. III de legg. scribit. CORRAO.

* *Qui et ingenio valuit, et studio*) Tantum valuit, ut Valer. Max. VIII, 7, scribat: *P. Crassus, quum in Asiam Aristonicum regem debellandum consul venisset, tanta cura Graecae linguae notitiam animo comprehendit, ut eam in quinque divisis generis per omnes partes ac numeros penitus cognosceret. Quae res maximum ei sociorum amorem conciliavit,*

studio, et habuit quasdam etiam domesticas disciplinas. Nam et cum summo illo oratore, Ser. Galba, cuius C. filio filiam suam collocaverat, affinitate sese devinxerat: et, quum esset P. Mucii filius, fratremque haberet P. Scaevolam, domi ius civile cognoverat. In eo industriam constat summam fuisse, maximamque gratiam, quum et consuleretur plurimum, et diceret. Horum aetatibus adiuncti duo C. Fannii, C. et M. filii, fuerunt: quorum Caii filius, qui consul cum Domitio fuit, unam orationem, de sociis et nomine latino, contra Gracchum reliquit, sane et bonam et nobilem.

Tum Atticus: Quid ergo? estne ista Fannii? nam varia opinio pueris nobis erat. Alii a C. Persio, literato homine, scriptam esse aiebant, illo, quem significat valde doctum esse Lucilius; alii multos nobiles, quod quisque potuisset, in illam orationem contulisse.

qua quis eorum lingua apud tribunal illius postulaverat, eadem decreta reddenti. CORRAD.

Habuit quasdam etiam) Gu. 1, Ed. Omnib. *habuit etiam quasdam.*

Cum summo illo oratore) Omnisum illo Gu. 1.

P. Scaevolam) P. Mucium Scaevolam Pont. Max.

In eo industriam constat summam) Ed. Omnib. *in eo constat summam.*

* *Duo C. Fannii, C. et M. filii, fuerunt)* Prioris C. Fannii pater erat C. Fannius Strabo, qui cum Valerio Messala Cos. A. V. 693 fuit, et legem sumptuaria tulit, ut auctor est Plin. X, 50, quidquid Macrobius de ea recitat. Alterum C. Fannium, Laelii generum, semper Cicero hic et in Laelio et in Epp. ad Attic. *Marsi filium* vocat. CORRAD.

* *Contra Gracchum)* C. Gracchum. Sic enim Cicero saepe propter excellentiam vocat, ut infra, et lib. III de

Orat. videre licet. Hic vero illum significari, res etiam ipsa docet, quod quum ipse C. Gracchus C. Fannium consulem facieudum curasset, ille tamen a patribus stetit; nam quum C. Gracchus leges quasdam pronun-gasset, et quotidie magna sociorum multitudo ad eum conveniret, senatus Fannio consuli persunsit, ut iheret omnes, praeter Romanos, urbe exire; id quod fecit, Gracchus vero contra edictum fecit, et sociis, si manerent, opem contra consulem pollicebatur; hinc nata simulas. Id.

* *C. Persio — quem significat valde doctum esse Lucilius)* Nempe illo dicto: *Persium non curo legere, Laelium Decimum volo*, uti Cic. de Orat. I scribitur, non autem ut in prologo H. N. repetit Plinius: *Haec doctissimum Persium legere nolo, Laelium Decimum volo*. Nam si Lucilius doctissimum dixisset, Cicero h. l. non dixisset *significat*. Significavit

Tum ego, Audiui equidem ista, inquam, de maioribus natu, sed nunquam sum adductus, ut crederem; eamque suspicionem propter hanc causam credo fuisse, quod Fannius in mediocribus oratoribus habitus esset; oratio autem vel optima esset illo quidem tempore orationum omnium. Sed nec eiusmodi est, ut a pluribus confusa videatur (unus enim sonus est totius orationis, et idem filum); nec de Persio reticuisset Gracchus, quum ei Fannius de Menelao Maratheno, et de ceteris obiecisset, praesertim quum Fannius nunquam sit habitus elinguis. Nam et causas defensitavit, et tribunatus eius, arbitrio et auctoritate P. Africani gestus, non obscurus fuit. Alter autem C. Fannius, M. filius, C. Laelii gener, et moribus, et ipso genere dicendi durior, Is soceri instituto (quem, quia cooptatus in augurum collegium non erat, non admodum diligebat, praesertim quum ille Q. Scaevolam sibi, minorem natu gene-

vero, quum sua scripta cum legere noluit, illius iudicium reformidans, ut lib. I de Fin. cap. 3 scribit Cicero, Idem.

Et a pluribus confusa videatur) Aliud agebat Ernestius, quum corrigendum putabat, ut *e pluribus*, scil. orationibus confusa videatur. Cicero enim paulo ante nihil aliud dixerat, quam multos nobiles, quod quisque potuisset, in illam orationem conluisse.

Et idem filum) Vulg. et idem solus. Recte autem Ernestius legendum vidit et idem filum, quod iam est apud Victorinum. Vulgatam frustra defendit I. Theoph. Ernesti in lex. technol. lat. v. stilus.

Menelao) Menelaus, Marathenus, a Maratho antiqua Phoenicem urbe, rhetor Graecus, cuius opera C. Gracchus in orationibus suis uti putabatur. Eas.

* *Praesertim quum Fannius nunquam habitus sit elinguis*) Haec verba coniungenda sunt cum istis nec de Persio reticuisset Gracchus; hoc nimirum sensu: Si verum esset quod quidam dicebant, Fannii orationem a Persio scriptam fuisse, certe id Gracchus non reticuisset, quum ei simile quid Fannius obiecisset, praesertim quum Fannius nunquam sit habitus elinguis, ideoque ad conuelendam de eius eloquentia quamvis mediocri opinionem Gracchus eu libentius, cum Persii stilo, non suo, usum fuisse, exprobraturus fuisse. Ernesti haesit in hac verborum structura, nec se commode satis expedivit.

Genere dicendi durior. Is soceri) Gu. 1, 2, Ed. Omnib. genere dicendi durioris soceri. Ernesti sic putabat construendum: durior, soceri instituto. Non placet.

rum, praetulisset; cui tamen Laelius se excusans, non genero minori dixit se illud, sed maiori filiae detulisse); is tamen, instituto Laelii, Panaetium audiverat. Eius omnis in dicendo facultas ex historia ipsius non ineliganter scripta perspicui potest; quae neque nimis est infans, neque perfecte diserta. Mucius autem augur, quod pro se opus erat, ipse dicebat, ut de pecuniis repetundis contra T. Albucium. Is oratorum in numero non fuit; iuris civilis intelligentia, atque omni prudentiae genere praestitit. L. Coelius Antipater, scriptor, quemadmodum videtis, fuit, ut temporibus illis, luculentus, iuris valde peritus, multorum etiam, ut L. Crassi, magister.

27. Vtinam in Ti. Graccho, Caioque Carbone talis mens ad rempublicam bene gerendam fuisset, quale ingenium ad bene dicendum fuit! profecto nemo his viris gloria praestitisset. Sed eorum alter propter turbulentissimum tribunatum, ad quem ex invidia foederis Nu-

Cui tamen Laelius) Gu. 1, cui tum Laelius, bene, ut opinor.

* *Mucius*) Q. Mucius Scaevola, qui fuit alter Laelii gener, ut in Laelio scribitur, et L. Licinii Crassi oratoris socer, ut lib. I de Orat. cognoscitur, ubi tractatur ipse se Panurtium audivisse, et quaedam, quae ab eo acceperat, quum Rhodum venisset, cum Apollonio contulisse. Fuit hic consul cum L. Carcilio Metello, anno ab V. C. 637. CORRAD.

Quod pro se opus erat) Ed. Omnib. quod per se. Corradus malebat: quod opus erat, per se ipse dicebat. Lambin. quod opus erat ipse, per se dicebat. Optimum fortasse fuerit: quod opus erat, pro se ipse dicebat. Sic cap. 30, dixit ipse pro sese.

* *Et de pecuniis repetundis contra T. Albucium*) Neque accusatus ab

Albucio, deinde absolutus. Cf. de Orat. II, 70.

* *L. Coelius Antipater*) Scriptor belli Punici secundi. Orat. cap. 69: *Addidit historiae maiorem sonum.* De Orat. II, 13, scil. ut Cic. de legg. lib. II: *paulo inflavit vehementius, habuitque vires agrestes ille quidem at horridas, sine nitore ac paluestra; sed tamen admonere reliquos poterit, ut accuratius scriberent.*

* *Turbulentissimum tribunatum*) In quo leges agrarias promulgavit, M. Octavio collegae magistratum abrogavit, leges tulit, et triumviros ad dividendum agrum creavit, ac iterum tribunus plebis fieri voluit: ut Livius lib. LVII, Plutarchus, et alii scripserunt. CORRAD.

* *Ad quem ex invidia foederis etc.*) Haec verba Veli. Poter. interpretantur

mantini bonis iratus accesserat, ab ipsa republica est interfectus; alter, propter perpetuam in populari ratione levitatem, mortē voluntaria se a severitate iudicū vindicavit. Sed fuit uterque summus orator. Neque hoc memoria patrum teste dicimus; nam et Carbonis, et Gracchi habemus orationes, nondum satis splendidas verbis, sed acutas, prudentiaeque plenissimas. Fuit Gracchus diligentia Corneliae matris a puero doctus, et Graecis literis eruditus. Nam semper habuit exquisitos e Graecia magistros; in eis iam adolescens Diophanem Mitylenaeum, Graeciae, temporibus illis, disertissimum. Sed ei breve tempus ingenii augendi et declarandi fuit. Carbo, quoad vita suppeditavit, est in

lib. II, cap. 2, sed et ipse Cicero Orat. pro Domo. Plura Plutarch. et alii historici scribunt. lo.

Neque hoc memoria patrum teste dicimus) Gu. 1, 2: *Atque hoc m. p. 1. d.* Ed. Omnib. *Atque hoc memoria patrum teste didicimus.* Sed legendum esse neque iam Conradus intellexit. Schneiderus mavult: *neque hoc memoria patrum teste didicimus.* Volgatum tamen dicimus facile se tueri; modo neque in locum vulgati atque succedat.

* *Diligentia Corneliae matris*) De qua videndus Plutarchus in Gracchiis. Quintilianus quoque lib. I, cap. 1, sic ait: *Gracchorum eloquentiae multum contulisse accepiamus Corneliam matrem, cuius doctissimus sermo in posteros quoque epistolis traditus est.* Et Cicero infra: *Legimus epistolas Corneliae matris Gracchorum: apparet filios non tam in gremio educatos, quam in sermone matris.* Illa autem fuit Scipionis Africani maioris filia, et Tib. Sempronio Graccho nupsit, cui duodecim filios, ut Plutarchus scripsit, genuit, quos tanti fecit, ut

eorum causa Ptolemaei regis nuptias spreverit. A populo Romano non minus ob virtutem filiorum, quam ob patris memoriam colebatur. Unde statim illi positam Plinius et Plutarchos testantur. Et sane molier illa digna fuit immortalitate: quae non solum in ceteris rebus prudentissimae feminae officio est functa, sed casus etiam filiorum ita fortiter tulit, ut viri etiam fortissimi mirarentur: CORRAD.

* *Diophanem Mitylenaeum*) Rhetorem tunc in Italia exsulantem, ut scribit Plutarchus, qui refert item, illum et Blossium Cumanum Antipatri Tarsensis philosophi discipulum, auctores fuisse, ut Tib. Gracchus actionem illam susceperet. Quare paulo post ipsius Tib. Gracchi mortem Diophanes necatus est, et Blossius aufugit. IDEM.

Sed ei breve) Sic necessario scribendum, ut vidit Lambin. Vulgo, *Sed et breve.*

Carbo, quoad vita) Sic Manot. Lambin. Gu. 1, 2, *Carbo quo vita.* Victor. *Carbo quoad vita.* Id Ernestius quoque recepit, etsi in subiecta an-

multis iudiciis causisque cognitus. Hunc qui audierant prudentes homines, in quibus familiaris noster L. Gellius, qui se illi contubernalem in consulatu fuisse narrabat, canorum oratorem, et volubilem, et satis acrem, atque eundem et vehementem, et valde dulcem, et perfacetum fuisse dicebat; addebat, industrium etiam, et diligentem, et in exercitationibus commentationibusque multum operae solitum esse ponere. Hic optimus illis temporibus est patronus habitus, eoque forum teneute plura fieri iudicia coeperunt. Nam et quaestiones perpetuae hoc adolescente constitutae sunt, quae antea nullae fuerunt; (L. enim Piso, tribunus plebis, legem primus de pecuniis repetundis, Censorino et Manilio consulibus, tulit; ipse etiam Piso et causas egit, et multarum legum aut auctor, aut dissuasor fuit; isque et orationes reliquit, quae iam evanuerunt, et annales, sane exiliter scriptos); et iudicia populi, quibus aderat Carbo, iam magis patronum desiderabant, tabella data; quam legem L. Cassius, Lepido et Mancino consulibus, tulit.

28. Vester etiam D. Brutus, M. filius, ut ex familiari

notatione sibi quoad magis placere professus.

Quaestiones perpetuae) Frustra Corradus *quaestiones publicae* legendum putabat. Nec felicius Cuiacius: *quaestiones pecuniarum repetundarum*. Cur haec *quaestiones perpetuae* dictae sint, dudum exposuit Ernestius Clav. Cic. voc. *quaestio*.

L. enim Piso) Gu. 1, L. etiam Piso. Censor fuit A. V. 633, inde *Censorius* appellatus.

L. Cassius) Gu. 1, C. Crassus.

* D. Brutus) D. Iunius Brutus qui cum P. Cornelio Scipione Nasica Serapione anno ab V. C. 616 consul fuit. De Galliciis et Lusitanis, ut

auctor est Eutropius, cum magna gloria triumphavit: inde *Gallicus*, ut ait Paterculus, est appellatus, quamvis apud Strabonem lib. III, *Callaicus* legatur. Augurem fuisse e Laelio Ciceronis intelligimus, et apud Plutarchum est huiusmodi quaestio: *Quid est quod quam ceteri Romani Februario mortuis inferias mittere, et parentare consueverunt, D. Brutus, ut scribit Cicero, id Decembri faciebat?* Id Cicero lib. II de Leg. scripsit, sed nunc ea res paene tota desideratur, vix ut intelligi possit; nec intelligeretur omnino, nisi Accium ibi quoque nominaret. CORRAD.

* *Et ex familiari eius L. Attus*

eius L. Attio poeta sum audire solitus, et dicere non inculte solebat, et erat quum literis latinis, tum etiam graecis, ut temporibus illis, eruditus. Quae tribuebat idem Attius etiam Q. Maximo, L. Paulli nepoti: et vero ante Maximum, illum Scipionem, quo duce privato Ti. Gracchus occisus esset, quum omnibus in rebus vehementem, tum acrem aiebat in dicendo fuisse. Tum etiam P. Lentulus ille princeps, ad rempublicam diuita-

poeta sum audire solitus) Attium natum A. V. C. 583, si Cicero viginti annos natus, h. e. a. 667, audiit, eum tunc annum 84 egisse necesse est. Sed fieri potest etiam, ut Attius aliquot annis post, quam vulgo creditur, natus sit, eumque Cicero 16 annos natus audierit. Quidquid sit, temporis rationi haud repugnat, Ciceronem iuvenem cum Attio sese colloquutum fuisse.

* Q. Maximo) Q. Fabio Maximo Q. F. eius, qui cum L. Aemilio Pauli filius esset, adoptatus a nescio quo Fabio, Q. Labius Maximus Aemilianus est appellatus, et cum L. Hostilio Mancino anno ab V. C. 609 consul fuit. Hic vero filius cum L. Opimio, anno ab V. C. 633 consul fuit, et adversus Allobroges, et Bituitum regem Arvernorum feliciter pugnauit. Ex hac victoria cognomen *Allobrogicus* est inditum: quod Paternulus refert. CORRAD.

* L. Paulli nepoti) Nempe in adoptionis. L. Paullus enim Macedonicus (Vellei. Patere. I, 3) et duobus filiis nata maioribus alterum Fabio Maximo in adoptionem dederat, qui inde Fabius Aemilianus dictus est. Huus filius est is, de quo h. l. agitur, *Allobrogicus*.

Et vero ante Maximum, illum Scipionem) Hac interpunctione ab Ernestio facta tollitur Galienii con-

iectura, qua rescribendum esse suspicabatur: ante, Pontificem Maximum illum.

* Scipionem) P. Cornelium Nasicam Serapionem, eius, qui Corculum est appellatus, filium; eius, qui sacra accepit, quique vir optimus est iudicatus, nepotem. Consul fuit cum D. Bruto anno V 615. Hunc Scipionem nos arbitramur in Orat. pro Plancio his verbis significari: *Auus tuus P. Nasicus tibi aedilicium praedicaret repulsam: quo civis ego neminem statum in hac Rep. fortiorum.* CORRAD.

Occisus esset) Gn. 1, esset occisus.

* P. Lentulus ille princeps) P. Cornelius Lentulus princeps senatus, qui a. V. C. 691 consul fuit cum Gn. Domitio, P. Scipioni Nasicae et C. Mucio Figulo suffectus; idem qui de Orat. I, 49 nominatur. — Hunc Cicero Orat. IV in Catil. his verbis significat: *Illo tempore huius avus Lentuli clarissimus vir, armatus Gracchum est persequutus. Ille grave tumuluum accepit, ne quid de summa dignitate Reip. imminueretur.* Hic P. Lentulus olim missus est, ut privatos agros, qui in publicum Campanum incurrebant, coemeret, et in Oratione secunda contra Rullum scribitur, e qua, atque a Verrina I patet eum principem senatus fuisse: atque illa potant eruditi Philippica VIII legendum esse, quamvis librarii Multi principem se-

xat quod opus esset, satis habuisse eloquentiae dicitur. Iisdemque temporibus L. Fusius Philus perbene latine loqui putabatur, literatiusque, quam ceteri. P. Scaevola valde prudenter et acute, paulo etiam copiosius: nec multo minus prudenter M' Manilius. Appii Claudii volubilis, sed paulo fervidior erat oratio. In aliquo numero etiam M. Fulvius Flaccus, et C. Cato Africani

natores descriperint. Quod tamen dici posse ostendunt frequentes illae locutiones, *princeps locus, princeps civis*. Illud me magis movet, quod hic Lentulus tam saepe *princeps senatus* a Cicerone dicitur, et in consulibus illius temporis, quantum ego legere potui, non invenitur: quam tamen is esset mos, ut qui primus censor ex iis, qui viverent, fuisset, is princeps legeretur: et raro fiebat censor, qui consul ante non fuisset. Suspiciari possumus igitur hunc consulem fuisse, sed vel eius annum desiderari; vel cum C. Claudio, qui cum M. Perperna consul fuit, suffectum fuisse, et ob id cognomen eius in consulibus ad Claudium fuisse translatum: quod in aliis etiam factum animadvertimus, ut in consulibus anni ab V. C. 578 quivis facile videre poterit. INEM.

* *L. Furius Philus*) Cos. a. V. C. 618, c. Sex. Atilio Serrano. Memoratur de Or. II, 37, Lael. 4, pro Arch. 7, et saepius. In Gu. 1 est *L. Furius Pilus*. Hic est certe is, qui in libris de Rep. contra iustitiam disputavit, ut in scholiis libri IV ad Atticam retulimus. INEM.

M' Manilius) In compluribus edd. falso scribitur M. Manilius, quam eius praenomen *Manus* fuerit, non *Marcus*. Cos. fuit cum L. Censorino a. V. C. 604. Cf. de Orat. I, 49, III, 33.

* *Appii Claudii*) Hic Appius Claudius Pulcher cum Q. Caecilio Metello

Macedonico, anno ab V. C. 612, consul fuit, et Salassos, gentem Alpinam, ut lib. LIII Livius ait, domuit: qua de re etiam Paulus Orosius scribit. Hunc Plutarch. in Gracchis scribit fuisse non modo ὑπαρχόν, sed τραπεζίτην etiam, et προεργασμένον κατ' ἀξίωμα τῆς Ρωμαίων βουλῆς: qui Tib. Graccho Claudiam filiam ultro despondit, a quo postea triumvir ipse creatus est. IDEM.

* *M. Fulvius Flaccus*) Qui cum M. Plautio Hypseo, anno ab V. C. 628, consul fuit, et quod Livius liber LX scripsit, primus omnium transalpinos Ligures bello domuit, missus auxilio Massiliensibus adversus Falavios Gallos, qui populabantur fines Massiliensium. Et de his, ut apud Plutarchum cognoscas, triumphavit unde Paterculus illum triumphalem vocat. Non verisimile videtur mihi, quod scribit Appianus, eum post consulatum tribunum plebis fieri, hoc est ab equis ad asinos, quod simul, transire voluisse, aut cum C. Graccho in Africam esse profectum, quum Plutarchus ostendat Romae mansisse, et tunc eius calamitatis Drosi potentiam crevisse. Reversum certe C. Gracchum semper incitavit, donec ipse quoque cum reliquis poenas dedit. Armatus enim in Aventino, ut Poterentius ait, ad pugnam eiecit, cum filio maiore ingulatus est. Nec ita multo post alter filius, quem poter le-

sororis filius, mediocres oratores; etsi Flacci scripta sunt, sed ut studiosi literarum. Flacci autem aemulus P. Decius fuit, non infans ille quidem, sed ut vita, sic oratione etiam turbulentus. M. Drusus, C. filius, qui in tribunatu C. Gracchum collegam, iterum tribunum, fregit, vir et oratione gravis, et auctoritate; eique proxime adiunctus C. Drusus frater fuit. Tuus etiam gentilis, Brute, M. Pennus facile agitavit in tribunatu C. Gracchum, paulum aetate antecedens. Fuit enim M. Lepido et L. Oreste consulibus, quaestor Gracchus, tribunus Pennus, illius M. filius, qui cum Q. Aelio consul fuit; sed omnia is summa sperans aedilicius est mortuus. Nam de T. Flaminio, quem ipse vidi, nihil accepi, nisi latine diligenter loquutum.

29. His adiuncti sunt C. Curio, M. Scaurus, P. Ru-

gatum de conditionibus miserat, ab Opinio interemptus est. IDEM.

* C. Cato) Catonis Censorii nepos cos. a. V. 639.

* P. Decius) cognomine *Mus*, praetor a. V. 638. Idem qui de Orat. II, 31, 3a memoratur.

* M. Drusus) Marcus Livius Drusus, qui ob eximiam adversus Gracchos operam patronus senatus est dictus, ut nil in Tiberio Suetonio. Tribunus enim plebis, nil refert Plutarchus, partes senatus est sequutus, et C. Graccho collegae semper est adversarius. Praetor urbanus hic fuit, nil auctor Rheg. ad Herenn. ostendit, et Cicero lib. VII ad Atticum. Consul anno ab V. C. 641 cum L. Calpurnio Pisone fuit, et adversus Scordiscos gentem a Gallis oriundam in Thracia feliciter pugnavit; magnumque honorem tulit, quod Livius lib. LXIII inscripsit. CORR.

Iterum tribunum fregit) Scilicet ann. V. 631.

C. Drusus frater fuit) Omissum frater Gu. 1, 2.

* Gentilis) Quod M. Iunius Brutus ipse quoque, nil tu, nil appellatus et ex eadem gente Iunia, ex qua tu quoque, nil natus. CORR.

Tuus etiam gentilis — M. Pennus) Nempe M. Iunius Pennus.

C. Gracchum, paulum aetate antecedens) Gu. 1, paulum, C. Gracchum aetate antecedens. Gu. 2, paululum C. Gracchum ae. a.

Lepido et L. Oreste consulibus) a. V. C. 627.

Sed omnia is summa sperans) Gu. 1, 2, sed is omnia summa sperans.

His adiuncti sunt) Gu. 1, 2, His adiuncti.

* C. Curio) C. Scribonius Curio, quem supra in ordine M. Scauro, P. Rutilio et C. Graccho praeposuerat. Hic pater fuit eius, qui postea cum Cn. Octavia consul fuit: avus eius, qui postea tribun. pleb. et tribunicus Reip. Caesaris causa perturbavit: de

tilius, C. Gracchus. De Scauro et Rutilio breviter licet dicere, quorum neuter summi oratoris habuit laudem, at uterque in multis causis versatus erat. In quibus sane laudandis viris, etiamsi maximi ingenii non essent, probabilis tamen industria; quamquam iis quidem non omnino ingenium, sed oratorium ingenium defuit. Neque enim refert videre, quid dicendum sit, nisi id queas solute et suaviter dicere. Ne id quidem satis est, nisi id, quod dicitur, sit voce, vultu, motuque conditius. Quid dicam, opus esse doctrina? sine qua, etiam si quid bene dicitur adiuvente natura, tamen id, quia fortuito fit, semper paratum esse non potest. In Scauri oratione, sapientis hominis et recti, gravitas summa, et naturalis quaedam inerat auctoritas, non ut causam, sed ut testimonium dicere putares. Hoc dicendi genus ad patrocinia mediocriter aptum videbatur; ad senatoriam vero sententiam, cuius erat ille princeps, vel maxime.

quibus suo loco dicitur, praesertim quum pater, filius, et nepos ornatores fuerint, ut auctor est Plinius lib. VII, cap. 41. Et pater hic quidem lib. II de Orat. ab Antonio dicitur fuisse eloquentissimus illis temporibus. Conn.

* *M. Scaurus*) M. Aemilius Scaurus, qui cum M. Caecilio Metello anno 639 consul fuit; etsi his consul videatur fuisse. Huius vitam auctor libelli de Viris illustribus breviter est complexus. IDEM.

* *P. Rutilius*) P. Rutilius Rufus, qui cum C. Manlio anno 649 consul fuit. Rutilius, inquit Sextus Pompeius, rufum significat: hinc Rutilii Rufi videntur appellati: qui plebei fuerunt, ut ostendit vel hic P. Rutilius, quem Cicero in Orat. pro Plancio, et lib. I de Orat. tribunum plebis fuisse demonstrat. IDEM.

At uterque) Recte sic Ernestius.

Vulg. et uterque. Schneidero placebat *etsi uterque*.

In quibus sane laudandis viris) Viet. *In quibusdam laudandis viris*. Et sic vulgo. Bene autem Ernestius emendavit reponendo *In quibus sane*.

Solute et suaviter dicere) Bene I. C. T. Ernestius in lex. technol. Lat. Rhet. v. *solute* docuit hoc vocabulum ad explanationem oratoriam pertinere, quia id quod inventum et excogitatum est, veluti dissolvere, explanare, et explicare luculenter copioseque possimus. Sic c. 31 coniungitur *suavitas dicendi et copia*.

Recti) Sic Gu. 1, 2. Vietor. Gothofr. tenti.

Dicere putares) Vulgo adduntur *quum pro reo diceret*. Ea recte absunt Gu. 1, 2, et sunt ab interpolatore.

* *Sententiam, cuius erat princeps*) Nempe quia princeps senatus erat

Significabat enim non prudentiam solum, sed, quod maxime rem continebat, fidem. Habebat hoc a natura ipsa, quod a doctrina non facile posset. Quamquam huius quoque ipsius rei, quemadmodum scis, praecepta sunt. Huius et orationes sunt, et tres ad L. Fufidium libri scripti de vita ipsius apte, ac sane utiles. Quos nemo legit: at Cyri vitam et disciplinam legunt, praeclaram illam quidem, sed neque tam nostris rebus aptam, nec tamen Scauri laudibus anteponendam.

30. Ipse etiam Fufidius in aliquo patronorum numero fuit; Rutilius autem in quodam tristi et severo genere dicendi versatus est, et uterque natura vehemens, et acer. Itaque quum una consulatum petivissent, non ille solum, qui repulsam tulerat, accusavit ambitus designatum competitorem, sed Scaurus etiam absolutus Rutilium in iudicium vocavit; multaque opera, multaque industria Rutilius fuit; quae erat propterea gratior, quod idem magnum munus de iure respondendi sustinebat. Sunt eius orationes ieiunae; multa praeclara de iure; doctus vir, et graecis literis eruditus, Panaetii auditor, prope perfectus in Stoicis; quorum peracutum et artis plenum orationis genus, scis tamen esse exile,

Scaurus, primus quoque inter senatores sententiam rogebatur.

Et tres ad L. Fufidium) qui ipse etiam in aliquo patronorum numero fuit) Haec verba parenthesi inclusa hoc transtuli. In omnibus edd. post verba ultima huius cap. nec tamen Scauri laudibus anteponendam, adiciuntur ista: ipse etiam Fufidius in aliquo patronorum numero fuit. Quia autem deinceps sequitur: Rutilius autem in quodam tristi et severo genere dicendi versatus est, et uterque natura vehemens, et acer, nisi illa verba: ipse etiam L. Fufidius fuit hinc auoveren-

tur, plane intelligendum esset, utrumque, Rutilium et Fufidium fuisse naturam vehementem et acrem: quum Cicero tamen hoc de Scauro et Rutilio praedicet.

Neque tam nostris rebus aptam) Gu. 1, 2, neque nostris rebus aptam.

Nec tamen Scauri laudibus anteponendam) Gu. 2 omittit tamen.

Multa praeclara de iure) Ernestio placet: multa praeclara scil. scripta de iure.

Scis tamen esse exile) Sic Gu. 1, 2, Ed. Omnib. Lallem. Vulgo sed tamen exile, Suavius autem est Ciceronem

nec satis populari assensionem accommodatum. Itaque illa, quae propria est huius disciplinae, philosophorum de se ipsorum opinio, firma in hoc viro et stabilis inventa est. Qui quum innocentissimus in iudicium vocatus esset (quo iudicio convulsam penitus scimus esse rempublicam), quum essent eo tempore eloquentissimi viri L. Crassus et M. Antonius consulares, eorum adhibere neutrum voluit. Dixit ipse pro sese; et pauca C. Cotta, quod sororis erat filius, et is quidem tamen, ut orator, quamquam erat admodum adolescens. Sed Q. Mucius enucleate ille quidem et polite, ut solebat, nequaquam autem ea vi atque copia, quam genus illud iudicii et magnitudo causae postulabat. Habemus igitur in Stoicis oratoribus Rutilium, Scaurum in antiquis;

h. l. ut sapiebat, Brutum alloqui, eumque quasi testem et auctorem sententiae suae adhibere. Ita capite superiore: huius ipsius rei, quoniam admodum scis, praeccepta sunt.

* Illa, quae propria est huius disciplinae philosophorum de sapiente opinio) Ita corrigendum putavi. Vulgo illa quae propria est huius disciplinae philosophorum de se ipsorum opinio. Cicero enim hoc innuit, Rutilium exemplo suo docuisse, Stoicorum de sapiente opinionem non vanam esse, sed firmam ac stabilem. Nimirum Stoici negabant sapientem cuiquam servire, cuiquam supplicem fieri, aut quidquam gratiae causa facere. Egregie autem illustratur hic locus lib. I de Oestore c. 52, 53, Paradox. V, 3, Orat. pro Murena c. 29, 30.

Qui quum innocentissimus in iudicium vocatus esset) Particulam quam hic sententiae consecutio possit; eamque iam praebet Victorii editio. Vulgo quamquam inerte. Nec melius, ut quod

Palmyraeno in mentem venerat, quoniam.

* Quod sororis erat filius) Rutiliae, de qua Seneca in Consol. ad Albinum ita scribit: Rutilia Cottam filium sequuta est in exilium.... nec ante in patriam quam cum filio rediit. etc. CORRAD.

* Habemus igitur in Stoicis oratoribus Rutilium, Scaurum in antiquis) Qui sint antiqui oratores, Ernestius probabiliter explicavit. Nempe sunt ii, qui sine doctrina, Graecorum potissimum literarum expertes, antiquo more ac simplici dicebant. Firmare sententiam poterat cap. 25 ubi de fratribus Mummis dicitur, alterum quidem Lucium simplicem et antiquum fuisse, alterum Sparium, qui doctus fuerit ex disciplina Stoicorum, nihilo illum quidem orationem, sed tamen strictiorem fuisse. Ceterum conueniunt ista sic, ut opinor, legerentur: Habemus igitur, ut in Stoicis, oratorem Rutilium, Scaurum, ut in antiquis,

utrumque tamen laudemus, quoniam per illos ne hac quidem in civitate genera haec oratoria laude caruerunt. Volo enim, ut in scena, sic etiam in foro, non eos modo laudari, qui celeri motu et difficili utantur, sed eos etiam, quos statarios appellant, quorum sit illa simplex in agendo veritas, non molesta.

31. Et quoniam Stoicorum est facta mentio, Q. Aelius Tubero fuit illo tempore, L. Paulli nepos, nullo in oratorum numero, sed vita severus, et congruens cum ea disciplina, quam colebat; paulo etiam durior; qui quidem in triumviratu iudicaverit contra P. Africanum,

Ne hac q. i. e. g. haec o. l. e.) Ita rescripsi, partim ex scriptura Gu. 1, partim ex Schützii conjectura. Vulgo: *Ne haec q. i. e. g. haec o. l. e.* Verisimilis mihi videtur, verba *haec haec* a librario fuisse invicem transmutata. EN. TAYL.

Volo enim, ut in scena, sic etiam in foro) Abesse molim etiam. In istis enim comparandi formulis saepe omititur; et hic eo facilius eo careans, quis statim aptiore loco recurrit. Et abest etiam ab edit. Omnib.

* *Celeri motu et difficili*) Non est quod lectionem *difficili* mutandam putes. *Motus difficilis* est i. q. paulo post *actio molesta*.

* *Statarios*) Hanc comparisonem bene illustravit Gesnerus in Thes. L. L. et loco Terentiano in prol. Heautont. Vid. Cl. Cic. b. v.

* *Non molesta*) Gu. 2, *non molestia*, quod Ernestius quoque praeferebat. Audirem, si additum esset in *gestu* vel simile quid. Est autem veritas in *agendo molesta illa*, quam dicit Quintilianus Inst. or. II, 3, 183 pronunciationem vultuosam et gestulationibus molestam, et vocis intonationibus resultantem.

* *Quintus Aelius Tubero*) Pannetii auditor, et Stoicorum doctrinam morum et orationis tristitiam suscepit cum dialectica subtilitate. Avita decora, et honores, honorum ipse contempta longe superavit. Nam paupertatem generis ab suis maioribus, fascibus et triumphis ornata, ipse, praelata honoribus continentia, magis nobilitavit per acceptam repulsam. Epulam enim P. Africani nomine populo Rom. quam daret Fab. Maximus, ipse rogatus ut triclinium sterneret, lectulos ligneos Punicanos pellibus textit boedinis, et fictilia veterum pro argenteis vasis exposuit. Quam obsoletam iam frugalitatem populus mirari malebat, quam experiri, pluresque apud eum valuit tenuis illius apparatus indignatio, quam Lucii Pauli Tuberonis avi, eiusque avunculi Africani merita: quibus hic in comitiis praetoriis, iustum suffragiorum numerum minime tulit. Doctrina iuris praestitit omnibus quotquot ante se floruerant. Scripsit historias, et librum de Officio iudicis ad Caium Oppium. Huoc vero Consulem fuisse, a nullo veterum, praeter Pomponium, accepimus. GRAEVA de Ortu Iuris.

* *In Triumviratu*) Quis hic trium-

avunculi sui, testimoniū, vacationem augures, quo minus iudiciis operam darent, non habere; sed ut vita, sic oratione durus, incultus, horridus. Itaque honoribus maiorum respondere non potuit. Fuit autem constans civis, et fortis, et in primis Graccho molestus, quod indicat Gracchi in eum oratio. Sunt etiam in Gracchum Tiberonis. Is fuit mediocris in dicendo, doctissimus in disputando.

Tum Brutus: Quam hoc idem in nostris contingere intelligo, quod in Graecis, ut omnes fere Stoici prudentissimi in disserendo sint, et id arte faciant, sintque architecti paene verborum; iidem, traducti a disputando addicendum inopes reperiantur! Vnum excipio Catonem, in quo, perfectissimo Stoico, summam eloquentiam non desiderem; quam exiguam in Fannio, ne in Rutilio quidem magnam, in Tiberone nullam video fuisse.

Et ego, Non, inquam, Brute, sine causa, propterea quod istorum in dialecticis omnis cura consumitur; vagum illud orationis, et fusum, et multiplex non adhibetur genus. Tuus autem avunculus quemadmodum

viratus sit nemo, quod sciam, ita explicavit, ut rem prorsus expeditam esse, nobis persuaserit. Ernestius in Clave Cic. bene quidem Corradum refutavit, qui Tiberonem triumvirum monetalem aut capitalem fuisse coniecerat. Idem tamen quum existimabat, sermonem hic esse non de triumviratu Tiberonis, sed de tempore triumviratus agrarii, qui fuit illis temporibus ex lege agraria Sempronia C. Gracchi, non cogitabat, antea docendum fuisse, Ciceronem ista omnia, quae hic intelligenda essent, infinito hoc vocabulo in *triumviratu* significare potuisse. Quidni potius legamus in *tribunatu*?

Iudicaverit) Ga. 1, 2, *iudicaverat*.

* *Vacationem augures* — non habere) Q. Tiberone indicavit augures vacationem non habere, quo minus iudiciis operam darent. Tempore certe Ciceronis non videntur habuisse. Nam Cicero ipse, quum esset augur, verabatur tamen, ne sors de indicatu suo educeretur, lib. XII ad Attic. 18, 19. CORRAD.

Fortis, et in primis Graccho molestus) Ga. 2, *fortis, imprimis Graccho molestus*.

* *Catonem*) Uticensem nimirum, quem paulo post Bruti avunculum nominat. Servilia enim, Bruti mater, Catonis fuit soror.

scis, habet a Stoicis id quod ab illis petendum fuit; sed dicere didicit a dicendi magistris, eorumque more se exercuit. Quodsi omnia a philosophis essent petenda, Peripateticorum institutis commodius fingeretur oratio. Quo magis tuum, Brute, iudicium probo, qui eorum philosophorum sectam sequutus es, quorum in doctrina atque praeceptis disserendi ratio coniungitur cum suavitate dicendi et copia; quamquam ea ipsa Peripateticorum Academicorumque consuetudo in ratione dicendi talis est, ut nec perficere oratorem possit ipsa per sese, nec sine ea orator esse perfectus. Nam ut Stoicorum astrictior est oratio, aliquantoque contractior, quam aures populi requirunt, sic illorum liberior et latior, quam patitur consuetudo iudiciorum et fori. Quis enim uberior in dicendo Platone? Iovem sic aiunt philosophi, si graece loquatur, loqui. Quis Aristotele nervosior? Theophrasto dulcior? Lectitavisse Platonem studiose, audivisse etiam Demosthenes dicitur; idque apparet ex genere et granditate verborum. Dicit etiam in quadam epistola hoc ipse de sese. Sed et huius oratio, in philosophiam translata, pugnacior, ut ita dicam, videtur, et illorum in iudicia, pacatior.

32. Nunc reliquorum oratorum aetates, si placet, et

Qui eorum philosophorum) Posteorum vulga legebatur: id est ex vetere Academia, in quo dudum viri docti glossema odorati sunt, nimis patienter in textu toleratum.

Iovem sic aiunt philosophi, si Graece loquatur, loqui) Ascivimus Gulicijlectionem, Heusingero quoque probatam. Vulgo: Iovem aiunt philosophi, si Graece loquatur, sic loqui. Gu. 1, 2, Iovem sicut aiunt philosophi, si Graece loquatur, loqui. Palmyrneus conj. Iovem sic quidem, aiunt philoso-

phi, si Graece loquatur, loqui. Victor, Iovem sic, ut aiunt philosophi, si Graece loquatur, loqui.

Lectitavisse Plat. studiose, audivisse etiam Demosthenes dicitur) Corradus dubitat, utrum studiosus ad lectitavisse, an potius ad audivisse trahendum sit; praesertim quum lib. I de Orat. Demosthenes dicatur Platonis studiosus audiendi fuisse. Quid autem impedit, quo minus studiosus ad utrumque pertinere dicamus?

gradus persequamur. Nobis vero, inquit Atticus, et vehementer quidem, ut pro Bruto etiam respondeam. Curio fuit igitur eiusdem aetatis fere, sane illustris orator, cuius de ingenio ex orationibus eius existimari potest. Sunt enim et aliae, et pro Ser. Fulvio, de incestu, nobilis oratio. Nobis quidem pueris haec omnium optima putabatur, quae vix iam comparet in hac turba novorum voluminum.

Praeclare, inquit Brutus, teneo, qui istam turbam voluminum effecerit.

Et ego, inquam, intelligo, Brute, quem dicas. Certe enim et boni aliquid attulimus iuventuti, magnificentius, quam fuerat, genus dicendi et ornatus; et nocuimus fortasse, quod veteres orationes post nostras, non a me quidem (meis enim illas antepono), sed a plerisque legi sunt desitae.

Annumera, inquit, me in plerisque; quamquam video mihi multa legenda iam te auctore, quae antea contemnebam.

Atqui haec, inquam, de incestu laudata oratio puerilis est locis multis; de amore, de tormentis, de rumore, loci sane inanes; verumtamen, nondum tritis nostrorum hominum auribus, nec erudita civitate, tolerabiles. Scripsit etiam alia nonnulla, et multum dixit, et illustrium in numero patronorum fuit; ut eum

Et ego, inquam, intelligo, Brute, quem dicas) Gu 1, *Ego, inquam. Malim: Et ego: Intelligo quem dicas. Vi post ego suppressum sit inquam. Plene dicitur cap. 31: Et ego, Non, inquam, Brute, sine causa. Itaque transponendum: Et ego, intelligo, inquam, Brute, quem dicas.*

Annumera — me in plerisque) Vulg. *enumera. Sed in Garl. 1 fuit annu-*

mera, nisi quod primam litteram macula oppressit.

Et multum dixit, et illustrium in numero patronorum fuit) Ita correxi vulgatum: *et multa dixit, et illustria, et in numero patronorum fuit.* Etenim *multa dixit* latine significare non potest, eum multas orationes habuisse, qui tamen sensus hic poscitur; sed hoc evanescit verbis *multum dixit*, ubi

mirer, quum et vita suppeditavisset, et splendor ei non defuisset, consulem non fuisse.

33. Sed ecce in manibus vir, et praestantissimo ingenio, et flagranti studio, et doctus a puero, C. Gracchus. Noli enim putare, quemquam, Brute, pleniorum et uberiores ad dicendum fuisse. Et ille, Sic prorsus, inquit, existimo; atque istum de superioribus paene solum lego.

Immo plane, inquam, Brute, legas censeo. Damnum enim illius imminuto interitu res romanae latinaeque literae fecerunt. Utinam non tam fratri pietatem, quam patriae, praestare voluisset! Quam ille facile tali ingenio, diutius si vixisset, vel paternam esset, vel avitam gloriam consequutus! Eloquentia quidem nescio an habuisset parem neminem. Grandis est verbis, sapiens sententiis, genere toto gravis, manus extrema non accessit operibus; praeclare inchoata multa, perfecta non plane. Legendus, inquam, est hic orator, Brute, si quisquam alius, iuventuti. Non enim solum acuere, sed etiam alere ingenium potest.

34. Huic successit aetati C. Galba, Servii illius eloquentissimi viri filius, P. Crassi eloquentis et iurisperiti gener. Laudabant hunc patres nostri, favebant etiam propter patris memoriam, sed cecidit in cursu. Nam rogatione Mamilia, Ingurthinae coniurationis invidia,

multum est i. q. saepe. Alteram emendationis partem iam occupavit Schneiderus ep. ad Langerum p. 28.

Pleniorum et uberiores) Ed. Omnib. Victor. *pleniorum aut uberiores.* Et sic Gu. 2. At Gu. 1, ac *uberiores.* Victorii lectionem praeferimus. Similiter c. 34 extr. nisi iudicarem, qui suspiciosius aut criminosis diceret, audivisse me neminem.

Manus extrema non accessit operi-

bus) Ancloritate Gu. et expunxi eus; quod vulgo additur, sed elegantius abest.

* *Rogatione Mamilia, Ingurthinae coniurationis invidia*) Ed. Omnib. *rogatione Manilia, Ingurthinae coniurationis invidia.* Pro lectione *rogatione Manilia*, quae multas editiones obseverat, recte hic et post Conradus et Lambinus dederunt *rogatione Mamilia.* Nempe a. V. 643 C. Mamilius Li-

quum pro sese ipse dixisset, oppressus est. Exstat eius peroratio, qui epilagus dicitur; qui tanto in honore pueris nobis erat, ut eum etiam edisceremus. Hic, qui in collegio sacerdotum esset, primus post Romam conditam iudicio publico est condemnatus. P. Scipio, qui est in consulatu mortuus, non multum ille quidem, nec saepe dicebat, sed et latine loquendo cuius erat par, et omnes sale facetiisque superabat. Eius collega L. Bestia bonis initiis orsus tribunatus (nam P. Popilium vi C. Gracchi expulsum sua rogatione restituit) vir et acer, et non indisertus, tristes exitus habuit consulatus. Nam invidiosa lege Mamilia quaestione C. Galbam sacerdotem, et quatuor consulares, L. Bestiam, C. Catonem, Sp. Albinum, civemque praestantissimum L. Opimium, Gracchi interfectorem, a populo absolu-

metanus tribunus plebis legem tulit, uti quaereretur in eos quorum consilio Iugurtha Senatus decreta neglexisset, quique ab eo in legationibus aut imperiis pecunias acceperant, etc. quae refert Sallustius bell. Ing. c. 13.

Vt eum etiam edisceremus) Abest cum ed. Omnib.

* *P. Scipio*) P. Cornelius Scipio Nasica, P. illius, qui Tib. Gracchi conatus perditos vindicavit, filius, ut lib. I de Officiis dicitur: qui cum L. Calpurnio Bestia consul fuit anno 643. Coas.

Eius collega) Gu. 1, cuius collega.

* *L. Bestia*) L. Calpurnius Bestia, qui consul bellum cum Iugurtha gerere iussus, pacem cum eoiniatis populi et senatus fecit, ut Liv. lib. LXIV scripsit, quod ipse quoque, ut Sallustius ostendit, pecunia fuisset a rege corruptus: qui postea, ut ex lib. II de Orat. cognoscitur, a C. Memmio fuit accusatus. Fuit autem consul cum

P. Cornelio Scipione Nasica, anno ab V. C. 643. IDEM.

Tristes exitus habuit) Gu. 1, *tristes habuit exitus* ordine verborum concinniore.

Invidiosa lege Mamilia quaestione) Veram haec lectionem praebet ed. Ald. Postea in multas irrepsit quaestio, quod Ernestium inducebat, ut id uncis includeret, tamquam ex margine adscriptum.

* *L. Opimium*) Qui praetor et consul maximis Remp. periculis liberavit, ut in Orat. in Pisonem dicitur. Nam praetor Fregellanos, qui defecerant, in deditiorem accepit, Fregellas diruit, ut scripserunt Liv. lib. XI, et Ascon. in Orat. in Pisonem. Consul vero L. Opimius cum Q. Fabio Maximo, anno ab V. C. 653, C. Gracchum interfecit. Hic est Opimius, a quo consule celeberrimum Opimiani vini nomen est: de quo Cicero infra meminit, Paterculus lib. II, Ptin. lib.

tum, quum is contra populi studium stetisset, Gracchani iudices sustulerunt. Huius dissimilis in tribunatu reliquaque omni vita, civis improbus, C. Licinius Nerva non indisertus fuit. C. Fimbria temporibus iisdem fere, sed longius aetate proventus, habitus est sane, ut ita dicam, truculentus accusator, asper, maledicus, genere toto paulo fervidior, atque commotior; diligentia tamen, et virtute animi, atque vita bonus auctor in senatu. Idem tolerabilis patronus, nec rudis in iure civili, et quum virtute, tum etiam ipso orationis genere liber; cuius orationes pueri legebamur, quas iam reperire vix possumus. Atque etiam ingenio, et sermone eleganti, valetudine incommoda, C. Sextius Calvinus fuit; qui etsi, quum remiserant dolores pedum, non deerat in causis, tamen id non saepe faciebat. Itaque consilio eius, quum volebant, homines utebantur; patrocinio, quum licebat. Iisdem temporibus M. Brutus, in quo magnum fuit, Brute, vulnus generi vestro, qui, quum

XIV, cap. 4. Credimus Opimiorum cognomen Pansam fuisse, quod Liv. lib. X, L. Opimium Pansam quaestorem agnoscat. Conn.

* *A populo absolutum, quum is contra populi studium stetisset*) H. e. quemvis is populi studium, quo complexus erat C. Gracchum, oppugnasset.

* *Habitus est sane, ut ita dicam, truculentus accusator*) Vulgo editur: *habitus est sane, ut ita dicam, luculentus patronus*. Quod inre Ernestium offendit. Nam qualis patronus fuerit Fimbria, paulo post dicitur. Itaque patronus defendendum esse ille indicabat, et pro *luculentus* legendum *truculentus*; hactenus recte, nisi quod necessario, quod fecimus, addendum erat accusator. In hunc enim omnia

ista conveniunt, *truculentus, asper, maledicus*. Sic infra c. 35 Memmii dicuntur accusatores acres atque acerbi. Vitium vulgatae scripturae sic ortum esse videtur. Quum omissum forte esset a librario *accusatoris* vocabulum, alius quidam supplavit *patronus*, cui quum non conveniret epitheton *truculentus*, facile potuit in *luculentus* mutari.

In quo magnum fuit, Brute, vulnus generi vestro) Ed. Omn. *in quo magnum fuit, Brute, decus generi vestro*. Vulgo: *in quo magnum fuit, Brute, dedecus generi vestro*. Rivinus autem in ed. Rom. invenit *vulnus*, quae lectio est exquisitior, nec vero, ut Ernestius putabat, rei, quae de agitur, inepta. Fuerunt qui legerent: *in quo magnum fuit, Brute, dedecus inustum generi vestro*.

tanto nomine esset, patremque optimum virum habuisset et iuris peritissimum, accusationem factitaverit, ut Athenis Lycurgus. Is magistratus non petivit, sed fuit accusator vehemens et molestus; ut facile cerneretur naturale quoddam stirpis bonum degeneravisse vitio depravatae voluntatis. Atque eodem tempore accusator de plebe L. Caesulenus fuit, quem ego audivi iam senem, quum ab Lucio Sabellio multam lege Aquillia de iniuria petivisset. Non fecissem hominis paene infimi mentionem, nisi iudicarem, qui suspiciosius aut criminosius diceret, audivisse me neminem. Doctus etiam Graecis T. Albucius, vel potius paene Graecus. Loquor, ut opinor; sed licet ex orationibus iudicare. Fuit autem Athenis adolescens; perfectus Epicureus evaserat; minime aptum ad dicendum genus.

35. Iam Q. Catulus, non antiquo illo more, sed hoc nostro (nisi quid fieri potest perfectius) eruditus. Multae literae, summa non vitae solum, atque naturae, sed orationis etiam comitas, incorrupta quaedam latini sermonis integritas; quae perspicui cum ex orationibus eius potest, tum facillime ex eo libro, quem de consulatu, et de rebus gestis suis conscriptum molli ex Xenophonteo genere sermonis, misit ad A. Furium

De iniuria) Vulgo *de iustitia*, male. Lex enim huius Aquillii fuit *de damno iniuria dato*. Itaque recte Manutius et Lambinus correxerunt *de iniuria*.

* *T. Albucius*) Eques Romanus, admodum levis, et morum peregrinitate odiosus, Sardiniam praetor obtinuit, anno Urbis 649. Quum sibi non expectato senatus iudicio triumphum arrogasset homo vanissimus, eius temeritas supplicatione denegata notata est. PARZ.

* *Q. Catulus*) Q. Lutatius Catulus cum C. Mario, anno ab V. C. 652 consul fuit, et cum eodem Mario de Cimbris triumphavit, ut scribit Plutarchus. Postea vero in civili bello victor Marius, necessarii Q. Catuli deprecantibus, non semel respondit: *Moriatur*, ut Cicero Tuscul. V. refert. Vita igitur se ipso privavit, ut Valer. Max. lib. IX, c. 12, scribit, recenti calce illito, multoque igni percalefacto cubiculo. De hac re videndus etiam Paterculus. Cox.

Eruditus) Gucll. 1, 2, *eruditus*.

poëtam familiarem suum; qui liber nihilo notior est, quam illi tres, de quibus ante dixi, Scauri libri.

Tum Brutus, Mili quidem, inquit, nec iste notus est, nec illi; sed nec mea culpa est: nunquam enim in manus inciderunt. Nunc autem et a te sumam, et conquiram ista posthac curiosius.

Fuit igitur in Catulo sermo latinus; quae laus in dicendo non mediocris ab oratoribus plerisque neglecta est. Nam de sono vocis, et suavitate appellandarum literarum, quoniam filium cognovisti, noli expectare quid dicam. Quamquam filius quidem non fuit in oratorum numero; sed non deerat ei tamen in sententia dicenda cum prudentia, tum elegans quoddam et eruditum orationis genus. Nec habitus est tamen pater ipse Catulus princeps in numero patronorum; sed erat talis, ut, si cum iis audires, qui tum erant praestantes, videretur

Sed nec mea culpa est) Ed. Omu. Victor, aliaeque plurimae: *sed haec mea culpa est*. Veram lectionem *sed nec* a Rivio et Lambino probatam iam repraesentat ed. Aldina.

Laus in dicendo) Hanc lectionem praebet ed. Rom. teste Rivio. « Perperam vulgo *laus dicendi*, non quin sic quidem dici latine possit (neque enim hoc in dubium venit) sed quod hanc sensus ipse lectionem respicit et repudiet. Nam laus dicendi ea demum est, ubi quis de eloquentia commendatur, et facultate dicendi. Quam in sententiam postea L. Cottam Cicero dicendi non ita multum laude processisse ait. Sic et *bene loquendi laus*, quum de sermone quis plane latino et emendato laudatur. Quomodo postea Cicero, ubi M. Aurelium Scaurum latine in primis esse eleganter loquentem dixit, mox eandem laudem in A. Albino *bene lo-*

quendi fuisse ait. At vero *laus ipsa in dicendo* ea fere est, quam aliqua virtus, qua sit in orando quis nil solitus, probatur. Quo modo Cicero hic sermonem latinum ait laudem esse in dicendo non mediocrem; nimirum quod praeclaram et eximiam mereretur laudem orator, si pure atque incorrupte loquatur, non inquinata ac sordide. Vides igitur aliud quiddam longeque aliud esse *dicendi laudem* atque *in dicendo*. » Hactenus Rivius.

* *Filium cognovisti*) Q. Lutatium Q. F. Catulum, qui fuit consul cum M. Aemilio Lepido, anno ab V. C. 677, quo tempore M. Lepidus, quum acla Syllae tentaret rescindere, bellum excitavit, et ab ipso Q. Catulo collega Italia pulsus est, et in Sardinia frustra bellum molitus, periiit. CORRUP.

Vt, si cum iis audires) Vulgo:

esse inferior; quum autem ipsum audires sine comparatione, non modo contentus esses, sed melius non quaereret. Q. Metellus Numidicus, et eius collega M. Silanus, dicebant de republica, quod esset illis viris et consulari dignitati satis. M. Aurelius Scaurus non saepe dicebat, sed polite; latine vero in primis est eleganter loquutus. Quae laus eadem in A. Albino bene loquendi fuit. Nam flamen Albinus etiam in numero

ut, quum quosdam audires. Optime autem Schaeiderus in Ep. ad Laegerum: ut, si cum sis audires; cuius lectionis vestigia sunt in Guelf. 1, ubi legitur: ut, cum is quosdam audires.

* Q. Metellus Numidicus.) Q. Caecilius Metellus Numidicus, quem Cicero lib. I Famil. et in Orat. pro Corn. Balbo L. filium vocat, qui consul cum M. Silano anno ab V. C. 645, quum duobus proeliis Iugurtham fudisset, et universam Numidiam vastasset, triumphavit, et Numidicus est appellatus. Multa de eo passim Cicero, qui cum hoc uno potissimum se conferre solet, quod uterque in exilium fuerit actus, et postea in civitatem restitutus, sed ita tamen, ut rem suam praeferat. Hic Metellus adolescens Atheus Carnedem iam affectum senectute multos dies audivit, ut L. Crassus eius familiaris lib. III de Orat. testatur. Itaque ut docto doctus Archias illi iuendus erat, ut in Orat. pro Archia scriptum videmus. Ob id hic a Cicero et a Paterculo lib. II inter Oratores numeratur. CONRAD.

* M. Silanus.) Hic est M. Iunius Silanus, qui adversus Cimbrum infelice pugnavit, ut Liv. lib. LXV, et Ascon. in Orat. pro Cornelio scribunt, quamvis Eutropius dicat Cimbrum ab eo in Italia victum fuisse. Hic

plures leges, quibus militiae stipendia minuebantur, abrogavit, quod Ascon. ibid. refert. ID.

* M. Aurelius Scaurus.) Is est M. Aurelius Scaurus, quo postulante, quod is Ephesi se quaestorem vi prohibitum esse dicebat, quo minus efano Dianne servum suum, qui in illud asylum confugisset, abduceret, Pericles Ephesius, homo nobilissimus Romam evocatus est, quod auctor iniuriae illius fuisse argueretur; ut Verrina III relatum est. Haec nominis deferendi in L. Flaccum potestas non est data, quod quaestor eius fuisset. ID.

* A. Albino.) Sp. Albinus, ut nos potamus, frater; qui quum esset frater in Africa legatus, propraetor ab eo relictus, infelice proelio adversus Iugurtham gesto confligit, pacemque etiam aultum ignominiosam adiecit, quam quidem minime esse servandam senatus censuit, ut Liv. lib. LXIV scriptum reliquit. Ob eam causam nos credimus eum post fratris consulatum annos decem iacuisse, ac tandem cum M. Antonio consulem anno ab V. C. 655 factum fuisse; cuius consulatus Cicero in Orat. post reditum ad Quirit. Plin. lib. VIII, cap. 7, et Gell. lib. IV, c. 7 meminerunt; nisi forte quis alium Albinum fuisse putet. ID.

est habitus disertorum. Q. etiam Caepio, vir acer et fortis, cui fortuna belli crimini, invidia populi calamitati fuit. Tum etiam C. et L. Memmii fuerunt, oratores mediocres, accusatores acres atque acerbi. Itaque in iudicium capitis multos vocaverunt, pro reis non saepe dixerunt. Sp. Thōrius satis valuit in populari genere dicendi, is, qui agrum publicum vitiosa, et inutili lege, vectigali levavit. M. Marcellus Aesernini pater, non ille quidem in magnis patronis, sed et in promptis tamen et non inexercitatis ad dicendum fuit, ut filius eius, P. Lentulus. L. etiam Cotta, praetorinus,

* *Q. etiam Caepio*) Q. Servilius Caepio cum C. Atilio Serrano consul anno ab V. C. 648 fuit, et, ut scribit Cassiodor. iudicia equitibus et senatoribus communicavit; quam rem Cicero de Invent. lib. I significavit. Hic proconsul, vel, ut est apud Gellium, consul, capta urbe Gallorum, cui nomen est Tolosae, centum M. ponderis auri, et argenti 110 M. e templo Apollinis sustulit: quod quum Massiliam, amicam populo romano urbem, cum praesidiis misisset, interfectis clam (sicut quidam contestantur) quibus ea custodienda et perrelienda commiserat, cuncta per scelus furatus fuisse narratur. Vnde etiam magna questio post Romae est acta, ut apud Orosium lib. V, cap. 15 legimus. Vid. Gell. lib. III, cap. 9, et Strabon. lib. IV. Io.

* *Cui fortuna belli*) Ob rem adversus Gimbros ann. V. C. 648 male gestam, amissionemque exercitus, quam Caepio fortunae magis quam culpae suae tribui cupiebat (ad Herennium I, 14), crimini fuit, quum ei C. Norbanus trib. pleb. ann. V. C. 658 diem diceret, eumque omnibus modis vexaret; invidia populi, quae eum onerabat ob deplorandum inte-

ritum exercitus (de Orat. II, 48) calamitati fuit, i. e. damnationem eius inter seditiones a Norbano concitatas effecit.

* *M. Marcellus Aesernini pater*) M. Claudius Marcellus. Faerant vero duae familiae Claudiae: ea quae Marcellorum appellata est, plebeius; quae Pulchrorum, patricia, ut Asconius in Orat. pro Scauro, et Sueton. in Tiberio docent. Hic videtur esse Marcellus, de quo L. Crassus lib. I de Orat. loquitur. Quia deditus erat eloquentiae studiis, hic illum Cicero inter oratores ponit: quamquam dubitari potest, quum ante L. Crassum collocet. Ille enim L. Crasso multo erat iunior. Quare fortasse sit ille Marcellus, qui cum L. Crasso ipse gessit inamicitias; et in quem testimonium dixit: ut Orat. pro Font. refertur. Filius eius forte Aesernius est appellatus, quod patrem cum Aesernia captum liberarit, ut ex Liv. lib. LXXIII conicere licet. CORR.

Sed et in promptis tamen et non inexercitatis) Ed. Omnib. sed in promptis tamen et non inexercitatis.

* *Pater filius eius, P. Lentulus*) Dubitari posse video, quo pacto, quum et Marcellus esset ipse, et Marcelli

in mediocrium oratorum numero dicendi non ita multum laude processerat; sed de industria, quum verbis, tum etiam ipso sono quasi subrustico subsequebatur, atque imitabatur antiquitatem.

36. Atque ego et in hoc ipso Cotta, et in aliis pluribus, intelligo, me non ita disertos homines et retulisse in oratorum numerum, et relaturum. Est enim propositum, colligere eos, qui hoc munere in civitate functi sunt, ut tenerent oratorum locum; quorum quidem quae fuerit ascensio, et quam in omnibus rebus difficilis optimi perfectio atque absolutio, ex eo, quod dicam, existimari potest. Quam multi enim iam oratores commemorati sunt, et quam diu in eorum enumeratione versamur, quum tamen spisse atque vix, ut dudum ad Demosthenem et Hyperidem, sic nunc ad Antonium Crassumque pervenimus! Nam ego sic existimo, hos oratores fuisse maximos, et in his primum cum Graecorum gloria latine dicendi copiam aequatam.

37. Omnia veniebant Antonio in mentem; eaque suo

Aesernini pater esset, nunc etiam P. Lentulum filium habere dicitur, quum Claudia et Cornelia gentes sint diversae. Sed hic aliqua fuerit adoptio necesse est; ut vel hic P. Lentulus, quum esset prius Claudius Marcellus, ut Claudii Marcelli filius, ab aliquo Cornelio Lentulo fuerit adoptatus, et ita P. Cornelius Lentulus appellatus: vel certe M. ipse Marcellus pater, postquam iam Marcellum Aeserninum habuerat filium, in Corneliā familiam sit adscitus, et Cn. Cornelius Lentulus Clodianus sit appellatus, qui fuerit consul anno ab V. C. 657, cuius postea filius hic P. Lentulus fuerit. *CONA.*

Subsequebatur) Sic Guelf. 1. Vul-

go, *prosequebatur*. Guelf. 2, *persequebatur*.

Functi sunt) Sic Guelf. 1; *sint functi* Guelf. 2.

Ascensio) Veram hanc lectionem pro eo quod olim legebatur *assensio* primus eruit Rivius.

* *Antonio*) M. Antonius, quum esset praetor, vel potius consul designatus, quo anno Saturninus est interfectus, extra urbem cum praesidio fuit (Orat. pro C. Rabirio). Anno sequenti, id est 655, cum A. Posthumio Albino consul fuit (Orat. post reditum ad Quir.). Deinde proconsul in Ciliciam est profectus (lib. I et II de Orat.), ubi etiam censor fuisse dicitur. Fuit etiam legatus, ut

quaeque loco, ubi plurimum proficere et valere possent, ut ab imperatore equites, pedites, levis armatura, sic ab illo in maxime opportunis orationis partibus collocabantur. Erat memoria summa, nulla meditationis suspicio. Imperatus semper aggredi ad dicendum videbatur; sed ita erat paratus, ut iudices, illo dicente, nonnunquam viderentur non satis parati ad cavendum fuisse. Verba ipsa, non illa quidem elegantissimo sermone; itaque diligenter loquendi laude caruit (neque tamen est admodum inquinata loquutus); sed illa, quae proprie laus oratoris est in verbis. (Nam ipsum latine loqui, est illud quidem, ut paulo ante dixi, in magna laude ponendum; sed non tam sua sponte, quam quod est a plerisque neglectum. Non enim tam praeclarum

infra dicitur. Hunc Cicero lib. II de Orat. putat nullius rei, quae quidem esset in his artibus, de quibus aliquid existimare ipse posset, rudem aut ignarum fuisse; sed quia volebat ipse videri didicisse, opinio fuit, illum omnino omnis eruditionis expertem, atque ignarum fuisse, usque adeo, ut ne tabulas quidem conficere existimaretur, ut lib. eodem II de Orat. scribitur: quae fuit opinio falsa (Verr. III), quamvis Asconius alium Antonium significari male putet. Ipse M. Antonius lib. I de Orat. se literas graecas sero ac leviter attigisse testatur. Eas vero sic attigit, ut quum lib. II de Oratore historicos graecos nominasset, ac scienter et proprie de unoquoque dixisset, ita Caesar exclamarit: *Vbi sunt, qui Antonium graece negant scire?* Ius certe civile affirmant ipse, neque se unquam didicisse, neque tamen in his causis, quas in iure posset defendere, unquam istam scientiam desiderasse. Nihil se arbitratur ad iudicia cau-

asque amicorum, praeter fidem et ingenium, afferre oportere (Verr. I), et quaecumque causas erat acturus, eas diligenter penitusque volebat cognoscere, id quod omnibus faciendum ipse lib. II de Orat. praecipit. Cicero Tusc. V scribit Cinnam iussisse caput M. Antonii praecidi, quum Plutarchus et Appianus affirmant id iussu Marii factum fuisse; sed Val. Max. lib. VIII, cap. 9 demonstrat utrumque verum fuisse; caput certe M. Antonii abscissum suis manibus Marius inter epulas per summam animi ac verborum insolentiam aliquamdiu tennit, quod Valer. Max. lib. IX, c. 2, Liv. lib. LXXX, Flor. lib. III, cap. 21, et Lucan. lib. II, scripserunt. Libellum unum reliquit, in quo dixit illud, quod refertur in Oratore, ac lib. I et II de Orat. *Disertos se vidisse multos, eloquentem omnino neminem.* CORA.

Imparatus semper) Abest semper Guelf. r.

Proprie) Lambin. propria.

est scire latine, quam turpe nescire; neque tam id mihi oratoris boni, quam civis Romani proprium videtur). Sed tamen Antonius in verbis et eligendis (neque id ipsum tam leporis causa, quam ponderis) et collocandis, et comprehensione devinciendis nihil non ad rationem, et tanquam ad artem dirigebat; verum multo magis hoc idem in sententiarum ornamentis et conformationibus. Quo genere quia praestat omnibus Demosthenes, idcirco a doctis oratorum est princeps iudicatus. *Εχέματα* enim quae vocant Graeci, ea maxime ornant oratorem; eaque non tam in verbis pingendis habent pondus, quam in illuminandis sententiis. Sed quum haec magna in Antonio, tum actio singularis, quae si partienda est in gestum, atque vocem, gestus erat non verba exprimens, sed cum sententiis congruens: manus, humeri, latera, suppositio pedis, status, incessus, omnisque motus cum rebus sententiisque consentiens; vox permanens, verum subrauca natura; sed hoc vitium huic uni in bonum convertebat. Habebat enim flebile quiddam in quaestionibus, aptumque cum ad fidem faciendam, tum ad misericordiam commovendam; ut verum videretur in hoc illud, quod Demosthenem ferunt ei, qui quaesivisset, quid primum esset in dicendo,

Ea maxime ornant oratorem) Quod alii habent *orationem*, id non est vulgatae praefendum; quia quum propter ista *εχέματα* Demosthenem a doctis oratorum principem iudicatum esse dixisset, addit ea maxime oratorem ornare.

Cum rebus sententiisque consentiens) Vulgo: *Cum verbis sententiisque consentiens*. Sed paulo ante dictum erat, gestum Antonii fuisse non verba exprimentem, sed cum sententiis congruentem. Neque vero intellegi potest, quomodo humeri, latera,

status, incessus in oratore possint cum verbis consentire. Itaque rescripti: *cum rebus sententiisque consentiens*. Omnino autem illa distributio in verbis: *manus, humeri, latera, suppositio pedis, status, incessus, omnisque motus cum rebus sententiisque consentiens*, nescio quid molesti h. l. habet. Nemo sane illa desideraret, si illis omissis legeretur: *gestus erat non verba exprimens, sed cum sententiis congruens; vox permanens, verum subrauca natura*.

Convertebat) Lambinus *vertebat*.

actionem; quid secundum, idem, et idem tertium, respondisse. Nulla res magis penetrat in animos, eosque fingit, format, flectit; talesque oratores videri facit, quales ipsi se videri volunt.

38. Huic alii parem esse dicebant, alii anteponebant L. Crassum. Illud quidem certe omnes iudicabant, neminem esse, qui, horum alterutro patrono, cuiusquam ingenium requireret. Equidem, quamquam Antonio tantum tribuo, quantum supra dixi, tamen Crasso nihil statuo fieri potuisse perfectius. Erat summa gravitas, erat cum gravitate iunctus facetiarum et urbanitatis oratorius, non scurrilis, lepos; latine loquendi accurata, et sine molestia diligens elegantia; in disserendo mira explicatio; quum de iure civili, quum de aequo et bono disputaretur, argumentorum et similitudinum copia.

39. Nam, ut Antonius, in coniectura movenda, et in sedanda suspitione aut excitanda, incredibilem vim habebat: sic in interpretando, in definiendo, in explicanda aequitate, nihil erat Crasso copiosius; idque cum saepe alias, tum apud centumviros in M' Curii causa cognitum est. Ita enim multa tum contra scriptum pro aequo et bono dixit, ut hominem acutissimum, Q. Scaevolam, et in iure, in quo illa causa vertebatur, puratissimum, obrueret argumentorum exemplorumque copia; atque ita tum ab his patronis aequalibus, etiam consularibus, causa illa dicta est, quum uterque ex contraria parte ius civile defenderet, ut eloquentium iurisperitissimus Crassus, iurisperitorum eloquentissi-

Volunt) Sic etiam Guelf. 1, 2. Nec audiendus est Ernestius, qui velit commendaturus videbatur.

In coniectura movenda, et in sedanda suspitione) Vulg. in coniectura movenda aut sedanda suspitione.

In interpretando) Guelf. 2, in vituperando.

Vertebatur) Ed. Ven. versabatur; minus bene.

Puratissimum) Quaedam edd. peritissimum.

mus Scaevola putaretur; qui quidem quum peracutus esset ad excogitandum, quid in iure, aut in aequo verum aut esset, aut non esset, tum verbis erat ad rem cum summa brevitate mirabiliter aptus. Quare fuit nobis orator in hoc interpretandi, explanandique, et disserendi genere mirabilis, sic ut simile nihil viderim; in augendo, in ornando, in refellendo magis existimator metuendus, quam admirandus orator. Verum ad Crassum revertamur.

40. Tum Brutus, Etsi satis, inquit, mihi videbar habere cognitum Scaevolam ex iis rebus, quas audiebam saepe ex C. Rutilio, quo utebatur propter familiaritatem Scaevolae nostri, tamen ista mihi eius dicendi tanta laus nota non erat. Itaque cepi voluptatem, tam ornatum virum, tamque excellens ingenium fuisse in nostra republica. Hic ego, Noli, inquam, Brute, existimare, his duobus quidquam fuisse in nostra civitate praestantius. Nam, ut paulo ante dixi, consultorum alterum disertissimum, disertorum alterum consultissimum fuisse; sic in reliquis rebus ita dissimiles erant inter sese, statuere ut tamen non posses, utrius te malles similiorem. Crassus erat elegantium parcissimus; Scaevola parcorum elegantissimus. Crassus in summa comitate habebat etiam severitatis satis: Scaevolae multa in severitate non deerat tamen comitas. Licet omnia hoc modo; sed vereor, ne fingi videantur haec, ut dicantur a me quodam modo. Res se tamen sic habet.

* *Scaevolae nostri*) Aliter *Scaevola*, omissa nostri. Hoc ait: *Scaevola* pontifex utebatur Rutilio, propter familiaritatem, quam habebat cum altero *Scaevola*, quicumque is fuerit, quumquam locus non caret mendii suspitione. CORR.

* *Lcet omnia hoc modo*) Scilicet persequi, i. e. possem hanc compa-

rationem *Scaevolae* et *Crassi* per reliquas eorum virtutes producere.

Ne fingi videantur haec, ut dicantur) Hensingerus dubitabat, an interpungendum esset sicut *ne fingi videantur*, haec ut dicantur. Sed vulgaris ratio vera.

Ut dicantur a me quodam modo) Sic Gueli. 1, 2. Ed. Omnib. ut da-

Quum omnis virtus sit, ut vestra, Brute, vetus Academia dixit, mediocritas: uterque horum medium quiddam volebat sequi: sed ita cadebat, ut alter ex alterius laude partem, uterque autem suam totam haberet.

41. Tum Brutus, Cum ex tua oratione mihi videor, inquit, bene Crassum et Scaevolam cognovisse, tum de te et de Ser. Sulpicio cogitans esse quandam vobis cum illis similitudinem iudico.

Quonam, inquam, istuc modo?

Quia mihi et tu videris, inquit, tantum iuris civilis scire voluisse, quantum satis esset oratori; et Servius eloquentiae tantum assumpsisse, ut ius civile facile possit tueri: aetatesque vestrae, ut illorum, nihil, aut non fere multum differunt. Et ego, De me, inquam, dicere nihil est necesse; de Servio autem et tu probe dicis, et ego dicam, quod sentio. Non enim facile quem dixerim plus studii, quam illum, et ad dicendum, et ad omnes bonarum rerum disciplinas adhibuisse. Nam et in iisdem exercitationibus, inëunte aetate, fuimus; et postea una Rhodum ille etiam profectus est, quo melior esset et doctior; et, inde ut rediit, videtur mihi in secunda arte primus esse maluisse, quam in prima secundus. Atque haud scio, an par principibus esse potuisset; sed fortasse maluit, id quod est adeptus,

cantur a me quodammodo. Sed recte monuit Ernestius, ut divisim scriberetur quodam modo, i. e. ut coniunctam captem et eius laudem petam per illa exhortata parium paribus rectorum.

* *Nihil, aut non fere multum differunt*) Nam Cicero, quod scribit ipse, suo, id est quadragesimo tertio aetatis anno consul fuit; et Ser. Sulpicius consulatum petiit, ut suo anno

consul esset, id est anno, qui Cicero consulatum sequutus est; sed repulsam tulit, ut in Orat. pro Murena videmus. Itaque Cicero videtur anno dumtaxat maior fuisse, si modo Ser. Sulpicius anno suo praetor fuerat. CORN.

Non enim facile quem) Lamb, non enim facile quemquam.

Et postea una Rhodum ille etiam profectus est) Sic Lamb, ordiue ver-

longe omnium, non eiusdem modo aetatis, sed eorum etiam, qui fuissent, in iure civili esse princeps.

Hic Brutus, Ain'tu? inquit. Etiamne Q. Scaevolae Servium nostrum anteponis?

Sic enim, inquam, Brute, existimo, iuris civilis magnum usum et apud Scaevolam, et apud multos fuisse; artem, in hoc uno; quod nunquam effecisset ipsius iuris scientia, nisi eam praeterea didicisset artem, quae doceret rem universam tribuere in partes, latentem explicare definiendo, obscuram explanare interpretando; ambigua primum videre, deinde distinguere; postremo habere regulam, qua vera et falsa iudicarentur, et quae quibus positae essent, quaeque non essent consequentia. Hic enim attulit hanc artem, omnium artium magistram, quasi lucem, ad ea, quae confuse ab aliis aut respondebantur, aut agebantur.

42. Dialecticam mihi videris dicere, inquit. Recte, inquam, intelligis; sed adiunxit etiam et literarum scientiam, et loquendi elegantiam, quae ex scriptis eius, quorum similia nulla sunt, facillime perspicitur. Quumque discendi causa duobus iuris peritissimis

horum concinniore, quam quod habent Gothofr. alique: et postea Rhodum una ille etiam profectus est.

Omnium artium magistram) Vulgo: *omnium artium maximam*. At nemo veterum unquam *dialecticam omnium artium maximam* dixit. Sed quia dialectica docet, quomodo ea, quae sint in partibus humanae cognitionis dispersa et incondita, ad iustam artis formam redigi possint, ideo ea recte appellari potest *omnium artium magistra*. Vulgaris lectionis incommodum vitaturus sibi videbatur Heusingerus hoc ratione, ut, sublata interpunctione post *maximam*, legeretur: *omnium artium*

maximam quasi lucem; sed ne hoc quidem satis aptum esset, *dialecticam maximam omnium artium lucem* dicere. De re ipsa cf. de Orat. lib. I, cap. 41 (p. 123).

Ambigua) Sic Lambin. melius quam Gothofr. alique *ambiguam*.

Quumque discendi causa duobus iuris peritissimis operam dedisset) *laserui iuris*, quod hic abesse nequit. Haud scio tamen an melius fuerit id ante vocabulum *discendi* inseruisse: *quumque iuris discendi causa duobus peritissimis operam dedisset*. Ceterum ante Lambinum multi ediderunt, *quumque dicendi causa*, perperam; quia Servius ius civile non solum di-

operam dedisset, L. Lucilio Balbo, C. Aquillio Gallo; Galli, hominis acuti et exercitati, promptam et paratam in agendo, et in respondendo celeritatem subtilitate diligentiaque superavit; Balbi, docti et eruditi hominis in utraque re consideratam tarditatem vicit expediendis conficiendisque rebus; sic et habet, quod uterque eorum habuit, et explevit, quod utrique defuit. Itaque, ut Crassus mihi videtur sapientius fecisse, quam Scaevola (hic enim causas studiose recipiebat, in quibus a Crasso superabatur; ille se consuli nolebat, ne qua in re inferior esset, quam Scaevola); sic Servius sapientissime, quum duae civiles artes ac forenses plurimum et laudis haberent et gratiae, perfecit, ut altera praestaret omnibus, ex altera tantum assumeret, quantum esset, et ad tuendum ius civile, et ad obtinendam consularem dignitatem, satis.

Tum Brutus, Ita prorsus, inquit, et antea putabam. Audiui enim nuper eum studiose et frequenter Sami,

cendi causa didicerat, sed potius, quod statim sequitur, hanc artem ita tractaverat, ut ea praestaret omnibus, ex altera autem dicendi arte tantum assumeret, quantum esset et ad tuendum ius civile, et ad obtinendam consularem dignitatem satis.

* *Nolebat*) Nolebat certe Crassus de iure respondere, ne, quum in orandis causis superior esset, si de iure respondisset, aliqua in re videri posset Scaevola ipso, qui disciplina iuris civilis omnium esset eruditissimus, inferior. Malebat igitur Crassus in arte dicendi primus, quam in iure civili secundus esse: ut Ser. Sulpicius contra maluit in secunda primus, quam in prima secundus esse, ut supra dixit. *Cons.*

Sic Servius sapientissime, quum duas civiles artes ac forenses plurimum

et laudis haberent et gratiae, perfecit) Ascivi interpunctionem, quae est in Guelf. 1, 2, ubi etiam omittitur *enim* post *quum*. Vulgo: sic Servius sapientissime. Quum enim duae — et gratias, perfecit etc.

* *Audiui enim nuper*) Etsi videtur paene ἀόλωτος de tempore hoc ipso divinare, nos tamen coniecimus omnino fuisse, quo Caesar consul IV fuit, et bellum in Hispania cum Pompeii filiis gemit; quo quidem anno Tullius Ciceronis decessit, et Brutus ac Ser. Sulpicius in Asia fuerunt. Et quidem Brutus ita, ut literas inde consolatorias ad Ciceronem scripserit; Ser. vero Sulpicius scripsit, quum ex Asia rediisset, ut ex eius literis cognosces. Fieri igitur potuit, ut vel simul ex Asia decedentes Samum venerint, vel aliter decedens,

quum ex eo ius nostrum pontificium, qua ex parte cum iure civili coniunctum esset, vellem cognoscere, et nunc meum iudicium multo magis confirmo testimonio et iudicio tuo; simul illud gaudeo, quod et aequalitas vestra, et pares honorum gradus, et artium studiorumque quasi finitima vicinitas, tantum abest ab obtreptione invidiaeque, quae solet lacerare plerosque, uti ea non modo non exulcerare vestram gratiam, sed etiam conciliare videatur. Quali enim te erga illum perspicio, tali illum in te voluntate iudicioque cognovi. Itaque doleo et illius consilio, et tua voce populum romanum careere tam diu; quod quum per se dolendum est, tum multo magis consideranti, ad quos ista non translata sint, sed nescio quo pacto devenerint.

Hic Atticus, Dixeram, inquit, a principio, de republica ut sileremus; itaque faciamus. Nam si isto modo volumus singulas res desiderare, non modo quaerendi, sed ne lugendi quidem finem reperiemus.

43. Pergamus ergo, inquam, ad reliqua, et institutum ordinem persequamur. Paratus igitur veniebat Crassus, exspectabatur, audiebatur; a principio statim (quod erat apud eum semper accuratum) expectatione dignus videbatur; non multa iactatio corporis, non inclinatio vocis, nulla inambulatio, non crebra suppositio pedis; vehemens, et interdum irata, et plena

alter in Asiam proficiscens, Sani ob-
vii sint facti, et ita sint colloquuti.
Sic etiam Marcellum Mitylenis Brutus
vidit. CORR.

Ab obtreptione invidiae) Recte
hanc lectionem defendit Rivinus exem-
plis compluribus locorum, ubi haec
vitia sic deinceps ponuntur: ut ne-
cesse non sit cum quibusdam edd. re-
ponere *ab obtreptione invidiae*.

Non modo quaerendi) Ernestius

rescripsit ex edit. Med. Ald. *quaerendi*.
Heusingerus autem *quaerendi* defen-
dit sic, ut significet cum dolore desi-
derandi.

* *Nulla inambulatio*) Aliter nulla
ambulatio. Nullus incessus. Proba-
tur tamen incessus, si sit rarus, ut
ait in Oratore cap. 18; et Quint. XI,
3, ita refert: *Convenit etiam ambula-
tio quaedam propter immodicas lau-
dationum moras. Ambulantem loqui*

iusti doloris oratio; multae et cum gravitate facellae; quodque difficile est, idem et perornatus, et perbrevis. Iam in altercando parem invenit neininem; versatus est in omni fere genere causarum; mature in locum principum oratorum venit. Accusavit C. Carbonem, eloquentissimum hominem, admodum adolescens; summam ingenii non laudem modo, sed etiam admirationem est consequutus. Defendit postea Liciniam virginem, quum annos XXVII natus esset. In ea ipsa causa fuit eloquentissimus, orationisque eius scriptas quasdam partes reliquit. Vult adolescens in colonia Narbonensi causae popularis aliquid attingere, eamque coloniam, ut fecit, ipse deducere. Exstat in eam legem senior, ut ita dicam, quam aetas illa ferebat, oratio. Multae deinde causae; sed ita tacitus tribunatus, ut, nisi in eo magistratu coenavisset apud praeconem Granium, id-

ita demum oportet, si in causis publicis, in quibus sunt multi iudices, quod dicimus, quasi singulis inculcare peculiariter velimus. Crassus tamen non ambulabat, ut lib. III de Orat. cap. 9 sic de se loquens ostendit: quibus vestigiis primum institi, in iis fere solos perorare. Coen.

* *Liciniam virginem*) Ut propinquam; nam Crassus erat Licinius; certe summo loco natus, ac sanctissimo sacerdotio praeditus, ut in Orat. pro Domo dicitur; de incestu vero accusatum. L. enim Veturius eques Romanus Aemiliam virginem Vestalem furtivo stupro polluit. Duas prae-terea virgines Vestales eadem Aemilia ad participationem incesti sollicitas contubernaliibus sui corruptoris exposuit ac tradidit. Videant tamen eruditi, an is fuerit T. Helvius. Indictum perservum est factum. Misto-

ria legitur apud Panlum Orosium lib. V, 15. Tunc igitur L. Crassus, ut hic ait Cicero, Liciniam defendit. Itaque Aemilia condemnata est, sed Licinia et Marcia sunt absolutae, postea tamen cum pluribus aliis condemnatae, ut refert Asconius. Coen.

Vult adolescens in colonia Narbonensi causae popularis aliquid attingere) Forsan ita legendum: *Vult adolescens, in coloniae Narbonensis causa popularis, aliquid attingere.* V

* *Granium*) Quo nemo fuit dicacior, ut lib. XI de Orat. describitur. Is L. Crassi et M. Antonii voluntatem asperioribus facetiis saepe perstrinxit impune, ut in Orat. pro Plancio accipitur, quavis illorum esset familiaris, ut hic cognoscitur, et lib. II de Orat. dicitur. Is est Granus, de quo multa Lucilius, ut ait infra, scripsit. Coen.

que nobis narravisset Lucilius, tribunum plebis nesciremus fuisse.

Ita prorsus, inquit Brutus; sed ne de Scaevolae quidem tribunatu quidquam audivisse videor, et cum collegam Crassi credo fuisse.

Omnibus quidem aliis, inquam, in magistratibus, sed tribunus anno post fuit, eoque in rostris sedente suasit Serviliam legem Crassus. Nam censuram sine Scaevola gessit. Eum enim magistratum nemo unquam Scaevolarum petivit. Sed haec Crassi quum edita oratio est, quam te saepe legisse certo scio, quatuor et triginta tum habebat annos, totidemque annis mihi aetate praestabat. His enim consulibus eam legem suasit, quibus nati sumus, quum ipse esset Q. Caepione consule natus et C. Laelio, triennio ipso minor, quam Antonius. Quod idcirco posui, ut, dicendi latine prima maturitas in qua aetate exstitisset, posset notari; et intelligeretur, iam ad summum paene esse perductam, ut eo nihil ferme quisquam addere posset, nisi qui a philosophia, a iure civili, ab historia fuisset instructor.

44. Erit, inquit Brutus, an iam est iste, quem expectas?

Nescio, inquam. Sed est etiam L. Crassi in consulatu,

Idque nobis narravisset Lucilius) Vulg. *idque nobis bis narravisset Lucilius*. Sed *bis* abest ab ed. Rom. teste Rivio. Guelf. 2, *idque narravisset bis nobis Lucilius*.

* *Suasit legem Serviliam*) Eandem quam c. 44 *legem Caepionis* dicit, scil. legem a Q. Servilio Caepione a. V. C. 647 latam, ut iudicia lege Sempronii a Senato ad equites translata cum nitroque ordine communicarentur.

Erit?—an iam est) Vulg. *Erit, aut iam est*. Illud cum Heusingero praetuli.

* *Sed est etiam L. Crassi in consulatu pro Quanto Caepione*) Nimirum quum Q. Servilius Caepio V. C. c. 638 ob cladem Cimbricam accusatus esset a C. Norbano, testimonium pro eo Crassus Consul dixit, et quum testimonia saepe accuratius dicerentur, Cic. de Orat. II, 11 et cum laudatione eius, a quo testis esset productus, com-

pro Q. Caepione, defensione iuncta non brevis, ut laudatio; ut oratio autem, brevis; postrema censoris oratio, qua anno duodequingagesimo usus est. In his omnibus inest quidam sine ullo fuco veritatis color. Quin etiam comprehensio, et ambitus ille verborum (si sic periodum appellari placet) erat apud illum contractus et brevis: et in membra quaedam, quae *κάλαι* Graeci vocant, dispertiebat orationem lubentius.

*Hoc loco Brutus, Quandoquidem tu istos oratores, inquit, tantopere laudas, vellem aliquid Antonio, praeter illum de ratione dicendi sane exilem libellum, plura Crasso libuisset scribere. Cum enim omnibus memoriam sui, tum etiam disciplinam dicendi nobis reliquissent. Nam Scaevolae dicendi elegantiam satis ex iis orationibus, quas reliquit, habemus cognitam. Et ego, Mihi quidem a pueritia quasi magistra fuit, inquam, illa in legem Caepionis oratio; in qua et auctoritas ornatur senatus, quo pro ordine illa dicuntur; et invidia concitatur in iudicium et in accusatorum factionem, contra quorum potentiam populariter tum dicendum fuit. Multa in illa oratione graviter, multa leniter, multa aspere, multa facete dicta sunt; plura etiam dicta, quam scripta; quod ex quibusdam capitibus expositis, nec explicatis, intelligi potest. Ipsa illa censo-

iungerentur, habuit Crassus orationum, quae ut laudatio testimonio annexa non brevis erat, ut oratio aulem iusta, si eam Crassus ut Caepionis patronus habuisset, brevia dicenda fuisset.

* *Postrema censoris oratio*) Nempe in Domitium collegam, de qua extremo hoc capite agitur.

Plura Crasso libuisset scribere) Guelf. 2. *plura Crasso quoque libuisset scribere*. H. l. notandus est Corradi error (ad c. 43), qui nuper etiam

Wetzelium induxit, quo Ciceronem putavit lib. II de Orat. c. 2 dixisse, *Crassum nihil admodum scripti reliquisse*: quum tamen id de Antonio noster praedicaverit. Nempe haec eius verba sunt: *Sed quum alter (Crassus) non multum (quod quidem exstaret) et id ipsum adolescens, alter (Antonius) nihil admodum scripti reliquisset.*

Satis ex iis orationibus) Guelf. 1, 2, *satis orationibus.*

Leniter) Guelf. 2 *leniter.*

ria contra Cn. Domitium collegam non est oratio, sed quasi capita rerum, et orationis commentarium paulo plenius. Nulla est enim altercatio clamoribus unquam habita maioribus. Et vero fuit in hoc etiam popularis dictio excellens; Autonii genus dicendi multo aptius iudiciis, quam concionibus.

45. Hoc loco ipsum Domitium non relinquo. Nam etsi non fuit in oratorum numero, tamen pono, satis in eo fuisse orationis atque ingenii, quo et magistratus personam, et consularem dignitatem tueretur; quod idem de C. Coelio dixerim, industriam in eo summam

Nulla est enim) Particula enim censum eorum, quae proxime dicta erant, significare videtur. Qui autem quadrat, quia illa censoria contra Cn. Domitium oratio tantum orationis commentarium paulo plenius fuerit, ideo illam magno plausu exemplam fuisse? Itaque scribendum videtur: *Nulla est autem altercatio.*

Clamoribus) Scil. plaudentium. Sic de Or. I, 53, Brut. 95.

Et veru) Gueff. 1 *At vero.*

Etam popularis dictio) Sic Gueff. 1, 2 melius quam, ut vulgo, et popularis dictio.

* *Domitium*) C. Domitium Aenobarbum, qui tribunus pleb. Caio Mario III, L. Aurelio Oreste consulibus legem tulit, ut sacerdotes, quos antea collegae sufficiebant, populus crearet, quod Patere. lib. II refert. Pontificibus enim offensior, quod alium potius quam se in patris sui locum cooptassent, ins sacerdotum subrogandorum a collegis ad populum transulit, ut Suet. in Nerone testatur. In consulatu vero, quem gessit cum C. Cassio Longino, anno ab V. C. 658. Allobrogibus, Arvernique superatis, elephantu per provinciam invectus est, turba militum quasi inter solen-

nia triumphi prosequente: quod Suet. in Nerone refert. Tanta in eo fuit gravitas, tanta auctoritas, ut quod esset ab eo obiectum L. Crasso in censura collegae, lepore magis elevandum, quam contentione frangendum videretur, ut lib. II de Orat. dicitur. *CONRADVS.*

Non relinquo) I. q. non omitto, non praetereo.

Tamen pono satis in eo fuisse orationis atque ingenii) Vix arbitror Cicronem sic usum fuisse verbo pono. Fortasse scripserat: Nam etsi non in oratorum numero pono, tamen puto satis in eo fuisse. Praeterea satis in eo fuisse orationis mihi suspectum est. Etenim orationis de eloquentia dictum iam expresserat Cicero ingenii verbo, et sicut statim de C. Coelio dicit: *industriam in eo summam fuisse, summasque virtutes, eloquentiae tantum, quod esset in rebus privatis amicis eius, in republica ipsius dignitati, satis, ita videtur h. l. de Domitio scripsisse, satis in eo fuisse sedulitatis atque ingenii etc.*

* *C. Coelio*) C. Coelio Caldo, qui fuit homo novus, ut leges lib. I de Orat. et Vetr. VII, et apud Q. Front. in libro de Petit. Consul. Fuit aequa-

fuisse, summasque virtutes, eloquentiae tantum, quod esset in rebus privatis amicis eius, in republica ipsius dignitati satis. Eodem tempore M. Herennius in mediocribus oratoribus, latine et diligenter loquentibus, numeratus est; qui tamen summa nobilitate hominem, cognatione, sodalitate, collegio, summa etiam eloquentia, L. Philippum, in consulatus petitione superavit. Eodem tempore C. Clodius, etsi propter summam nobilitatem et singularem potentiam magnus erat, tamen etiam eloquentiae quandam mediocritatem afferebat. Eiusdem fere temporis fuit eques romanus C. Titius, qui, meo iudicio, eo pervenisse videtur, quo potuit fere Latinus orator sine graecis literis, et sine multo usu pervenire. Huius orationes tantum argutiarum, tantum exemplorum, tantum urbanitatis habent, ut paene Attico stilo scriptae esse videantur. Easdem argutias in tragoedias satis ille quidem acute, sed parum tragice transtulit. Quem studebat imitari L. Afranius poeta, homo perargutus, in fabulis quidem etiam, ut scitis, disertus. Fuit etiam Q. Rubrius Varro, qui a senatu hostis cum C. Mario indicatus est, acer et vehemens accusator. In eo genere sane probabilis, doctus autem graecis literis, propinquus noster, factus ad dicendum, M. Gratiudius, M. Antonii perfamiliaris, cuius

lia Crassi, cui maximo honori fuit illa ipsa, quamcumque aequi potuit, in dicendo mediocritas, lib. I de Orat. Hic index absolvit enim iniuriarum, qui Lucillum poëtam in scena nominatum lacerat, lib. II ad Herenn. Constatum anno ab V. C. 66^o cum L. Domitio Aenobarbo gessit. CORRAD.

* C. Clodius) C. Clodius Ap. P. Pulcher, qui magnificentissime aedilitate lib. II de Offic. functus esse dicitur. Hinc Verr. VI sic ait: C. Clo-

dius, cuius aedilitatem magnificentissimam, scimus fuisse etc. Praetor in Siciliam fuit, et leges Halesinis dedit, Verr. IV. Deinde cum M. Perpenna, anno 652 consul fuit.

Eiusdem fere temporis) Gueff. 1, 2; Eiusdem fere temporibus, ut legisse videantur librarii eisdem fere temporibus.

Satis ille quidem acute) Sic Gueff. 1, 2, recte. Vulg. satis quidem ille acute.

Cic. Op. Tom. III

G

praefectus quum esset in Cilicia, est interfectus; qui accusavit C. Fimbriam, M. Marii Gratidiani patrem.

46. Atque etiam apud socios et latinos oratores habiti sunt Q. Vettius Vetianus, e Marsis, quem ipse cognovi, prudens vir, et in dicendo brevis; Q. et D. Valerii Sorani, vicini et familiares mei, non tam in dicendo admirabiles, quam docti et graecis literis et latinis; C. Rusticellus Bononiensis, is quidem et exercitatus, et natura volubilis. Omnium autem eloquentissimus extra hanc urbem T. Betucius Barrus Asculanus, cuius sunt aliquot orationes Asculi habitae. Illa Romae con-

M. Marii Gratidiani patrem) Sic Guelf. 1, 2 item Edd. Venet. Med. Ald. Inut. Vulgo: *M. Marii Gratidiani pater*. «Lectionem patrem Cornadus explicat sic, ut Cicero voluerit vultus hominis nomen retinere, ut in Attico fecerit, quem T. Pomponium Atticum vocat, quum Q. Caecilium Pomponianum Atticum deberet dicere; sicut hunc Marium Gratidium Flavianum (a C. Flavio Fimbria, qui nominatur c. 34 adoptum). Sane si pater verum est, nimis longe distractum est a nomine proprio *Gratidius*, neque intelligo, quare hoc memoretur Bento, M. Gratidium esse M. Marii Gratidiani patrem, quod ille non ignorabat». Hactenus Ernestius; qui an recte Cornadi opinionem probaverit, nescio. Hienziagerus transponenda putabat verba, et sic legendum: *M. Gratidius, M. Marii Gratidiani pater, M. Antonii per familiaris*, — qui accusavit C. Fimbriam. Sic tamen initio huius periodi nominativi nimis multi cumulantur, ultimamque comma, qui accusavit C. Fimbriam nimis breve est, quum ut hic Ciceronis numerum et consuetudinem agnoscam.

* Q. et D. Valerii Sorani) Quos

fratres fuisse probabile est. Sorani dicuntur, ut Schneiderus ad h. l. monuit, a Colonia Sora ad Lirim amnem Arpino (Ciceronis patriae) proxima; coll. orat. pro Plancio c. 9. Inde eos Cicero *vicinos* suos appellat. *Familiares* autem, quod adolescentulus iis iam aetate profectionibus usus erat. Q. Valerium Soranum Crassum de Orat. III, 11 literatissimum togatorum omnium vocat, ex quo loco patet, Cicero puerum cum iam senectuti propiorem fuisse. SCHVITZ. — Fuit item, ut auctor est Plutarchus in Pompeio, philosophus insignis. De violenta eius morte consentiunt Historici, de modo et causa dissentiunt. PAVR.

C. Rusticellus) Ursinus adhibito nummo aereo cum inscriptione C. RVSTICELIVS CORDVS HIRV, legendum censebat *Rusticellus*.

Exercitatus) Guelf. 1 *excitatus*.

* T. Betucius Barrus) Is fortasse, quem maledicum et mordacem significat Horat. Sat. VII, et Porphyrio eius interpres Sat. VI scribit incestum cum Aemilia Vestali fecisse. CORNAD. — Asculanus vocatur ab Asculo, quod fuit geminum; alterum agri Apuli, alterum Piceni. SCHNAID.

tra Caepionem, nobilis sane; cui orationi Caepionis ore respondit Aelius; qui scriptitavit orationes multis, orator ipse nunquam fuit. Apud maiores autem nostros video disertissimum habitum ex Latio L. Papirium Fregellanum, Ti. Gracchi, P. filii, fere aetate; eius etiam oratio est pro Fregellanis, coloniisque latinis, habita in senatu.

Tum Brutus: Quid tu igitur tribuis istis externis quasi oratoribus?

Quid censes, inquam, nisi idem, quod urbanis? prae-ter unum, quod non est eorum urbanitate quadam quasi colorata oratio.

Et Brutus, Qui est, inquit, iste tandem urbanitatis color?

Nescio, inquam; tantum esse quendam scio. Id tu, Brute, iam intelliges, quum in Galliam veneris. Audies tu quidem etiam verba quaedam non trita Romae; sed haec mutari, dediscique possunt; illud est maius, quod in vocibus nostrorum oratorum retinnit quiddam et resonat urbanus. Nec hoc in oratoribus modo apparet, sed etiam in ceteris. Ego memini T. Tincam Placentinum, hominem facetissimum, cum familiari nostro Q. Granio praecone dicacitate certare.

* *Caepionis ore respondit Aelius*) Sc. oratione, quam recitavit Caepio, scripsérat ipse. Cl. c. 56. EAY.

Orationes multis) Sic Guelf. 1, 2 it. Mss. reg. *multas* Ald. aliique. Vtrumque autem eodem redire quum dicebat Ernestius, non cogitabat, eum qui orationes *multas* scribat, posse et sibi scribere, et aliis; sed quum aliquis dicitur orationes *multas* scripsisse, non solum significatur multas esse eius orationes, sed etiam omnes aliis scriptas.

Coloniisque Latinis) Sic Guelf. 1:

quam lectionem Corradus et Lambinus recte praetulerunt alteri, *coloniis Latinis*.

Tribuis istis) Sic Guelf. 1, 2, *omisso inquit*.

Retinnit) Optimum hanc lectionem eruimus a vestigiis scripturae in Gu. 1, 2 ubi legitur *retinnit*. Post adhibita Schneiduri epist. ad Langerum vidimus, virum doctissimum in eandem incidisse; comparato etiam loco Varonis R. R. II Praef. 2: *non putant se habere villam, si non multis vocabulis retinnit graecis*, ubi libri alii pariter

Eon', inquit Brutus, de quo multa Lucilius?

Isto ipso. Sed Tincam non minus multa ridicule dicentem Granius obruebat nescio quo sapore vernaculo: ut ego iam non mirer, illud Theophrasto accidisse, quod dicitur, quum percontaretur ex anicula quadam, quanti aliquid venderet, et respondisset illa, atque addidisset, *Hospes, non pote minoris*; tulisse eum moleste, se non effugere hospitis speciem, quum aetatem ageret Athenis, optimeque loqueretur. Omnino, sicut opinor, in nostris est quidam urbanorum, sicut illic Atticorum, sonus. Sed domum redeamus, et ad nostros revertamur.

47. Duobus igitur summis, Crasso et Antonio, L. Philippus proximus accedebat, sed longo intervallo tamen proximus. Itaque eum, etsi nemo intercedebat, qui se illi anteferebat, neque secundum tamen, neque tertium dixerim. Nec enim in quadrigis eum secundum numeraverim, aut tertium, qui vix e carceribus exierit, quum palmam iam primus acceperit; nec in oratoribus, qui tantum absit a primo, vix ut in eodem cur-

retinent dant. Vulgo editum recinuit. In Omnib. recinuit.

Sed domum redeamus, et ad nostros revertamur) Vulgo: *Sed domum redeamus, id est ad nostros revertamur*; quae lectio ita inficela est, 'ut citius illa, *id est ad nostros revertamur*, cum P. Manutio et Gothofredo a glossatore adiecta, quam a Cicrone profecta existimandum sit. Et sane e textu circumscriptissem, nisi mitius esset corrigere et ad nostros revertamur. Sic quum *domum redire* significet e *Graecia Romam redire*, supervacuum non fuerit addi, et ad nostros oratores revertamur.

* *L. Philippus*) L. Marcina Philippus, qui gloriari solebat, se sine ullo

munere adeptum esse omnia, quas haberentur amplissima, lib. II de Off. Primum in consulatus petitione a M. Herennio fuit superatus; deinde tamen consul est factus cum Sexto Iulio Caesare, anno ab V. C. 663. Huius Philippi exstat oratio apud Salust. in qua censet, ut Appius Claudius interrex cum Q. Catulo proconsule et ceteris, quibus imperium est, urbi praesidio sint: operam dent, ne quid resp. detrimenti capiat. COBRAD.

* *Proximus*) Proximum Crasso et Antonio Philippum dicit, sed longo intervallo proximum, ut eum nec secundum nec tertium ab illis dicere posset. Ita Quintilianus X, 1, 53 postquam dixerat Hesiodo in medio ge-

riculo esse videatur. Sed tamen erant ea in Philippo, quae, qui sine comparatione illorum spectaret, satis magna diceret: summa libertas in oratione, multae facetiae; satis creber in reperiendis, solutus in explicandis sententiis; erat etiam inprimis, ut temporibus illis, graecis doctrinis institutus, in altercando cum aliquo aculeo et maledicto facetus. Horum aetati prope coniunctus L. Gellius, non tam vendibilis orator, quam ut nescires, quid ei deesset. Nec enim erat indoctus, nec tardus ad excogitandum, nec romanarum rerum immemor, et verbis solutus satis. Sed in magnos oratores inciderat eius aetas; multam tamen operam amicis, et utilem praebuit; atque ita diu vixit, ut multarum aetatum oratoribus implicaretur, multum etiam in causis versaretur. Iisdem fere temporibus D. Brutus, is, qui consul cum Mamerco fuit, homo et graecis doctus literis et latinis. Dicebat etiam L. Scipio non imperite: Cnaeusque Pompeius, Sexti filius, aliquem numerum obtinebat. Nam Sextus, frater eius, praestantissimum

nere dicendi palmam dari, haec subiungit: *Contra in Antimacho vis et gravitas et minima vulgare eloquendi genus habet laudem. Sed quamvis ei secundus fere Grammaticorum consensus deferat, et affectibus, et iucunditate, et dispositione, et omnino arte deficitur, ut plane manifesto appareat, quanto sit aliud proximum esse, aliud secundum.*

Erant ea in Philippo) Gueff. 2, erant in Philippo.

* *L. Gellius) L. Gellius Publicola, qui omnibus honoribus ad censuram usque defunctus est, ut Val. Max. lib. V, cap. 9 refert. Nam praetor fuit, et ex praetura proconsul in Graeciam venit, ut lib. I de Leg. est scriptum. Consul item fuit cum Ca. Cornelio Lentulo, anno V. C. 682, et Chry-*

sum acerrime pugnantem proelio oppressit, ut ait Oros. lib. V, cap. 24, sed ipse a Spartaco victus est acie, ut Liv. lib. XCVI scripsit. Bello Piratico Gellius idem Pompeii fuit legatus, ut Florus lib. III, cap. 6, et Appianus in Mithridatico scribunt. Conn.

* *L. Scipio) L. Cornelius Scipio Asiaticus, ut in consulibus legitur, quem tamen alii Nasicam vocant, quod in Dionis Graeco lib. XL Scipionem Pompeii socerum Nasicae filium dici videntur, quem hunc esse arbitrantur. IDEM.*

* *Cnaeus Pompeius) Ca. Pompeius Strabo, qui praetor a Picentibus victus, non ita multo post eosdem fudit, Liv. auctor lib. LXXIV, et Orosius lib. V, cap. 18. Consul enim L. Porcio Catone, anno ab V. C. 665. Mar-*

ingenium contulerat ad summam iuris civilis, et ad perfectam geometriae, et rerum Stoicarum scientiam. Item in iure, et ante hos M. Brutus, et paulo post eum C. Bilienus, homo per se magnus prope simili ratione evaserat; qui consul factus esset, nisi in Marianos consulatus, et in eas petitionis angustias incidisset. Cn. autem Octavii eloquentia, quae fuerat ante consulatum ignorata, in consulatu multis concionibus est vehementer probata. Sed ab eis, qui tantum in dicentium numero, non in oratorum fuerunt, iam ad oratores revertamur.

Censeo, inquit Atticus. Eloquentes enim videbare, non sedulos velle conquirere.

48. Festivitate igitur, et facetiis, inquam, C. Iulius,

sos acie vicit, quo tempore Cicero in exercitu fuit (Philippica XII) et multi nobiles legati (in Orat. pro Fonteio) et Vestinos in deditionem accepit, ut Liv. lib. LXXIV et sequenti retulit. Tunc, ut opinor, etiam transpadanas colonias deduxit, ut Asconius est testis. Quum bellum, quod Ciana et Marius inferebant urbi, opprimi inter initia potuisset, eiusdem fraude confirmatum est, qui utrumque partem fovendo Ciinae vires dedit, nec, nisi prodigatis optimatum robus, auxilium tulit, ut ait Liv. lib. LXXIX. Hic tandem fulgure, ut scribit Appianus, est extinctus: cuius cadaver e lecto detraxit, et proiecit populus, qui illum oderat tantum, quantum postea filium dilexit. (Plutarch. in Pompeio). IDEM.

* *Homo per se magnus simili ratione prope summus evaserat* Vulgo: *homo per se magnus prope simili ratione summus evaserat*. Sensus est: homo per se suo apte ingenio magnus et clarus simili ratione, adiuncta nimis iuris civilis scientia, prope

summus evaserat, i. e. ad summam dignitatem pervenerat; consul enim factus esset, nisi in Mariana tempora incidisset. Hensingerus idem his verbis eloquitur: « qui ingenio sibi dignitatem peperisset, respondendo iure maximus evasit; apteque comparavit locum de Orat. I, 45. Sed prope transponeodum erat, non enim ad simili ratione, sed ad summus refertur.

* *Cn. Octavii* Hunc nos putamus filium fuisse illius Cn. Octavii, qui lib. I de Orat. consularis appellatur. Consularis ex urbe collegam sunna L. Cioana expulit (in Orat. III in Catilia.) qui quidem Ciana non ita multo post reversus, illi praecidi caput iussit (Tusc. V.) et exponi pro rostris, ut Flur. lib. III, cap. 21 scribit. CORRADI.

* *C. Iulius* C. Iulius Caesar Strabo, ut a Paterculo et Suetonio vocatur: qui rogatus a Sardis T. Albionem accusavit (Verrina I, et lib. II de Offic.) et orationem pro Sardis, ut ait Sueton. in Caesare, reliquit. Aedilis curulis, L. Caesare, P. Rutilio consu-

L. filius, et superioribus et aequalibus suis omnibus praestitit; oratorque fuit minime ille quidem vehemens, sed nemo unquam urbanitate, nemo lepore, nemo suavitate conditior. Sunt eius aliquot orationes, ex quibus, sicut ex eiusdem tragoediis, lenitas eius sine nervis perspicui potest. Eius aequalis P. Cethegus, cui de republica satis suppeditabat oratio. Totam enim tenebat eam, penitusque cognorat. Itaque in senatu consularium auctoritatem assequabatur; sed in causis publicis nihil, in privatis satis veterator videbatur. Erat in privatis causis Q. Lucretius Vispillo, et acutus, et iurisperitus. Nam Ofella, concionibus aptior, quam iudiciis. Prudens etiam T. Annius Velina, et in eius generis causis orator sane tolerabilis. In eodem genere causarum multum erat T. Iuventius, nimis ille quidem lentus in dicendo, et paene frigidus, sed et callidus, et in capiendo adversario versutus, et praeterea nec indoctus, et magna cum iuris civilis intelligentia. Cuius auditor P. Orbius, meus fere aequalis, in dicendo non nimis exercitatus, in iure autem civili non inferior, quam magister fuit. Nam T. Aufidius, qui vixit ad summam senectutem, volebat esse similis horum, eratque et bonus vir, et innocens, sed dicebat parum. Nec sane plus frater eius M. Virgilius,

libus, fait, et aedilicius quidem occisus est: sed tantum in civitate potuit, ut causa belli civilis contentio eius cum Sulpicio tribuno pleb. fuerit. Nam sperabat, et id agebat hic Caesar, ut omnia praetura consul fieret: cui quoniam primis temporibus iure Sulpicius resisteret, postea nimia contentione ad ferrum et arma processit, ut ait Asconius: eam petitionem extraordinariam infra Cicero vocat. Ob haec illi postea Gnaeus praetidi caput iussit (Tusc. V). *Idem.*

Ofella) Sic Lambin. Vulg. *Aphilia*. Guelf. 1, 2, *afilia*. Ed. Omsib. a filia.

Concionibus aptior, quam iudiciis) Sic Victor. Vulg. *Aphilia aptior concionibus, quam iudiciis*, structura oblitum vastiore.

Cuius auditor) Guelf. 1, *Cuius auctor*.

In iure autem civili) Guelf. 1 omittit civili.

Virgilius) Guelf. 1, 2, *Fergilius*.

qui tribunus plebis L. Sullae imperatori diem dixit. Eius collega P. Magius, in dicendo paulo tamen copiosior. Sed omnium oratorum, sive rabularum, qui aut plane indocti, et inurbani, aut rustici etiam fuerunt, quos quidem ego cognoverim, solutissimum in dicendo et acutissimum iudico, nostri ordinis Q. Sertorium, equestris C. Gorgonium. Fuit etiam facilis, et expeditus ad dicendum, et vitae splendore multo, et ingenio sane probabili, T. Iunius, L. filius, tribunicius, quo accusante P. Sextius, praetor designatus, damnatus est ambitus. Is processisset honoribus longius, nisi semper infirma atque etiam aegra valetudine fuisset.

49. Atque ego praeclare intelligo, me in eorum commemoratione versari, qui nec habiti sint oratores, neque fuerint, praeteririque a me aliquot ex veteribus, commemoratione aut laude dignos; sed hoc quidem ignoratione. Quid est enim superioris aetatis, quod scribi possit de iis, de quibus nulla monumenta loquuntur, nec aliorum, nec ipsorum? De iis autem, quos ipsi vidimus, neminem fere praetermittimus eorum, quos aliquando dicentes audivimus. Volo enim sciri,

Qui aut plane indocti, et inurbani, aut rustici etiam fuerunt) Sic bene emendavit Heusingerus adhibita Gu. 1 auctoritate, in quo est et inurbani. Vulgo: *qui et plane indocti, et inurbani, aut rustici etiam fuerunt.*

Fiat etiam facilis et expeditus) Abest facilis Guelf. 1. *Fuit enim facilis et expeditus* Guelf. 2. *Fuit etiam facilis et expeditus* Ed. Omnib.

Nisi semper) Omissum semper Guelf. 2.

Qui nec habiti sint — neque fuerint) Gu. 1: *qui nec habiti sunt — neque fuerunt.*

Ignoratione) Gu. 1, *ignorantie.*

Dicentes audivimus) Ita rescripsi, auctore Schützio V. Cl. pro vulg. *vidimus*. Forle librarii menti obversabatur tō *vidimus* in versu superiore positum. Typothetarum incoquilantia multa huiusmodi aberrationum exempla prope quotidie mihi exhibet. Calamo, an typis excribas, ad menda quod aliuset, nihil differt. Si summi illi viri, quotquot ad hunc diem exstiterunt, de re critica optime meriti, typothetarum aberrationes typographis in ipsis perspectas habere potuissent, dubitandum non est, quin optimos auctores iam dudum ab ineptis et mendosis lectionibus parue

in tanta et tam vetere republica maximis praemiis eloquentiae propositis, omnes cupisse dicere, plurimos ausos esse, potuisse paucos. Ego tamen ita de unoquoque dicam, ut intelligi possit, quem existimem clamatorem, quem oratorem fuisse. Iisdem fere temporibus, aetate inferiores paulo, quam Iulius, sed aequales propemodum fuerunt C. Cotta, P. Sulpicius, Q. Varius, Cn. Pomponius, C. Curio, L. Fufius, M. Drusus, P. Antistius; nec ulla aetate uberior oratorum foetus fuit. Ex his Cotta et Sulpicius quum meo iudicio, tum omnium, facile primas tulerunt.

Hic Atticus, Quomodo istuc dicis, inquit, quum tuo iudicio, tum omnium? Semperne in oratore probando, aut improbando, vulgi iudicium cum intelligentium iudicio congruit? An alii probantur a multitudine, alii autem ab iis, qui intelligunt?

Recte requiris, inquam, Attice: sed audies ex me fortasse, quod non omnes probent.

expurgatos nobis exhibuissent. Sed dum criticum negotium religiosius tractant, materium ingenii exercendi etiam posteris relinquunt. TYP. TAVN.

Clamatorem) Gothofredus suspicabatur, *declamatorem* potius hic legendum esse; quod sane mollius est. Nam *clamatorem* h. l. durius esse videtur, quum ut de iis dicitor, qui mediocres tantum, non perfecti oratores evaserunt. Et supra quidem lenius: *ab iis, qui tantum in dicentium numero, non in oratorum fuerunt, iam ad oratores reuertamur.*

Cn. Pomponius) Gn. 2, Cn. Pompeius.

* *P. Antistius*) Sic ex ed. Rom. rescribi voluit Rivius, quum esset *M. Drusus Patricius*, inde ab edd. Med. Ven. Asc. Aldi etc. eique ut in aliis

obtemperatum est. Gronovius tamen a vestigiis Mss. malebat *P. Aristius*, quod nihil esset infra de Antistio. Alqui est c. 63 (nostrae ed. 62). Etenim. Atqui Gronovius non negabat ibi *P. Antistium* nominari, sed mirabatur suum illum *P. Aristium* (sic enim legendum putabat) ibi et saepius taceri. Ipso vero illo *Aristio* nihil opus. Verissime scribitur *P. Antistius*, cuius monitio sit c. 63, 90. Ceterum hic *P. Antistius* tribunus pl. fuit una cum Sulpicio, floruitque, ut Cic. c. 62 ait, temporibus iis, quibus inter perfectionem reditumque Sullae sine inre fuit, et sine ulla dignitate respublica; occians deinde anno 671 a Damasippo praetore una eum Scuevola et Catone. Vid. c. 90, et Vellei. Patern. II, 26.

An tu, inquit, id laboras, si huic modo Bruto probaturus es?

Plane, inquam, Attice, disputationem hanc multo malini tibi et Bruto placere; eloquentiam autem meam populo probari velim. Etenim necesse est, qui ita dicat, ut a multitudine probetur, eundem doctis probari. Nam, quid in dicendo rectum sit, aut pravum, ego iudicabo, si modo is sum, qui id possim aut sciam iudicare; qualis vero sit orator, ex eo, quod is dicendo efficiet, poterit intelligi. Tria sunt enim (ut quidem ego sentio), quae sint efficienda dicendo: ut doceatur is, apud quem dicetur, ut delectetur, ut moveatur vehementius. Quibus virtutibus oratoris horum quidque efficiatur, aut quibus vitiis orator aut non assequatur haec, aut etiam in his labatur et cadat, artifex aliquis iudicabit. Efficiatur autem ab oratore, necne, ut ii, qui audiunt, ita afficiantur, ut orator velit, vulgi assensu et populari approbatione iudicari solet. Itaque nunquam de bono oratore, aut non bono, doctis hominibus cum populo dissensio fuit.

50. An censes, dum illi viguerunt, quos ante dixi, non eosdem gradus oratorum vulgi iudicio et doctorum fuisse? De populo si quem ita rogavisses: *Quis est in hac civitate eloquentissimus?* in Antonio et Crasso aut dubitaret, aut hunc aliquis, illum alius diceret.

Id laboras, si huic modo) Ed. Omnib. laborasse huic modo. Victor. adlaborasse huic modo. Vera lectio, id laboras, si huic modo, iam est in Aldina.

Probaturus es) Lambinus te probaturus es; quod non est imitandum.

Probaturus refertur ad id, quo Cicerone dixerat illos ex se audituros.

Quae sint efficienda) Gu. 1, 2, quae sunt efficienda.

Qui audiunt) Sic Gu. 1, 2 ut vulgo. Recte. Etsi Eruestius correxit *audiant*, quin sequitur *valit*. At in *valit* est obliquitas notiois, quae nulla est in *ii qui audiunt*, qui sunt simpliciter auditores; non qui possint forte audire. Cf. Heusingeri praef. ad Cic. de offic. p. 54.

Aut hunc aliquis) Sic Gu. 1. Vulgo, aut hunc alius.

Nemone Philippum, tam suavem oratorem, tam gravem, tam facetum, his anteferebat, quem nosmetipsi, qui haec arte aliqua volumus expendere, proximum illis fuisse diximus? Nemo profecto. Id enim ipsum est summi oratoris, summum oratorem populo videri. Quare tibicen Antigenidas dixerit discipulo sane fringenti ad populum: *Mihi cane et Musis*; ego huic Bruto dicenti, ut solet, apud multitudinem: *Mihi cane et populo*, dixerim: ut, qui audient, quid efficiatur, ego etiam, cur id efficiatur, intelligam. Credit iis, quae dicuntur, qui audit oratorem; vera putat, assentitur, probat; fidem facit oratio. Tu artifex, quid quaeris amplius? delectatur audiens multitudo, et ducitur oratione, et quasi voluptate quadam perfunditur: quid habes quod disputes? gaudet, dolet; ridet, plorat;

Nemone Philippum) Gruterus praefert lectionem Ms. Pal. *Nemo ut Philippum*, quod est vulgato sane elegantius. Sed utraque lectio forte coniungenda: *Nemon' ut Philippum*. Horat. Scrm. I, 1, 108: *nemon' ut avarus se probet*. EKK.

Antigenidas) Idem eius dictum narrat Val. Max. III, 7 ext.

Mihi cane et populo) Vulg. additur *mi Bruto*. Sed quum proxima antecedit ego huic Bruto dicenti, videtur id e glossa accessisse.

* *P*, qui audient, quid efficiatur, ego etiam, cur id efficiatur, intelligam) Non erat quod Corradus in particula ut haereret, quum parum oberat, quin tollendam censeret. Nimirum Cicero hoc significat. Ego Bruto meo, *mihi cane et populo*, dixerim, idque hac mente ei dixerim, ut ii qui audient, nempe de populo, quid ab eo efficiatur, ego etiam, qui existimator esse volo, cur id efficiatur, intelligam.

Qui audient) Sic Gu. 1, 2, ut vulgo. Ernesti dedit *audiant*. At enim recte Schneiderus (Ep. ad Langerum p. 57), quum optativo *dixerim*, inquit, praeter tempus perfectum etiam futuri aliquid haerent, (vid. praeter Gell. noct. att. XVIII, 2, sub fin. omnino Perizon. ad Sanct. p. 99, 6) mutatione temporis *audient* opus non erat.

Gaudet, dolet; ridet, plorat; favet, odit; contemnit, invidet; — irascitur, miratur; sperat, timet) In his quaedam turbata videntur. Quum enim in ceteris contraria contrarius referantur, quomodo contemptus invidiae, ira admirationi opponatur? Vix igitur dubito, quin Cicero scripserit: *gaudet, dolet; ridet, plorat; favet, invidet; diligit, odit; admittitur, contemnit; — — irascitur, mitigatur; sperat, timet*. Sic de Orat. II, c. 44, orator dicitur mentes iudicum movere: *ut aut oderint aut diligant, aut invidcant aut saluum vo-*

favet, odit; contemnit, invidet; ad misericordiam inducitur, ad pudendum, ad pigendum; irascitur; miratur; sperat, timet: haec perinde accidunt, ut eorum, qui adsunt, mentes verbis et sententiis et actione tractantur. Quid est, quod expectetur docti alicuius sententia? Quod enim probat multitudo, hoc idem doctis probandum est. Denique hoc specimen est popularis iudicii, quod nunquam fuit populo cum doctis intelligentibusque dissensio. Quum multi essent oratores in vario genere dicendi, quis unquam ex his excellere iudicatus est vulgi iudicio, qui non idem a doctis probaretur? Quando autem dubium fuisset apud patres nostros, eligendi cui patroni daretur optio, quin aut Antonium optaret aut Crassum? At erant multi alii; tamen, utrum de his potius, dubitasset aliquis; quin alterum, nemo. Quid? adolescentibus nobis, quum esset Colla et Hortensius, num quis, cui quidem eligendi potestas esset, quemquam his anteponebat?

51. Tum Brutus, Quid tu, inquit, quaeris alios? de te ipso nonne, quid optarent rei, quid ipse Hortensius iudicaret, videbamus? qui, quum partiretur tecum

lint, aut metuant aut sperent, aut cupiant aut abhorreant, aut laetentur aut moereant, aut misereantur aut pavore velint. Item in Oratore c. 38: Sed est faciendum etiam, ut irascatur iudex, mitigetur; invideat, faveat; contemnat, admiretur; oderit, diligat; cupiat, satietate afficiatur; speret, metuat; laetetur, dolcat; qui locus magis etiam confirmat coniecturam nostram de illo, quem tractamus, restituendo.

At erant) Recte sic Ernesti. Vnlg. *aderant.*

* *Quin alterum, nemo*) Errabat Ernestius, quum h. l. *an alterum nemo*

legendum opinabatur. Nimirum nemo non refertur ad clientes, quibus eligendi patroni daretur optio, sed ad alios quoscunque, qui, quem ille patronum electurus esset, coniecturam facerent. Itaque sic explicandus est locus: Quando autem dubium fuisset apud patres nostros (h. e. nunquam patres nostri dubitassent) eligendi cui patroni daretur optio, quin aut Antonium optaret, aut Crassum. At erant multi alii; tamen, utrum de his potius (cliens electurus esset), dubitasset (patrum nostrorum) aliquis; quin alterum (ille electurus esset), nemo.

Quum esset) Ernesti malebat quum essent.

causas (saepe enim interfui), perorandi locum, ubi plurimum pollet oratio, semper tibi relinquebat.

Faciebat ille quidem, inquam; et mihi benevolentia, credo, ductus tribuebat omnia. Sed ego, quae de me populi sit opinio, nescio; de reliquis hoc affirmo, qui vulgi opinione disertissimi habiti sint, eosdem intelligentium quoque iudicio fuisse probatissimos. Nec enim posset idem Demosthenes dicere, quod dixisse Antimachum, Clarium poetam, ferunt, qui quum convocatis auditoribus legeret magnum illud, quod novistis, volumen suum, et eum legentem omnes, praeter Platonem, reliquissent, *Legam, inquit, nihilo minus: Plato enim mihi unus instar est millium*. Et recte. Poëma enim reconditum paucorum approbationem, oratio popularis assensum vulgi debet movere. At si eundem hunc Platonem unum auditorem haberet Demosthenes, quum esset relictus a ceteris, verbum facere non posset.

Quid? tu, Brute, possesne, si te, ut Curionem quondam, concio reliquisset?

Ego vero, inquit ille, ut me tibi indicem, in eis etiam causis, in quibus omnis res nobis cum iudicibus est, non cum populo, tamen, si a corona relictus sim, non queam dicere.

Legeret) Ed. Omnib. *legeret eis*.

Plato enim mihi unus instar est millium) Vulgo: *Plato enim mihi unus instar est omnium millium*; in quo illud *omnium* misere feiget. Erant qui *millium* deleri vellent; sed multo elegantius opponitur unus millibus.

Approbationem — assensum) Sic Gu. 1, 2.

Debet movere) Gu. 1, 2, *debet moveri*. Rivio placebat *mereri*. Sed

movere, quod Ernestius recepit, minus a scriptura codicum recedit.

Possesne, si te) Gu. 1, 2, *posses, nisi te*. Quod habet etiam ed. Venet. cod. Palat. unde Gulielmius pro vulg. *posses* correxit *possesne*? Melius autem interpungitur: *Quid? tu, Brute, possesne*; quam sic: *Quid tu, Brute? possesne*.

* *Tamen, si a corona relictus sim, non queam dicere*) Corona in iudiciis erat hominum de populo iudices

Ita se, inquam, res habet: ut, si tibiae inflatae non referant sonum, abiiciendas eas sibi tibicen putet; sic oratori populi aures tanquam tibiae sunt; eae si inflatum non recipiunt, aut si auditor omnino tanquam equus non facit, agitandi finis faciendus est. Hoc tamen interest, quod vulgus interdum non probandum oratorem probat, sed probat sine comparatione; quum a mediocri, aut etiam a malo delectatur, eo est contentus; esse melius non sentit; illud, quod est, probat. Tenet enim aures vel mediocris orator, sit modo aliquid in eo; nec res ulla plus apud animos hominum, quam ordo et ornatus orationis, valet.

52. Quare quis ex populo, quum Q. Scaevolam pro M. Coponio dicentem audiret in ea causa, de qua ante dixi, quidquam politius, aut elegantius, aut omnino melius aut expectaret, aut posse fieri putaret? Quum is hoc probare vellet, M. Curium, quum ita heres institutus esset, si pupillus ante mortuus esset, quam in suam

et oratores circumstantium. Brutus igitur dieit, tantum abesse, ut coram populo, si is concionem reliquisset, dicere posset, quia tum omnino auditores non haberet, ut etiam in iudiciis, ubi non cum populo, sed cum iudicibus res esset, si solos hos auditores haberet, et a corona relinqueretur, dicere non posset.

* *Aut si auditor omnino tanquam equus non facit*) Id sine omni gratia li-poreque dictum videtur: sed et varie explicatur. Ego ne quem reprehendam, qui satis ipse pecco, ut censores potius fatigare debeam, quam in aliis censendis me occupare: puto *facere* verbum esse circense: quod ex eo apparet, quia *factiones*, quae a *faciendo* nomen adeptae sunt, in circo quatuor erant: et in lusa pilae factores etiam Plautus dicit. Equum

igitur puto non *facere*, qui aurigae non paret: nec curriculo corripit spatium, nec adiuvat in partem ad victoriam: sed *segnis* et *ignavus* est, nec sentit stimulos, nec aurigam audit. (TYRANNI. *Advers.* XIV, 22.) Haec verba nunquam potui concoquere; mihique potius interpolatoris ingenio, quam Ciceronis stilo digna videntur. Quis enim sibi persuaserit, eum similitudinem a tibiis inflatum non recipientibus repente abruptisse, ut illam ab equi contumacia ductam assueret. Nihil igitur aliud noster hic scripsisse videtur praeter ista: *eae si inflatum non recipiunt, agitandi finis faciendus est*. Ac si forte non placeat *agitare* tibiae pro tractare, fortasse olim cantandi scriptum fuit.

Audiret) Ed. Omnib. *audiscent*.

tutelam veniret, pupillo non nato heredem esse non posse: quid ille non dixit de testamentorum iure? de antiquis formulis? quid, quemadmodum scribi oportuisset, si etiam filio non nato heres institueretur? quam captiosum esset populo, quod scriptum esset, negligi, et opinione quaeri voluntates; et interpretatione disertorum, scripta simplicium hominum pervertere? Quam ille multa de auctoritate patris sui, qui semper ius illud esse defenderat? quam omnino multa de conservando iure civili? quae quidem omnia quum perite et scienter, tum ita breviter et presse, et satis ornate et pereleganter diceret; quis esset in populo, qui aut exspectaret, aut fieri posse quidquam melius putaret?

53. At vero, ut contra Crassus ab adolescente delicto, qui in litore ambulans scalnum reperisset, ob eamque rem aedificare navem concupivisset, exorsus est, similiter Scaevolam ex uno scalmo captionis, centumvirale iudicium hereditatis effecisse: hoc illo initio consequutus, multis eiusdem generis sententiis delectavit, animosque omnium, qui aderant, in hilaritatem a severitate traduxit: quod est unum ex tribus, quae dixi ab oratore effici debere. Deinde hoc voluisse eum, qui testamentum fecisset, hoc sensisse, quoquo modo filius non esset, qui in suam tutelam veniret,

Captiosum esset) Gu. 1, 2, *captiosum esse*.

* *Quae quidem omnia, cum perite et scienter, tum ita breviter et presse, et satis ornate, et pereleganter diceret*) Malim cum Aldina, *tum et breviter*. Ceterum *perite* hic ad usum rerum, *scienter* ad cognitionem iuris civilis, *breviter* ad recensum verborum redundantiā, *presse* ad accuratationem in definiendo, *ornate* ad expolitionem, *pereleganter* ad exquisitum dicendi genus spectat.

Hoc illo initio consequutus, multis) Gu. 1: *hoc illo initio consecutus multis*.

Ed. Omnib. *hoc in illo initio consecutis*. Totum locum sic emendandum esse arbitror: *similiter Scaevolam ex uno scalmo captionis hereditatem effecisse; hoc ille initio consequutisque multis eiusdem generis sententiis delectavit centumvirale iudicium, animosque omnium, qui aderant, in hilaritatem a severitate traduxit*. Cf. 1, 57 de Orat.

Qui in suam tutelam veniret) Et-

sive non natus, sive ante mortuus, Curius heres ut esset: ita scribere plerosque, et id valere, et valuisse semper. Haec et multa eiusmodi dicens fidem faciebat: quod est ex tribus oratoris officiis alterum. Deinde aequum bonum testamentorum sententias voluntatesque tutatus est; quanta esset in verbis captio, cum in ceteris rebus, tum in testamentis, si negligerentur voluntates; quantam sibi potentiam Scaevola assumeret, si nemo auderet testamentum facere postea, nisi de illius sententia. Haec cum graviter, tum ab exemplis copiose, tum varie, tum etiam ridicule et facete explicans, eam admirationem assensionemque commovit, dixisse ut contra nemo videretur. Hoc erat oratoris officium partitione tertium, genere maximum. Hic ille de populo iudex, qui separatim alterum admiratus esset, idem, audito altero, iudicium suum contemneret. At vero intelligens et doctus, audiens Scaevolam, sentiret esse quoddam uberius dicendi genus et ornati-
us. Ab utroque autem, causa perorata, si quaereretur, uter praestaret orator, nunquam profecto sapientis iudicium a iudicio vulgi discreparet.

54. Qui praestat igitur intelligens imperito? Magna re et difficili; si quidem magnum est scire, quibus rebus efficiatur, amittaturve dicendo illud quidquid est, quod aut effici dicendo oportet, aut amitti non oportet. Praestat etiam illo doctus auditor indocto, quod saepe, quum oratores duo aut plures populi iudicio probantur, quod dicendi genus optimum sit, intelligit. Nam illud, quod populo non probatur, ne intelligenti quidem au-

nestius ex ed. Ven. Med. Vict. al. edidit: *qui in suam tutelam venisset*. Frustra. Nam *veniret*, quod etiam Gu. 1, 2 habent, h. l. aptius est, quam plusquam perfectum.

Voluntatesque) Lambin. *voluntatesque mortuorum*.

A iudicio vulgi) Gu. 1, a iudicio populi.

ditori probari potest. Vt enim ex nervorum sono in fidibus, quam scienter ii pulsi sint, intelligi solet, sic ex animorum motu cernitur, quid tractandis his perficiat orator. Itaque intelligens dicendi existimator, non assidens, et attente audiens, sed uno aspectu, et praeteriens, de oratore saepe iudicat. Videt oscitantem iudicem, loquentem cum altero, nonnunquam etiam circumstantem, mittentem ad horas, quaesitorem, ut dimittat, rogantem: intelligit, oratorem in ea causa non adesse, qui possit animis iudicum adinovere orationem, tanquam fidibus manum. Idem si praeteriens aspexerit erectos intuentes iudices, ut aut doceri de re, idque etiam vultu probare videantur; aut, ut avem cantu aliquo, sic illos viderit oratione, quasi suspensos, teneri; aut, id quod maxime opus est, misericordia, odio, motu animi aliquo perturbatos esse vehementius; ea si praeteriens (ut dixi) aspexerit, si nihil audierit, tamen oratorem versari in illo iudicio, et opus oratorium fieri, aut perfectum iam esse, profecto intelliget.

55. Quum haec disseruissem, uterque assensus est, et ego tanquam de integro ordiens, Quando igitur, inquam, a Cotta et Sulpicio haec omnis fluxit oratio,

* *Circulantem*) Rivins ex edit. Romana affert *calculantem*. At hoc est ridiculum. *Circulans* dicitur iudex, ut recte interpretatus est Ernestius, qui in ipso iudicio, dum causa dicitur ab oratore taedium potius quam attentionem excitante, surgit, et cum hominibus consistit, et circulos facit, colloquitur.

* *Mittentem ad horas*) *Clepsydrum* intelligit Ernestius, ita tamen ut ipse dubitet, an sic *horas* dici poterit. Immo est *horologium*, ad quod inspiciendum iudices taedio et impatientia mali oratoris servulum

mittebant, ut scirent quanta diei hora esset. *Clepsydrum* enim ipsi inspicere poterant. De horologio autem, ut machina, similiter vocabulum *horae* usurpatum de Nat. Deor. II, 38.

Si praeteriens aspexerit erectos intuentes iudices) Illa compositio *erectos intuentes*, sc. oratorem, durior videbatur Ernestio; nec valde repugnem. Eidem melius videbatur *intentos*; tum autem copula interposita legendum esset *erectos et intentos iudices*.

Id quod maxime opus est) Gu. 1, id quod maxime opus, omisso est.

Cic. Op. Tom. III

H

quam hos maxime iudicio illorum hominum, et illius aetatis dixissem probatos, revertar ad eos ipsos: tum reliquos, ut institui, deinceps persequar. Quoniam ergo oratorum bonorum (hos enim quaerimus) duo genera sunt, unum attenuate pressequae, alterum sublato ampleque dicentiun; etsi id melius est, quod splendidius et magnificentius, tamen in bonis omnia, quae summa sunt, iure laudantur. Sed cavenda est presso illi oratori inopia et ieiunitas; amplo autem inflatum et corruptum orationis genus. Inveniebat igitur acule Cotta, dicebat pure ac solute; et ut ad infirmitatem laterum perscipienter contentionem omnem remiserat, sic ad virium imbecillitatem dicendi accommodabat genus. Nihil erat in eius oratione nisi sincerum, nihil nisi siccum, atque sanum; illudque maximum, quod, quin contentione orationis flectere animos iudicum vix posset, nec omnino eo genere diceret, tractando tamen, impellebat, ut idem facerent a se commoti, quod a Sulpicio concitati. Fuit enim Sulpicius vel maxime omnium, quos quidem ego audiverim, grandis, et, ut ita dicam, tragicus orator. Vox quum magna, tum suavis et splendida: gestus et motus corporis ita venustus, ut tamen ad forum, non ad scenam institutus videretur: incitata et volubilis, nec ea redundans tamen, nec circumfluens oratio. Crassum hic volebat imitari; Cotta malebat Antonium: sed ab hoc vis aberat Antonii, Crassi ab illo lepos.

56. O magnam, inquit, artem! Brutus; siquidem istis, quum summi essent oratores, duae res maximae, altera alteri defuit.

Atque in his oratoribus illud animadvertendum est, posse esse summos, qui inter se sint dissimiles. Nihil

Vox quum magna) Gu. 1, vox
tum magna, melius, opiaior.

Nec ea redundans) Gu. 1, nec ita
redundans.

enim tam dissimile, quam Cotta Sulpicio, et uterque aequalibus suis plurimum praestitit. Quare hoc doctoris intelligentis est, videre, quo ferat natura sua quemque, et ea duce utentem sic instituere, ut Isocratein in acerrimo ingenio Theopompi, et lenissimo Ephori dixisse traditum est, alteri se calcaria adhibere, alteri frenos. Sulpicii orationes, quae feruntur, eas post mortem eius scripsisse P. Canutius putatur, aequalis meus, homo, extra nostrum ordinem, meo iudicio disertissimus. Ipsius Sulpicii nulla oratio est; saepeque ex eo audiui, quum se scribere neque consuesse, neque posse diceret. Cottae pro se, lege Varia, quae inscribitur, eam L. Aelius scripsit Cottae rogatu. Fuit is omnino vir egregius, et eques romanus cum primis honestus, idemque eruditissimus et graecis literis et latinis; antiquitatisque nostrae et in inventis rebus, et in actis, scriptorumque veterum literate peritus. Quam scientiam Varro noster acceptam ab illo, auctamque per sese, vir ingenio praestans omnique doctrina, pluribus et illustrioribus literis explicavit. Sed idem Aelius Stoicus esse voluit; orator autem nec studuit unquam, nec fuit. Scribebat tamen orationes, quas alii dicerent; ut Q. Metello filio, ut Q. Caepioni, ut Q. Pompeio Rufo; quamquam is etiam ipse scripsit eas,

Se calcaria) Gn. 1, *se calcar*.

Scripsit) Sic Gu. 1, 2.

* *Q. Metello filio*) Vix sciri posset certo credimus, quis hic Q. Metellus fuerit, quum tot eo tempore fuerint Metelli: quia tamen cum duobus consularibus numeratur, et videtur accusatus fuisse, sic ut L. Aelii oratione usus ad se defendendum dicitur, putamus hunc esse Q. Caecilium Metellum Nepotem, Balearici filium, qui consul cum T. Didio A.

V. C. 656 fuit, et a C. Corione patre fuit accusatus, ut Asconius scribit. CORRAD.

* *Q. Pompeio Rufo*) Qui praetor urbanus paucis diebus autequam L. Crassus de Oratore loqueretur lib. I de Orat. et postea consul cum L. Cornelio Sylla, anno ab V. C. 566 fuit, ut Cicero Orat. I et II contra Rullum meminit: cuius etiam consulis filius, eundemque Syllae generum P. Sulpi-

quibus pro se est usus, sed non sine Aelio. His enim scriptis etiam ipse interfui, quum essem apud Aelium adolescens, eumque audire perstudiose solem. Cotta tam autem miror, summum ipsum oratorem minimeque ineptum, Aelianas leves orationunculas voluisse existimari suas.

57. His duobus eiusdem aetatis annumerabatur nemo tertius; sed mihi placebat Pomponius maxime, vel dicam, minime displicebat. Locus erat omnino in maximis causis, praeter eos, de quibus supra dixi, nemini; propterea quod Antonius, qui maxime expetebatur, facilis in causis recipiendis erat, fastidiosior Crassus, sed tamen recipiebat. Horum qui neutrum habebat, confugiebat ad Philippum fere, aut ad Caesarem: secundum Philippum et Caesarem Cotta et Sulpicius expetebantur. Ita ab iis sex patronis causae illustres agebantur. Neque tam multa, quam nostra aetate, iudicia fiebant: neque hoc, quod nunc fit, ut causae singulae defenderentur a pluribus, quo nihil est vitiosius. Respondemus iis, quos non audivimus; in quo primum saepe aliter est dictum, aliter ad nos relatum: deinde magni interest, coram videre me, quemadmodum adversarius de quaque re asseveret, maxime autem, quemadmodum quaeque res audiat. Sed nihil vitiosius, quam, quum unum corpus debeat esse defensionis, nasci de integro causam, quum sit ab altero perorata. Omnium enim causarum unum est naturale principium, una peroratio; reliquae partes, quasi membra suo quae-

eius per emissarios factionis suae interfecit, ut Liv. lib. LXXVII, et Pat. ter. lib. II scribunt. Nec ita multo post Q. ipse Pompeius adhuc consul ab exercitu Cn. Pompeii, Strabonis proconsulis seditione, sed quam dux excitaverat, interfectus est. Ia.

His enim scriptis) Lambin. *his enim scribendis.*

Secundum Philippum et Caesarem) Haec Lambinus inseruit ad sensum prorsus necessaria. Vtrius ipsa Ciceronis verba sint, qui etiam scribere potuit, secundum hos, parum refert,

que loco locata, suam et vim et dignitatem tenent. Quam autem difficile sit, in longa oratione non aliquando aliquid ita dicere, ut sibi ipse non conveniat: quanto difficilius cavere, ne quid dicas, quod non conveniat eius orationi, qui ante te dixerit? Sed quia et labor multo maior est, totam causam, quam partem dicere, et quia plures ineuntur gratiae, si uno tempore dicas pro pluribus, idcirco hanc consuetudinem lubenter ascrivimus.

58. Erant tamen, quibus videretur illius aetatis tertius Curio, quia splendidioribus fortasse verbis utebatur; et quia latine non pessime loquebatur, usu, credo, aliquo domestico. Nam literarum admodum nihil sciebat. Sed magni interest, quos quisque audiat quo-

quandoquidem libri scripti nos hic deserunt.

Et sibi ipse non conveniat) Lamb. *ut sibi ipsum non conveniat*. Vulgata autem recte defenditur ab Heusingero: *ut sibi ipse non conveniat*, scilicet byator. Vnum enim dictum non potest sibi ipsum non convenire; etsi potest aliis eiusdem oratoris dictis repugnare. Ernestio placebat *ut tibi ipse non convenias* melius quam Laubini ratio, nec tamen necessarium.

Ante te dixerit) Gu. 1, 2, *ante dixerit*.

* *Curio*) C. Scribonius Curio, filius Curionis qui supra cap. 32 illustis orator dicebatur, filius, pater eius, de quo cap. 81 agitur. Cos. fuit cum Cn. Octavio A. V. C. 677. SCHVYZ. — Videtur praetor in Asia fuisse: certe ibi quum esset, illi Sylla imperavit, ut Nicomedem et Ariobarthanum in Cappadociam deduceret, ut Appianus in Mithridatico refert. Eius etiam opera in capiendis Athenis

usum Syllam fuisse testis est Plutarchus. Deinde cum Cn. Octavio, anno ab V. C. 678, consul fuit, ut Plinius ostendit lib. II, cap. 35. Proconsul postea Dardanum in Thracia domuit, ut Frontinus lib. IV, cap. 5 refert, ubi tamen *M. Curio*, pro *C. Curione* male legitur. Videndus etiam Marcellin. lib. XXIX, ex quo cognoscimus in eo fuisse prudentiam, quam Cicero in Orat. pro lege Manil. commendat. Fuit etiam pontifex, ut in Orat. de Responsis apparet: cuius locum tum filius videtur petisse, quum Cicero lib. II Fam. scripserit ad eum, se de sacerdotio laborasse etsi scio anguratum posse significari. Hic Ciceronis amicissimus fuit, ita ut eius consulatum *amissum*, ut lib. I ad Attic. leges, appellaret. Cicero tamen illum saepe mordebat. Decessit non ita multo ante quam Cicero in Ciliciam proficisceretur, ut ex lib. II Famil. cognoscimus: quum vir optimus fuisset, ut Val. Max. lib. IX, cap. 1 ostendit. CORRAU.

tidie domi, quibuscum loquatur a puero, quemadmodum patres, paedagogi, matres etiam loquantur. Legimus epistolas Corneliae, matris Gracchorum; apparet, filios non tam in gremio educatos, quam in sermone matris. Auditus est nobis Laeliae, Caii filiae, saepe sermo. Ergo illam patris elegantia tinctam vidimus; et filias eius Mucias ambas, quarum sermo mihi fuit notus; et neptes Licinias, quas nos quidem ambas, hanc vero Scipionis etiam tu, Brute, credo, aliquando audisti loquentem. Ego vero, ac lubenter quidem, inquit Brutus; et eo lubentius, quod L. Crassi erat filia. Quid Crassum, inquam, illum censes, istius Liciniae filium, Crassi testamento qui fuit adoptatus? Summo iste quidem dicitur ingenio fuisse, inquit. Et vero hic Scipio, collega meus, mihi sane bene et loqui videtur, et dicere. Recte, inquam, iudicas, Brute.

Et filias eius Mucias ambas) Haec omnia in masculina mutari vult Goulielmus e cap. 72; sed huic loco filiae magis et solae conveniunt, nempe propter verba, *quarum sermo mihi notus fuit*; nam de filiis si sermo esset, non opus fuisset addi hoc; de filiabus opus erat, quas vulgo homines non audiebant loquentes, more romano: similiter loquitor de neptibus. Nec vero repugnant ea, quae cap. 72 dicuntur, ubi de Muciorum et Laeliorum familiis in genere sermo est, quod et ad filios et ad filias pertinere potest. ERM.

* *Et neptes Licinias*) L. Licinii Crassi et Muciae filias.

* *Hanc vero Scipionis*) Liciniam, uxorem Scipionis Nasicae, qui Publii filius, P. Scipionis Nasicae Serapionis nepos fuit.

* *Crassum illum*) L. Crassum Sci-

pionis modo nominati et Liciniae filium, ab avo materno adoptatum.

* *Scipio*) Publius, ut putamus, vel Lucius, ut est apud Appianum lib. II. Scipio, L. Scipionis et Liciniae alter filius, qui et ipse adoptatus, Q. Metellus Q. F. Pius Scipio fuit appellatus: ut epist. 8 lib. VIII Famil. legitur: qui quom fuisse consul cum Pompeio genero, et bellum cum Caesare in Africa gessisset, se ipse tandem interfecit: quod etsi factum est antequam Dialogus hic fieret, Brutus tamen de illo tanquam vivo loquitur; nisi forte prius hic Dialogus fuerit coeptus, et postea absolutus: vel hic alius sit Scipio, cuius historiam nos invenire non poterimus. Brutus autem illum vocat collegam suum, nam Brutus pontifex fuit. CORRAD.

Sane bene et loqui) Gu. 1, 2, *sane et bene loqui*,

Etenim istius genus est ex ipsius sapientiae stirpe generatum. Nam et de duobus avis iam diximus, Scipione et Crasso; et de tribus proavis, Q. Metello, cuius quatuor filii; P. Scipione, qui ex dominatu Ti. Gracchi privatus in libertatem rempublicam vindicavit; Q. Scaevola augure, peritissimus iuris, idemque percomis est habitus. Iam duorum abavorum quam est illustre nomen, P. Scipionis, qui bis consul fuit, qui est *Corculum* dictus; alterius omnium sapientissimi, C. Laelii? O generosam, inquit, stirpem, et tanquam in unam arborem plura genera, sic in istam domum multorum insitam atque illuminatam sapientiam! Similiter igitur suspicor (ut conferamus parva magnis), Curionis, etsi pupillus relictus est, patrio fuisse instituto puro sermone assuefactam domum: et eo magis hoc iudico, quod neminem ex iis quidem, qui aliquo in numero fuerunt, cognovi in omni genere honestarum artium tam inductum, tam rudem. Nullum ille poetam novebat, nullum legerat oratorem, nullam memoriam antiquitatis collegerat; non publicum ius, non privatum et civile cognoverat. Quamquam id quidem fuit etiam in aliis, et magnis quidem oratoribus, quos parum his instructos artibus vidimus, ut Sulpicium, ut Antonium; sed ii tamen unum illud habebant dicendi opus elaboratum. Idque quum constaret ex quinque notissimis partibus, nemo in aliqua parte earum omnino nihil poterat (in quacunque enim una plane claudicaret, orator esse non posset); sed tamen alius

Atque illuminatam sapientiam) Hoc *illuminatam* corruptam esse putentur omnes. Lambinus conj. *illuminatam*. Ernestius *illatam* vel *illigatam*. Possis etiam suspicari, Ciceronem scripsisse *lucratam*. Lalet autem vocabulum, quod est *ἐκκρίνω* in actionis, ut inno-

culatam vel simile.

Poëtam novebat) Gu. 1, *poëtam viderat*.

Claudicaret) Gu. 1, 2, *clauderet*. Idem e duobus MSS. citat Ernestius. Et est sane speciosum.

in alia excellebat magis. Reperiebat, quid dici opus esset, et quomodo praeparari, et quo loco locari, memoriaque ea comprehendebat Antonius; excellebat autem actione; erantque ei quaedam ex his paria cum Crasso, quaedam etiam superiora; at Crassi magis enitebatur oratio. Nec vero Sulpicio, neque Cottae dicere possumus, neque cuiquam bono oratori rem ullam ex illis quinque partibus plane atque omnino defuisse. Itaque in Curione hoc verissime iudicari potest, nulla re una magis oratorem commendari, quam verborum splendore et copia. Nam cum tardus in cogitando, tum in instruendo dissipatus fuit. Reliqua duo sunt, agere, et meminisse. In utroque cachinnos irridendum commovebat. Motus erat is, quem et C. Iulius in perpetuum notavit, quum ex eo, in utramque partem toto corpore vacillante, quaesivit, *quis loqueretur e lintre*; et Cn. Sicinius, homo impurus, sed admodum ridiculus, neque aliud in eo oratoris simile quidquam. Is quum tribunus plebis Curionem et Octavium consules produxisset, Curioque multum se suo more iactas-

Erantque ei quaedam) Gu. 1, *erant ei quaedam*; Gu. 2, *erat ei quaedam*.

Rem ullam ex illis quinque partibus) Lambinus delet *rem*. Et saepe commodius abfuerit, quia sequitur *plane et omnino*.

Nam quum tardus in cogitando) Gu. 1: *nam tum in cogitando tardus*.

* *Loqueretur e lintre*) Nam qui vacillant in utramque partem loquentes, e lintre loqui videntur: quod lintre, quum sit navicula, facile in utramque partem vacillat, si quis modo velit in eo stare et loqui. CORA.

Is quum tribunus plebis Curionem et Octavium consules produxisset, Curioque multum se suo more iactas-
set, assidue Cn. Octavio collega,

qui devinctus erat fasciis et multis medicamentis, propter dolorem artuum, delibutus: Nunquam, inquit, Octavi, collegae tuo gratiam referes: qui nisi fuisset, hodie te istae muscae comedissent) In edd. omnibus hic locus ita legitur: *Is quum trib. pl. — produxisset, Curioque multa dixisset sedente Cn. Octavio — Nunquam — referes, qui nisi se suo more iactavisset, hodie te istae muscae comedissent*. Optime autem Schneiderus in ep. ad Lange-rum ordinem verborum ita, ut fecimus, constituendum censuit, adhibito Quintil. XI, 3. Nec dubitari potest, quin sic et narratio elegantior, et Sicinnii dictum urbanius sit, quam in vulgari lectione apud Ciceronem.

set, assidente Cn. Octavio collega, qui devinctus erat fasciis, et multis medicamentis, propter dolorem artuum, delibutus, *Nunquam*, inquit, *Octavi, collegae tuo gratiam referes: qui nisi fuisset, hodie te istic muscae comedissent.* Memoria autem ita fuit nulla, ut aliquoties tria quum proposuisset, aut quartum adderet, aut tertium quaereret. Quin in iudicio privato vel maximo, quum ego pro Titinia Cottae peroravisset, ille contra me pro Ser. Naevio diceret, subito totam causam oblitus est, idque beneficiis et cantionibus Titinae factum esse dicebat. Magna haec immemoris ingenii signa; sed nihil turpius, quam quod etiam in scriptis obliviscebatur, quid paulo ante posuisset; ut in eo libro, ubi se exeuntem e senatu, et cum Pansa nostro, et cum Curione filio colloquentem facit; omnisque ille sermo ducitur e percontatione filii, quid in senatu esset actum. In quo multis verbis quum inveheretur in Caesarem Curio, disputatioque esset inter eos, ut est consuetudo dialogorum, quum sermo esset institutus senatu misso, quem senatum Caesar consul habuisset: reprehendit eas res, quas idem Caesar anno post, et deinceps reliquis annis administravisset in Gallia.

59. Tum Brutus admirans, Tantamne fuisse oblivio-

Obliviscebatur) Sic Guelf. 1, 2. Vulgo *oblivisceretur*.

Colloquentem facit) In edd. additur: *quum senatum Caesar cos. habuisset*, quae hic perperam interpolata sunt e sequentibus. Paulo post pro ductus rescripti ducitur. Totum tamen h. l. Iacobsius V. C. ita sibi restituendum videri ad me scripsit; ut in eo libro, ubi se exeuntem e senatu, et cum Pansa nostro, et cum Curione filio colloquentem facit; quum sermo

esset institutus senatu misso, quem senatum Caesar Cos. habuisset, omnisque ille sermo ductus e percontatione filii, quid in senatu esset actum. In quo multis verbis quum inveheretur in Caesarem Curio, disputatioque esset inter eos, ut est consuetudo dialogorum, reprehendit eas res, quas idem Caesar anno post et deinceps reliquis annis administravisset in Gallia

In senatum) Sic, bene Ernestius. Gu. 1, 2, in senatu, ut vulgo.

nem, inquit, in scripto praesertim, ut ne legens quidem unquam senserit, quantum flagitii commisisset! Quid autem, inquam, Brute, stultius, quam si ea vituperare volebat, quae vituperavit, non eo tempore instituere sermonem, quum illarum rerum iam tempora praeteriissent? Sed ita totus errat, ut in eodem sermone dicat, in senatum se, Caesare consule, non accedere, sed id dicat ipso consule exiens e senatu. Iam qui hac parte animi, quae custos est ceterarum ingenii partium, tam debilis esset, ut ne in scripto quidem meminisset, quid paulo ante posuisset, huic minime mirum est ex tempore dicenti solitam effluere mentem. Itaque quum ei nec officium deesset, et flagraret studio dicendi, perpaucae ad eum causae deferebantur. Orator autem, vivis eius aequalibus, proximus optimis numerabatur, propter verborum bonitatem, ut ante dixi, et expeditam ac profluentem quodammodo celeritatem. Itaque eius orationes aspiciendas tamen censeo. Sunt illae quidem languidiores, verumtamen possunt augere et quasi alere id bonum, quod in illo mediocre fuisse concedimus; quod habet tantam vim, ut solum, sine aliis, in Curione speciem oratoris alicuius effecerit. Sed ad instituta redeamus.

60. In eodem igitur numero eiusdem aetatis C. Carbo fuit, illius eloquentissimi viri filius, non satis acutus orator, sed tamen orator numeratus est. Erat in verbis gravitas, et facile dicebat, et auctoritatem naturalem quandam habebat oratio. Acutior Q. Varius rebus inveniendis, nec minus verbis expeditus; fortis vero actor,

Sed id dicat) Sic etiam Gu. 1, 2, et recte quidem; nec opus est, quod Ernestio placebat, id mutare in *et id dicat*.

Ac profluentem) Gu. 1, et *profluentem*,

* C. Carbo) Hunc inserit hoc loco, quum supra de illo cum aliis non proposuerit: sed facit, ut opinor, ne meditatius in dialogo dicere videretur. CORRAD.

et vehemens, et verbis nec inops, neq̃ abiectus, et quem plane oratorem dicere auderes. Cn. Pomponius lateribus pugnans, incitans animos, acer, acerbus, criminosus. Multum ab his aberat L. Fufius; tamen ex accusatione M' Aquillii diligentiae fructum ceperat. Nam M. Drusum, tuum magnum avunculum, gravem oratorem, ita dumtaxat, quam de republica diceret; L. autem Lucullum etiam acutum; patremque tuum, Brute, iuris quoque et publici et privati sane peritum; M. Lucullum, M. Octavium, Cn. filium, qui tantum

Multum ab his) Sic Guelf. 1, 2. Vulg. *multum ab iis*.

* *M. Drusum*) M. Livium Drusum, M. Drusi et Corneliae, ut in Consol. ad Marciam Seneca refert, filium; qui pupillus adhuc quam esset et praetextatus, indicibus reos commendabat, et se sic interponebat, ut quaedam iudicia ab illo rapta constet. Vnde solebat dicere, sibi uni, ne puero quidem, unquam ferriis contigisse: quod Seneca in lib. de Brev. vitae scribit. Ob id Cicero lib. I de Off. dixit, in eo adolescente gravitatem singularem fuisse. Hic quaestor in Asia nullis lusingibus uti voluit, ne quid ipso esset insignius. Morbo comitali helleboro in Anticyra insula constat esse liberatum, ut Plinius lib. XXV, cap. 5, et Gellius lib. XVII, cap. 15 retulerunt. Inter hunc et Caepionem ex anulo in auctione venali inimicitiae coeperunt; unde origo socialis belli et exitus rerum, ut ait Plin. lib. XXV, cap. 5, et Gell. lib. XVII, cap. 15. In atrio domus suae cultello est percussus, quod scribunt Paterculus lib. II; Liv. lib. LXX; Appianus lib. I | Oros. lib. V, cap. 18, et Cicero ipse Orat. pro Milone, CORNAB.

* *Magnum avunculum*) Maternae

aviae fratrem, ut Grammatici docent, et tu ita colliges: M. Livius Drusus, qui senatus est patronus appellatus, habuit filios M. Livium Drusum, de quo loquimur, et Liviam, quae mater fuit Catonis. Ita Drusus pater, Catonis fuit avus maternus: lib. IV de Fin. Drusus vero filius, eiusdem Catonis avunculus fuit, ut Liviae matris frater, ut a Cicerone in Orat. pro Milone, a Valer. Max. lib. III, cap. 1, et a Plutarcho vocatur. Eadem porro Livia, mortuo priore marito, nupsit Q. Servilio Caepioni, unde nata est Servilia mater Bruti, quae ex matre soror fuit Catonis. Et sic Cato, ut Serviliae frater, Bruti fuit avunculus: Livia fuit avia materna, et M. Drusus, eius frater, magnus avunculus. Id.

M. Lucullum) L. Luculli fratrem ut Plutarch. in Lucullo docet, quamvis Eutropius consobrinum vocet. In lapidibus certe Romanis L. Lucullus, L. F. et hic M. F. dicitur, qui L. Syllae imperatoris quaestor fuit, et postea, ut unus e Syllanis ducibus ad Fidentiam feliciter pugnavit. Cum fratre fuit aedilis; apud Plinium VIII, 7. Hic praetor inter peregrinos ius dixit, et contra C. Antonium, quod Graeci postulabant, decrevit, ut

auctoritate dicendūque valuit, ut legem Semproniam frumentariam populi frequentis suffragiis abrogaverit; Cn. Octavium, M. filium; M. Catonem patrem; Q. etiam Catulum filium, abducamus ex acie, et in praesidiis reipublicae, ubi facile satisfacere possint, colloquemus. Eodem Q. Caepionem referrem, nisi, nimis equestri ordini deditus, a senatu dissedisset. Cn. Carbonem, M. Marium, et ex eodem genere complures, minime dignos elegantis conventus auribus, aptissimos cognovi turbulentis concionibus. Quo in genere (ut in

Asconius ostendit. Consul cum C. Cassio fuit, ut in Orat. pro Cluentio legimus; unde Verrina III sic esse legendum cognoscimus: *Nobis respondit, quoniam ab eo tabulas postularemus, usque ad M. Lucillum et C. Cassium cons. conficere, postea destitisse.* Proconsul hic in Macedonia Curioni successit, et totam Bessorum gentem, bello appetitam, in ditionem accepit, ut auctor est Orosius lib. VI, cap. 3, et ad terminum gentium Tanaim lacumque Maecotum pervenit, ut Flor. lib. III, cap. 4 refert. Hinc postea L. Luculli fratris tutela permissa est, quum ille alienata mente desipere coepisset. Ante Cicerois exilium videtur L. Lucullus vel decessisse vel secessisse, vel certe nihil curasse, quando nusquam dicitur Ciceroem adiuvisse, ut si vixisset vel valuisset, prorsus adiuvisset: ab eo in triumpho adiutus, lib. II Acad. Quaest. ut M. ipse Lucullus adiuvit, ut testatur in Orat. in Pisonem, et de Har. Resp. ubi pontifex etiam vocatur, ut epist. 2, lib. IV ad Attic. significatur. Hic M. Lucullus ante bellum civile decessit, cui vel ob id Paterculus gratulatur. Id.

Abducamus ex acie) Manifestum glossæma, vulgo hic annexum, id est

a iudiciis, auctore Rohrkensio ad Vell. Patere. pag. 144, resecuimus. Idem iam P. Manutius visum erat spurium.

* *Cn. Carbonem*) Cn. Papirium Carbonem, qui Marius fuit, etiam ante, quam consul fieret, ut Liv. lib. LXXIX et sq. scripsit: deinde cum L. Cinna et ipse Carbo a se ipsis consules per biennium creati, bellum contra Syllam parassent, ac tandem Cinna ab exercitu suo interemptus esset, consulatum Carbo solus geasit, ut Liv. lib. LXXXIII, et Paterculus lib. II praefer alios ostendunt. Tandem illum consulem III cum C. Mario C. F. Sylla, exercitu eius ad Clusium, ad Faventiam, Fidentiumque caeso, Italia expulit, ut ait Liv. lib. LXXXVIII, quem Pompeius in Sicilia captum occidit. Auctores laudo Livium, Valer. Max., Paterculum, Plutarchum, et Appianum, qui res istas pluribus explicavit. CORRAD.

* *M. Marium*) M. Marium Gratidianum, M. Marii Gratidiani filium, cuius caput abscisum per urbem sua manu Catilina tulit, et alia fecit, quae scribunt Q. Cicero de Petit. Consul. et alii. Hunc bis praetorem fuisse scribit Asconius. Quam vero praetor esset, collegas, tribunosque plebis eo modo decepit, quem Cicero,

his perturbem aetatum ordinem) nuper L. Quintius fuit; aptior etiam Palicanus auribus imperitorum.

61. Et quoniam huius generis facta mentio est, seditiosorum omnium post Gracchos, L. Apuleius Saturninus eloquentissimus visus est; magis specie tamen et motu atque ipso amictu capiebat homines, quam aut dicendi copia, aut mediocritate prudentiae. Longe autem post natos homines improbissimus C. Servilius Glaucia, sed peracutus et callidus, cum primisque ridiculus. Is ex summis et fortunae et vitae sordibus, in praetura consul factus esset, si rationem eius haberi licere iudicatum esset. Nam et plebem tenebat, et eque-

qui fuit affinis, lib. III de Offic. non probavit. Lis ei cum Sergio Aurata fuit ea, quam Cicero lib. I de Orat. et lib. III de Offic. ponit. Id.

Aptior etiam) Sic Gn. 1, 2, bene. Vulgo: aptior autem etiam.

* Palicanus) M. Lollius Palicanus, qui et ipse tribunus pleb. fuit, annis duobus post L. Quintium, L. Gellio et Gn. Lentulo consulibus. Val. Max. lib. III, cap. 8, testatur ita seditiosum fuisse, ut C. Piso consul illum suffragiis populi consulem creatum rennunciare noluerit, quod diceret non existimare se, tantis tenebris offusam esse remp. ut hoc indignitatis videretur. Hinc Cicero epist. 1 lib. I ad Attic. scripsit: *De Pulicano non puto te expectare, dum scribam*: quod verisimile non esset, illum, qui tam turpiter repulsus fuisset, iterum consulatum petiturum. Lollius ab Asconio dicitur, et ita gens Lollia plebeia cognoscitur. CONRAD.

* L. Apuleius Saturninus) Tribunus pleb. per vim creatus, non minus violenter tribunatum, quam petierat, gessit. Gracchanus enim leges asserere non destitit, ut ait Flor. lib. III,

cap. 16. Nam legem agrariam tulit, ut Liv. lib. LXIX scripsit, quam Plutarchus in Mario τὸν πρὸς τοῦς χεῖρας νόμον appellare videtur. Turbulentissimi huius hominis res narrantur a Livio, Paternio, Appiano, Floro, Orosio, et alijs. Id.

* C. Servilius Glaucia) De quo loquuntur omnes historici, qui de L. Apuleio Saturnino scribunt. Is populum solebat monere, ut, quum lex aliqua recitaretur, primum versum attenderet: si esset dictator, consul, praetor, magister equitum, ut laboraret: sciret nihil ad se pertinere: sin autem, *Quicumque post hanc legem*; videret ne qua nova questione alligaretur. Hoc Cicero in Orat. pro Rabirio Posthumo scribit. Id.

* Cum primisque ridiculus) i. e. facetiis et iocis abundans.

* Et equestrem ordinem beneficio legis dovinxerat) Non legis de civitate, ut Wetzelius putabat, sed legis iudiciariae, qua iudicia, quae erant lege Q. Servillii Caepionis cum senatu et equitibus communicata, sexto anno post (non decimo, ut est ap. Erue-

strem ordinem beneficio legis devinxerat. Is praetor eodem die, quo Saturninus tribunus plebis, Mario et Flacco consulibus, publice est interfectus; homo similis Atheniensis Hyperboli, cuius improbitatem veteres Atticorum comoediae notaverunt. Quos Sex. Titius consequutus, homo loquax sane et satis acutus, sed tam solutus et mollis in gestu, ut saltatio quaedam nasceretur, cui saltationi *Titius* nomen esset. Ita cavendum est, ne quid in agendo dicendove facias, cuius imitatio rideatur.

Sed ad paulo superiorem aetatem revecti sumus; nunc ad eam, de qua aliquantum loquuti sumus, revertamur.

62. Coniunctus igitur Sulpicii aetati P. Antistius fuit, rabula saepe probabilis, qui multos quum tacuisset annos, neque contemni solum, sed irrideri etiam solitus esset, in tribunatu primum, contra C. Iulii illam consulationem petitionem extraordinariam, veram causam agens, est probatus; et eo magis, quod eandem causam quum ageret eius collega ille ipse Sulpicius, hic plura et acutiora dicebat. Itaque post tribunatum pri-

atium in Clave Cic. p. 39) solis equitibus restituta sunt.

* *Hyperboli*) Lucernarum faber improbus; quippe qui faciendis lucernis non vere solum, sed plumbum etiam uteretur, quo plura eas, ut graviores, venderet, et sic emptores decipiebat, qui tamen μετὰ τὴν τοῦ Κλέωνος δυναστείαν διεδέχοντο τὴν διαμαρτυρίαν, ut Aristophanis interpres in Nubib. et in Pace scribit. Fuit etiam στρατηγὸς Ἀθηναίων, ut idem interpres ait in Acharn. Ἀπώλετο δὲ περὶ τὴν Σάμον, πολεμοῦντων αὐτῷ τῶν Σερμίων, ut interpres idem in Ibanis refert. CONRAD.

* *Sed tam solutus et mollis*) *Solu-*

tus gestus h. l. est immodicus et nimis; *mollis* autem quasi delicatus et muliebris, decorem putide affectans, quod genus Or. cap. 18 Cicero argutias digitorum et mollium cervicis dixit. Itaque frustra Ernestius h. voc. offendeatur.

* *P. Antistius*) P. Antistius Labeo tribunus plebis cum collega P. Sulpicio Rufo acriter restitit C. Caesari Straboni consulationem contra leges petenti. Triennio post praetor Pompeio quum filium collocasset, quasi Syllae partibus addictus, a Damasippo in senatu interfectus est. (Plut. in Pompeio.) PAVSI.

mo multae ad eum causae, deinde omnes, maximae quaecunque erant, deferebantur. Rem videbat acute, componebat diligenter, memoria valebat; verbis non ille quidem ornatis utebatur, sed tamen non abiectis. Expedita autem erat et perfacile currens oratio; et erat eius quidam tanquam habitus non inurbanus, actio paulum quum vitio vocis, tum etiam ineptiis claudicabat. Hic temporibus floruit is, quibus, inter profectionem reditumque L. Sullae, sine iure fuit et sine ulla dignitate respublica. Hoc autem magis probabatur, quod erat ab oratoribus quaedam in foro solitudo. Sulpicius occiderat, Cotta aberat, et Curio; vivebat e reliquis patronis eius aetatis nemo, praeter Carbonem et Pomponium; quorum utrumque facile superabat.

63. Inferioris autem aetatis erat proximus L. Sisenna, doctus vir et studiis optimis deditus, bene latine loquens, gnarus reipublicae, non sine facetiis; sed neque laboris multi, nec satis versatus in causis; interiectusque inter duas aetates, Hortensii et Sulpicii, nec maiorem consequi poterat, et minori necesse erat cedere. Huius omnis facultas ex historia ipsius perspicui potest:

* *Quibus inter profectionem reditumque L. Sullae* *) Aliter ante profectionem. Et sane fuit in Iribunatu collega Sulpicii et causam contra C. Iulium egit, floruit ante Sullae profectionem. Siquidem Sulla ante quam proficisceretur P. Sulpicium interficiendum curavit. Profectus est autem iam Cn. Octavio L. Cornelio Cinna Coss. ut Plutarchus affirmat, et rediit L. Scipione C. Norbano Coss. ut Livius, Plutarchus, Appianus ostendunt. Certe Philippica XII, cum L. Scipione tunc consule dicitur esse colloquutus. Itaque inter profectionem et reditum Sullae vix anni tres

integri numerantur; quod si consulatum etiam amplectaris, non amplius certe, quam quatuor annos integros numerabis, quibus P. Antistius floruit, sed post Sullae reditum in Italiam, quum Mariani adhuc urbem tenerent, interfectus est. Hactenus Corrodus, qui quamquam haec omnia recte exposuit, non tamen ideo de veritate lectionis inter profectionem reditumque dubitare debebat. Nam quum Cicero dicit hic temporibus floruit is, hoc verbo designat id temporis spatium, quo Antistius in summa erat existimatione, et maxime celebraretur ut patrumus,

quae quum facile omnes vincat superiores, tum indicat tamen, quantum absit a summo, quamque genus hoc descriptionis nondum sit satis latinis literis illustratum. Nam Q. Hortensii admodum adolescentis ingenium, ut Phidiae signum, simul aspectum et probatum est. Is, L. Crasso, Q. Scaevola consulibus, primum in foro dixit, et apud hos ipsos quidem consules, et cum eorum, qui affuerunt, tum ipsorum consulum, qui omnes intelligentia anteibant, iudicio discessit probatus. Vnde viginti annos natus erat eo tempore. Est autem L. Paulo, C. Marcello consulibus mortuus; ex quo videmus, eum in patronorum numero annos quatuor et quadraginta fuisse. Hoc de oratore paulo post plura dicemus; hoc autem loco volumus in disparem oratorum aetatem includere; quamquam id quidem omnibus usu venire necesse fuit, quibus paulo longior vita contigit, ut et cum multo maioribus natu, quam essent ipsi, et cum aliquanto minoribus compararentur. Vt Attius iisdem aedilibus ait se et Pacuvium docuisse fabulam, quum ille octoginta, ipse triginta annos natus esset: sic Hortensius non cum suis aequalibus solum, sed et mea cum

L. Crasso, Q. Scaevola consulibus)
i. e. A. V. C. 658.

L. Paulo, C. Marcello consulibus)
i. e. A. V. C. 703.

Hoc autem loco volumus) Gu. 1, hoc autem loco volumus. Vulgo: hoc autem loco volumus aetatem eius in disparem oratorum aetatem includere. «Vocabulum aetatem (post volumus) nec satis commodum sensum habet, et ingratum est, quum in eadem periodo statim repetatur. Ernestius igitur tentabat h. l. ita corrigens: volumus eum in disparem. Scilicet in Edld. Venet. Mediol. Ald. Iunt. plane nt in codice Gud. (scil. Gu. 1) est

aetatem in disparem, omissio pronomine eius. Acquiescerem emendatione Ernestiana, nisi concinnitas mihi vocabulum respondens dispari aetati centorum postulare videretur. Quid igitur si volumus iuventutem eius in disparem oratorum aetatem legamus?» Hactenus Schneiderus in ep. ad Langerum pag. 40, satis ille quidem probabiliter; ideo tamen notandus, quod verba aetatem eius explicaturus addidit (*L. Sisennae*) haud dubie culami tantum errore; hic enim non de Sisenna amplius, sed de Hortensio sermonem esse, manifestum est.

aetate, et cum tua, Brute, et cum aliquanto superiore coniungitur; siquidem et Crasso vivo dicere solebat, et magis iam etiam vigeat cum Antonio, et cum Philippo iam sene, pro Cn. Pompeii bonis dicente. In illa causa adolescens quum esset, princeps fuit, et in eorum, quos in Sulpicii aetate posui, numerum facile pervenerat; et suos inter aequales M. Pisonem, M. Crasum, Cn. Lentulum, P. Lentulum Suram longe praestitit; et me adolescentem nactus octo annis minorem, quam erat ipse, multos annos in stadio eiusdem laudis exercuit; et tecum simul, sicut ego pro multis, sic ille pro Appio Claudio dixit, paulo ante mortem.

64. Vides igitur, ut ad te oratorem, Brute, pervenerimus, tam multis inter nostrum tuumque initium

Siquidem et Crasso vivo dicere solebat, et magis iam etiam vigeat, cum Antonio, et cum Philippo iam sene, pro Cn. Pompeii bonis dicente) Si sic, ut vulgo, legitur, dicente, commodè vix explicaveris sententiam. Quid enim hoc sit: Hortensius magis vigeat cum Antonio et cum Philippo pro Cn. Pompeii bonis dicente? Aut igitur, his deleta praepositione cum, legendum: et magis etiam vigeat, Antonio et Philippo iam sene pro Cn. Pompeii bonis dicente; aut, quod malim: et magis etiam vigeat, cum Antonio et Philippo iam sene pro Cn. Pompeii Rufi bonis dicens. Statim enim sequitur: *In illa causa adolescens quum esset, princeps fuit, ex quo quantum iam tum vignerit intelligitur, quod, etsi illam causam nos cum Antonio, oratore summo, et cum Philippo iam sene defendebat, tamen ei tum adolescenti primae deferebatur, Ceterum lectione Aldinae, in aliis quoque editionibus propagata: et magis etiam*

vigeat Antonio; et cum Philippo iam sene pro Cn. Pompeii bonis dicente, in illa causa, adolescens quum esset, princeps fuit, nihilo plus quam valgat ad sensum proficitor.

Multos annos in stadio eiusdem laudis exercuit) Vulg. in studio. Rivius autem commendavit lectionem in stadio, quem iam Læbinius ascrivit. Frustra obloquitur Ernestius, quia in stadio non exercentur homines. At h. l. exercere non est dantiv, sed sumitur eodem significato, quo Cicero Varior. Epp. XII, 4, dicit: *nunc me reliquiae vestrae exercent*, i. e. multum negotii facessunt. Itaque aliquis recte dicitur aemulum suum in cursu, vel in stadio laudis exerce- re, quum praestantis suae eum cogit omnibus viribus eniti atque contendere, ut ipsum, nisi vincat, certe assequatur.

Et tecum simul, sicut ego pro multis) Idem testatur cap. 94, ubi Brutum alloquens, complures, inquit, causas nobiscum et solus agisti.

dicendi interpositis oratoribus? ex quibus, quoniam in hoc sermone nostro statui neminem eorum, qui viverent, nominare, ne vos curiosius eliceretis ex me, quid de quoque iudicarem; eos, qui iam sunt mortui, nominabo.

Tum Brutus, Non est, inquit, ista causa, quam dicis, quamobrem de iis, qui vivunt, nihil velis dicere.

Quaenam igitur, inquam, est?

Vereri te, inquit, arbitror, ne per nos hic sermo tuus emanet, et ii tibi succenseant, quos praeterieris.

Quid? vos, inquam, tacere non poteritis?

Nos quidem, inquit, facillime; sed tamen te arbitror malle ipsum tacere, quam taciturnitatem nostram experiri.

Tum ego, Vere, inquam, tibi, Brute, dicam. Non me existimavi in hoc sermone usque ad hanc aetatem esse venturum; sed ita traxit ordo aetatum orationem, ut iam ad minores etiam pervenerim.

Interpone igitur, inquit, si quos videtur; deinde redeamus ad te, et ad Hortensium.

Immo vero, inquam, ad Hortensium; de me alii dicent, si qui volent.

Minime vero, inquit. Nam etsi me facile omni tuo sermone tenuisti, tamen is mihi longior videtur, quod propero audire de te; nec vero tam de virtutibus dicendi tuis, quae cum omnibus, tum certe mihi notissimae sunt, quam quod gradus tuos, et quasi processus dicendi studeo cognoscere.

Eliceretis) E correctione Rivii. Vulgo olim *eligeretis*.

Malle ipsum tacere) Recte sic edidit Ernestius e MSS. Pal. Caiae. Vulgo, *malle id ipsum tacere*.

Vere, inquam, tibi) Gn. 1, vere tibi, inquam.

Dicent, si qui) Sic etiam Gn. 1, 2. Non opus est, quod Ernestio placebat, *rescribere dicant*, quamquam hoc etiam aptum esset, paulo alio sensu.

Mihi longior) Gn. 1, longior mihi. *Quam quod gradus tuos — studeo cognoscere*) Ernesti particulam *quod*

Geretur, inquam, tibi mos; quoniam me non ingenii praedictorem esse vis, sed laboris mei. Verum interponam, ut placet, alios, et a M. Crasso, qui fuit aequalis Hortensii, exordiar.

65. Is igitur mediocriter a doctrina instructus, angustius etiam a natura, labore et industria, et quod adhibebat ad obtinendas causas curam etiam et gratiam, in principibus patronis aliquot annos fuit. In huius oratione sermo latinus erat, verba non abiecta, res compositae diligenter; nullus flos tamen, neque lumen ullum; animi magna, vocis parva contentio, omnia fere ut similiter atque uno modo dicerentur. Nam huius aequalis et inimicus C. Fimbria, non ita diu iactare se

uacis inclisit; nec valde abnuerim, si quis alius eiciendam putet. Potest tamen defendi, ut totum construat sic: tamen is mihi longior videtur, quod propero audire de te; nec vero tam de virtutibus tuis (audire propero) quam (propero) quod gradus tuos — studeo cognoscere.

* M. Crasso) M. Licinius Crassus, Romanorum ditissimus, amplissimis magistratibus ipsoque consulatu iterum perfunctus, Syriam proconsul obtinuit anno 701, belloque adversus Parthos infeliciter gesto, amissa maxima exercitus parte, occisus est. Aurum liquidum in os eadaveris infuderunt barbari, ut eius animus, inquit Florus, arserat nuri cupiditate, eius etiam mortuus et exangue corpus exareretur. PAVST.

* Is igitur) M. Crassus P. fil. Cos. A. 683 et 698, divitiis et avaritia celebratus. Cf. Cic. Paradox. 6.

* Et gratiam) Nempe quia gratia valebat apud multos, iudices extra iudicium et ante iudicium decendo, monendo, rogando etc. praeparare, conciliare causas poterat. EAX.

Animi magna, vocis parva contentio) Gu. 1: animi magna vocis parva firmitudo parva contentio, ut suspicari possis scriptum olim fuisse: animi magna firmitudo, vocis contra parva contentio.

* C. Fimbria) C. Flavius Fimbria, qui L. Valerii Flacci consulis legatus fuit, ut Liv. lib. LXXXII scripsit. Quum L. Valerium Flaccum in Bithynia apud Nicomediam interfecisset, et imperium ad se transtulisset, Hium, quod sibi portas clausisset, undecimo die cepit, et evertit: et quum ob id gloriaretur, quod quam urbem Agamemnon decimo anno vix cepit, quum mille navium classem et universam Graeciam secum haberet, eam ipse undecimo die cepisset, respondit quidam ex Hienisibus: Non enim Hector aderat, qui pro civitate pugnaret. Sed ille paulo post apud Thynitiam, quum ab exercitu Syllae obsideretur, in templo Aesculapii sua et servi manu interfectus est, ut videtur apud Liv. lib. LXXXII; Strabonem lib. XIII; Plotarchum in Sulla, Appian. in Bell. Mithrid. Oroonius

potuit; qui omnia magna voce dicens, verborum sane bonorum cursu quodam incitato, ita furebat tamen, ut mirarere tam alias res agere populum, ut esset insano inter disertos locus. Cn. autem Lentulus multo maiorem opinionem dicendi actione faciebat, quam quanta in eo facultas erat; qui quum esset nec peracutus (quamquam et ex facie et ex vultu videbatur), nec abundans verbis (etsi fallebat in eo ipso), sic intervallis, exclamationibus, voce suavi et canora calebat in agendo, ut ea, quae deerant, non desiderarentur. Ita, tanquam Curio copia nonnulla verborum, nullo alio bono, tenuit oratorum locum: sic Cn. Lentulus

lib. VI, cap. 2, et Patere. lib. II. Addit autem Cicero: *Non ita diu iactare se potuit*, quod scilicet *se intererem*, *adolescens*, *quae ausus erat*, *fortiter exsequutus*, ut ait Patere. loco citato, et recte *ausus erat*, quoniam fuit homo longe audacissimus, ut ait Cicero in Orat. pro Roscio Amerino. Vide Val. Max. IX, 11. Conn.

* *Nec abundans verbis (etsi fallebat in eo ipso)* Nempe quia in agendo calebat, et saepe ἀρρυθρίαις, exclamationibus, similibusque figuris utebatur, inopiam verborum tegebat, auditoresque fallebat, ut eum abundantiora verbis crederent, quam esset.

Sic intervallis, exclamationibus, voce suavi et canora admirantes irretiebat, et sic calebat in agendo, ut ea, quae deerant, non desiderarentur Vulgo: *sic intervallis, exclamationibus, voce suavi et canora admirando irridebat, calebat in agendo, ut ea quae deerant non desiderarentur*. Corrupta esse admirando irridebat, inde a Corrado omnes confessi sunt; nemo tamen aliquid ad

sanandum vitium attulit, quod nobis quidem satisfaceret. E glossemate adiecta esse illa (ut Heusingerus quoque glossatoris iniximus hic olfaciebat) mihi non sit verisimile. Itaque correxi *admirantes irretiebat*. Ut igitur Cicero de Ulysse dicit de Fin. V, 18 probari fabulam de Sirenibus non posse, *si cantuiculis tantus vir irretitus teneretur*; sic bene de Lentulo dici potest: *admirantes auditores irretiebat intervallis*, b. e. ἀρρυθρίαις, (quam figuram auctor ad Herennium, duobus nominibus, articuli IV, 29, quum singula verba *intervallis* distinguuntur caesa oratione, et *dissolutionis* IV, 30, comprehendit, Cicero simpliciter de Orat. III, *dissolutum* vocat) exclamationibus, voce suavi et canora, quae omnia imperitam multitudinem alliciunt ac saepe admirationes et clamores faciunt. Quum autem additur, *et sic calebat in agendo*, id refertur ad vultum et gestum, in quo Lentulus erat fervidior et ardentior.

* *Cn. Lentulus*) Multa huius cum L. Gellio, de quo supra, sunt com-

ceterarum virtutum dicendi mediocritatem actione occultavit, in qua excellens fuit. Neque multo secus P. Lentulus, cuius et excogitandi et loquendi tarditatem tegebat formae diguitas, corporis motus plenus et artis et venustatis, vocis et suavitas et magnitudo. Sic in hoc nihil praeter actionem fuit; cetera etiam minora, quam in superiore.

66. M. Piso quidquid habuit, habuit ex disciplina; maximeque ex omnibus, qui ante fuerunt, graecis do-

munia, quam et in censura, et in consulatu collegae fuerint; illud est huius proprium, quod male adversus Spartacum pugnavit, ut Liv. lib. XCVI, et Orosius lib. V, cap. 24 scripserunt. Censor dicitur Verrina VII in Orat. pro Flacco, et in Orat. pro Domo. In eo vero summum consilium, et summam gravitatem fuisse, testatur in Orat. pro lege Manil. Is videtur esse, qui Philippo et Marcelino cosa. decessit, epist. 6, lib. IV ad Attic. quantumvis aliter olim scripserimus. Temporibus Marianis abfuit. Coas.

* *P. Lentulus*) P. Cornelius Lentulus Sura, is qui cum L. Sergio Catilina coniuravit; quem putat Asconius P. Lentuli illius, quem Cicero Verrina I principem senatus appellat, filium fuisse: quod tempora non pati videntur, ut hic Sura filius fuerit illius, quem Cicero loco citato, et lib. I de Oratore, P. Africano vel maiorem natu vel aequalem fuisse ostendit. M. Antonius certe lib. I de Orat. de illo sic loquitur, ut de homine, qui tot annis ante obiisset; ut huius Lentuli pater vix esse potuerit. Quin si vir tantus huius P. Lentuli pater fuisset, Cicero ei aliquando obiecisset, ut avum in Orat. III in Catilinam; cuius imaginem Sura non

potius quam patris in annulo gestasset, si talem patrem habuisset. Videri potest igitur M. Marcelli filius. Quaestor Syllae fuit, postea praetor, ac deinde consul cum Cn. Aufidio Orate, anno ab V. C. 682. Sed quum vita eius, ut ait Porcius Latro, in obeundis libidinibus versaretur, ac societate turpissimorum hominum nobilitaretur, bis accusatus, at, ut lib. I ad Attic. Cicero scribit, abolutus est; quod iudices, ut auctor est Plutarchus in Cicerone, corrupisset. Non ita multo post tamen senatu motus est, et ut amissam dignitatem reciperaret, praetor iterum factus fuerat, quando cum L. Catilina coniuravit. Ib.

* *M. Piso*) M. Pupius Piso Calpurnianus, sic appellatus a quibusdam, quod enim M. Pupius in Orat. pro Domo dicatur adoptatus. Hic quaestor quum L. Pisoni consuli obtigisset, non attigit pecuniam, non ad exercitum profectus est (Verr. III). Hic idem in aedilitate offensiuocula (nam populus illi M. Scium praetulit) accepta, summos a populo honores, ut in Orat. pro Plancio legimus, est adeptus. Nam proconsul in Hispania fuit, unde triumphavit, ut Cic. in Orat. pro Flacco, et in Pison. significat. Illam lib. I ad Att. homi-

clrinis eruditus fuit. Habuit a natura genus quoddam acuminis, quod etiam arte limaverat; quod erat in reprehendendis verbis versutum et sollers, sed saepe stomachosum, nonnunquam frigidum, interdum etiam facetum. Is laborem, quasi cursum, forensem diutius non tulit, quod et corpore erat infirmo, et hominum ineptias ac stultitias, quae devorandae nobis sunt, non ferebat, iracundiusque respuebat, sive morose, ut putabatur, sive ingenuo liberoque fastidio. Is quum satis floruisset adolescens, minor haberi est coeptus postea. Deinde ex virginum iudicio magnam laudem est adeptus, et ex eo tempore quasi revocatus in cursum, tenuit locum tam diu, quam ferre potuit laborem; postea quantum detraxit ex studio, tantum amisit ex gloria.

67. P. Murena mediocri ingenio, sed magno studio rerum veterum, literarum et studiosus et non imperitus, multae industriae et magni laboris fuit. C. Censorinus graecis literis satis doctus, quod proposuerat, explicans expedite, non invenustus actor, sed iners, et inimicus fori. L. Turius parvo ingenio, sed multo labore, quoquo modo poterat, saepe dicebat. Itaque

nem perversum, vitiosum, inertem, somni plenum, imperitum appellat: quod forte facit iratus: alibi certe fere semper illum laudat. Id. — Cons. A. V. C. 692, cum quo Cicero adolescens saepe declamitans commentabatur. SCHVYZ.

* *Habuit ex disciplina — graecis doctrinis eruditus*) Habuit secum Staseam Peripateticam, de Orat. I, 12. Et Cicero lib. V locum de Finibus bonorum et malorum ex mente Peripateticorum veterisque Academiae explicandum dedit.

Morose) Lamb. *moroso*.

Ex virginum iudicio) Post quarum absolutionem decimus annus fuit in Ciceronis consulatu, ut ait in Or. III in Catilin. Accusatus enim fuit Catilina incesti, quod cum Fabia virgine Vestali comisissae arguebatur: sed Catuli gratia fultus evasit, ut Orosius lib. VI, cap. 3 scribit. Sed et Fabia ipsa causam incesti dixerat, quum ei Catilina obiceretur, eratque absoluta haec Fabia, quia soror erat Terentiae Ciceronis, ut ait Asconius. Virgines vero ipsas P. Clodius accusavit, et M. Cato defendit, ut Plutarchus in Calpurnio scribit. In eo iudicio M. hic

ei paucae centuriae ad consulatum defuerunt. C. Macer auctoritate semper eguit, sed fuit patronus propemodum diligentissimus. Huius si vita, si mores, si vultus denique non omnem commendationem ingenii everteret, maius nomen in patronis fuisset. Non erat abundans, non inops tamen, non valde nitens, non plane horrida oratio; vox, gestus, et omnis actio sine lepore; at in inveniendis componendisque rebus mira accuratio; ut non facile in ullo diligentiore maioremque cognoverim; sed eam ut citius veteratoriam, quam oratoriam diceres. Hic etsi etiam in publicis causis probabatur, tamen in privatis illustriorem obtinebat locum.

68. C. deinde Piso, statarius, et sermonis plenus

Piso magnam laudem est adeptus, ut hic ait. CORRAD.

* C. Macer) C. Licinius Macer, de quo Cicero praetor incredibili ac singulri populi voluntate transegit. Damnotus est autem, ut *κρίματος κλονής*, ut ait Plut. in Cicerone, id est *repetundarum*, ut scribit Valer. Max. lib. IX, cap. 12, l. 6.

Everteret) Sic Gu. 1, 2, ut vulgo. Male Ernestius edidit, *evertisset*. Nam si oratione recte uti voluisset, recte dicere poterat: *maius ei nomen in patronis fuisset*: sed *vita — omnem commendationem ingenii evertebat*; itaque idem oblique enuntiatur recte in imperfectum coniunctivi abit.

C. deinde Piso) Abest deinde Guelf. 1.

* C. Piso) C. Calpurnius Piso, quo praetore Cicero Q. Roscii comoedi causam defendit, quemque in causa Caecinae adversarium habuit. Is cum M. Glaucione consul fuit, anno ab V. C. 687, et Ium Pompeium voluit impedire, ne adversus piratas proficisceretur. Tunc etiam legem Calpurniam de ambitu talis, in qua praeter

alias poenas pecuniaria quoque est adiecta, ut scribit Aconius, et Cicero meminit in Orat. pro Marena. Postea proconsul in Galliam profectus est, sed domum quum rediisset, repetundarum postulatus est, et a C. Iulio Caesare oppugnatus propter cuiusdam Trauspadani iniustum supplicium; quare postea cum illo graves exercebat inimicitias, ita ut impellere Ciceronem tentarit, ut Caesar inter coniuratos nominaretur, ut ait Sallustius. Piso, Cicerone consule defendente, quia consul fortis constansque fuerat, incolumis est Reip. conservatus, ut leges in Orat. pro Flacco. Nondum mihi satis constat, an is ille sit, quem Plutarchus ἀνδραίσταξις vocat, quum Cicero nihil hac de re dicat: quod mirum sit, quum Plutarchus testetur illum de Mario scripsisse, ne quis forte putet illum esse, quem supra diximus L. Pisonem vocatum fuisse, et multo ante vixisse. CORR.

* Et sermonis plenus) Mirum est, Ernestium in vocabulo *sermonis* habuisse, et *lenoris* substituere voluisse

orator, minime ille quidem tardus in excogitando, verumtamen vultu et simulatione multo etiam acutior, quam erat, videbatur. Nam eius aequalem M' Glabrimonem, bene institutum avi Scaevolae diligentia, socors ipsius natura negligensque tardaverat. Etiam L. Torquatus, elegans in dicendo, in existimando admodum prudens, toto genere perurbanus. Meus autem aequalis Cn. Pompeius, vir ad omnia summa natus, maiorem dicendi gloriam habuisset, nisi eum maioris gloriae cupiditas ad bellicas laudes abstraxisset. Erat oratione satis amplus, rem prudenter videbat; actio vero eius habebat et in voce magnum splendorem, et in motu summam dignitatem. Noster item aequalis D. Silanus, vitricus tuus, studii ille quidem habuit non

Eum bene refutavit eius ex fratre nepos, I. C. Theoph. Ernesti, lex. technol. lat. rhet. p. 354: "*Sermonem nempe contentioni opponunt Rhetores, ut ille sit oratio sedata, familiari congressui et vitae quotidianae apta, haec autem vehementior, gravior, et proprie oratoria. Ergo Piso ut statarius, et in omni actione lenis et tranquillus, ita et in oratione sedatior et remissior, quam pro oratore reperiebatur*". Haetenus ille, coll. etiam Cic. Orat. III, 45, de Offic. I, 37. Adde Brut. cap. 30 extr.

* *M' Glabrimonem*) Legem Acilium tulit de pecuniis repetundis severissimam, in qua ut comperendiarii quidem licebat reum, ut legitur Verrina II. Huius gens plebeia fuit, ut ostendit Livius, qui lib. XXXV scribit, P. Scipioni de plebe M'. Acilium Glabrimonem collegem additum fuisse. Hoc vero M'. Glabrione praetore Cicero Verrem accusavit, ut Asconius scribit, et in ipsis Verrinis apparet. Hic et cum C. Pisone consul fuit, et

ut Plutarchus scribit, in Bithyniam profectus est. CORR.

* *L. Torquatus*) L. Manlius Torquatus, et quidem patricius, ut in Orat. pro P. Sylla cognosces, quum Manliorum familia duplex esset, ut supra diximus. Hic Ciceronis et Attici condiscipulus, ut Nepos ait in Attico, fuit. Cum L. Aurelio Cotta consul est factus anno ab V. C. 689, quos Autronius, Catilina, et alii in Capitolio Cal. Ian. ut scribit Sallustius, interficere paraverunt. Post consulatum videtur in Macedonia res ita magnas gessisse, ut Cicero, iam tum consul, referente, absens imperator sit appellatus, ut in Orat. in Pisonem dicitur. Id.

* *D. Silanus, vitricus tuus*) Bruti mater Servilia, quum esset vidua, ipsi Silano nupsit. Silanus autem consul designatus censuit eos, qui Rempublicam delere conati fuerant, morte esse molandos. Lege Orat. IV in Catilin. Fuit vero consul cum L. Murena, anno ab V. C. 692. Id.

multum, sed acuminis et orationis satq̃. Q. Pompeius, A. filius, qui Bithynicus dictus est, biennio, quam nos, fortasse maior, summo studio dicendi multaque doctrina, incredibili labore atque industria. Quod scire possum; fuit enim mecum et cum M. Pisone, quum amicitia, tum studiis, exercitationibusque coniunctus. Huius actio non satis commendabat orationem; in hac enim salis erat copiae, in illa autem leporis parum. Erat eius aequalis P. Autronius, voce peracuta, atque magna, nec alia re ulla probabilis; et L. Octavius Reatinus, qui quum multas iam causas diceret, adolescens est mortuus. Is tamen ad dicendum veniebat magis audacter, quam parate. Et C. Stalenus, qui se ipse adoptaverat, et de Staleno Aelium fecerat, fervido quodam et petulanti et furioso genere dicendi: quod quia multis gratum erat et probabatur, ascendisset ad honores, nisi in facinore manifesto deprehensus poenas legibus et iudicio dedisset.

69. Eodem tempore C. et L. Caepasii fratres fuerunt, qui multa opera, ignoti homines et repentini, quaestores celeriter facti sunt, oppidano quodam et

* *P. Autronius*) Qui se Ciceronis condiscipulum in pueritia, familiarem in adolescentia, collegam in quaestura commemorabat fuisse: qui consul designatus, quum accusaretur ambitus, iudicium tollere ac disturbare primo conflatu voluit gladiatorum ac fugitivorum tumultu, deinde lapidatione atque concursu, sed damnatus ita se gessit, ut Cicero in Orat. pro P. Sylla scribit: ubi nobis illum hominem, ut paucis dicam, scelestissimum describit. Ir.

Et de Staleno) Guelf. 1, 2, et de Staleno. Hensingerus monnit, Staius esse notum ex inscriptionibus nomen, unde Staienus fieri poterit. At Sta-

lenus sibi quidem nusquam lectum.

In facinore manifesto) De quo narratur Orat. pro Cluentio cap. 7.

* *C. et L. Caepasii*) Homines industrii, atque eo animo, ut quaecumque dicendi potestas esset data, in honore atque beneficio ponerent, ut in Orat. pro Cluentio loquitur; ubi ita de illis verba facit, ut eos irridere potius quam laudare videatur. Conn.

* *Oppidano — genere dicendi*) Oratio est non urbana, nec elegans, nec nitida: sed velut vicana et municipalis aut castellana. *Homo repentinus* dicitur homo novus, qui subito repenteque in hominum cognitionem

incondito genere dicendi. Addamus huc etiam, ne quem vocalem praeteriisse videamur, C. Cosconium Calidianum, qui nullo acumine, eam tamen verborum copiam, si quam habebat, praebebat populo cum multa concursatione magnoque clamore. Quod idem faciebat Q. Arrius, qui fuit M. Crassi quasi secundarum. Is omnibus exemplo debet esse, quantum in hac urbe polleat, multorum obedire tempori, multorumque vel honori vel periculo servire. His enim rebus, infirmo loco natus, et honores et pecuniam et gratiam consequutus, etiam in patronorum, sine doctrina, sine ingenio, aliquem numerum pervenerat. Sed ut pugiles inexercitati, etiamsi pugnos et plagas, Olympiorum cupidi, ferre possunt, solem tamen saepe ferre non possunt; sic ille, quum omni iam fortuna prospere functus, labores etiam magnos excepisset, illius iudicialis anni severitatem, quasi solem, non tulit.

70. Tum Atticus, Tu quidem de faece, inquit, hauris, idque iamdudum: sed tacebam; hoc vero non pu-

famam, commendationemque pervenit. TURN.

Eam tamen verborum copiam, si quam habebat) Aut legendum: *tamen verborum copiam, si quam habebat*; aut: *nam tamen verborum copiam, quam habebat*.

Quasi secundarum) Sic Guelf. 1, 2, ut ed. Venet. Corrad. Lambiu. Gronov. Nempe similitudo ducta ab actore secundarum partium. In ed. Rom. est *secundanus*; in Med. *secundarius*.

Multorum obedire tempori) Abest multorum Guelf. 2. Idque Gruterus omittendum censuit, probante Schueidero, qui putat alias esse debere *multorum obedire temporibus*.

Sed ut — cupidi — ferre non pos-

sunt) Guelf. 1: *sed ut pugiles inexercitati etiamsi pugnos et plagas Olympiorum ferre non possunt, omnia verbis, cupidi, ferre possunt, solem tamen saepe. Cave tamen omittendum putes cupidi. Nam cupidi Olympiorum, scilicet ludorum, h. l. dicitur pro cupidi victoriae in ludis Olympiis.*

* *Illius iudicialis anni severitatem*) Intellige annum V. C. 701, quo a Pompeio legibus pluribus forma iudiciorum immutata, et oratores brevi mora interposita dicere iussi sunt, quod quum non possent minus exercitati, il relinquare actiones coacti sunt, de qua re adnotandus Ascon. ad Cic. et infra noster cap. 94. EAR.

tabam, te usque ad Stalenos et Autronios esse venturum.

Non puto, inquam, existimare te, ambitione me labi; quippe de mortuis: sed ordinem sequens, in memoriam notam et aequalem necessario incurro. Volo autem hoc perspicui, omnibus conquisitis, qui in multitudine dicere ausi sint, memoria quidem dignos perpaucos; verum, qui omnino nomen habuerint, non ita multos fuisse. Sed ad sermonem institutum revertamur. T. Torquatus, T. filius, et doctus vir ex Rhodia disciplina Molonis, et a natura ad dicendum satis solutus atque expeditus (cui si vita suppeditavisset, sublato ambitu consul factus esset), plus facultatis habuit ad dicendum, quam voluntatis. Itaque studio huic non satisfacit; officio vero nec in suorum necessariorum causis, nec in sententia senatoria defuit. Etiam M. Pontidius, municeps noster, multas privatas causas agitavit, celeriter sane verba volvens, nec hebes in causis, vel dicam, plus etiam quam non hebes; sed effervescens in dicendo, stomacho saepe iracundiaque, vehementius; ut non cum adversario solum, sed etiam (quod mirabile) cum iudice ipso, cuius delinitor esse debet orator, iurgio saepe contenderet. M. Messalla minor natu, quam nos, nullo modo inops, sed non nimis ornatus genere verborum; prudens, acutus, minime incautus patronus, in causis cognoscendis componendisque diligens, magni laboris, multae operae, multarumque causarum. Duo etiam Metelli, Celer et Nepos, nihil

Hoc perspicui) Guelf. 1, haec perspicui.

Ausi sint) Guelf. 2, ausi sunt.

Habuerint) Guelf. 1, 2, habuerunt.

Nec in suorum necessariorum causis) Ernestio redundare videtur suorum, ac fortasse delendum.

* *M. Messalla*) M. Valerius Messalla cons. cum M. Pisone ann. V. C. 692.

* *Duo Metelli, Celer et Nepos*) Duo fratres, aut potius patruelus, ut coniecit Corradus. *Q. Metellus Celer*; praetor urbanus, vir strenuus, egre-

in causis versati, nec sine ingenio, nec indocti, hoc erant popolare dicendi genus assequuti. Cn. autem Lentulus Marcellinus, nec unquam indisertus, et in consulatu pereloquentis visus est, non tardus sententiis, non inops verbis, voce canora, facetus satis. C. Memmius, L. filius, perfectus literis, sed graecis, fastidiosus sane latinarum; argutus orator, verbisque dulcis, sed fugiens non modo dicendi, verum etiam cogitandi laborem, tantum sibi de facultate detraxit, quantum imminuit industriae.

71. Hoc loco Brutus, Quam vellem, inquit, de his etiam oratoribus, qui hodie sunt, tibi dicere luberet. Et, si de aliis minus, de duobus tamen, quos a te scio⁶

giam Cicerone consule adversus Caecilias copias operam reipublicae navavit. Triunio post consulatum adeptus est. Eum a Clodia uxore veneno sublatum esse in Caecilia Cicero dplorat. Q. Caecilius Metellus Nepos, trib. pleb. anno 692, graven cum Cicerone inimicitias exercuit: cui, quam abiret e consulatu, de rebus a se gestis disserere paranti silentium imposuit, quod indieta causa cives condemnasset accusata: quumque iurare tantummodo permetteret, Cicero iraravit rempublicam sua viuis opera esse salvam. Consul fuit hic Metellus anno 697. PAVS.

Nihil in causis versati) Probo Rivii et Lambini sententiam, qui nonnihil legendum esse censebant, etsi repugnat Ernestius. Nam primum quia de Memmio dictum erat, eum multarum fuisse causarum, cum his verbis aptius conveniunt: duo etiam Metelli nonnihil in causis versati; et quum sequatur nec sine ingenio, nec indocti, duplex illud nec respicere videtur antecedens non in nonnihil. Et quamquam popolare fgenus dicendi

potest esse concionatorium, tamen etiam in causis forensibus valet.

* C. Memmius) C. Memmius Gemellus, epist. 19 lib. XIII Famil. Tribunus pleb. M. Lucullum accusavit, et diu prohibuit, ut L. Lucullus triumpharet, ut Plutarch. in Lucullo et Catone scribit; atque id ipsum triumviro ante Ciceronis consulatum. Nam Cicero consul, ut ait lib. II Acad. Quaest. currum Luculli in urbem introduxit. L. Pisone et A. Gabinio consulibus praetor fuit, ut ep. 2 lib. I ad Q. Fratr. cognoscimus. Post vero praeturam Bithyniam provinciam sortitus est: quo secum Val. Catullum positum duxit; ut ipse Catullus ad Veranuium et Fabullum scribeus, testatur, quo loco illos Pisoneis comites vocat. Inde reversus cum M. Scauro, M. Messala, Cn. Domitio consulatum petiit, et quidem Caesaris auxilio fretus, cuius opibus et militia confirmabatur, et commendabatur, ut lib. IV ad Attic. et lib. III ad Q. Fratrem videre licet. Ille tamen repulsam tulit, et ambitus a Q. Curtio fuit accusatus, et Pom-

laudari solere, Caesare et Marcello, audirem non minus lubenter, quam audiui de iis, qui fuerunt.

Cur tandem, inquam? an exspectas, quid ego iudicem de istis, qui tibi sunt aequae noti ac mihi?

Mihi mehercule, inquit, Marcellus satis est notus; Caesar autem parum. Illum enim saepe audiui: hic, quum ego iudicare iam aliquid possem, absuit.

Quid igitur de illo iudicas, quem saepe audisti?

Quid censes, inquit, nisi id, quod habiturus es similem tui?

Nae ego, inquam, si ita est, velim tibi eum placere quam maxime.

Atqui et ita est, inquit, et vehementer placet; nec vero sine causa. Nam et didicit, et, omissis ceteris studiis, unum id egit, seseque quotidianis commentationibus acerrime exercuit. Itaque et lectis utitur verbis et frequentibus; et splendore vocis, et dignitate motus fit speciosum et illustre, quod dicitur; omniaque

peio consule III fuit condemnatus, ut Appian. lib. II scribit; quamvis Ciceronis esset cliens, ut epist. 19 lib. XIII Fam. refert Cicero, et ostendit illum Patris exulasse. Lucretius huic, ut poeta poetae, et Epicureus Epicureo suos libros de Rerum Nat. scripsit. Nam C. Memmius poeta fuit etiam lascivus, ut Plin. epist. 3 lib. V, et Ovid. lib. II de Trist. affirmant. Coan.

* *Marcello*) M. Claudio Marcello, quem Cicero in Orat. I Catilin. Catilinae quidem sodalem, sed virum tamen optimum et fortissimum vocat; de cuius magistratibus nihil paene possumus affirmare, nisi illum anno ab V. C. 703 cum Servio Sulpicio Rafo consulem fuisse. Post bellum civile, in quo Pompeium sequen-

tus est, timens Caesarem veterem suum inimicum Marcellus exulabat; quo tempore Caesar eius acerbissimam accusavit, sed tamen repente praeter spem dixit, se senatui roganti de Marcello, ne hominis quidem causa negaturum. Quare, quum reliqui gratias Caesari egissent, Cicero longa satis oratione, quae nunc exstat, idem fecit, ut ait lib. IV Famil. ubi saepe monet illum, ut domum reverteretur: quod quum ille iam facere cogitaret et vellet, a P. Magio Chilone familiari suo, fuit interfectus ut lib. IV Famil., lib. XIII ad Attic., et apud Liv. lib. CXV, et apud alios etiam legitur. Id.

Absuit) Sic Guelf. 1, 2.

Velim tibi eum) Guelf. 1, *vellam tibi eum*.

sic suppetunt, ut ei nullam deesse virtutem oratoris putem; maximeque laudandus est, qui hoc tempore ipso, quum liceat, in hoc communi nostro et quasi fatali malo, consoletur se quum conscientia optimae mentis, tum etiam usurpatione et renovatione doctrinae. Vidi enim Mitylenis nuper virum, atque, ut dixi, vidi plane virum. Itaque quum eum antea tui similem in dicendo viderim, tum vero nunc a doctissimo viro, tibi, ut intellexi, amicissimo, Cratippo, instructum omni copia, multo videbam similiorem.

Hic ego, Etsi, inquam, de optimi viri, nobisque amicissimi laudibus lubenter audio, tamen incurro in memoriam communium miseriorum, quarum oblivionem quaerens, hunc ipsum sermonem produxi longius. Sed de Caesare cupio audire, quid tandem Atticus iudicet.

72. Et ille, Praeclare, inquit, tibi constas, ut de iis, qui nunc sint, nihil velis ipse dicere; et hercle si sic ageres, ut de iis egisti, qui iam mortui sunt, neminem ut praetermitteres, nae tu in multos Autronios et Stalenos incurreres. Quare sive hanc turbam effugere voluisti, sive veritus es, ne quis se aut praeteritum, aut non satis laudatum queri posset; de Caesare tamen potuisti dicere, praesertim quum et tuum de illius ingenio notissimum iudicium esset, nec illius de tuo obscurum.

Sed tamen, Brute, inquit Atticus, de Caesare et ipse

* *Quum liceat*) Viri docti in his verbis haesere, nec potuere explicare. Itaque vel *esse* addi voluere, ut *Corradus* (hoc sensu: quum liceat illi *esse* in hoc communi nostro et fatali malo, quia Caesar concesserat, ut Romam venire posset), vel ipsum verbum *liceat* tentare varie. Diffi-

cultas tollitur, si non ad proxime sequentia verba refertur, sed ad studia doctrinae, quibus tractandis consolationem quaerebat, quod ei solitario et Athenis viventi licebat facere sine interpellatione. *Est.*

Querere posset) Recte *Ernestus* *posset* pro vulg. *posset* substituit.

ita iudico, et de hoc huius generis acerrimo existimatore saepissime audio, illum omnium fere oratorum latine loqui elegantissime. Nec id solum domestica consuetudine, ut dudum de Laeliorum et Muciorum familiis audiebamus, sed, quamquam id quoque credo fuisse, tamen, ut esset perfecta illa bene loquendi laus, multis literis, et iis quidem reconditis et exquisitis, summoque studio et diligentia est consequutus. Qui etiam in maximis occupationibus quum ad te ipsum, inquit in me intuens, de ratione latine loquendi accuratissime scripserit; primoque in libro dixerit, verborum delectum originem esse eloquentiae; tribueritque, mi Brute, huic nostro, qui me de illo inuoluit, quam se dicere, laudem singularem: etiam scripsit his verbis, quum hunc nomine esset affatus: « Ac, si cogitata praeclare eloqui possent, nonnulli studio et usu elaboraverunt, cuius te paene principem copiae atque inventorem; bene de nomine ac dignitate populi Romani meritum esse existimare debemus: hunc facilem et quo-

Existimatōre) Sic Guelf. 1, 2, ut Lambinus edidit, pro eo quod olim vulgabatur *astimatore*.

Occupationibus quum ad te ipsum) Abest quum Guelf. 1, 2. Quod si placeat, vel qui pro quippe qui accipiendum, hoc verborum nexu: est consequutus; qui etiam in maximis occupationibus — scripserit — dixerit — tribueritque — nam scripsit — vel statuendum coniunctivos verborum in indicativos mutandos esse, hoc modo: Qui etiam in maximis occupationibus ad te ipsum — de ratione latine loquendi accuratissime scripsit, primoque in libro dixit, verborum delectum originem esse eloquentiae, tribuitque, mi Brute, huic nostro, qui me de illo inuoluit, quam se dicere, laudem singularem; nam scripsit etc.

Tribueritque) Si sic legendum putet, servato quum ante verba ad te ipsum, necesse est paulo post legas etiam scripsit his verbis, ubi vulgo ponitur nam scripsit his verbis. Alias tota periodus cureret apodosi.

Si cogitata praeclare eloqui possent) Sic Guelf. 1, 2. Ernestio necessarium videbatur reponi eloqui ut possent. Refutabat eum Hensingerus (praef. filii eius ad Cic. de Offic. p. 48) exemplo Caesaris de Bello Gall. I, 84: saepius noctu si percurrere possent conati.

Hunc facilem — num pro delicto est habendum?) Male haec verba vulgo a Caesaris verbis seclungunt. Varie etiam scribuntur postrema. Plerique: nunc pro relicto est habendum. Lam-

tidianum novisse sermonem, num pro delicto est habendum? »

73. Tum Brutus, Amice, hercule, inquit, et magnifice te laudatum puto, quem non solum principem atque inventorem copiae dixerit, quae erat magna laus, sed etiam bene meritum de populi Romani nomine et dignitate. Quo enim uno vincebamur a victa Graecia, id aut ereptum illis est, aut certe nobis cum illis communicatum. Hanc autem, inquit, gloriam, testimoniumque Caesaris, tuae quidem supplicationi non, sed triumphis multorum antepono.

Et recte quidem, inquam, Brute: modo sit hoc Caesaris iudicii, non benevolentiae testimonium. Plus enim certe attulit huic populo dignitatis, quisquis est ille, si modo est aliquis, qui non illustravit modo, sed etiam genuit in hac urbe dicendi copiam, quam illi, qui Ligurum castella expugnaverunt; ex quibus multi sunt, ut scitis, triumphi. Verum quidem si audire volumus, omissis illis divinis consiliis, quibus saepe constituta est salus civitatis aut belli, aut domi; multo magis orator praestat minutis imperatoribus. At prodest plus imperator. Quis negat? sed tamen (non metuo ne mihi acclametis: est autem quod sentias dicendi liber locus) malim mihi L. Crassi unam pro M' Curio dictionem, quam castellanos triumphos duo. At plus interfuit reipublicae, castellum capi Ligurum, quam bene defendi causam M' Curii. Credo. Sed Atheniensium quoque

binus: non pro delicto est habendum. Lallemand, num pro delicto est habendum? Equidem non dubitavi edere: num pro delicto est habendum? Caesar enim innuere voluit, quum ornate et copiose dicere in laude et merito ponatur, non esse pro delicto habendum, se quotidianum sermo-

nem eiusque rectum usum novisse.

Tuae quidem supplicationi non) Guelf. 1, 2, tuae quidem supplicationi non solum. Ernestius particulam non sine causa transposuit: non tuae quidem supplicationi.

Et recte quidem) Abest quidem Guelf. 1.

plus interfuit firma tecta in domiciliis habere, quam Minervae signum ex ebore pulcherrimum; tamen ego me Phidiam esse malle, quam vel optimum fabrium tignarium. Quare non, quantum quisque prosit, sed quanti quisque sit, ponderandum est: praesertim quum pauci pingere egregie possint, aut fingere; operarii autem, aut baiuli deesse non possint. Sed perge, Pomponi, de Caesare, et redde quae restant.

74. Solum quidem, inquit ille, et quasi fundamentum oratoris vides, locutionem emendatam et latinam; cuius penes quos laus adhuc fuit, non fuit rationis, aut scientiae, sed quasi bonae consuetudinis. Mitto C. Laelium, P. Scipionem. Aetatis illius ista fuit laus, tanquam innocentiae; sic latine loquendi; nec omnium tamen. Nam illorum aequales, Caecilium et Pacuvium, male loquutos videmus. Sed omnes tum fere, qui nec extra urbem hanc vixerant, nec os aliqua barbarie domestica infuscaverant, recte loquebantur. Sed hanc certe rem deteriore vetustas fecit, et Romae, et in Graecia. Confluxerunt enim et Athenas, et in hanc urbem multi inquinale loquentes ex diversis locis. Quo magis expurgandus est sermo, et adhibenda, tanquam obrussa, ratio, quae mutari non potest; nec utendum pravissima consuetudinis regula. T. Flaminium, qui cum Q. Metello consul fuit, pueri vidimus: existimabatur bene latine loqui, sed literas nesciebat. Catulus erat ille quidem minime indoctus, ut a te paulo est ante dictum, sed tamen suavitas vocis, et lenis appel-

Pulcherrimum) Sic Guelf. 1, 2.

Praesertim — deesse non possint)

Mirum, quomodo Ernestio in mentem venire potuerit, haec verba ita componenda esse post illa *fabrum tignarium*; quo nihil fieri potest ineptius.

Nec os aliqua barbarie domestica

infuscaverant) Sic Ernestius; optime.

Vulg. *nec eos aliqua barbaries domestica infuscaverat*. Et os pro eos legendum esse iam Gulielmus videt.

Cic. Op. Tom. III

K

latio literarum, bene loquendi famam confecerat. Cotta, quia se valde dilatandis literis a similitudine graecae locutionis abstraxerat, sonabatque contrarium Catulo, subagreste quiddam planeque subrusticum, alia quidam quasi inculta et silvestri via ad eandem laudem pervenerat.

75. Sisenna autem, quasi emendator sermonis usitati quum esse vellet, ne a C. Rusio quidem accusatore deterreri potuit, quo minus inusitatis verbis uteretur.

Quidnam istuc est? inquit Brutus; aut quis est iste C. Rusius?

Et ille, Fuit accusator, inquit, vetus, quo accusante C. Rutilium, Sisenna defendens, dixit, quaedam eius *sputatilica* esse criminina. Tum C. Rusius, « Circumvenior, inquit, iudices, nisi subvenitis. Sisenna, quid

* Cotta, quia se valde dilatandis literis a similitudine graecae locutionis abstraxerat) Nimirum L. Cotta gudebat rustica quadam literarum, in primis lata vocalium pronuntiatione (de Orat. III, 12), idcirco se a similitudine graeci sermonis, quem Quintilianus ipse Latino multo iucundiores esse dicit, abstraxerat. Ernesti autem putabat legendum qui se valde, propterea quod non videbat, quomodo haec sententia rationem aut causam contineret sequentis. At enim nexa sententiarum hic est. Cicero rationem reddit, qua factum sit, ut Cotta in exaltationem locutionis emendatae et latinae venerit. Id nunc ei contigisse, quia illo sono vocis subagresti et subrustico, qui antiquitatem imitari volebat, etsi se a similitudine graecae locutionis, h. e. a suavitate pronuntiationis abstraxisset, tamen apud eos, qui antiquam et priscam locutionem emendatissimam putarent, ad laudem emendatae lo-

quendi pervenisset. Id confirmatur loco Cic. de Orat. III, 11: *Rustica vox et agrestis quosdam delectat, quo magis antiquitatem, si ita sonet eorum sermo, retinere videatur, ut tuus, Catule, sodalis L. Cotta gaudere mihi videtur gravitate linguae, sonoque vocis agresti, et illud, quod loquitur, pristinum visum iri putat, si plene fuerit rusticum.*

Alia quidem) Hensingerus em. *alia quadam*. Recte. Et sic Ald.

A C. Rusio) Pighius in annal. ad aen. 613 coniiciebat C. Erucio. Et Schueiderns quoque, « Cum Pighio, inquit, substitui malim C. Erucium. De quo Cicero pro Vareno ap. Quint. VIII, 3, *Erucius Antonianster*, quem locum plenioris sic laudat Priscianus: *L. ille Septimius diceret. Est enim ad L. Crassi eloquentiam gravis et vehemens et volubilis. Erucius hic noster Antonianster est.* »

Sisenna, quid dicas, nescio) Ernestio, quia oratio dirigatur ad iudices,

dicas, nescio: metuo insidias. *Sputatilica*, quid est hoc? *sputa* quid sit scio, *tilica* nescio ». Maximi risus: sed ille tamen familiaris meus recte loqui putabat esse inuitate loqui. Caesar autem, rationem adhibens, consuetudinem vitiosam et corruptam pura et incorrupta locutione emendat. Itaque quum ad hanc elegantiam verborum latinorum (quae, etiamsi orator non sis, et sis ingenuus civis Romanus, tamen necessaria est), adiungit illa oratoria ornamenta dicendi; tum videtur tanquam tabulas bene pictas collocare in bono lumine. Hanc quum habeat praecipuam laudem in communibus, non video cui debeat cedere. Splendidam quandam, minimeque veteratoriam rationem dicendi tenet, voce, motu, forma etiam magnifica et generosa quodammodo.

Tum Brutus: Orationes quidem eius mihi vehementer probantur: complures autem legi. Atque etiam commentarios quosdam scripsit rerum suarum.

Valde quidem, inquam, probandos. Nudi enim sunt, recti, et venusti, omni ornatu orationis, tanquam veste detracta. Sed dum voluit alios habere parata, unde sumerent, qui vellent scribere historiam, ineptis gratum fortasse fecit, qui volent illa calamistris inurere;

legendum videbatur *Sisenna* quid dicat, nescio. Non male. Fieri tamen etiam potest, ut Rursus se a indicibus ad Sisennam converterit.

Etiam si orator non sis, et sis ingenuus civis Romanus) Ernestius opinabatur legendum at sis, vel sed sis. Verum et sis hoc loco dictum pro et sis modo.

Voce, motu, forma etiam magnifica et generosa quodammodo) Corradus dubitabat, an non potius legendum esset magnificam et generosam quodammodo. Victor. voce, motu, for-

ma et magnifica et generosa quodammodo.

Tanquam veste detracta) Sic Gu. 1, 2, Ed. Ald. Vict. Ernestius autem dedit detracto. Id improbat Iac. Frid. Heusingerus (cf. praefationem filii ad Cic. de Off. p. 46); mutavisse nimirum homines, qui Cicero nis stilum ex suo Latinitatis sensu iudicarent. Meliora tamen docuisse patrum suum (Io. Mich. Heusingerum) ad Nep. II, 7, 5; et Oudendorp. ad Suet. Iul. 56. Nimirum etiam ap. Suetonium I. I. ubi haec verba Ciceronis

sanos quidem homines a scribendo deterruit. Nihil enim est in historia pura et illustri brevitae dulcius. Sed ad eos, si placet, qui vita excesserunt, revertamur.

76. C. Sicinius igitur, Q. Pompeii illius, qui censor fuit, ex filia nepos, quaestorius mortuus est, probabilis orator; iam vero etiam probatus, ex hac inopi ad ornandum, sed ad inveniendum expedita Hermagorae disciplina. Ea dat rationes certas et praecepta dicendi; quae si minorem habent apparatus (sunt enim exilia), tamen habent ordinem, et quasdam errare in dicendo non patientes vias. Has ille tenens, et paratus ad causas veniens, verborum non egens, ipsa illa comparatione disciplinaque dicendi iam in patronorum numerum pervenerat. Erat etiam vir doctus in primis C. Visellius Varro, consobrinus meus, qui fuit cum Sici-
nio aetate coniunctus. Is quum post curulem aedilita-

exscripsit, item legitur veste detracta, non detracto; quod quidem ab Ernestio perpetam repositum esse nuper etiam Wolfius noster monuit ad istum Suetonii locum. Wyttenauchius tamen Bihl. Crit. Vol. II, P. 4, pag. 58, lectionem detracto defendit.

Nihil enim est) Gheff. 1, 2, *nihil est enim*; recte.

Iam vero etiam) Lambin. immo *vero etiam*; quod valde placet; q. d. orator probabilis, immo vero non probabilis solum, sed etiam nonnullis probatus. Sed vulgata sic defendi potest, ut, quia Sicinius iam mortuus erat quaestorius, Cicero dicere voluerit, eum iam etiam probatum fuisse, etsi nondum multos annos pro illa aetate in foro fuerat versatus. Idem deinde significant verba, iam in patronorum numerum venerat.

Quae si minorem) Ms. Rivii quae *si minorem*.

* C. Visellius Varro) In Asia tri-

bunus militum fuit C. Nerone praetore, quum Verres legatus esset Dolabellae, ut Verr. III videre licet. Huic eum I. Caesare magna fuit consuetudo, ut in Orat. de Provine. consularibus ostenditur. Atque nisi cognosceretur hic ante mortuus, dicerem ipsum cum Cicerone in Ciliciam profectum fuisse, quum dicit Cicero epist. 7 lib. III Famil. ac Varronem App. Claudio obviam misisse; nec M. Varronem illum doctum possit significare, qui tum Romae fuit, ut epist. 2 lib. V ad Attic. cognoscere, nec ita multo post ivit legatus in Hispaniam ulteriorem. Hunc Visellium Valer. Max. lib. VIII, cap. 2, scribit gravi morbo correptum trecento millium nummum ab Octavio Laterensi, cum qua commercium libidinis habuerat, expensa ferri sibi passum fuisse, et ab Aquilio, quum postea convalesceret, absolutum. CORRAD.

* Consobrinus meus) Aculeo enim

tem iudex quaestionis esset, est mortuus; in quo fateor vulgi iudicium a iudicio meo dissensisse. Nam populo non erat satis vendibilis; praeceps quaedam, et cum idcirco obscura, quia peracuta, tum rapida, et celeritate caecata oratio; sed neque verbis aptiorem cilo alium dixerim, neque sententiis crebriorem. Praeterea perfectus in literis, iurisque civilis iam a patre Aculeone traditam tenuit disciplinam. Reliqui sunt, qui mortui sint, L. Torquatus, quem tu non tam cito rhetorem dixisses (etsi non deerat oratio), quam, ut Graeci dicunt, *πρῶτον*. Erant in eo plurimae literae, nec eae vulgares, sed interiores quaedam et reconditae; divina memoria, summa verborum et gravitas et elegantia. Atque haec omnia vitae decorabat dignitas et integritas. Me quidem admodum delectabat etiam Triarii, in

Ciceronis matertera uxorem duxerat; eius filios igitur, inter quos erat hic C. Visellius; alibi quoque Cicero consobrinos suos vocat de Orat. II, 1, cum iisque se puerum ab iisdem doctribus eruditum narrat.

Tum rapida, et celeritate caecata oratio) Placet Schneidri transpositio: *tum et rapida celeritate caecata oratio*. Nam quia Visellii oratio iam erat *praeceps* appellata, melius est synonymum *rapida* cum *celeritate* componi, quam eum vocabulo *oratio*. Accedit, quod hoc modo pressius enuntietur altera obscuritatis causa. Ac fortasse melius fuerit *tum rapida celeritate* c. o.

Qui mortui sint) Guelf. 1 qui mortui sunt.

* *L. Torquatus*) L. Manlius L. F. Torquatus, qui adolescens uterque eripuit. P. Syllae consulatum, et ad patrem suum retulit. De hoc Cicero in Orat. pro P. Sylla ita scribit: *Harum*

omnium rerum, quas ego in consulatu pro salute omnium suscepi et gessi, L. ille Torquatus, quum esset meus contubernalis in consulatu, quum signifer esset iuventutis, atque in praetura fuisset, auctor, adiutor, particeps exstitit. CORRAD.

* *Triarii*) C. Valerii Triarii, qui in Sardinia contra M. Lepidum arma tulit, ut ait Asconius; nuda nos suspicanti sumus Verr. III ita esse legendum: *P. Lentulo, C. Triario quaestoribus urbanis*. Ille, ut auctor est Asconius, postea L. Luculli in Asia Pontoque legatus fuit: et ut Liv. lib. XCVIII scribit, adversus Mithridatem parum prospere pugnavit, et quidem apud Zileam, quae nobilis clade Triarii, ob id, opinor, a Plin. lib. VI, c. 3 dicitur; quam quidam cladem Plutarch. in Lucullo, et Appian. in Mithridat. pluribus describunt. Triarios vero e gente Valeria fuisse, ostendit etiam Valerius, quae Triarii soror

illa aetate, plena literatae senectutis oratio. Quanta severitas in vultu! quantum pondus in verbis! quam nihil non consideratum exibat ex ore! Tum Brutus, Torquati et Triarii mentione cominotus (utrumque enim eorum admodum dilexerat), Nae ego, inquit (ut omittam cetera, quae sunt innumerabilia), de istis duobus quum cogito, doleo, nihil tuam perpetuam auctoritatem de pace valuisse! Nam nec istos excellentes viros, nec multos alios praestantes cives respublica perdidisset. Sileamus, inquam, Brute, de istis, nec augeamus dolorem. Nam et praeteritorum recordatio est acerba, et acerbior expectatio reliquorum. Itaque omittamus lugere, et tantum, quid quisque dicendo potuerit (quoniam id quaerimus), praedicemus.

77. Sunt etiam ex iis, qui eodem bello occiderunt, M. Bibulus, qui scriptitavit accurate, quum praesertim non esset orator, et egit multa constanter; Appius Claudius, socer tuus, collega et familiaris meus; hic

epist. 7 lib. VIII Famil. vocatur. IDEM.

* *Perpetuam auctoritatem*) H. e. auctoritatem, qua semper pacis auctor et sanctorum fuerat.

* *M. Bibulus*) M. Calpurnius Bibulus a Plutarcho in Caesare vocatur, quamquam Bibulus cognomen in gente Publicia frequentius, ut apud Liv. lib. XXII et XXVII, et apud Plut. in Marcello, reperitur. Is igitur Bibulus, ut Caes. lib. III de Bello Civ. refert, iracundia summa fuit, inimicitiasque habuit privatas cum Caesare ex aedilitate conceptas et praetura. Bibulus consul factus Caesari collegae ferenti legem agrariam coepit adversari et obnunciare, sed armis foro pulsus est. Ac postero die Bibulum in senatu conquestum, nec quonquam reposito, qui super tali consternatione referre aut crepare auderet, qualia

saepe multa in laevioribus turbis decreta erant, in eam Caesar coegit desperationem, ut, quoad potestate abiret, domo abditus nihil aliud quam per edicta obnunciaret: in quibus Caesarem inter coniuratos fuisse dicebat, eumque Bithynicam reginam vocabat, ut scribit Sueton. quae quidem edicta vel ob id Cicero lib. II ad Attic. *Archilocheus* vocat. De rebus huius Bibuli Plutarch. Dion. et Appian. plura scribunt. CORRAD.

Qui scriptitavit) Victor, qui et scriptitavit. Fortasse melius.

* *Appius Claudius*) Appianus Claudius Pulcher, eius Appii, qui cum P. Servilio consul fuit, filius, ut in Orot. de Responsis agnosces. Hic pauper cum duobus fratribus et duobus sororibus est relictus, ut Varro lib. III, cap. 16 de R. Rust. testis est. Publum

iam et satis studiosus, et valde cum doctus, tum etiam exercitatus orator, et cum auguralis, tum omnis publici iuris, antiquitatisque nostrae bene peritus fuit. L. Domitius nulla ille quidem arte, sed latine tamen, et multa cum libertate dicebat. Duo praeterea Lentuli consulares, quorum Publius ille, nostrarum iniuriarum

Clodium eius fratrem fuisse cognosces ex orationibus pro Domo, et lu Pisonem. Tandem cum L. Domitio consul fuit, ad quod usque tempus videtur durasse, quod inter eum et Ciceronem simulatis fuit. Tunc enim demum sunt reconciliati, vel paulo ante, ut lib. I Famil. cognoscimus; atque ad ipsum per Cn. Pompeium, ut ad Brutum scripsit, quod Quintil. lib. IX, c. 3 refert; vel per Genios, ut epist. 10 lib. II ad Q. Fratrem scribit: quem reditum in gratiam *il-lustrem* vocat epist. 10 lib. III Famil. A Pompeio Achaiae quum esset praefectus, eventum gravissimi motus explorare, ut ait Val. Max. lib. I, c. 8 cupiens, Pythici oraculi fidem voluit experiri, quod Oros. lib. VI, c. 15 scribit; et oraculum accepit, quod Lucanus lib. V sic explicat: *Eflu-gis ingentes, tanti discriminis experts, Bellorum, Romane, minas, solusque quietem Euboici vasta lateris convalle tenebis.* Et sane ibi, ante Pharsalicum certamen, morbo consumptus, praedictum a deo locum pro sepultura possedit, ut Val. Max. lib. I, c. 8, scribit. Ob id fortasse Cicero postea Tusc. I scripsit Appium *veroprobatus* fecisse, et lib. I de Divin. sortilegis et *veroprobatus* uti solitum fuisse. Cona.

* L. Domitius) L. Domitius Aenobarbus, qui filius fuit Cn. Domitii, quem supra diximus cum L. Crasso censorem fuisse. Hunc adolescentem clarissimum, ac principem inventus

Ver. III vocat; ubi scribit in eo tantum pudorem fuisse, ut Chelidoneum meretricem ab se nominari vix sibi honestum esse arbitraretur. Dedit vero, quam contemneret populares insanias, iam ab adolescentia documenta maxima, ut ait Cicero in Orat. pro Milone. Dion. lib. XLI scribit eum admodum divitem fuisse, quod Syllanis temporibus sibi divitias ingentes comparasset; quod verum ne sit falsum, quum Domitius illis temporibus admodum adolescens, et paene puer esset; ita ut vix rem familiarem curare posset; nisi forte pater eo modo divitias filio comparavit. De morte eius non una est apud veteres scriptores sententia, quum Suetonius et Lucanus in acie Pharsalica cecidisse dicant, quamvis aliter legas apud Appianum, Idem.

* Nulla ille quidem arte) Gu. 1, nulla quidem ille arte. Gu. 2, nulla illa quidem arte.

* Publius) Cornelius Lentulus Spinter, aedilis curulis, Cicerone consule, omnium illius consiliorum particeps, periculorumque socius fuit, ut in Orat. post Redit. ad Quirit. est scriptum. Caesare et Bibulo consulibus, ipsius Caesaris beneficio in collegium pontificum venit, et hunc Cicero in Orat. de Resp. illum pontificem vocat, et in Orat. pro Domo cum illo, tanquam pontifice, loquitur. In Ciliciam proconsul profectus rem sic praclare gessit, ut imperator sit appellatus, ut

ultor, auctor salutis, quod habuit, quantumcunque fuit, illud totum habuit ex disciplina; instrumenta uaturae deerant; sed tantus animi splendor, et tanta magnitudo, ut sibi omnia, quae clarorum virorum essent, non dubitaret adsciscere, eaque omni dignitate obtineret. L. autem Lentulus satis erat fortis orator, si modo orator; sed cogitari non ferebat laborem. Vox canora, verba non horrida sane, ut plena esset animi et fervoris oratio. Quaereres in iudiciis fortasse melius; in republica, quod erat, esse iudicares satis. Ne T. quidem Postumius contemnendus in dicendo; de republica vero non minus vehemens orator, quam bellator fuit; effrenatus, et acer nimis, sed bene iuris publici leges atque iustitiae cognoverat.

78. Hoc loco Atticus, Putarem te, inquit, ambitiosum esse, si (ut dixisti) ii, quos iamdiu colligis, vi-

ostendunt inscriptiones epistolarum lib. I Famil. quas eo tempore Cicero scripsit. Quin, ut ego ex epist. 21 lib. V ad Atticum cooticio, triumphavit, sed ob id tantum aeris alieni videtur fecisse, ut Cicero in Calicia proconsul audiverit, quod epist. 1 lib. VI ad Attic. scripsit, eum praedium Tusculanum proscriptis. In bello civili Pompeio adhaesit, sed quid postea illi factum sit, nescimus: id scimus; Ciceronem multo post audivisse illum Rhodi esse, quod epist. 13 lib. XI ad Attic. scripsit. CORNAD.

Sed tantus animi splendor) Lamhius: *sed tantus erat animi splendor*; non male. Potest tamen ex antecedenti deerat illud erat intelligi, ut scribi non sit necesse.

Vox canora, verba non horrida sane, ut plena esset animi et fervoris oratio) Vulg. *animi et terroris*. Bene Pargoldius pro *terroris* substituendum

esse vidit *fervoris*. Est tamen aliud etiam h. l. molestum. Quomodo enim vox canora et verba non horrida efficiebant, ut plena esset animi et fervoris oratio? Fortasse igitur simpliciter scribendum: *vox canora, verba non horrida sane, plena animi et fervoris oratio*.

* *Vt plena esset animi et terroris oratio*) Anonymus interpres haec ita explicat: Particula *ut* h. l. eodem sensu intelligi debet, quo *etiamsi*, *quamvis*. Hoc ergo vult Cicero, P. Lentuli verba fuisse non horrida, *etiamsi plena esset terroris oratio*. Possesse autem sine horrore illo verborum, et cum suavitate orationis terrorem consistere, docuit ipse supra (c. 11), ubi haec de Pericle: *Huius suavitate maxime hilaratae sunt Athenae: huius ubertatem et copiam admiratae, eiusdem viâ dicendi, terroremque amoverunt*. Eo, T.

verent. Omnes enim commemoras, qui ausi aliquando sunt stantes loqui, ut mihi imprudens M. Servilium praeteriisse videre. Non, inquam, ego istuc ignoro, Pomponi, multos fuisse, qui verbum nunquam in publico fecissent, quum melius aliquanto possent, quam isti oratores, quos colligo, dicere: sed his commemorandis etiam illud assequor, ut intelligatis, primum ex omni numero, quam non multi ausi sint dicere, deinde ex iis ipsis, quam pauci fuerint laude digni. Itaque ne hos quidem equites romanos, amicos nostros, qui nuper mortui sunt, P. Cominium Spoletinum, quo accusante defendi C. Cornelium; in quo et compositum dicendi genus, et acre, et expeditum fuit; T. Accium Pisaurensem, cuius accusationi respondi pro A. Cluentio; qui et accurate dicebat, et satis copiose, eratque praeterea doctus Hermagorae praeceptis, quibus etsi ornamenta non satis opima dicendi, tamen, ut hastae velutibus amentatae, sic apta quaedam, et parata singulis causarum generibus argumenta traduntur. Studio autem neminem, nec industria maiore cognovi, quamquam ne ingenio quidem qui praestiterit, facile dixerim, C. Pisoni, genero meo. Nullum tempus illi un-

Satis opima) Sic Gu. 1, 2.

Traduntur. Studio autem neminem, nec industria maiore cognovi, quamquam ne ingenio quidem qui praestiterit, facile dixerim, C. Pisoni, genero meo) Sic Ald. Victor. Postea Gothofr. alijque, non excepto Ernestio, pessimum interpunctionem invenire istam: traduntur; studio autem neminem nec industria maiore cognovi. Quamquam ne ingenio quidem, qui praestiterit, facile dixerim C. Pisoni, genero meo; quasi verba studio — cognovi ad Accium Pisaurensem pertinerent, quae de Pisonis prae-

dicari manifestum est vel ex iis, quae proxime sequuntur.

* *Genero meo*) Primo. Nam Cicero tribus viris, Pisoni, Crassipedi, et Dolabellae Tullium filium collocavit, ut in Quaestura diximus. Consulibus L. Iulio Caesare et C. Marcio Figulo eam C. Pisoni despondit, anno antequam consul ipse fieret, ut lib. I ad Attic. scribit. Sed tamen Piso eam non videtur duxisse, epist. 4 lib. XIV Famil. et priusquam Cicero Romam rediret, vel paulo post reditum, decessisset. Conn.

quam vacabat aut a iorensi dictione, aut a commentatione domestica, aut a scribendo, aut a cogitando. Itaque tantos processus efficiebat, ut evolare, non excurrere videretur. Eratque verborum et delectus elegans, et apta et quasi rotunda constructio: cumque argumenta excogitabantur ab eo multa et firma ad probandum, tum concinnae acutaeque sententiae; gestusque naturâ ita venustus, ut ars etiam, quae non erat, et e disciplina motus quidam videretur accedere. Vereor, ne amore videar plura, quam fuerint in illo, dicere; quod non ita est. Alia enim de illo maiora dici possunt. Nam nec continentia, nec pietate, nec ullo genere virtutis quemquam eiusdem aetatis cum illo conferendum puto.

79. Nec vero M. Coelium praetereundum arbitror, quaecunque eius in exitu vel fortuna, vel mens fuit; qui quamdiu auctoritati meae paruit, talis tribunus plebis fuit, ut nemo contra civium perditorum popularem turbulentamque dementia a senatu et a bonorum causa steterit constanti; quam eius actionem, multum tamen et splendida, et grandis, et eadem imprimis faceta et perurbana commendabat oratio. Graves eius conciones aliquot fuerunt, acres accusationes tres, eaeque omnes ex reipublicae contentione susceptae; defensiones, etsi illa erant in eo meliora, quae dixi, non contemnendae tamen, saneque tolerabiles. Illic quum summa voluntate bonorum aedilis curulis factus

* *M. Coelium*) Significat M. Coelium, M. F. Rufum, cuius vitam magnam partem Cicero scribit in *Ora.* quam pro illo dixit. Exstant quaedam illius epistolae. Fpriuna ei fuit adversa, nam senatus decreto ab *Rep.* remotus, a consule senatu prohibitus et de rostris, quum vellet concionari,

deductus, Turios pervenit, ubi ab equitibus Gallis atque Hispanis, qui eo missi fuerant, interfectus fuit, ut Caesar lib. III de *Bell. Civ.* Livius lib. CXI, et Patere. lib. II scribunt. Quod ad mores attinet eius, vide Senecam lib. III, c. 8 de *Ira. Iuzm.*

esset, nescio quomodo discessu meo discessit a sese, ceciditque, posteaquam eos imitari coepit, quos ipse perverterat.

80. Sed de M. Calidio dicamus aliquid, qui non fuit orator unus e multis; potius inter multos prope singularis fuit; ita reconditas exquisitasque sententias mollis et pellucens vestiebat oratio. Nihil tam tenerum, quam illius comprehensio verborum, nihil tam flexibile, nihil, quod magis ipsius arbitrio fingeretur, ut nullius oratoris aequae in potestate fuerit; quae primum ita pura erat, ut nihil liquidius; ita libere fluebat, ut nusquam adhaeresceret; nullum, nisi loco positum, et tanquam in *vermiculato emblemate*, ut ait Lucilius, structum verbum videres. Nec vero ullum aut durum, aut insolens, aut humile, aut longius ductum; ac non propria verba rerum, sed pleraque translata; sic tamen, ut ea non irruiſſe in alienum locum, sed immigrasse in suum diceres. Nec vero haec soluta, nec diffluentia, sed adstricta numeris, non aperte, nec eodem modo semper, sed varie dissimulanterque conclusis. Erant autem et verborum et sententiarum illa lumina, quae vocant Graeci *οχηματα*, quibus tanquam insignibus in ornatu, distinguebatur omnis oratio. Qua de re agitur autem illud, quod multis locis in iurisconsultorum includitur formulis, id ubi esset, videbat. Accedebat ordo

* *M. Calidio*) M. Calidio Q. F. ut ait Asconius: Apollodori discipulo, ut scribit Eusebius. Is fuit ex ordina equestri: Cn. enim Calidius eques Romanus Verr. VI nominatur, et Q. Calidius trib. pleb. sua lege Metellum Numidicum restituit, unde cognosci potest gentem Calidiam plebeiam fuisse. Is Lentulo et Metello cons. praetor fuit, qui statim designatus sententia sua, quam sibi esset cara Cicerois

salus, declaravit; ut in Oral. post Redit. in senatu legimus. Is postea consulatum cum L. Paulo et C. Marcello videtur petiisse, et repulsam tulisse. Nos certe sic epist. 4 lib. VIII Famil. legendum putamus: *M. Calidium a repulsa postulatam a duobus Gallis*. In bello civili Caesarianus partes sequutus Placentiae obiit, ut scribit Eusebius. IDEM.

Posteaquam) Ald. *postea*, cum.

rerum plenus artis, actio liberalis, totumque dicendi placidum et sanum genus. Quodsi est optimum, suaviter dicere, nihil est, quod melius hoc quaerendum putes. Sed quum a nobis paulo ante dictum sit, tria videri esse, quae orator efficere deberet, ut doceret, ut delectaret, ut moveret: duo summe tenuit, ut et rem illustraret disserendo, et animos eorum, qui audirent, devinciret voluptate. Aberat tertia illa laus, qua permoveeret atque incitaret animos, quam plurimum polere diximus, nec erat ulla vis atque contentio, sive consilio, quod eos, quorum altior oratio, actioque esset ardentior, furere et bacchari arbitraretur; sive quod natura non esset ita factus; sive quod non consuisset; sive quod non posset. Hoc unum illi, si nihil utilitatis habebat, abfuit; si opus erat, defuit. Quin etiam memini, quum in accusatione sua Q. Gallio crimini dedisset, sibi eum venenum paravisse, idque a se esse deprehensum, seseque chirographa, testificationes, indicia, quaestiones, manifestam rem, deferre diceret, deque eo crimine accurate et exquisitè disputavisset: me in respondendo, quum essem argumentatus, quantum res ferebat, hoc ipsum etiam posuisse pro argumento, quod ille, quum pestem capitis sui, quum indicia mortis, se comperisse manifesto, et manu tenere diceret, tam solute egisset, tam leniter, tam oscitanter: « Tu istuc, M. Calidi, nisi fugeres, sic ageres? praesertim quum ista eloquentia alienorum hominum pericula defendere acerrime soleas, tuum negligeres?

Altior oratio) M. *elatio* oratio; quod certe melius videtur, nisi potius *acrior* oratio verum sit. Nam h. l. de oratione vehementi animosque inflammante sermo est, non de alta atque exaggerata.

Tu istuc — nisi fugeres, sic ageres)

Quint. XI, 3, 155: *An ista, si vera essent, sic a te dicerentur*, nimirum Ciceronis sententiam tantum verbis mutatis commemorans.

Praesertim quum ista eloquentia alienorum) Lamb. malebat: *praesertim ista eloquentia, quum alienorum*.

Vbi dolor? ubi ardor animi, qui etiam ex infantium ingeniis elicere voces et querelas solet? Nulla perturbatio animi, nulla corporis, frons non percussa, non femur; pedis (quod minimum est) nulla suppletio. Itaque tantum abfuit, ut inflammares nostros animos; somnum isto loco vix tenebamus *. Sic nos summi oratoris vel sanitate, vel vitio, pro argumento ad diluendum crimen usi sumus. Tum Brutus, Atque dubitamus, inquit, utrum ista sanitas fuerit, an vitium. Quis enim non fateatur, quum ex omnibus oratoris laudibus longe ista sit maxima, inflammare animos audientium, et, quocunque res postulet modo, flectere, qui hac virtute caruerit, id ei, quod maximum fuerit, defuisse?

81. Sit sane ita, inquam: sed redeamus ad eum, qui iam unus restat, Hortensium: tum de nobismet ipsis, quoniam id etiam, Brute, postulas, pauca dicemus; quamquam facienda nientio est, ut quidem mihi videtur, duorum adolescentium, qui si diutius vixissent, magnam essent eloquentiae laudem consequuti.

C. Curionem te, inquit Brutus, et C. Licinium Calvum arbitror dicere.

Frons non percussa, non femur) Quint. XI, 3, 123, ubi hoc loco utitur, habet: *non frons percussa, non femur*, ordine verborum ob anaphoram continuatore.

Tantum abfuit) Apud Quintilianum XI, 3, 155 legitur, *tantum abest*.

Atque dubitamus) *Atque* pro vulg. *atque* restituit Ernestius ex edd. pr. Idem habet Gu. 1, 2. In Gu. 1 est *dubitabamus*.

* *C. Curionem*) C. Scribonius Curio, patris consularis ac triumphalis eloquentia et ingenio similis, perditis moribus dissimillimus; quem Vel- leius lib. II egregie describit: *vir nobilis, eloquens, audax, suae alienae-*

que et fortunae et pudicitiae prodigus, homo ingeniosissime nequam, et facundus malo publico; cuius animo, voluptatibus, vel libidinibus neque opes ullae, neque civitates sufficere possent. PRYST.

* *C. Licinium Calvum*) C. Licinium Calvum, C. Licinii Macrifilium, ut apud Valer. Max. lib. IX, cap. 12 videre poteris. Huius vitam Crinitus et Lillius scripserunt. Catullus eundem non semel ut oratorem et poetam describit. Ut poeta igitur versus in Caesarem scripsit, ut Sueton. ostendit. Scripsit et in Tigellium; unde versus refert interpres Horat. *Sorde Tigelli putulum caput venit.* Hinc Ci-

Recte, inquam, arbitraris; quorum quidem alter ita facile soluteque verbisolvebat satis interdum acutas, crebras quidem certe sententias, ut nihil posset ornatius esse, nihil expeditius. Atque hic a magistris parum institutus, naturam habuit admirabilem ad dicendum. Industriam non sum expertus; studium certe fuit. Qui si me audire voluisset, ut coeperat, honores, quam opes, consequi maluisset.

Quidnam est, inquit, istud? et quemadmodum distinguis?

Hoc modo, inquam. Quum honos sit praemium virtutis, iudicio studioque civium delatum ad aliquem, qui eum sententiis, qui suffragiis adeptus est, is mihi et honestus et honoratus videtur. Qui autem occasione

cero de Tigellio loquens epist. 25 lib. VII Famil. scribit ita: *Eum additum iam tum puto Calvi Licini Hipponacteo praecoquio*. Hic amavit Quintilianum, ut Catullus, et Propertius lib. II sunt auctores; et carmina cum ingentis animi plena, ut ait Seneca lib. IV Controv. tum saepe etiam lascivâ scripsit, ut Ovid. lib. II de Tristib. ostendit. CORRAD.

Quorum quidem alter ita facile soluteque verbisolvebat satis interdum acutas, crebras quidem certe sententias, ut nihil posset ornatius esse, nihil expeditius (Vulg. legitur: quorum quidem alter, quod verisimile dixisset, ita facile soluteque etc. At quid hoc est: quod verisimile dixisset — Heusingerus in schedis addit haec: «i. e. bonus orator evasisset, scil. si diutius vixisset, quod ex praecedentibus intelligitur. Bonus orator est is, qui accommodate ad persuadendum possit dicere. De Orat. I, 61. Post ista verba pone τολμαῖον στυγερὸν». Eandem interpretationem Heusingerus, sed bre-

vias, prolulit ad Cicronem de Off. I, 3, 9. Sed haec ratio difficilior et impeditior est, quam ut Ciceronis orationem deceat. Schneideri coniecturam a Wezelio memoratam, quod verisimile vix est, vel quod verisimile vix esset, non magis probare possum; sic enim esset παρὸς ἑτέρων frigidum et supervacuum. Ernestius ad. h. l. «haec, inquit, ego non intelligo, nec bene interpretatur Corradus, qui ad narrationes refert, ne acio quomodo, quum de iis non sit sermo. Turbant autem contextum. Credo esse spuris et aliunde intrusa». Et hunc quidem verum vidiisse arbitror. Itaque delevi; ut iam Lambinus fecerat.

(Atque hic a magistris parum institutus) Gn. 1, 2, atque hic parum a magistris institutus.

Quidnam est, inquit, istud? Gn. 1, 2, quidnam est, inquit, istud; ut cap. 85 fuit. quorams istuc?

Is mihi et honestus et honoratus videtur) Honestus non est i. q. honora-

aliqua, etiam invitis suis civibus, nactus est imperium, ut ille cupiebat, hunc nomen honoris, non honorem adeptum puto. Quae si ille audire voluisset, maxima cum gratia et gloria ad summam amplitudinem pervenisset, ascendens gradibus magistratuum, ut pater eius fecerat, ut reliqui clariores viri. Quae quidem etiam cum P. Crasso, M. filio, quum initio aetatis ad amicitiam se meam contulisset, saepe egisse me arbitror, quum eum vehementer hortarer, ut eam laudis viam rectissimam esse duceret, quam maiores eius ei tritam reliquissent. Erat enim cum institutus optime, tum etiam perfecte planeque eruditus; ineratque et ingenium satis acre, et orationis non inelegans copia; praetereaque sine arrogancia gravis esse videbatur, et sine segnitia verecundus. Sed hunc quoque absorbit aestus quidam insolitae adolescentibus gloriae. Qui quia navarat miles operam imperatori, imperatorem se statim esse cupiebat; cui muneri mos maiorum aetatem certam, sortem incertam reliquit. Ita gravissimo suo casu, dum Cyri et Alexandri similis esse voluit, qui suum

sus, ut Wezelius opinabatur; sed *honestus* est propter virtutem honore dignus: *honoratus* autem honorem adeptus.

Etiam invitis suis civibus) Gn. 1, 2 abest suis.

Hunc nomen honoris, non honorem, adeptum puto) Sic. Ms. Reg. Paris. citaute Ernestio. Vulg. *hunc nomen honoris adeptum, non honorem puto*.

Sed hunc quoque absorbit aestus quidam insolitae adolescentibus gloriae) Vulg. *non insolitae*. At. Gu. 1, 2 Ald. probante Hensingero omittunt non. Et hoc multo est perpetuitati verborum convenientius. Cicero enim dicit, hunc Crassum abreptum esse aestuante quadam cupiditate *insolitae*

adolescentibus gloriae, sc. imperatoriae dignitatis, ad quam adolescentes more maiorum adspirare non debebant. Sic Mithridates Or. pro leg. Manil. c. 12 dicitur *insolita victoria inflammatus*. In verbo *absorbit* simul respicitur ad interitum Crassi, cuius mox mentio fit.

* *Cui muneri mos maiorum aetatem certam, sortem incertam reliquit*) Nempe quia non fere creabantur imperatores nisi consules aut consulares, consulatui autem gerendo certa aetas praescripta erat legibus annalibus; et tamen sortis incerta erat, quia bellum aliquod imperatori gerendum more maiorum sortitione et suffragiis populi deferabatur.

cursum transcurrerant, et L. Crassi, et multorum Crassorum inventus est dissimillimus.

82. Sed ad Calvum (is enim nobis erat propositus) revertamur: qui orator quum fuisset literis eruditior, quam Curio, tum etiam accuratius, quoddam dicendi et exquisitius afferebat genus; quod quamquam scienter eleganterque tractabat, nimium tamen inquirens in se, atque ipse sese observans, metuensque ne vitiosum colligeret, etiam verum sanguinem deperdebat. Itaque eius oratio nimia religione attenuata, doctis et attente audientibus erat illustris; a multitudine autem, et a foro, cui nata eloquentia est, devorabatur.

83. Tum Brutus, Atticum se, inquit, Calvus noster dici oratorem volebat. Inde erat ista exilitas, quam ille de industria consequabatur.

Dicebat, inquam, ita; sed et ipse errabat, et alios etiam errare cogebat. Nam si quis eos, qui nec inepte

Qui orator quum fuisset) scil. si diutius vixisset, quod hic e cap. 81 (p. 157, v. 18) repetendum esse indicavit Heusingerus. In Ald. est *qui orator fuisset cum literis eruditior*. Optimum fuerit fortasse: *qui quum fuisset literis eruditior, quam Curio, tum etiam* etc. ita ut *fuisset* h. l. pro *fuerat* ponatur sine respectu ad istum locum c. 81. Quintilianus X, 1, 115 de hoc Calvo: *sancta est eius et gravis oratio, et castigata, et frequenter vehementem quoque. Imitator est autem Atticorum, fecitque illi properata mors iniuriam, si quid adiecturus, non si quid detracturus fuit.*

Deperdebat) Ad h. l. Quintilianus respexit X, 1, 115 *Inveni, qui Calvum praeferrent omnibus, inveni, qui Ciceroni crederent, eum nimia contra se salumnia verum sanguinem perdidisse.*

* *Devorabatur*) Vt literae quae-

dam aut syllabae dicuntur ab eo, qui loquitur, *devorari*, quoniam pronuntiatione obscurantur, vel parum dilucide effertuntur, sic oratio ab auditore dicitur *devorari*, quae sic auditur, ut magna eius pars haud satis percipiat, sed potius sensum atque intelligentiam effugiat. Sic igitur Calvi oratio nimis accurata et exquisita a multitudine *devorabatur*, quippe qui docti satis non erant ad intelligendam Calvi subtilitatem et elegantiam, nec satis attenti, propterea quod exsanguis erat genus orationis, nec ad excitandam populi attentionem admodum accommodatum. Contra docti et attente audientibus eius oratio *erat illustris*, h. e. satis perspicua et illuminata, nihil ut eos effugeret aut praeteriret. Quae quum appositae a Cicerone dicantur, in eandemque fere sententiam iam a Budaeo, Gracuto, Ernestio ac-

dicunt, nec odiose, nec putide, Attice putat dicere, is recte, nisi Atticum, probat neminem. Insulsi-
tatem enim et insolentiam, tanquam insaniam quamdam ora-
tionis, odit; sanitatem autem et integritatem, quasi
religionem et verecundiam oratoris, probat. Haec
omnium debet oratorum eadem esse sententia. Sin
autem ieiunitatem et siccitatem et inopiam, dummo-
do sit polita, dum urbana, dum elegans, in Attico ge-
nere ponit, hoc recte duntaxat; sed quia sunt in Atticis
alia meliora, videat, ne ignoret et gradus et dissimi-
litudines et vim et varietatem Atticorum. Atticos,
inquit, volo imitari. Quos? nec enim est unum genus.
Nam quid est tam dissimile, quam Demosthenes et
Lysias? quam idem et Hyperides? quam omnium ho-
rum Aeschines? Quem igitur imitaris? Si aliquem;
ceteri ergo Attice non dicebant. Si omnes; qui potes,
quum sint ipsi dissimillimi inter se? In quo etiam illud
quaero, Phalereus ille Demetrius Atticene dixerit.
Mihi quidem ex illius orationibus redolere ipsae Athe-
nae videntur. At est floridior, ut ita dicam, quam
Hyperides, quam Lysias. Natura quaedam, aut volun-

cepta sint, non erat quod Schneide-
rus in vocabulo *deorabatur* haereret,
et aliud querendum putaret. Multo
minus audiendus Purgoldus, qui in
deserebatur incidit, coniectura praesus
inutili.

* *Nec odiose, nec putide*) Odiosum
genus dicendi est id quod Galli di-
cant *le genre ennuyant*. Putidum au-
tem est, quidquid est nimis *ἀπὸ βέλγῃ*
molestum. Ergo omne putidum est
etiam odiosum; at non omne, quod
est odiosum, item est putidum.

Hoc recte duntaxat) Idem Orat.
c. 9 sic eloquitur: *Errant, quod so-
lum, quod Attice non falluntur.*

Dissimilitudines) Gn. 1, *similitu-
dines*. Ac ne quis pulet, *dissimilitudi-
nes* esse tollendum, quia sequitur *vari-
etatem*, notandum est, *dissimilitudi-
nes* dici de Atticis in eodem genere
dissimilibus, ut oratorum; varieta-
tem autem de diversis Atticorum in-
dole in diversis generibus comparato-
rum; ut si Demosthenem Atticum,
sed oratorem, cum Thucydide item
Attico, sed historiae scriptore, com-
parare velis.

Quam idem) scil. Demosthenes.
At Cuiac. *idem* probantibus Gulie-
mio et Schneid-ro.

tas ita dicendi fuit. Et quidem duo⁸ fuerunt per idem tempus dissimiles inter se, sed Attici tamen; quorum Charisius multarum orationum, quas scribebat aliis, quum cupere videretur imitari Lysiam, Demochares autem, qui fuit Demostheni sororis filius, et orationes scripsit aliquot, et earum rerum historiam, quae erant Athenis ipsius aetate gestae, non tam historico, quam oratorio genere perscriptis. At Charisii vult Hegesias esse similis, isque se ita putat Atticum⁹, ut veros illos prae se paeque agrestes putet. At quid est tam fractum, tam minutum, tam in ipsa (quam tamen consequitur) concinnitate puerile? Atticorum similes esse volumus. Optime. Suntne igitur ii Attici oratores? Quis negare potest? Hos imitatur. Quo modo, qui sunt et inter se dissimiles, et aliorum? Thucydidem, inquit, imitatur. Optime, si historiam scribere, non si causas dicere cogitatis. Thucydides enim rerum gestarum pronuntiator sincerus, et grandis etiam fuit; hoc forense, concertatorium, iudiciale, non tractavit

Quorum Charisius multarum orationum, quas scribebat aliis) Ald. Viet. quorum Charisius multas orationes, quas scribebat aliis — Quam lectionem cur vitiosam dixerit Ernestius, haud assequor. Num bene sic conseruntur verba: Et quidem duo fuerunt — quorum (alter) Charisius multas orationes (scripsit), quas scribebat aliis, quum — Lysiam, (alter) Demochares autem — et orationes scripsit etc. Nempe post multas orationes est scripsit intelligendum e sequentibus.

* Quam tamen consequitur) i. e. consecratur, ut recte expl. Ernestius. Sic cap. 83 init. quam ille de industria continebatur.

* Atticorum similes) In hac ser-

mocinatione Hegesiae, qui se Atticum putabat, dicta a Ciceronis responsionibus sic distinguenda: Atticorum similes esse volumus. — Optime. — Suntne igitur ii Attici oratores? — Quis negare potest? — Hos imitatur. — Quo modo, qui sunt et inter se dissimiles, et aliorum? — Thucydidem, inquit, imitatur — Optime, si historiam scribere, non si causas dicere cogitatis.

* Thucydides — rerum gestarum pronuntiator sincerus, et grandis etiam fuit) Idem Orat. c. 9 appellatur rerum explicator prudens, sincerus, gravis.

* Hoc forense, concertatorium, iudiciale, non tractavit genus) Trias haec epitheta etsi unum genus indi-

genus. Orationes autem, quas interposuit (multae enim sunt), eas ego laudare soleo; imitari neque possim, si velim, nec velim fortasse, si possim. Ut, si quis Falerno vino delectetur, sed eo nec ita novo, ut proximis consulibus natum velit; nec rursus ita vetere, ut Opimium, aut Anicium consulem quaerat: (atqui eae notae sunt optimae, credo: sed nimia vetustas nec habet eam, quam quaerimus, suavitatem, nec est iam sane tolerabilis. Num igitur, qui hoc sentiat, si is potare velit, de dolio sibi hauriendum putet? minime; sed quandam sequatur aetatem); sic ego istis censuerim et novam istam, quasi de musto ac lacu, fervidam orationem fugiendam, nec illam praeclaram, Thucydidis nimis veterem, tanquam Anicianam notam,

cialia denotant, et synonyma sunt, non tamen prorsus eodem respectu ponuntur. Thucydides est scriptor historiae in umbra domestica, non *forensis orator*; idem genus narrandi quietum, non concertatorium et litigiosum orationum genus tractavit; denique scripsit de rebus gestis, non egit, ut orator iudicialis, coram iudicibus, coram quibus contenditur de capitis periculo.

Ut, si quis — quaerat) Acute vidit Ernestius, his verbis respondere iuncta: sic ego istis censuerim, media autem: atqui eae notae — aetatem in parentesi accipienda esse.

Atqui eae notae sunt optimae, credo) Gothofr. sic interpungit: atqui eae notae sunt optimae. Credo.

Sic ego istis censuerim et novam istam, quasi de musto ac lacu fervidam orationem fugiendam) « Lacus non est dolium, et putabat Eroesti, sed vas torculari suppositum, in quod recens mustum defluit. Inapte igitur

b. l. oratio de musto et lacu dicitur nova, quasi mustum vas genus sit. Quid si igitur legimus: quasi mustum de lacu ac fervidam orationem? Mustum enim dicitur, quidquid est novum ac recens. Exemplo possit Germani thes. lingu. lat. *Fervere etiam de musto dicitur; hinc fervida oratio* (cf. c. 91) translate est ». Hactenus Schneiderus V. C. qui vulgatae lectionis incommodum acute sensit. Ac profecto in eius emendatione acquiescerem, nisi nitidius etiam esset, quod rescribendum censui: et novam istam quasi mustum de lacu, fervidam orationem. Sic Orid. *Fast.* IV, 888: *Præmia de lacubus proxima musta tuis*. Eadem translatione dicta quaedam in *Orat. pro Fuscio Amerino* nondum satis deferbuisse dicit. *Or. c. 30.* Vas est eadem similitudine in re non proprius quidem eadem, sed tamen similis. *Quint.* II, 6, 8: *Quare mihi ne maturitas quidem ipsa fastinet, nec musta in lacu statim austera sint; ac et annis ferant, et vetustate proficiant.*

persequendam. Ipse enim Thucydides si posterius fuisset, multo maturior fuisset et mitior. Demosthenem igitur imitemur. O dii boni! quid, quaeso, nos aliud agimus, aut quid aliud optamus? At non assequimur. Isti enim videlicet Attici nostri, quod volunt, assequuntur. Ne illud quidem intelligunt, non modo ita memoria proditum esse, sed ita necesse fuisse, quum Demosthenes dicturus esset, ut concursus, audiendi causa, ex tota Graecia fierent. At quum isti Attici dicunt, non modo a corona, quod est ipsum miserabile, sed etiam ab advocatis relinquuntur. Quare si anguste et exiliter dicere, est Atticorum, sint sane Attici; sed in comitium veniant, ad stantem iudicem dicant. Subsellia grandiore et plenior vocem desiderant. Volo hoc oratori contingat, ut, quum auditum sit, eum esse dicturum, locus in subselliis occupetur, compleatur tribunal, gratiosi scribae sint in dando et cedendo loco, corona multiplex, iudex erectus; quum surgit is, qui dicturus sit, significetur a corona silentium, deinde crebrae assensiones, multae admirationes; risus, quum velit; quum velit, fletus; ut, qui haec procul videat, etiamsi, quid agatur, nesciat, at placere tamen, et in scena esse Roscium intelligat. Haec

Thucydidis) Ald. Victor. *Thucydidi*, quod hic melius.

Quid, quaeso) Lambin. *quid ergo*.

* *At non assequimur*) In hoc occupatur ubi actio adversarii, quicquam disputat Cicero; q. d. *at obiciunt*, nos (Demosthenem) non assequi.

Isti enim videlicet) Εἰσωνυγῶς. Al. *isti enim Attici videlicet*.

* *Quod est ipsum miserabile*) i. q. quod est per se ipsum satis miserabile, a corona relinqui, miserabilis etiam ab advocatis.

* *Sed in comitium veniant, ad stan-*

tem iudicem dicant) Nempe leviores lites in comitis, iudiciis non sedentibus, sed, quis breviter possent dirimi, stantibus agebantur.

* *Subsellia*) scil. iudicium, quae hic dicantur pro causis gravioribus et publicis.

* *Ut qui haec procul videat* - intelligat) Idem hoc sic expressit supra c. 54: *eo si praeteriens aspexerit, si nihil audierit, tamen oratorem versari in illo iudicio et opus oratorium fieri aut perfectum iam esse, profecto intelliget*.

cui contingant, eum scito Attice dicere, ut de Pericle audimus, ut de Hyperide, ut de Aeschine, de ipso quidem Demosthene maxime. Sin autem acutum, prudens, et idem sincerum et solidum et exsiccatum genus orationis probant, nec illo graviore ornatu oratorio utuntur, et hoc proprium esse Atticorum volunt: recte laudant. Est enim in arte tanta, tamque varia, etiam huic minutae subtilitati locus. Ita fiet, ut non omnes, qui Attice, iidem bene; sed ut omnes, qui bene, iidem etiam Attice dicant. Sed redeamus rursus ad Hortensium.

84. Sane quidem, inquit Brutus; quamquam ista mihi tua fuit periuocunda a proposita oratione digressio.

Tum Atticus, Aliquoties sum, inquit, conatus, sed interpellare nolui. Nunc, quoniam ad perorandum spectare videtur sermo tuus, dicam, opinor, quod sentio.

Tu vero, inquam, Tite.

Tum ille, Ego, inquit, ironiam illam, quam in Socrate dicunt fuisse, qua ille in Platonis, et Xenophontis, et Aeschinis libris utitur, facetam et elegantem puto. Est enim et minime inepti hominis, et eiusdem etiam faceti, quum de sapientia disceptetur, hanc sibi ipsum detrahare, eis tribuere illudentem, qui eam sibi

¶ de Pericle audimus) Sic Gu. 1, 2. Recte. Et probat Hensingerus, coll. observatione ad Cic. de Offic. I, 6, 5.

* *Solidum, et exsiccatum genus orationis*) In vocabulo *solidum* Ernestius ponit metaphoram ductam a cibo solido et sicco. Id secus est. Tralatum potius a soliditate ossium in corpore humano. Ea soliditas nisi vestiatnr carne, per quam sanguis pelluceat, ornatum et pulcritudinem non habet. In eadem re supra c. 17: atque

ntinam imitarentur Lysiam, nec ossa solum (i. e. soliditatem eius,) sed etiam sanguinem, h. e. ornatum, quo tamen non omnino caret Lysias, etsi non est plurimi sanguinis.

Digressio) Sic Gu. 1, Venet. etc. Melius tamen *degressio*, quod in quibusdam aliis legitur.

Et Aeschinis libris) Gu. 1, 2, et *Aeschini libris*. Vnde colligas, Cicero nem hic scripsisse *Aeschini*, ut *Pericle* alibi et similia.

arrogant : ut apud Platonem Socrates in coelum effert laudibus Protagoram, Hippiam, Prodicum, Gorgiam, ceteros; se autem omnium rerum inscium fingit et rudem. Decet hoc, nescio quomodo, illum; nec Epicuro, qui id reprehendit, assentior. Sed in historia, qua tu es usus in omni sermone, quum, qualis quisque orator fuisset, exponeres, vide, quaeso, inquit, ne tam reprehendenda sit ironia, quam in testimonio.

85. Quorsus, inquam, istuc? non enim intelligo.

Quia primum, inquit, ita laudavisti quosdam oratores, ut imperitos posses in errorem inducere. Equidem in quibusdam risum vix tenebam, quum Attico Lysiae Catonem nostrum comparabas, magnum mehercule hominem, vel potius summum et singularem virum; nemo dicet secus; sed oratorem? sed etiam Lysiae similem? quo nihil potest esse pictius. Bella ironia, si iocaremur; sin asseveramus, vide, ne religio nobis tam adhibenda sit, quam si testimonium dicamus. Ego enim Catonem tuum, ut civem, ut senatorem, ut imperatorem, ut virum denique quum prudentia et diligentia, tum omni virtute excellentem, probō; orationes autem eius, ut illis temporibus, valde laudo. Significant enim quandam formam ingenii, sed admodum impolitam, et plane rudem. Origines vero quum omnibus oratoris laudibus refertas diceres, et Catonem cum Philisto et Thucydide comparares, Brutone te id censebas, an mihi probaturum? Quos enim ne e Graecis quidem quisquam imitari potest, iis tu comparas hominem Tusculanum, nondum suspicantem, quale esset, copiose et ornate dicere.

Quam si testimonium dicamus) Gu. 1. q. 2. l. diceremus, quod probat Heusingerus explicatque sic: vide, ne religio nobis tam adhibenda sit, quam

adhibenda esset, si testimonium diceremus. Idem est in Ald.

Oratoris) Lambin. oratoris. Supra dixetur c. 17: Iam vero Origines

86. Galbam laudas; si ut illius aetatis principem, assentior; sic enim accepimus; sin ut oratorem, cedo, quaeso, orationes (sunt enim), et dic, hunc, quem tu plus quam te amas, Brutum velle te illo modo dicere. Probas Lepidi orationes. Paulum hic tibi assentior, modo ita laudes, ut antiquas; quod item de Africano, de Laelio, cuius tu oratione negas fieri quidquam posse dulcius. Addis etiam nescio quid augustius, nomine nos capi volens summi viri, vitaeque elegantissimae verissimis laudibus. Remove haec; nae ista dulcis oratio ita sit abiecta, ut eam aspicere nemo velit. Carbonem in summis oratoribus habitum scio; sed cum in ceteris rebus, tum in dicendo, semper, quo nihil est melius, id laudari, quaecunque est, solet. Dico idem de Gracchis; etsi de iis ea sunt a te dicta, quibus ego assentior. Omitto ceteros; venio ad eos, in quibus iam perfectam putas esse eloquentiam, quos ego audiui sine controversia magnos oratores, Crassum et Antonium. De horum laudibus tibi prorsus assentior; sed tamen non isto modo, ut Polycleti Doryphorum sibi Lysippus aiebat, sic tu suasionem legis Serviliae tibi magistratam fuisse. Haec germana ironia est. Cur ita sentiam, non dicam, ne me tibi assentari putes. Omitto igitur, quae de iis ipsis, quae de Cotta, quae de Sulpicio, quae modo de Coelio dixisti. Ii enim fue-

eius quem florem, aut quod lumen eloquentiae non habent?

Paulum hic tibi assentior) Abest paulum Gu. 1. At in Gu. 2, paululum.

Quo nihil est melius, id laudari) Gu. 1, 2, *quoniam nihil est melius, id laudare.* Ald. *cum nihil est melius, id laudari.*

De horum laudibus tibi prorsus assentior; sed tamen non isto modo, ut

Polycleti Doryphorum sibi Lysippus aiebat, sic tu suasionem legis Serviliae tibi magistratam fuisse) Lahoræ constructio. Fortasse optimum fuerit inter sic et suasionem pronomen tu delere: *sed tamen non (assentior,) isto modo, ut Polycleti Doryphorum sibi Lysippus aiebat, sic suasionem legis Serviliae tibi magistratam fuisse.*

Ii enim) Gu. 1, 2, *hi enim, probante Heusingero.*

runt certe oratores; quanti autem, et quales, tu videris. Nam illud minus curo, quod conguessisti operarios omnes; ut mihi videantur mori voluisse nonnulli, ut a te in oratorum numerum referrentur.

87. Haec quum ille dixisset, Longi sermonis initium pepulisti, inquam, Attice, remque commovisti, nova disputatione dignam, quam in aliud tempus differamus. Volvendi enim sunt libri cum aliorum, tum in primis Catonis. Intelliges, nihil illius lineamentis, nisi eorum pigmentorum, quae inventa nondum erant, florem et colorem defuisse. Nam de Crassi oratione sic existimo, ipsum fortasse melius potuisse scribere; alium arbitror neminem. Nec in hoc ironiam duxeris esse, quod eam orationem mihi magistram fuisse dixerim. Nam etsi tu melius existimare videris de ea, si quam nunc habemus, facultate, tamen, adolescentes quid in latinis potius imitemur, non habebamus. Quod autem plures a nobis nominati sunt, eo pertinuit (ut paulo ante dixi), quod intelligi volui, in eo, cuius omnes cupidissimi essent, quam pauci digni nomine evaderent. Quare *ἀποφα* me, ne si Africanus quidem fuit (ut ait in historia sua C. Fannius), existimari velim.

Vt voles, inquit Atticus. Ego enim non alienum a te putabam, quod et in Africano fuisset, et in Socrate.

Pepulisti) Manut. Lambin. *detulisti*. Sed recte Victor. corrigendum censuit *pepulisti*. Gesnerus in thes. L. L. v. *pello* pulbat, metaphoram sumtam esse a fidibus, ut dicatur *lyram pello*. Sed haec ratio non satis quadrat. Aliud esset, si inveniretur, *carmen pello*, s. *modos pello*. Itaque manet insolens huius verbi usus; quod si non placeat, aptissimum fuerit *intulisti*.

Duxeris esse) Sic Gu. t. melius,

quam ut vulgo, *dixeris*, quis statim sequitur *dixerim*.

* *Alium arbitror neminem*) Volg. *alium*, ut *arbitror*, *neminem*, in quo me male habet hoc, quod Cicero scripsisset: *existimo alium*, ut *arbitror*, *neminem melius potuisse scribere*; quae compositio existimo, ut *arbitror*, valde esset inepta. Itaque particulam ut delevi.

Quod et in Africano) Gu. 1, quod in Africano.

Tum Brutus, De isto postea; sed tu, inquit me intuens, orationes nobis veteres explicabis?

Vero, inquam, Brute; sed in Cumano, aut in Tusculano, aliquando, si modo licebit; quoniam utroque in loco vicini sumus. Sed iam ad id, unde degressi sumus, revertamur.

88. Hortensius igitur, quum admodum adolescens orsus esset in foro dicere, celeriter ad maiores causas adhiberi coeptus est. Quamquam inciderat in Cottae et Sulpicii aetatem, qui annis decem maiores, excellentes tum Crasso et Antonio, deinde Philippo, post Iulio, cum iis ipsis dicendi gloria comparabatur. Pri-

Vero) Lambin. ego vero. Sed vulgatum recte defendit Gruterus. Sic enim vero scripsit ap. Ciceronem ponitur, ut Tusc. Qu. lib. II, c. 11, de Divin. lib. I, c. 45.

* *Si modo licebit*) scil. si modo per temporum iniuriam, aut per negotia licebit Cumane nostrum, ut Tusculanum invisere. Frostra igitur Ernestina putabat legendum, *libebit*.

⁸⁸ *Quoniam utroque loco vicini sumus*) Nimirum Brutus quoque haud procul a Tusculano et Cumis villas habebat.

* *Hortensius igitur etc.*) Hic fuit eques Romanus, ut ait Asconius. Quaestor Verr. III et V fuisse dicitur. Aedilis Verr. III significatur, et ab Asconio vocatur; et sane fuit Octavio et Cotta coss. Praetor Verr. II cognoscitur, et ab Asconio in III nominatur. Aedilis, vel Praetor, quum sesquimodios populo Romano in capita descripsisset, gratissimum omnibus fecit Verr. V. Consul fuit cum C. Caecilio Metello Cretico, ut Asconius scribit. Fuit etiam augur, et Ciceronem in augurum collegium cooptavit, ut initio diximus; unde Cicero epist.

8 lib. III Famil. suam collegam vocat et familiarem, quod essent cunctissimi omnium consiliorum auctoritate. Cicero illum saepe laudavit, ut hic lib. III de Oratore, et in Orat. pro Milone, ubi vocat illum lumen et ornamentum Reip. et de nomine ipsius librum, in quo cohortatus est ad philosophiae studium, *Hortensium* inscripsit, ut ostendit lib. I de Fin. Tuscul. II et III, et lib. II de Divin. Atque in his quidem omnibus videtur Cicero βελότατα, qua de loquitur epist. 6 lib. IV ad Attic. servasse; quum revera se ab Hortensio scelestissime et insidiosissime tractatum esse sentiret, ut epist. 3 lib. I ad Q. Frat. et epist. 9 lib. III ad Attic. declarat. Dives admodum videtur fuisse, qui Tusculanum haberet, ut Plin. ostendit lib. XXXV, cap. 11, ad Baulos, villam, ut Cicero lib. II Acad. Quaest. et Varro lib. III, c. 17 de L. L. testantur; quaedam ad portum Flumentanum, epist. 3 lib. VII ad Attic. villam in Laurenti agro cum sylva magna, ut Varro lib. III, cap. 13 de R. R. testis est; et domum tam pulchram, ut postea L. Lentulus eam sibi in bello ci-

num memoria tanta, quam in ullo cognovisse me arbitror, ut, quae secum commentatus esset, ea sine scripto verbis eisdem redderet, quibus cogitavisset. Hoc adiumento ille tanto sic utebatur, ut sua et commentata, et scripta, et, nullo referente, omnia adversariorum dicta meminisset. Ardebat autem cupiditate sic, ut in nullo unquam flagrantius studium viderim. Nullum enim patiebatur esse diem, quin aut in foro diceret, aut meditaretur extra forum. Saepissime autem eodem die utrumque faciebat. Attuleratque minime vulgare genus dicendi; duas quidem res, quas nemo alius; partitiones, quibus de rebus dicturus esset, et collectiones; memor et quae essent dicta contra, quaeque ipse dixisset. Erat in verborum splendore elegans, compositione aptus, facultate copiosus; eaque erat quum summo ingenio, tum exercitationibus maximis consequutus. Rem complectebatur memoriter, dividebat acule, nec praetermittebat fere quidquam, quod esset in causa, aut ad confirmandum, aut ad refellendum. Vox canora et suavis; motus et gestus etiam plus artis habebat, quam erat oratori satis.

89. Hoc igitur florescente, Crassus est mortuus, Cotta pulsus, iudicia intermissa bello, nos in forum

vili desponderit, epist. 6 lib. XI ad Attic. et super decem millia eadum heredi reliquit, ut Plin. lib. XIV, cap. 24 scribit. Fuit certe sumptuosus ita, ut, quod Dion. lib. XXXIX scribit, consulibus legem sumptuariam ferre volentibus ait adversatus. Male audivit, et quod indices corrumperet, ut Cicero in Verrinis significat et Asconius interpretatur, et quod munera a clientibus acciperet. Solitus erat gloriari, quod nunquam bello civili interfuisset, ut epist. 16 lib. II Famil. scriptum vidabis. Coar.

Quantam in nullo) Sic recte Lam. Vulg. *quantam in ullo*.

* *Et collectiones*) Ed. Venet. Med. *coniunctiones*. Cod. Pal. et Cuiac. *conlectiones*. Recte autem vulgatam defendit Ernestius; intelligendae enim sunt summae dictorum vel a nobis vel ab aliis. Hanc collectionem Cicero de Inv. I, 52, et Partit. Or. c. 17 dixit *enumerationem*, per quam res disperse et diffuse dictae unum in locum congonitur et reminiscendi causa unum sub aspectum subiiciuntur.

venimus. Erat Hortensius in bello, primo anno miles, altero tribunus militum; Sulpicius legatus aberat, etiam M. Antonius; exercebatur una lege iudicium Varia, ceteris propter bellum intermissis; cui frequentes aderant, quamquam pro se ipsi dicebant, oratores, non illi quidem principes, L. Memmius et Q. Pompeius, sed oratores tamen, teste diserto uterque Philippo; cuius in testimonio contentio et vim accusatoris habebat, et copiam.

Reliqui, qui tum principes numerabantur, in magistratibus erant, quotidieque fere a nobis in concionibus audiebantur. Erat enim tribunus plebis tum C. Curio; quamquam is quidem silebat, ut erat semel a concione universa relictus. Q. Metellus Celer, non ille quidem orator, sed tamen non infans; disertum autem Q. Varius, C. Carbo, Cn. Pomponius; et ii quidem habitabant in rostris. C. etiam Iulius, aedilis curulis, quotidie fere accuratas conciones habebat; sed me cupidissimum audiendi primus dolor percussit, Cotta

Cui frequens aderam, quum pro se ipsi dicebant) Ita correxi vulgatam lectionem, cui *frequentes aderant, quamquam pro se ipsi dicebant*, qua in lectione hoc est ineptum, quod rei in iudicio frequentes dicuntur affuisse, quasi hoc opus fuisset monere; nec, quid sibi hic velit particula *quamquam*, intelligitur. (Lambinus habet, *tantum pro se ipsi dicebant*). Emendationem nostram confirmat vestigia scripturae Gu. 1, 2, in quibus est *qui frequens aderam*. Verum vidit Schneiderus in epist. ad Laegeram, nisi quod non opus erat *frequens* in *frequenter* mutare; nec servari ab eo debebat *quamquam*.

* *Teste diserto uterque Philippo; cuius in testimonio contentio et vim accusatoris habebat, et copiam*) Hunc

quoque locum, in quo sine causa horserit Ernestius, bene explicavit Schneiderus. Nimirum quum Philippus testimonium diceret pro Memmio et Pompeio (in quo dicendo saepe eloquentiae expromendae locum fuisse intelligitur ex Orat. II, c. 12) ea fuit huius oratoris in hoc testimonio dicendo vis et copia, ut non testis, sed accusator esse videretur. Nempe acriter et copiose iniectus est in calumniosos Memmii et Pompeii. Quas quum ita sint, nihil moramur Purgoldi commentum, qui legendum opinabatur *cuius ille testimonio*, quasi Cicero, qui ipse Memmii dicentem audierat, o Philippi testimonio fuisset cognoscendum, qualis ille orator fuisset.

* *Primus dolor*) Scil. propter spem

quum est expulsus. Reliquos frequenter audiens acerrimo studio tenebar, quotidieque et scribens, et legens, et commentans, oratoriis tamen exercitationibus contentus non eram. Iam consequente anno Q. Varius sua lege damnatus excesserat. Ego autem, iuris civilis studio, multum operae dabam Q. Scaevolae, P. filio; qui quamquam nemini se ad docendum dabat, tamen, consulentibus respondendo, studiosos audiendi docebat. Atque huic anno proximus Sulla consule et Pompeio fuit. Tum P. Sulpicii in tribunatu quotidie concionantis totum genus dicendi penitus cognovimus. Eodemque tempore, quum princeps Academiae Philo cum Atheniensium optinatis Mithridatico bello domo profugisset, Romamque venisset, totum ei me tradidi, admirabili quodam ad philosophiam studio concitatus; in quo hoc etiam commorabar attentius, quod, etsi re-

e Catta eloquentia fructum capiendi dehusam.

* *Oratoriis tamen exercitationibus contentus non eram*. In Gu. 1, 2 est *oratoris tantum*, ut in plerisque edd. Sed verum est *tamen*, quod habet Conradus. Significat enim hoc: etsi quotidie et scribebam, et legebam, et commentabar (neclamitus), his tamen oratoriis exercitationibus contentus non eram, sed etiam philosophiae aliisque artibus, ut iuris civilis studio, operam dabam. Ceterum recte Gronovius *oratoris* restituit ex edd. vet. pro *oratoris*, quod immigravit in edd. Gothfr. aliasque.

* *In qua (philosophiae studio) hoc etiam commorabar attentius, quod, etsi rerum ipsarum varietas et magnitudo summa me delectatione retinebat, tamen hoc etiam commorabar attentius, quod sublata iam esse in perpetuum ratio iudiciorum videbatur*. Ernestius, qui sensum h. l. bene perspexit: manifestum enim est, inquit, Cicero-

nem duas causas studii commemorare, alteram e natura philosophiae, alteram a temporum ratione, quibus eloquentiae nullius post se futurum videbatur; idem tamen in forma et structura orationis haesit. Sed facile expediri potest sic, ut breviloquentia quadam usus sit Cicero; idem enim est ac si dixisset: *quod, etsi rerum ipsarum varietas et magnitudo summa me delectatione retinebat, tamen etiam hoc accedebat, quod sublata iam esse — videbatur*. Itaque nulla hic est particularum *etsi ac tamen* correctione, quam ille tentabat, opus. Transpositione, si opus esset, facile posset hic locus ita sublevari: *in quo, etsi rerum ipsarum varietas et magnitudo summa me delectatione retinebat, tamen hoc etiam commorabar attentius, quod sublata iam esse in perpetuum ratio iudiciorum videbatur*. Heusingerus *rerum ipsarum* explicabat *forensium*, quod vir optimus, re-

rum ipsarum varietas et magnitudo summa me delectatione retinebat, tamen sublata iam esse in perpetuum ratio iudiciorum videbatur. Occiderat Sulpicius illo anno, tresque proximo trium aetatum oratores erant crudelissime interfecti, Q. Catulus, M. Antonius, C. Iulius. Eodem anno etiam Moloni Rhodio Romae dedimus operam, et actori summo causarum, et magistro.

90. Haec etsi videntur esse a proposita ratione diversa, tamen idcirco a me proferuntur, ut nostrum cursum perspicere, quoniam voluisti, Brute, possis (nam Attico haec nota sunt), et videre, quemadmodum simus in spatio Q. Hortensium ipsius vestigiis persecuti. Triennium fere fuit urbs sine armis, sed oratorum aut interitu, aut discessu, aut fuga (nam aberant etiam adolescentes M. Crassus et Lentuli duo), primas in causis agebat Hortensius; magis magisque quotidie probabatur Antistius; Piso saepe dicebat; minus saepe Pomponius, raro Carbo, semel aut iterum Philippus. At vero ego hoc tempore omni, noctes et dies, in omnium doctrinarum meditatione versabar. Eram cum Stoico Diodoto; qui quum habitavisset apud me mecumque vixisset, nuper est domi meae mortuus.

iterum expensa, suapte sponte fuerat reprobaturus.

Sed oratorum) Sic Gu. 1, 2. Verba nam aberant — duo parathesisin facere vidit Gronovius.

* *Magis magisque quotidie probabatur Antistius*) Sic interpunxit primus I. Gronovius, quum edd. vet. referant ad Hortensium, in qua interpunctione magis delendum sit, et *Antistius*. Est idem qui c. 63 memoratur, ut ex rebus ibi traditis intelligitur, et quia ibi priter traditur, eum paulatim coepisse placere, Gronovii rationem probandam puto. Eam.

Eram cum Diodoto Stoico; qui quum habitavisset apud me mecumque vixisset) Olim legebatur, *apud me quumque vixisset*; ed. Rom. autem cum *Quinto vixisset*. Recte autem Rivius comparato loco Cic. Acad. Quæst. IV, 36: *Diodoto quid faciam Stoico? quem a puero audiui, qui mecum vixit tot annos, qui habitat apud me, quem et admiror et diligo*, lectionem emendavit.

* *Est domi meae mortuus*) Admodum scil. senex, multos etiam annos carcus. Cf. Cic. Tusc. Dispp. lib. V, 39.

A quo cum in aliis rebus, tum studiosissime in dialectica exercebar; quae quasi contracta et adstricta eloquentia putanda est; sine qua etiam tu, Brute, iudicavisti, te illam iustam eloquentiam, quam dialecticam dilatatam esse putant, consequi non posse. Huic ego doctori, et eius artibus variis atque multis ita eram tamen deditus, ut ab exercitationibus oratoriis nullus dies vacuus esset. Commentabar declamitans (sic enim nunc loquuntur) saepe cum M. Pisone, et cum Q. Pompeio, aut cum aliquo quotidie; idque faciebam multum etiam latine, sed graece saepius: vel quod graeca oratio plura ornamenta suppeditans, consuetudinem similiter latine dicendi afferebat; vel quod a Graecis summis doctoribus, nisi graece dicerem, neque corrigi possem, neque doceri. Tumultus interim pro recuperanda republica, et crudelis interitus oratorum trium, Scaevolae, Carbonis, Antistii; reditus Cottae, Curionis, Crassi, Lentulorum, Pompeii; leges et iudicia constituta; recuperata respublica; ex numero autem oratorum Pomponius, Censorinus, Murena sublati. Tum primum nos ad causas, et privatas et publicas, adire coepimus, non ut in foro disceremus, quod plerique fecerunt, sed ut, quantum nos efficere potuissemus, docti in forum veniremus. Eodem tempore Moloni dedimus operam; dictatore enim Sulla, legatus ad senatum de Rhodiorum praemiis venerat. Itaque prima causa publica, pro Sex. Roscio dicta, tantum commendationis habuit, ut non ulla esset, quae

Loquuntur) Gu. 1, loquimur.

Afferebat) Frustra Ernestius corrigendam putabat *afferret*, nimirum quis aequatur dicerem — possem. Sed in altero illo membro alia est constructionis ratio. In *afferrebat* est asserere-

ratio nuda et simplex. At quum deinde dicit: *quod nisi graece dicerem, neque corrigi possem*, hoc idem est, ac *nisi graece dixissem, neque corrigi potuissem*.

Sublati) Gu. 1, sublati sunt.

non digna nostro patrocinio videretur. Deinceps inde multae, quas non minus diligenter elaboratas, et tanquam elucubratas affercbamus.

91. Nunc, quoniam totum me, non naevo aliquo aut crepundiis, sed corpore omni, videris velle cognoscere, complectar nonnulla etiam, quae fortasse videantur minus necessaria. Erat eo tempore in nobis summa gracilitas et infirmitas corporis, procerum et tenue collum; qui habitus et quae figura non procul abesse putatur a vitae periculo, si accedit labor et laterum magna contentio. Eoque magis hoc eos, quibus eram carus, commovebat, quod omnia sine remissione, sine varietate, vi summa vocis, et totius corporis contentione dicebam. Itaque quum me et amici et medici hortarentur, ut causas agere desisterem, quodvis potius periculum mihi aduendum, quam a sperata dicendi gloria discedendum putavi. Sed, quum censerem, remissione et moderatione vocis, et commutato genere dicendi, me et periculum vitare posse, et temperatius dicere: ut consuetudinem dicendi mutarem, ea causa mihi in Asiam proficiscendi fuit. Itaque quum essem biennium versatus in causis, et iam in foro celebratum meum nomen esset, Roma sum profectus. Quum venissem Athenas, sex menses cum Antiocho, veteris Academiae nobilissimo et prudentissimo philosopho, fui, studiumque philosophiae nunquam intermissum, a primaeque adolescentia cultum, et semper auctum, hoc rursus summo auctore et doctore renovavi. Eodem tamen tempore Athenis apud Demetrium Syrum, veterem et non ignobilem dicendi magistrum, studiose exerceri solebam. Post a me Asia tota peragrata est,

Si accedit) Sic Gu. 1, 2, si accedat.

Discedendum) Gu. 1, *dicendum*.
Gu. 2, *discedendum*. Ernesti conj. *discedendum*.

cum summis quidem oratoribus, quibuscum exercebar ipsis ludentibus, quorum erat princeps Menippus Stratonicensis, meo iudicio, tota Asia, illis temporibus, disertissimus; et si nihil habere molestiarum, nec ineptiarum, Atticorum est: hic orator in illis numerari recte potest. Assiduissime autem mecum fuit Dionysius Magnes. Erat etiam Aeschylus Cnidius, Adramytenus Xenocles. Hi tum in Asia rhetorum principes numerabantur. Quibus non contentus, Rhodum veni, meque ad eundem, quem Romae audiveram, Molonem, applicavi, cum actorem in veris causis, scriptoremque praestantem, tum in notandis animadvertendisque vitiis, et instituendo docendoque prudentissimum. Is dedit operam (si modo id consequi potuit), ut nimis redundantibus nos, et superfluentes iuvenili quadam dicendi impunitate et licentia, reprimeret, et quasi extra ripas diffluentes coerceret. Ita recepi me biennio post, non modo exercitior, sed prope mutatus. Nam et contentio nimia vocis reciderat, et quasi referverat oratio; lateribusque vires, et corpori mediocris habitus accesserat.

92. Duo tum excellebant oratores, qui me imitandi cupiditate incitarent, Cotta et Hortensius: quorum alter remissus, et lenis, et propriis verbis comprehen-

Et superfluentes) Gu. 1, 2, et supra fluentes. Sed fortasse et superfluentes glossema est vocabuli redundantibus; et Cicero sic potius scripserat: ut nimis redundantibus nos iuvenili quadam dicendi impunitate et licentia reprimeret, et quasi extra ripas diffluentes coerceret. Insnave saltem est superfluentes et diffluentes sic in vicina poni.

Biennio post) A. V. C. 676.

Nam et contentio nimia vocis re-

derat, et quasi deferverat oratio) Sic recte Lambinus. Vulgo: nam et contentio vocis nimia reciderat, et quasi referverat oratio. Sic enim Epp. Variar. Marcelli impetus resederunt; et Oral. 3o, quae nequaquam satis deferbuisset post aliquanto sentire coepimus. Ac deferverat iam habet Aldina.

Et corpori) Sic Gu. 1, quod Ernestius suapte ingenio repertum invenit pro vulg. corporis.

dens solule et facile sententiam; alter ornatus, acer, et non talis, qualem tu eum, Brute, iam deflorescentem cognovisti, sed verborum et actionis genere commotior. Itaque cum Hortensio mihi magis arbitrabar rem esse, quod et dicendi ardore eram propior, et aetate coniunctior. Etenim videram, in iisdem causis, ut pro M. Canuleio, pro Cn. Dolabella consulari, quum Cotta princeps adhibitus esset, priores tamen agere partes Hortensium. Acrem enim oratorem, incensum, et agentem, et canorum, concursus hominum forique strepilus desiderat. Vnum igitur annum, quum rediissemus ex Asia, causas nobiles egimus, quum quaesturam nos, consulatum Cotta, aedilitatem peteret Hortensius. Interim me quaestorem Siciliensis excepit annus; Cotta ex consulatu est profectus in Galliam; princeps et erat et habebatur Hortensius. Quum autem anno post e Sicilia me recepissem, iam videbatur illud in me, quidquid esset, esse perfectum, et habere maturitatem quandam suam. Nimis multa videor de me, ipse praesertim; sed omni huic sermoni propositum est, non ut ingenium et eloquentiam meam perspicias, unde longe absum, sed ut laborem et industriam. Quum

* *Dicendi ardore*) H. e. commotiore genere dicendi. Sic Orat. c. 30; nec vero hic erat unus ardor in nobis, ut hoc modo omnia diceremus.

* *Videram*) Nempe, antequam in Asiam profectus essem.

* *Pro Cn. Dolabella consulari*) Qui eos, fuerat cum M. Tullio Decula a. 672, post accusatus a C. I. Caesare repetundarum a. 674 ab Hortensioque ita defensas, ut Caesar eum sibi eripi ab eo quereretur. Sueton. Caesar. c. 3.

* *Acrem*) Adversariorum fortiter ut-

gentem, incensum, vehementiore animi commotione ardentem, et indices quoque inflammantem; agentem, vultu et gestu vividum, canorum, voce magna et clara utentem.

* *Vnum igitur annum*) Nempe A. V. C. 677.

* *Causas nobiles egimus*) Ut illam pro Q. Roscio Comodo.

* *Quaestorem*) H. e. urbanum A. 677, qui ex quaestura eum excepit Siciliensis annus 678, in Sicilia enim quaestor fuit Lilybaeitanus praetore Sex. Peducanus.

* *Anno post*) A. V. C. 673.

Cic. Op. Tom. III

M

igitur essem in plurimis causis, et in principibus patro-
nis, quinquennium fere versatus, tum in patrocinio
Siciliensi maxime in certamen veni designatus aedilis
cum designato consule Hortensio.

93. Sed quoniam omnis hic sermo noster non solum
enumerationem oratoriam, verum etiam praecepta
quaedam desiderat; quid tanquam notandum et ani-
madvertendum sit in Hortensio, breviter licet dicere.
Nam is post consulatum (credo quod videret, ex con-
sularibus neminem esse secum comparandum, negli-
geret autem eos, qui consules non fuissent), summum
illud suum studium remisit, quo a puero fuerat inceus-
sus, atque in omnium rerum abundantia voluit beatius,
ut ipse putabat, remissius certe vivere. Primus et se-
cundus annus, et tertius tantum quasi de picturae ve-
teris colore detraxerat, quantum non quivis unus ex
populo, sed existimator doctus et intelligens posset
cognoscere. Longius autem procedens, quum in ce-
teris eloquentiae partibus, tum maxime in celeritate
et continuatione verborum adhaerescens, sui dissimi-
lior videbatur fieri quotidie. Nos autem non desisteba-
mus, quum omni genere exercitationis, tum maxime
stilo, nostrum illud, quod erat, augere, quantumcun-
que erat. Atque ut multa omittam, in hoc spatio et
in his post aedilitatem annis, et praetor primus, et

* *In patrocinio Siciliensi*) Quo
scil. A. V. C. 683 nomine Sienlorum
Verreia repetundarum accusavit.

* *Designatus aedilis cum designato
consule Hortensio*) Recte designatus
et designato. Nam anno sequente A.
V. C. 684, Hortensius consulatus,
Cicero aedilitatem gessit.

Enumerationem oratorum) Opti-
me sic Lambinus. Nam altera lectio,
quam plurimi sequuntur, enumera-

tionem oratoriam significaret ἀνα-
παύσεσσι προπαιδῶν, cui hic non est
locus.

*Primus et secundus annus, et ter-
tius*) A. V. C. 685, 686, 687.

Quum in ceteris) Bene sic Lamb,
Vulg. et in ceteris. Gu. 1, 2, ut in
ceteris.

Et in his) Ita Riv. Manut. Lam-
bin. Vulg. et in his.

incredibili populi voluntate sum factus. Nam cum propter assiduitatem in causis et industriam, tum propter exquisitius et minime vulgare orationis genus animos hominum ad me dicendi novitate converteream. Nihil de me dicam; dicam de ceteris. Quorum nemo erat, qui videretur exquisitius, quam vulgus hominum, studuisse literis, quibus fons perfectae eloquentiae continetur; nemo, qui philosophiam complexus esset, matrem omnium bene factorum beneque dictorum; nemo, qui ius civile didicisset, rem ad privatas causas, et ad oratoris prudentiam, maxime necessariam; nemo, qui memoriam rerum romanarum teneret, ex qua, si quando opus esset, ab inferis locupletissimos testes excitaret: nemo, qui breviter arguteque illuso adversario laxaret iudicium animos, atque a severitate paulisper ad hilaritatem risumque traduceret; nemo, qui dilatare posset, atque a propria ac definita disputatione hominis ac temporis ad communem quaestionem universi generis orationem traducere; nemo, qui delectandi gratia degredi parumper a causa, nemo, qui ad iracundiam magnopere iudicem, nemo, qui ad fletum posset adducere; nemo qui animum eius (quod unum est oratoris maxime proprium), quocunque res postuleret, impellere.

94. Itaque, quum iam paene evanisset Hortensius,

Practor primus) Gessit enim praetura A. V. C. 687.

Populi voluntate) Recte sic Fennatius pro vulg. *populari voluntate*.

Ex qua — ab inferis) Valde placeat Ernestii coniectura: *ex qua — quae ab inferis*.

Orationem traducere) Vix est credibile Ciceronem sua membra consequentia sic finisse: *traduceret, —*

traducere — adducere. Itaque hic malim: *orationem revocare*, hoc enim et verbo *referre* in eadem re saepius utitur, ut de Orat. II, 31. Ibidem etiam verbum *revolvere* sic ponitur. Ceterum in Ga. 1 non est *traducere*, sed *traduceret*; qui modus placuit Heusingero; cur enim Cicero *repetere posset*, nisi mutasset constructionem?

et ego anno meo, sexto autem post illum consulem, consul factus essem, revocare se ad industriam coepit; ne, quum pares honore essemus, aliqua re superiores videremur. Sic duodecim post meum consulatum annos in maximis causis, quum ego mihi illum, sibi me ille proferret, coniunctissime versati sumus; consulatusque meus, qui illum primo leviter perstrinxerat, idem nos rerum mearum gestarum, quas ille admirabatur, laude coniunxerat. Maxime vero perspecta est utriusque nostrum exercitatio paulo ante, quam perterritum armis hoc studium, Brute, nostrum contigit subito et obmutuit; quum lege Pompeia ternis horis ad dicendum datis, ad causas simillimas inter se, vel potius easdem, novi veniebamur quotidie. Quibus quidem causis tu etiam, Brute, praesto fuisti, compluresque et nobiscum, et solus egisti: ut, qui non satis diu vixerit Hortensius, tamen hunc cursum confecerit. Annis ante decem causas agere coepit, quam tu es uatus. Idem quarto et sexagesimo anno, perpaucis ante mortem diebus, una tecum socerum tuum defendit Appium. Dicendi autem genus quod fuerit in utroque,

* *Anno meo*) Anno aetatis 43, qui erat lege Villia annali consulatus constitutus.

Sexto autem post illum consulem) A. V. C. 690.

Revocare se) Abest se Gu. 1.

* *Duodecim*) Tot enim sunt anni a Ciceronis consulatu A. V. 690 ad Hortensii mortem A. V. C. 703.

Quum ego mihi illum) Gu. 2. *omissum ego.*

Quum lege Pompeia) Lege, quam Cn. Pompeius Magnus in tertio consulatu tulit, et primus astrinxit impositisque velut frenos eloquentiae, ut Tacitus in dial. de Orat. loquitur; nam prius horas sex ad dicendum lux

videbatur in Orat. pro Flacco dedisse. Necesse certe intra paucissimas horas petoratione cogebatur, et liberae compendinationes erant, et modum dicendi sibi quisque sumebat, et numerus neque dierum neque patronorum cavebatur, ut Tacitus in eodem dial. affirmat. Ternae vero tum horae datae sunt defensori; nam duae tantum dabantur accusatori. COARAD.

* *Annis ante decem*) Nempe A. V. C. 658, Crasso et Scaevola cons.

* *Quam tu es uatus*) Brutus igitur uatus erat A. V. C. 668, et quum hoc habebatur colloquium, annum agebat 39.

orationes utriusque etiam posteris nostris indicabunt.

95. Sed si quaerimus, cur adolescens magis floruerit dicendo, quam senior Hortensius, causas reperimus verissimas duas. Primum, quod genus erat orationis Asiaticum, adolescentiae magis concessum, quam senectuti. Genera autem Asiaticae dictionis duo sunt: unum sententiosum et argutum, sententiis non tam gravibus et severis, quam concinnis et venustis; quali in historia Timaeus, in dicendo autem, pueris nobis, Hierocles Alabandeus, magis etiam Menecles, frater eius, fuit: quorum utriusque orationes sunt in primis, ut Asiatico in genere, laudabiles. Aliud autem genus est non tam sententiis frequentatum, quam verbis volucre atque incitatum; quali est nunc Asia tota, nec flumine solum orationis, sed etiam exornato et facelo genere verborum: in quo fuit Aeschylus Cnidius, et meus aequalis Milesius Aeschines. In iis erat admirabilis orationis cursus, ornata sententiarum concinnitas non erat. Haec autem (ut dixi) genera dicendi aptiora sunt adolescentibus; in senibus gravitatem non habent. Itaque Hortensius utroque genere florens, clamores faciebat adolescens. Habebat enim et Menecleum illud studium crebrarum concinnarumque sententiarum; in quibus, ut in illo Graeco, sic in hoc, erant quaedam magis venustae dulcesque sententiae, quam aut necessariae, aut interdum utiles. Et erat oratio quum incitata et vibrans, tum etiam accurata et polita. Non probabatur haec senibus (saepe videbam cum irridentem, tum etiam irascentem et stomachantem Phi-

Primum) Sic Gn. 1, 2, idque defendit Hensingerus, quum Ernestius *primam* vellet reponere. Conf. illius adnotationes ad Cic. de Offic. I, 28, 8, et II, 5, 8. Ceterum *prima causa*, cur adolescens magis floruerit

dicendo, quam senior Hortensius, explicatur usque ad verba *remanebat idem, nec docebat idem* (p. 182, vers. 9). Deinde altera causa ponitur in eo, quod Hortensius *exerecrationem* studiumque remisit c. 95 extr.

lippum), sed mirabantur adolescentes, multitudo movebatur. Erat excellens iudicio vulgi, et facile primas tenebat adolescens. Etsi enim genus illud dicendi auctoritatis habebat parum, tamen aptum esse aetati videbatur; et certe, quod et ingenii quaedam forma lucebat, et exercitatione perfecta erat, verborumque adstricta comprehensio, suam hominum admirationem excitabat. Sed quum iam honores, et illa senior auctoritas gravius quiddam requireret, remanebat idem, nec decebat idem. Quodque exercitationem studiumque dimiserat, quod in eo fuerat acerrimum, concinnitas illa crebritasque sententiarum pristina manebat; sed ea vestitu illo orationis, quo consueverat, ornata non erat. Hoc tibi ille, Brute, minus fortasse placuit, quam placuisset, si illum flagrantem studio, et florentem aetate audire potuisses.

96. Tum Brutus, Ego vero, inquit, et ista, quae dicis, video qualia sint, et Hortensium magnum oratorem semper pulavi, maximeque probavi pro Messalla dicentem, quum tu abfuisti.

Erat excellens iudicio vulgi, et facile, primas tenebat adolescens. Haec verba hic interpolata esse arbitror. Nam priora erat — vulgi iam fuerant in verbis multitudo movebatur; et quae sequuntur: facile — adolescens paulo ante iam sic expressa erant: clamores faciebat adolescens. Praeterea hic illa flumen orationis et perpetuitatem turbant. Nam statim post: mirabantur adolescentes multitudo movebatur, agilissime sequuntur ista: etsi enim genus illud dicendi etc.

Et certe, quod et ingenii quaedam forma lucebat, et exercitatione perfecta erat, verborumque adstricta comprehensio. Haec optiora essent, ut arbitror, si sic legerentur: et certe,

quod ingenii quaedam forma lucebat, exercitatione perfecta, eratque verborum adstricta comprehensio. Huic coniecturae favent codd. Guelferbytani. In 1 et 2 enim omittitur et ante ingenii; et in Gu. 1 legitur verborum eratque adstricta.

Florentem aetate. Ex Ernestii emendatione. Vulg. *florantem facultate.*

* *Pro Messalla dicentem.* Pro M. Vellrio Messalla, qui Cos. fuerat cum Ca. Domitio Calpurnio A. V. C. 708, qui quum esset ambitus accusatus, Hortensio defendente absolutus est A. V. C. 702.

Quum tu abfuisti. Nempe procos. in Cilicia.

Sic ferunt, inquam, idque declarat totidem, quot dixit, ut aiunt, scripta verbis oratio. Ergo ille a Crasso consule et Scaevola usque ad Paullum et Marcellum consules floruit; nos in eodem cursu fuimus a Sulla dictatore ad eosdem fere consules. Sic Q. Hortensii vox extincta fato suo est, nostra publico.

Melius, quaeso, ominare, inquit Brutus.

Sit sane ut vis, inquam; et id non tam mea causa, quam tua: sed fortunatus illius exitus, qui ea non vidit, quum fierent, quae providit futura. Saepe enim inter nos impendentes casus deslevimus, quum belli civilis causas, in privatorum cupiditatibus inclusas, pacis spem a publico consilio esse exclusam videremus. Sed illum videtur felicitas ipsius, qua semper est usus, ab eis miseriis, quae consequutae sunt, morte vindicasse.

97. Nos autem, Brute, quoniam post Hortensii, clarissimi oratoris, mortem, orbae eloquentiae quasi tutores relictis sumus, domi teneamus eam, septam liberali custodia; et hos ignotos atque impudentes procos repudiemus, tueamurque, ut adultam virginem, caste, et ab amatorum impetu, quantum possumus, prohibeamus. Equidem, etsi doleo, me in vitam paulo serius, tanquam in viam, ingressum, priusquam con-

* *Usque ad Paullum et Marcellum consules*) Nimirum ut supra c. 63 memoravit. L. Paullus C. Marcello eos. (A. V. C. 703) mortuus est Hortensius, et in patronorum numero annos quatuor et quadraginta fuit.

* *Ad eosdem fere consules*) L. Paullum et C. Marcellum. Nam paucis mensibus ante eorum consulatum Cicerone dicere cessavit in Ciliciam profectus Ser. Sulpicio et M. Marcello coas. lib. V ad Att. ep. 21. Unde re-

versus incidit in ipsam flammam civilis discordiae vel potius belli. Variar. Epp. XVI, 10. COBRAD.

Et ab amatorum impetu) Cq. 1, 2, et *ab armatorum impetu*; ut vulgo. Id Heusingerus traxit ad studium armis perterritum c. 94. Sed praestat sine dubio lectio Manut. et Lambiniana, *ab amatorum impetu*; quod respondet verbis paulo ante positis: *impudentes procos repudiemus*.

fectum iter sit, in hanc reipublicae noctem incidisse : tamen ea consolatione sustentor, quam tu mihi, Brute, adhibuisti tuis suavissimis literis : quibus me forti animo esse oportere censebas, quod ea gessissem, quae de me, etiam tacente, ipsa loquerentur, mortuoque me, viverent; quae, si recte esset, salute reipublicae, sin secus, interitu ipso, testimonium meorum de republica consiliorum darent. Sed in te intueus, Brute, doleo, cuius in adolescentiam, per medias laudes quasi quadrigis vehementem, transversa incurrit misera fortuna reipublicae. Illic me dolor angit, haec me cura sollicitat, et hunc mecum, socium eiusdem et amoris et iudicii. Tibi favemus, te tua frui virtute cupimus: tibi optamus eam rempublicam, in qua duorum generum amplissimorum renovare memoriam atque augere possis. Tuum enim forum, tuum erat illud curriculum: tu illuc veneras unus, qui non linguam modo acuisses exercitatione dicendi, sed et ipsam eloquentiam locupletavisses graviorum artium instrumento, et iisdem artibus decus omne virtutis cum summa eloquentiae

Quae de me, etiam tacente, ipsa loquerentur, mortuoque me, viverent) Ita ordinanda esse haec verba bene monuit Ernestius; vulgo: *quae de me etiam tacente me, ipsa loquerentur, mortuoque viverent*.

* *Cuius in adolescentiam*) Hoc de Bruto dicitur more Romano adolescentiae fides definiendi. Nam Brutus initio belli civilis erat 36 annos natus.

Haec me cura sollicitat) Melius Gu. 1, 2: *haec cura sollicitat*, omnia pro hominis me repetitione.

Decet te) Gu. 1, te decet.

Commiserat) Rivius malebat *existi-*

litte. Verum esse vulgatum vidit Ernestius.

Duorum generum amplissimorum) Duorum gentium, Iuliae, ex qua natum esse Brutum constat, et Serviliae, ex qua nata erat mater eius Servilia. Vnde Philipp. II, cap. 11 ita scripsit: *Brutos ego impellerem, quorum uterque L. Bruti (qui Tarquinium regem eiecerat) imaginem quotidie videret, alter etiam Ahalae (C. Servilii Ahalae qui Sp. Maclium regnum affectantem interemerat)*. Et Philipp. X, c. 6: *Brutus noster quum sua excellentissima virtute Reip. natus tuus, futo quodam paterna materisque generis et nominis*. CORRAD.

laude iunxisses. Ex te duplex nos afficit sollicitudo, quod et ipse republica careas, et illa te. Tu tamen (etsi cursum ingenii tui, Brute, premit haec importuna clades civitatis) contine te in tuis perennibus studiis, et effice id, quod iam propemodum, vel plane potius effeceris, ut te eripias ex ea, quam ego con-gessi in hunc sermonem, turba patronorum. Nec enim decet te, ornatum uberrimis artibus, quas quum do-mo haurire non posses, arcessivisti ex urbe ea, quae domus est semper habita doctrinae, numerari in vulgo patronorum. Nam quid te exercuit Pammenes, vir longe eloquentissimus Graeciae? Quid illa vetus Aca-deinia, atque eius heres Aristus, hospes et familiaris meus, si quidem similes maioris partis oratorum futuri sumus? Nonne cernimus, vix singulis aetatibus binos oratores laudabiles constituisse? Galba fuit inter tot aequales unus excellens: cui, quemadmodum accepi-mus, et Cato cedebat senior. Et qui temporibus illis aetate inferiores fuerunt, Lepidus postea, deinde Car-bo: nam Gracchi in concionibus multo faciliore et li-beriore genere dicendi; quorum tamen ipsorum ad aetatem laus eloquentiae perfecta nondum fuit: Anto-nius, Crassus, post Cotta, Sulpicius, Hortensius: nihil dico amplius: tantum dico, si mihi accidisset, ut nu-merarer in multis, * si operosa est concursatio magis opportunorum, * * *

Operosa est) Gu. t, *operosa sit.*

Magis opportunorum * * *) Etsi pauca hic intercidisse credibile est, tamen quae fuerit eorum, quae desi-

derantur, sententia, ad liquidum per-
duci non potest. Nec satis constat,
utrum genuina sint ultimas verba an
corrupta.



M. TVLLII CICERONIS

AD

MARCVM BRVTVM

ORATOR.

SVMMARIVM

Quum saepius Cicero a M. Bruto rogatus esset, ut quale ei videretur eloquentiae genus, cui nihil addi posset, exponeret, hoc libro id quod ille rogaverat efficiendum suscepit, quamquam, ut in prooemio dicit, verendum erat, ne perfecti oratoris imagine retardaret studia multorum, qui desperatione debilitati experiri nollent, quod se assequi posse diffiderent; ac ne in summo oratore fingendo talem informaret, qualis fortasse nemo fuisset. Sed utramque dubitationem sic tollit, ut doceat, primum nec quod sit optimum in artibus desperandum esse, et in praestantibus rebus magna esse ea quae sint optimis proxima; deinde hic non quaeri, quis fuerit orator, sed quid sit illud in arte dicendi, quo nihil possit esse praestantius. Et quoniam haec ingressio videri poterat e media philosophia repetita, fatetur, se oratorem non ex rhetorum officinis, sed ex philosophiae spatiis extitisse, omninoque sine philosophia negat effici posse, quem quaerat, eloquentem. cap. 1-5.

Summa autem totius disputationis huc redit, ut doceatur oratorem perfectum eum esse, qui trium illorum generum dicendi vim consequutus sit, ut parva sumisse, modica temperate, magna graviter dicere possit. Peraeque autem in his omnibus floruisse perpaucos, multosque fuisse, qui Atticum dicendi genus in tenuitate et ieiunitate quadam ponerent, quum potius Attice dicere nihil aliud sit, quam in omni genere dicendi id quod insolens aut ineptum sit, vitare. cap. 6-9.

Praemissa igitur brevi generis epidictici descriptione cum Isocratidis laudibus coniuncta (cap. 11, 12), tria potissimum videnda oratori docet, quid, et quo quidque loco, et quomodo dicat. Ac duo prima breviter perstringit cap. 13-15. De modo autem dicendi fusius disserit, eumque oratione cap. 17, 18, et elocutione contineri docet. Hanc elocutionem oratoris primum seiungit ab oratione philosophorum, sophistarum (cap. 19), historicorum et poetarum (cap. 20); deinde eloquentem esse docet eum, qui in foro causis civilibus ita dicat, ut probeat, ut delectet, ut flectat. Huius eloquentiae fundamentum esse sapientiam, sine qua orator quid deceat in sententiis, et in verbis, quo nihil sit maius ac difficilius, intelligere non possit, cap. 21, 22. Tum trium illorum dicendi generum notam et formulam constituit, et quomodo orator in genere tenui cap. 23-26, in medio cap. 27, et in gravi cap. 28 decore versetur, exponit. Haec autem varietatem saepe in eadem oratione temperandam esse docet, quidque ipse in ea re assequutus sit, enarrat cap. 29-31. Neque vero perfecte eloquentis esse eam tantum facultatem habere, quae eius propria, sed potius eum dialecticis instructum omniumque philosophiae partium gnarum esse debere, ac ne iuris quidem civilis et historiae ignarum, cap. 32-34. Sic instructum venturum ad causas, quarum generibus cognitis semper ad id quod deceat accommodaturum orationem; in primis autem cum in universi generis quaestione, tum in amplificatione recte tractanda versaturum, cap. 35-37. Duo autem esse, quae bene tractata admirabilem eloquentiam faciant: alterum quod Graeci εὐλογία vocent, alterum περὶ τὸν λόγον; cap. 38. Praeterea magnum orationi ornamentum asferre figuras verborum et sententiarum, cap. 39, 40.

Sed haec nisi collocata et structa satis placere non posse. Quae de re dicturus primum non indignum esse sua persona ista docere demonstrat. Deinde recta collocatio verborum quae sit ostendit; in qua primum esse curandum, ut inter se quam aptissime cohaereant extrema cum primis, eaque sint quam suavissimis vocibus, cap. 44-48; deinde ut forma ipsa concinnitasque verborum orbem suum conficiat cap. 49; deoque ut comprehensio h. e. periodus apte et numerose cadat; cap. 50 sqq. Hic primum universe disputatur adversus eos, qui numerum oratorium reprehendebant, cap. 50, 51. Tum de numeri oratorii origine cap. 52, causa 53, natura 54, et

usq. 61 sqq. disseritur. Ac natura quidem eius fusi-
 catur cap. 54-60, ubi primum demonstratur esse in oratione
 numerum quemdam, cap. 55, deinde hi numeri poetice sint,
 an ex alio quodam genere, quaeritur cap. 56; tum qui ma-
 xime cadant in orationem aptam numeri cap. 57; deinde
 qui numeri cum quibus miscendi sint, et quibus generibus
 sint quique accommodatissimi, cap. 58; denique totone in
 ambitu verborum numeri tenendi sint, an in primis partibus
 atque in extremis, cap. 59. Postremo illa capita, quae per-
 tinent ad naturam numeri oratorii intelligendam, brevius
 repetuntur, cap. 60. *Usus* autem numeri oratorii sic expli-
 catur, ut primum in causis forensibus non semper, ut in
 epidictico genere, eo utendum esse doceatur, cap. 62; de-
 inde, quo loco sit adhibenda numerosa oratio, et quamdiu
 retinenda, cap. 63; tum quomodo mutetur comprehensio-
 nes et clausulae, cap. 64; deinde qui numerus ex composi-
 tione et genere consuetudinis consequatur, cap. 65, et quo-
 modo partim in incisis, partim in membris eluceat, cap.
 66, 67. *Ultimo* loco utilitas numeri oratorii exponitur.
 cap. 68-71.

Brevis epilogus totam disputationem Bruti iudicio submittit,
 cap. 72.

1. **V**trum difficilius aut maius esset negare tibi, sae-
 pius idem roganti, an efficere id, quod rogares, diu
 multumque, Brute, dubitavi. Nam et negare ei, quem
 unice diligere, cuique me carissimum esse sentirem,
 praesertim et iusta petenti, et praeclara cupienti, du-
 rum admodum mihi videbatur: et suscipere tantam
 rem, quantam non modo facultate consequi difficile
 esset, sed etiam cogitatione complecti, vix arbitraber
 esse eius, qui vereretur reprehensionem doctorum at-

Dubitavi) Hanc clausulam repre-
 hendit Quintilianus IX, 4, 101.

Praesertim et iusta petenti, et prae-

clara cupienti) Infra cap. 41: et ro-
 eta et honesta petenti.

Esse eius) Lamb. eius esse.

que prudentium. Quid enim est maius, quam, quum tanta sit inter oratores bonos dissimilitudo, iudicare, quae sit optima species, et quasi figura dicendi? Quod quoniam me saepius rogas, aggrediar, non tam perficiundi spe, quam experiundi voluntate. Malo enim, quum studio tuo sim obsequutus, desiderari a te prudentiam meam, quam, si id non fecerim, benevolentiam.

2. Quaeris igitur, idque iam saepius, quod eloquentiae genus probeum maxime, et quale mihi videatur illud, cui nihil addi possit, quod ego summum et perfectissimum indicem. In quo vereor, ne, si id, quod vis, effecero, eumque oratorem, quem quaeris, expressero, tandem studia multorum, qui desperatione debilitati, experiri id nolint, quod se assequi posse diffidant. Sed par est, omnes omnia experiri, qui res magnas et magno opere expetendas concupiverunt. Quodsi quem aut natura sua, aut illa praestantis ingenii vis forte deficiet, aut minus instructus erit inaguarum artium disciplinis: teneat tamen eum cursum, quem poterit. Prima enim sequentem, honestum est in secundis tertiusque consistere. Nam in poëtis, non Homero soli locus est (ut de Graecis loquar) aut Archilochus, aut Sophocli, aut Pindaro; sed horum vel secundis, vel etiam infra secundos. Nec vero Aristotelem in philosophia deterruit a scribendo amplitudo Platonis; nec ipse Aristoteles admirabili quadam scientia et copia ceterorum studia restinxit. Nec solum ab optimis stu-

Perficiundi) Sic Gu. 2, 3, quod probat Heusingerus, quia sequitur *experiendi*. Ita et Victor. Vulg. *perficiendi*.

Cui nihil addi possit) Gu. 3, Ed. Omnib. *quo nihil addi possit*, non

male, indice Heusingero.

* *Expressero*) Hoc non a pictura, ut Strebaeus putabat, sed ab arte statuaris ductum.

Experiri id nolint) Sic Guelf. 2. Vulg. *nolent*. Ernestius delevit id.

diis excellentes viri deterriti non sunt, sed ne opifices quidem se ab artibus suis removerunt, qui aut Ialysi, quem Rhodi vidimus, non potuerunt, aut Coae Veneris pulcritudinem imitari. Nec simulacro Iovis Olympii, aut Doryphori statua deterriti reliqui minus experti sunt, quid efficere, aut quo progredi possent: quorum tanta multitudo fuit, tanta in suo cuiusque genere laus, ut, quum summa miraremur, inferiora tamen probaremus. In oratoribus vero, Graecis quidem, admirabile est, quantum inter omnes unus excellat. Ac tamen, quum esset Demosthenes, multi oratores magni et clari fuerunt, et antea fuerant, nec postea defecerunt. Quare non est, cur eorum, qui se studio eloquentiae dediderunt, spes infringatur, aut languescat industria. Nam neque illud ipsum, quod est optimum, desperandum est; et in praestantibus rebus, magna sunt ea, quae sunt optimis proxima.

3. Atque ego in summo oratore fingendo talem informabo, qualis fortasse nemo fuit. Non enim quaero, quis fuerit, sed quid sit illud, quo nihil possit esse praestantius: quod in perpetuitate dicendi non saepe, atque haud scio an nunquam, in aliqua autem parte eluceat

Deterriti) Quia paulo ante est *deterruit*, et statim iterum *deterriti*, suspicor Ciceronem hic scripsisse *deducti*, quod melius etiam responderet verbo *se removerunt*.

Non sunt) Quia saepe post non solum altera negatio, sequente *ne* — quidem, omittitur, hic quoque eam omittendum censuit Ernesti.

Ialysi) Tabulae Protonia.

Coae Veneris) Ab Apelle pictae. *Simulacro Iovis Olympii*) Nobilissimo Phidiae opere.

Doryphori statua) A Polycleto

fabricata.

Ac tamen) Sic Gn. 2, 3 melius, quam ut vulgo *attamen*.

Qui se studio eloquentiae dediderunt) Gu. 2, qui studio eloquentiae se dediderunt.

Atque haud scio an nunquam) Sic ex consuetudine Latini sermonis cum Lambino legendum. Vulgo *an unquam*; et sic etiam Gn. 2, 3.

Eluceat) Ita Gu. 2, 3, ed. Omnib. Victor. rectius quam, ut Ernestius rescripsit, *alucet*. Est enim cum aliqua dubitatione dictum.

aliquando, idem apud alios densius, apud alios fortasse rarius. Sed ego sic statuo, nihil esse in ullo genere tam pulcrum, quo non pulcrius id sit, unde illud, ut ex ore aliquo, quasi inago, exprimatur: quod neque oculis, neque auribus, neque ullo sensu percipi potest, cogitatione tantum et mente complectimur. Itaque et Phidiae simulacris, quibus nihil in illo genere perfectius videmus, et his picturis, quas nominavi, cogitare tamen possumus pulciora. Nec vero ille artifex, quum faceret Iovis formam, aut Minervae, contemplabatur aliquem, e quo similitudinem duceret; sed ipsius in mente insidebat species pulcritudinis eximia quaedam, quam intuens, in eaque defixus, ad illius similitudinem artem et manum dirigebat. Ut igitur in formis et figuris est aliquid perfectum et excellens, cuius ad cogitatam speciem imitando referuntur ea, quae sub oculos ipsa cadunt: sic perfectae eloquentiae speciem animo videmus, effigiem auribus quaerimus. Has rerum formas appellat *ideas* ille non intelligendi solum, sed etiam dicendi

Densius — rarius) Haec non adverbis, sed adiectiva esse suspicatur Gesnerus in Thes. L. L. voc. *denso*.

* *Quo non pulcrius id fit etc.*) Methodum hic Platoniceum ab Aristotele diversum sequitur Tullius. Plato via sapientiae altissimas rerum causas investigat; ideas rerum perfectissimas mente exprimit, et ab universalibus, ut aiunt, ad singulorum descendit. Aristoteles via scientiae proximam rerum causam inquirit, et a singularibus ad universalia progreditur. De perfecto oratore si discernendus sit Aristoteleo more, videndum quid in singulis oratoribus sit eximum, et collatis singulorum virtutibus, exprimenda generatim oratoris imago. At si dicendum sit more Platonico, perfectae eloquentiae species cogitatione

comprehendenda, ad quam singulos oratores dirigamus. PAVSY.

Complectimur) Ed. Talich. *complectitur*.

* *Appellat ideas*) Idea Platonica aliud nihil est, nisi rei naturalis exemplum: ut eorum prudens artifex ex imagine, quam animo informavit, opus dirigit et efficit; ita Deus, cuius infinita est providentia, ex specie, quae divinae menti insidet, omnia molitur. Haec porro species est idea, quae non fingitur, sed semper est, ac ratione et intelligentia continetur. Quo propius ad illam ideam accedit opus aliquod, eo perfectius censetur. Exempli gratia, pulcritudo in corporibus est magis expressa ideae similitudo. Eiusmodi rerum ideae ut, cum hominum animis innotet sint,

gravissimus auctor et magister, Plato; easque gigni negat, et ait semper esse, ac ratione et intelligentia contineri: cetera nasci, occidere, fluere, labi, nec diutius esse uno et eodem statu. Quidquid est igitur, de quo ratione et via disputetur, id est ad ultimam sui generis formam speciemque redigendum.

4. Ac video, hanc primam ingressiorem meam non ex oratoriis disputationibus ductam, sed e media philosophia repetitam, et eam quidem cum antiquam, tum subobscuram, aut reprehensionis aliquid, aut certe admirationis habituram. Nam aut mirabuntur, quid haec pertineant ad ea, quae quaerimus; quibus satisfaciet res ipsa cognita, ut non sine causa alte repetita videatur: aut reprehendent, quod inusitatas vias indagemus, tritas relinquamus. Ego autem et me saepe nova videri dicere intelligo, quum pervetera dicam, sed inaudita plerisque; et fateor, me oratorem, si modo sim, aut etiam quicumque sim, non ex rhetorum officinis, sed ex Academiae spatiis exstitisse. Illa enim sunt cur-

an adventitiae, et usu acquirendae, disceptant Platonici. Vide Platonem in Parmenide, in Timaeo, lib. X de Rep. etc. PAVST.

* *Ex oratoriis*) Ita scribendum fuit, praecuntibus Strebato et Gronovio. Est enim i. q. *rhetorialis*. Vulg. *ex oratoris*.

* *E media philosophia*) Mediam philosophiam dicit illam secretissimam, quia secretiora sunt ea, quae rebus in mediis latent. *Antiquam*, accipe Platoniam. *Subobscuram*, quod idearum species non cadit in sensum, sed in mentem et cogitationem. STREB.

Antiquam — subobscuram) Strebaeus videtur legisse: *antiqua — subobscura*, ut ad philosophiam, non ad

ingressiorem referatur. Melius autem fortasse fuerit: et eo (i. q. idcirco) quidem quum antiquam tum subobscuram. Nempe ingressio a doctrina Platonis de ideis petita, ideo poterat et antiqua et subobscura videri.

* *Et fateor, me oratorem*) Hunc locum respexit auctor de causis comp. eloqu. c. 32, et Quintil. inst. or. XII, 2, 23.

* *Non ex rhetorum officinis, sed ex Academiae spatiis exstitisse*) Quintil. l. I, M. Tullius non tantum se debere scholis rhetorum quantum Academiae spatiis frequenter testatus est.

* *Illae enim sunt curricula multiplicium variorumque sermonum*) Cic. Tusc. Qu. II, c. 3: Itaque mihi semper Peripateticorum Academiae sequi-

ricula multiplicium variorumque sermonum, in quibus Platonis primum impressa sunt vestigia: sed et huius et aliorum philosophorum disputationibus et exagitatus maxime orator est, et adiutus. Omnis enim ubertas, et quasi silva dicendi ducta ab illis est, nec satis tamen instructa ad forenses causas; quas, ut illi ipsi dicere solebant, agrestioribus Musis reliquerunt. Sic eloquentia haec forensis, sprete a philosophis et repudiata, multis quidem illa adiumentis magnisque caruit; sed tamen ornata verbis atque sententiis, iactationem habuit in populo, nec paucorum iudicium reprehensionemque pertimuit. Ita et doctis eloquentia popularis, et disertis elegans doctrina defuit.

5. Positum sit igitur in primis (quod post magis intelligitur) sine philosophia non posse effici, quem quaerimus, eloquentem: non ut in ea tamen omnia sint, sed ut sic adiuvet, ut palaestra histrionem. Parva enim magnis saepe rectissime conferuntur. Nam nec latius, nec copiosius de magnis variisque rebus sine philosophia potest quisquam dicere. Siquidem etiam in Phaedro Platonis hoc Periclem praestitisse ceteris dicit

conmuetudo de omnibus rebus in contrarias partes disserendi non ob eam causam solum placuit, quod aliter non posset, quid in unaquaque re verisimile esset, inveniri, sed etiam quod esset ea maxima docendi exercitatio. Cf. de Nat. deor. II, c. 67.

* Et exagitatus) v. c. a Platone in Gorgia.

Agrestioribus Musis) Plat. Tbedet. cap. 26.

* Palaestra histrionem) Histriones sunt actores fabularum, qui mitti solebant ad palaestras. Et id Quintilianus fieri suadet, ut exercitatione palaestras membra decentius et cordus moverent, aptiusque gestum com-

ponerent: cuius exactiores severos Athenienses fuisse constat, atque Romanos, recepta celebritate et magnificentia ludorum scenicarum. Ut igitur in scena videntes histrionem prudentiores, operamne palaestrae dederit, intelligunt: ita qui dicentem audimus oratorem, sentiant quantum disciplina et eruditione profecerit: utque plus habet histrio quam palaestra, sic summus orator, quem philosophus ille cui popularis eloquentia docet. PRYSR.

Nam nec latius) Nam neque latius Gueif. 2, 3.

* In Phaedro Platonis) c. 120, p. 326 ed. Heindorf. Κρίνωμεν, ὃ ἀπα-

oratoribus Socrates, quod is Anaxagorae physici fuerit auditor; a quo censet, eum, quum alia praeclara quaedam, et magnifica didicisset, uberem et fecundum fuisse, gnarumque (quod est eloquentiae maximum), quibus orationis modis quaeque animorum partes pellerentur. Quod idem de Demosthene existimari potest; cuius ex epistolis intelligi licet, quam frequens fuerit Platonis auditor. Nec vero sine philosophorum disciplina, genus et speciem cuiusque rei cernere, neque eam definiendo explicare, nec tribuere in partes possumus; nec iudicare, quae vera, quae falsa sint; neque cernere consequentia, repugnantia videre, ambigua distinguere. Quid dicam de natura rerum, cuius cognitio magnam orationi suppeditat copiam? de vita, de officiis, de virtute, de moribus, sine multa earum ipsarum rerum disciplina, aut dici, aut intelligi potest? Ad has tot, tantasque res adhibenda sunt ornamenta innumerabilia, quae sola tum quidem tradebantur ab iis, qui dicendi numerabantur magistri. Quo fit, ut veram illam et absolutam eloquentiam nemo consequatur: quod alia intelligendi, alia dicendi disciplina est; et ab aliis rerum, ab aliis verborum doctrina quae-ritur. Itaque M. Antonius, cui vel primas eloquentiae patrum nostrorum tribuebat aetas, vir natura peracu-

στε, εὐχότως ὁ Περικλῆς πάντων τε-
λειώτατος εἰς τὴν ῥητορικὴν γενέσθαι.
Προσπιστὼν γὰρ, οἶμαι, τοιοῦτον ὄντι
Ἀναξαγόρῃ, μαθησιαστικῆς ἐμπληθεῖς
καὶ ἐπιφάνειαν αὐτῇ καὶ ἀνοίας ἀρετῆμα-
τος, ὃ δὲ περὶ τὸν πολὺν λόγον ἐποίησε
Ἀναξαγόρας, ἐντεύθεν εἰλαυσεν ἐπὶ τῇ
τῶν λόγων τέχνῃ τὸ πρόσφορον αὐτῇ.

Quum — didicisset, uberem et fe-
cundum fuisse) Foras legendum :
quum — didicisse, tum uberem et fe-
cundum fuisse.

Magnam orationi suppeditat co-
piam) Vulg. minus haec : m. oratio-
nis s. c. Sed ed. Ven. Med. Asc. ha-
bent oratoris, unde colligere possum,
scriptum fuisse oratori, quod ipsum
h. l. satis aptum esset.

Sine multa earum ipsarum rerum
disciplina) Ed. Omnib. sine multa-
rum rerum disciplina. Male. Nam Ci-
cero dicit de virtute, de moribus,
nec dici nec intelligi posse, nisi quis
de iis multa e philosophia didicisset.

tus et prudens, in eo libro, quem unum reliquit, *disertos* ait se vidisse multos, *eloquentem* omnino neminem. Insidebat videlicet in eius mente species eloquentiae, quam cernebat animo, re ipsa non videbat. Vir autem acerrimo ingenio (sic enim fuit), multa et in se et in aliis desiderans, neminem plane, qui recte appellari eloquens posset, videbat. Quodsi ille nec se, nec L. Crassum eloquentem putavit, habuit profecto comprehensam animo quandam formam eloquentiae; cui quoniam nihil deerat, eos, quibus aliquid aut plura deerant, in eam formam non poterat includere. Investigemus hunc igitur, Brute, si possumus, quem nunquam vidit Antonius, aut qui omnino nullus unquam fuit; quem si imitari atque exprimere non possumus, quod idem ille vix Deo concessum esse dicebat, at qualis esse debeat, poterimus fortasse dicere.

6. Tria sunt omnino genera dicendi, quibus in singulis quidam floruerunt; peraeque autem (id quod volumus), perpauci in omnibus. Nam et grandiloqui, ut ita dicam, fuerunt cum ampla et sententiarum gran-

* *Investigemus*) H. e. investigando reperimus: additur enim, *si possumus*.

* *Imitari atque exprimere*) H. e. oratoris ideam suo exemplo referre.

* *Idem ille*) Antonius in eodem libro, quem unum reliquerat.

* *Tria sunt omnino genera dicendi*) Duo genera facit Brut. c. 55.

* *Tria sunt genera dicendi*) Haec est Graecorum doctrina, qui triplicem dicendi characterem statuunt, ἀγρόν, ἰσχυρὸν, μέσον, uberem, gracilem, mediocre. Vberi dignitas est et amplitudo: gracili venustas et subtilitas; medius in confinio est, utriusque modi particeps. His singulis virtutibus vitis agnata sunt. Sufflavi atque

tumidi fallunt pronberibus, squalentes et ieinni dicti pro gracilibus, incerti et ambigui pro mediocribus. Gellius lib. VII, c. 14. Grandiloquus est Cicero in oratione pro Milone, tenuis et acutus quem dicit pro Caecina, temperatus in oratione pro lege Manilia. Prvst.

* *Id quod volumus*) Nempe perfectum oratorem peraeque in omnibus dicendi generibus excellere.

* *Grandiloqui ut ita dicam*) His verbis adiectis audaciam novi vocabuli grandiloquus mollire aut excusare cupit.

* *Sententiarum granditate*) Vulgo: *sententiarum gravitate*. At quia statim sequitur graves, h. l. *granditate*

ditate et maiestate verborum, vehementes, varii, copiosi, graves, ad permovendos et convertendos animos instructi et parati; in quo ipso alii aspera, tristi, horrida oratione, neque perfecta, neque conclusa; alii laevi, et structa, et terminata: et contra tenues, acuti, omnia docentes, et dilucidiora, non ampliora, facientes, subtili quadam et pressa oratione limati. In eodemque genere alii callidi, sed impoliti, et consulto rudium similes et imperitorum; alii in eadem ieunitate concinniores, id est, faceti, florentes etiam, et leviter ornati. Est autem quidam interiectus, inter hos medius, et quasi temperatus, nec acumine posteriorum, nec fulmine utens superiorum, vicinus amborum, in neutro

scribendum erat. Sic infra c. 9: *non illum quidem amplam atque grandem.*

* *Et structa*) Vulgo legitur *instructa*, quod Strabaeus explicat, verbis digesta, qualis est acies ordine collocata. Melius tamen, quod Ernestius dedit *structa*. Significat enim aptam verborum constructionem, de qua agit cap. 44 sqq. *Terminata*, quod statim sequitur, refertur ad artem verba finiendi vel compositione, vel genere verborum, in quibus ipsis concinnitas inest. cap. 49 sqq.

* *Callidi*) H. e. in rebus ipsis excogitandis prudentes, bene dividentes, crebri quoque sententiis.

* *Imperatorum*) Nempe *imperiti* b. l. dicuntur ii, qui non sunt periti artis orationem exornandi.

Id est faceti) Facietinum in hoc genere tenui infra quoque mentionem facit cap. 26. Melius autem forsitan fuerit omittere voculas *id est*, ut sic procedant verba: *alii in eadem ieunitate concinniores, faceti, florentes etiam, et leviter ornati*. Si tamen geninum sit *id est*, haec explicandi formula non ad verbum *faceti* solum,

sed ad omnia quae sequuntur, referenda: ita ut *concinniores* non de concinnitate proprie sic dicti accipiantur, sed de omni orationis expositione, quae salibus, floribus, ornamentisque levioribus censeatur.

Nec acumine posteriorum, nec fulmine utens superiorum) Optimam hanc lectionem *fulmine*, quod recte et eleganter opponitur *acumini*, tuetur Guelf. 1, 2. Male vulgo *flumine*. C. 70 de Demosthene: *cuius non tam vibrarent fulmina illa, nisi numeris contorta ferrentur*.

Vicinus amborum) Mirum est, Camersio (quem multi deinde sequuti sunt) placere potuisse lectionem Nonii (v. *Cinnus*), ut *cinnus amborum*. Quia enim *cinnus* est *commissio plurium*, ut Nonius ipse interpretatur, quasi *κυνεῖς*, quomodo medium genus dicendi Cicero potuisset *cinnus* generis tenuis et sublimis appellare, qui statim dicturus erat *utriusque partiops, vel utriusque, si verum quaerimus, potius espers*. Nomen ridiculum esset, si quis, qui mutum dixisset *cinnus mellis et vini*,

excellens, utriusque pariceps, vel utriusque, si verum quaerimus; potius expers. Isque uno tenore, ut aiunt, in dicendo fluit, nihil afferens praeter facilitatem et aequabilitatem; aut addit aliquos, ut in coronâ, toros, omnemque orationem ornamentis modicis verborum sententiarumque distinguit.

7. Horum singulorum generum quicumque vim singuli consequuti sunt, magnum in oratoribus nomen habuerunt. Sed quaerendum est, satisne id, quod volumus, effecerint. Videmus enim fuisse quosdam, qui iidem ornate ac graviter, iidem versute et subtiliter dicerent. Atque utinam in latinis talis oratoris simulacrum reperire possemus! esset egregium non quaerere externa, domesticis esse contentos. Sed ego idem, qui in illo sermone nostro, qui est expositus in Bruto, multum tribuerim latinis, vel ut hortarer alios, vel

statim adûceret, mustum esse utriusque pariceps, vel potius utriusque, mellis et vini, *expers*? Neque vero viderunt, quibus ista lectio placuit, h. l. oratorem dici, non orationem, ut magis etiam absurdum esset oratorem cum cinno comparari. Optimo iure igitur Schneiderus quoque nuper hanc lectionem prorsus repudiavit ep. ad Langerum p. 52. Similitudo, quae Cicero hic utitur, ducta est a regionibus duabus dissitis, quae tertia quadam interiecta separantur. Quam qui incolunt, vicini sunt ambarum, utriusque participes, seu potius utriusque expertes. Et sic orator medius nec leuiss est nec sublimis, sed inter utrumque interiectus et vicinus ambarum. Denique lectionem vicinus confirmat Gellius, qui sine dubio hunc locum imitatus est Noet. Att. VII, 14: *Et in carmine et in saluta oratione generi dicendi probabilia sunt tria, quae Graeci παρακτῆρας vocant, nominaque eis*

fecerunt ἀδρὺν, ἰσχυρὸν, πλεον. Nos, quem primum posuimus, uberem vocamus, secundum graecilem, tertium mediocre. Vbi dignitas atque amplitudo est; gracili venustas et subtilitas; in confinio est utriusque modi pariceps.

In neutro excellens) Lambin neutro excellens, melius fortasse.

* *Vt in corona, toros*) Volabile genus orationis et rotundum ut corona, suscipit ad ornamentum partes eminentiores, quasi toros, ne tanquam politum marmor, varietatis incunditate careat. STRABAEVS.

Horum singulorum generum quicumque vim singuli consequuti sunt) Vulgo erat *singulis* consequuti sunt, quod quum esset aperte vitiosum, non tamen ut Ernestius placebat, *singulis* delendum erat. In promtu enim erat corrigere *singuli*, ut fecimus. Sic de Orat. I, 2: *quum boni perdis nulli, vix autem singulis aetatibus singuli*

quod amarem meos, recordor longe omnibus unum anteferre Demosthenem, qui vim accommodarit ad eam, quam sentiam, eloquentiam, non ad eam, quam in aliquo ipse cognoverim. Hoc nec gravior existit quisquam, nec callidior, nec temperatior. Itaque nobis monendi sunt ii, quorum sermo imperitus increbuit, qui aut dici se desiderant Atticos, aut ipsi Attice volunt dicere, ut mirentur hunc maxime, quo ne Athenas quidem ipsas magis credo fuisse Atticas. Quid enim sit Atticum, discant, eloquentiamque ipsius viribus, non imbecillitate sua, metiantur. Nunc enim tantum quisque laudat, quantum se posse sperat imitari. Sed tamen eos studio optimo, iudicio minus firmiter praeditos, docere, quae sit propria laus Atticorum, non alienum puto.

8. Semper oratorum eloquentiae moderatrix fuit

tolerabiles oratores invenirentur: et de Leg. II, cap. 12: plures decorum omnium, singuli singulorum sacerdotes sunt.

* Recordor longe omnibus unum anteferre Demosthenem) Nempe in Bruto cap. 9.

Quo ne Athenas quidem ipsas magis credo fuisse Atticas) Guelf. I, Ed. Omnib. Victor. quo Athenas quidem ipsas magis credo fuisse Atticas, quae lectio sic placuit Schneidero ep. ad Langerum p. 13, ut vulgatam etiam ineptam diceret. Atqui haec Cicero- nis consilio aptissima est. Ut enim in Bruto cap. 85 de Demetrio Phalereo dicitur: *Mihi quidem ex illius orationibus redolere ipsae Athenae videntur*, sic h. l. de Demosthene, ne Athenas quidem ἀττικωτέρως illo fuisse, id est, Demosthenam Attici dicendi generis omnium optimum exemplar fuisse. Eodem modo dicit Plinius, sed magis

ὑπερβολικῶς, Epp. IV, 3: non ipsas Athenas tam Atticas dixerim.

* Quid enim sit Atticum, discant, eloquentiamque ipsius viribus, non imbecillitate sua, metiantur) Sic Tusc. Qu. II, 1: reperiebantur nonnulli, qui nihil laudarent, nisi quod se imitari posse confiderent, quemque sperandi sibi, eundem et bene dicendi finem proponerent, et quum obruerentur (a me) copia sententiarum atque verborum, ieiunitatem et famem se malle, quam ubertatem et copiam dicerent, unde erat exortum genus Atticorum, iis ipsis, qui id sequi se profitebantur, ignotum, qui iam conticuere, paene ab ipso foro irrisi.

* Docere, quae sit propria laus Atticorum, non alienum puto) Cum toto loco, qui sequitur cap. 8, 9 de Attico dicendi genere, comparandus est Quintilian. de Inst. Or. XII, 10.

auditorum prudentia. Omnes enim, qui probari volunt, voluntatem eorum qui audiunt, intuentur, ad eamque, et ed eorum arbitrium et nutum totos se fingunt et accommodant. Itaque Caria, et Phrygia, et Mysia, quod minime politae, minimeque elegantes sunt, adsciverunt aptum suis auribus opimum quoddam et tanquam adipale dictionis genus, quod eorum vicini (non ita lato interiecto mari) Rhodii nunquam probaverunt, Graeci multo minus, Athenienses vero funditus repudiaverunt: quorum semper fuit prudens sincerumque iudicium, nihil ut possent, nisi incorruptum, audire, et elegans. Eorum religioni quum serviret orator, nullum verbum insolens, nullum odiosum ponere audebat. Itaque hic, quem praestitisse diximus ceteris, in illa pro Ctesiphonte oratione longe optima, summissus a primo; deinde, dum de legibus disputat, pressus; post sensim incendens iudices, ut vidit ardentes, in reliquis exsultavit audacius. Ac tamen in hoc ipso, diligenter examinante verborum

Et tanquam adipale dictionis genus) Sic Guelf. 1, 2, Ed. Omanib. idque cum Strebaceo recte probaverunt Ernestinus et Schneiderus (l. l. p. 53). Vulg. *lectioris et tanquam adipatae* auctor est Nonius Marcellus.

* *Prudens sincerumque iudicium*) *Prudentia* iudicii ad rerum pulcritudinem intelligentiam, *sinceritas* ad puritatem ab omni contagio vitiositatis spectat.

* *Eorum religioni*) Religio hic est illis Atticorum in iudicando subtilitas et scrupulositas, quae omne, quod esset corruptum, et parum elegans in artibus, eloquentia praesertim, fastidiebant. Itaque mox eorum aures teretes et religiosas appellat c. 9.

Post sensim incendens iudices, ut vidit ardentes) Optima haec lectio

incendens, quam tenebat Guelf. 1, item Ox. & dudum iniuria cessit falsae *incedens*. Illam Schneiderus quoque l. l. defendit, ita tamen, ut commiste post *incendens* posito, *iudices ut vidit ardentes*, coniungat. Nos aptius interstinxisse nobis videtur. Incendii imago de oratione effectus concitante paulo post recurrit in verbis: *Facile est enim verbum ardens* — *notare idque restinctis animorum incendiis irridere*. Item de Orat. II, 41: *Vt enim nulla materies tam facilis ad exardescendum est, quae nisi admoto igni, ignem concipere possit; sic nulla mens est tam ad comprehendendam vim oratoris parata, quae possit incendi, nisi inflammatus ipse ad eam et ardens accesseris*. Cf. Orat. c. 38.

omnium pondera, reprehendit Aeschines quaedam et exagitat, illudensque, dira, odiosa, intollerabilia esse dicit. Quin etiam quaerit ab ipso, quum quidem eum belluam appellet, utrum illa verba, an portenta sint: ut Aeschini ne Demosthenes quidem videatur Attice dicere. Facile est enim verbum aliquod ardens (ut ita dicam) notare, idque restinctis iam animorum incendiis irridere. Itaque se purgans iocatur Demosthenes: negat, in eo positas esse fortunas Graeciae, hoc an illo verbo usus sit, huc an illuc manum porrexerit. Quonam igitur modo audiretur Mysus, aut Phryx Athenis, quum etiam Demosthenes exagitetur, ut putidus? Quum vero inclinata ululantiq[ue] voce, more Asiatico, canere coepisset, quis eum ferret? aut quis potius non iuberet auferri?

9. Ad Atticorum igitur aures teretes et religiosas

Reprehendit Aeschines Locus est in orat. contra Ctesiph. cap. 53 (p. 555 ed. Reisk.), οὐ μέμνησθε αὐτοῦ τὰ μικρὰ καὶ ἀπὸ λαῶν ῥήματα, ἀ πῶς ποθ' ὑμᾶς ὧ σιδήρεσι, ἐκαρτερεῖτε ἀπρόσωμοι; οἳ ἔση ταρβήδων ἀμπελουργοῦσι τινες τὴν πόλιν ἀνατατμήκασι τινες τὰ κλήματα τοῦ δήμου — ὑποτέμνεται τὰ νῦν τῶν πραγμάτων — φορμοβορούμεθα ἐπὶ τὰ στενά — τινες πρώτου (leg. e Toupīi emendatione τῶν γλωττίων) ὥσπερ τὰς βελόνας διαίρουσι. ταῦτα δὲ τίνος ἐστίν, ὧ νῦν ἄδεις, ῥήματα ἢ θαύματα;

Hoc an illo verbo usus sit, huc an illuc manum porrexerit Vulgo: in hoc eum huc an illuc manum porrexerit. Demosthenis autem verba haec sunt: Orat. pro Ctesiph. p. 305, vol. I ed. Reisk. πάνυ γὰρ παρὰ τοῦτο, εὐχ ὄρας, γέγονε τὰ τῶν Ἑλλήνων πράγματα, εἰ τοῦτ' ἐστὶ τὸ ῥῆμα, ἀλλὰ μὴ τοῦτ' ἐστὶ διὰ τὴν ἐγὼ, ἢ δυνὶ τὴν γῆρα, ἀλλὰ μὴ δυνὶ παρήνευκα.

Vnde iam Strebaeus post Mauntium emendavit: hoc an illud verbum dixerit, huc an illuc manum porrexerit. Maluitamen Ambrosii verbis, ex eius commentar. in Lucan, lib. II, cap. 2, a Paulo Mauntio Ernestioque laudatis, uti, qui ipsam Ciceronis scripturam expressisse videtur: hoc an illo verbo usus sit.

* *Inclinata ululantiq[ue] voce — canere coepisset* Infra cap. 18: huc e Phrygia et Caria motorum epilogus paene canticum.

* *Atticorum igitur aures teretes* Dixit hic Cicero teretes aures, sicut Horatius os rotundum: Graiis dedit ore rotundo Musa loqui. Acron interpretatur os perfectum. Aures ergo teretes, perfectae, perpolitae, delicatae, quaeque sonis asperioribus facillime laeduntur. Religiosae vero, quae nihil corruptum, nihil foedum, nihil putidum admittunt: contra legunt pura omnia, sancta, et incorrupta.

qui se accommodant, ii sunt existimandi Attici dicere. Quorum genera plura sunt, si unum modo quale sit, suspicantur. Putant enim, qui horride inculteque dicat, modo id eleganter euucleateque faciat, eum solum Attice dicere. Errant, quod solum: quod Attice, non falluntur. Istorum enim iudicio si solum illud est Atticum, ne Pericles quidem dixit Attice, cui primae sine controversia deferebantur. Qui si tenui genere uteretur, nunquam ab Aristophane poeta, fulgurare, tonare, permiscere Graeciam dictus esset. Dicat igitur Attice venustissimus ille scriptor ac politissimus Lysias. Quis enim id possit negare? dum intelligamus, hoc esse Atticum in Lysia, non quod tenuis sit, atque inornatus, sed quod nihil habeat insolens aut ineptum. Ornuate vero et graviter et copiose dicere, aut Atticorum sit, aut ne sit Aeschines, neve Demosthenes Atticus. Ecce autem aliqui se Thucydidos esse profitentur, novum quoddam imperitorum et inauditum genus. Nam qui Lysiam sequuntur, causidicum quendam sequuntur: non illum quidem amplum, atque grandem; subtilem et elegantem tamen, et qui in forensibus causis possit praeclare consistere. Thucydides

fieri solet in observatione caeremoniarum. PAVST.

* *Hi unum modo quale sit*) Sensus est: Attice dicentium plura sunt genera, sed Latini qui se dicere Attice putant, unum sibi genus quaecumque sit, fingunt. ID.

* *Modo id eleganter euucleateque faciat*) Eleganter de prudenti sententiarum verborumque delectu, euucleate de diligentiet perspicua rerum expositione.

* *Errant quod solum, quod Attice, non falluntur*) Sic infra cap. 25 de subtili oratore: quem nisi quod solum,

oeteroquin recte quidem vocant Atticum.

Fulgurare, tonare, permiscere Graeciam) Verba sunt Aristophanis Acharn. v, 530: ἡστράπτει, ἀερόντα, συγχέουσα τὴν Ἑλλάδα.

Hoc esse Atticum in Lysia) Eandem sententiam defendit Cic. in Bruto cap. 82, 85.

Thucydidos esse profitentur) Esse delendum videtur Ernestio; nec eam in hac forma loquendi addi solere. Sane melius hic abfuerit, etsi non desunt alii loci, ubi item additur esse.

* *Thucydides autem*) Cf. cap. 12 (pag. 209, v. 7).

autem res gestas et bella narrat et proelia, graviter sane et probe: sed nihil ab eo transferri potest ad forensem usum et publicum. Ipsae illae conciones ita multas habent obscuras abditasque sententias, vix ut intelligantur; quod est in oratione civili vitium vel maximum. Quae est autem in hominibus tanta per-versitas, ut, inventis frugibus, glande vescantur? An victus hominum, Atheniensium beneficio excoli potuit, oratio non potuit? quis porro unquam Graecorum rhetorum a Thucydide quidquam duxit? At laudatus est ab omnibus. Fateor; sed ita ut rerum explicator prudens, sincerus, gravis; non ut in iudiciis versaret causas, sed ut in historiis bella narraret. Itaque nunquam est numeratus orator. Nec vero, si historiam non scripsisset, nomen eius non exstaret, quum praesertim fuisset honoratus et nobilis. Huius tamen nemo neque verborum, neque sententiarum gravitatem imitatur: sed, quum mutila quaedam et hiantia loquuti sunt, quae vel sine magistro facere potuerunt, germa-

* *Ipsae illae conciones*) Orationes quas interposuit, ut ait in Bruto c. 81.

* *Atheniensium beneficio*) Primos omnium Athenienses agriculturae rationem a Triptolemo edoctos fuisse, memoriae proditum est. PAVS.

* *Graecorum rhetorum*) Vocabulo rhetorum utitur, ubi de Graecis oratoribus loquitur, ne quis hic oratorum substituendum putet. Alias enim *rhetores* apud Cicronem sunt artis rhetoricae magistri.

* *A Thucydide quidquam duxit*) Nempe negat quemquam oratorum graec. in causis civilibus et popularibus unquam Thucydidem imitatum fuisse. Non repugnat igitur, ut Strabens putabat, Demosthenem Thucydidis orationes edidicisse.

* *Rerum explicator prudens, sin-*

rus, gravis) In Bruto c. 83 de eodem Thucydide: *rerum gestarum pronuntiator sincerus et grandis etiam fuit*. Itaque h. l. quoque pro valg. *severus* posui *sincerus*. Nam *severitas* iam est in *gravitate*.

* *Nomen eius non exstaret*) Sensus est: Nunquam Thucydides locum inter oratores habuit, celebris est tantum historici nomine: non continuo tamen, si historiam non scripsisset, oblivioni fuisset traditus, siquidem et nobilitate et honoribus Athenis inclaruit. PAVS.

Neque verborum, neque sententiarum gravitatem) In marg. ed. Gothofr. notatur, quosdam habere *neque verborum granditatem, neque sententiarum gravitatem*.

nos se putant esse Thucydidas. Nactus sum etiam, qui Xenophontis similem esse se cuperet: cuius sermo est ille quidem melle dulcior, sed a forensi strepitu remotissimus.

10. Referamus igitur nos ad eum, quem volumus, inchoandum, et ea demum eloquentia informandum, quam in nullo cognovit Antonius. Magnum opus omnino et arduum, Brute, conamur: sed nihil difficile amanti puto. Amo autem, et semper amavi ingenium, studia, mores tuos. Incendor porro quotidie magis, non desiderio solum (quo quidem conficior), congressus nostros, consuetudinem victus, doctissimos sermones requirens tuos, sed etiam admirabilium incredibile fama virtutum, quae specie dispares, prudentia coniunguntur. Quid enim tam distans, quam a severitate comitas? Quis tamen unquam te aut sanctior est habitus, aut dulcior? Quid tam difficile, quam in plurimorum controversiis diiudicandis ab omnibus diligere? Consequeris tamen, ut eos ipsos, quos contra statuas, aequos placatosque dimittas. Itaque efficis, ut, quum gratiae causa nihil facias, omnia tamen sint grata, quae facis. Ergo omnibus terris una Gallia communi non ardet incendio; in qua frueris ipse te,

Referamus igitur nos) Sic Guelk. 1, 2, probante Heusingero. Vulg. *referamus nos igitur*.

Ea demum) Sic emendavit Ernestinus. Vulg. *eadem*.

Sed etiam admirabilium incredibile fama virtutum) Vulgo inepte: *sed etiam incredibilem admirabili fama virtutum*; quod cavillur aliquis ita potuisset, ut diceret: *ergone Bruti virtutes adeo sunt incredibiles, ut etiam famam homines admirentur?* Immo virtutes Bruti dicuntur admirabiles tantum propter magnitudinem, tamquam,

quod mirum erat, specie dispares prudentis coniungebantur. Earum porro fama dicitur incredibilis, h. e. magna et pervagata. In Ed. Omnib. legitur: *incredibili fama virtutum admirabilium*; in ed. Tulich. *admirabili fama virtutum admirabilium*.

Omnibus terris) Lambio. melius *ex omnibus terris*.

* *Vna Gallia communi non ardet incendio*) quam scil. provinciam tunc Brutus praeses regebat, ceteris provinciis aut bello Caesaris Africano, aut praesidium avaritia afflictis.

quum in Italiae luce cognosceris, versarisque in optimorum civium vel flore, vel robore. Iam quantum illud est, quod in maximis occupationibus nunquam intermittis studia doctrinae? semper aut ipse scribis aliquid, aut me vocas ad scribendum? Itaque hoc sum aggressus statim Catone absoluto: quem ipsum nunquam attigissem, tempora timens inionica virtuti, nisi tibi hortanti, et illius memoriam mihi caram excitanti, non parere nefas esse duxissem: sed testificor, me a te rogatum, et recusantem, haec scribere esse ausum. Volo enim mihi tecum commune esse crimen, ut, si sustinere tantam quaestionem non potuero, iniusti oneris impositi tua culpa sit, mea recepti. In quo tamen iudicii nostri errorem laus tibi dati muneris compensabit.

11. Sed in omni re difficillimum est, formam (qui *χαρακτήρ* graece dicitur) exponere optimi; quod aliud aliis videtur optimum. Ennio delector, ait quispiam, quod non discedit a communi more verborum: Pacuvio,

* *Quum in Italiae luce cognosceris*) Etiam si abes ab Italia, tamen omnibus hominibus uolus es, et quasi ab amplissimo theatro spectaris.

* *Versarisque in optimorum civium vel flore, vel robore*) Quid hoc sit, intelligitor e Cic. Philipp. III, cap. 5: *Nec vero de virtute, constantius et gravitate provinciae Gallias taceri potest. Est enim ille flos Italiae, illud firmamentum imperii populi Romani, illud ornamentum dignitatis.*

* *In maximis occupationibus*) Adeo studio literarum deditum fuisse Brutum scribit Plutarchus, ut in castris daret operam legendis libris, et paulo ante Pharsalicum pugnam, aliis de eventu pugnae sollicitis, ipse Polybii epitomen componeret. *Pavst.*

* *Catone absoluto*) Laudatione Catonis Uticensis, qui, ne veniret in potestatem Caesaris, ipse sibi manus attulerat; cui Caesar Aotientonem suum opposuit. Haec scripsit ann. V. C. 707, statim post mortem Catonis, quae incidit io aprillem eiusdem anni. Orator igitur scriptus est aestate h. a. exente. Cf. ep. ad Att. XII, 4, 5, et 6.

* *In quo tamen*) Si calpatur iudicium meum, quod opus aggressus sim, cui efficiendo non eram idoneus; laudabitur quidem voluntas dandi huius tibi muneris. *ΑΝΘ.*

* *Qui χαρακτήρ graece dicitur*) Volgo: quae *χαρακτήρ*. Sed exquisitius est pronomen relativum sequentis vocabuli genericum, et ed. Tulich.

inquit alius; omnes apud hunc ornati elaboratique sunt versus; multa apud alterum negligentius. Fac alium Attio. Varia enim sunt iudicia, ut in Graecis; nec facilis explicatio, quae forma maxime excellat. In picturis alios horrida, inculta, abdita, et opaca; contra alios nitida, laeta, collustrata delectant. Quid est, quo praescriptum aliquod aut formulam exprimas, quum in suo quodque genere praestet, et genera plura sint? Hac ego religione non sum ab hoc conatu repulsus: existimaviq; in omnibus rebus esse aliquid optimum, etiamsi lateret; idque ab eo posse, qui eius rei gnarus esset, iudicari.

12. Sed quoniam plura sunt orationum genera, eaque diversa, neque in unam formam cadunt omnia: laudationum, scriptio-
num, et historiarum, et talium

Lambin. sic habet: qui χαρκτηρίο.

Alios — delectant) Sic cum Fr. Gryph. Lambin. et P. Manutio edidi. Ed. Ven. Med. habet *alius — delectatur*. Sed ita illa *horrida* etc. non sunt pluralia, quibus Cicero alibi in eadem re utitur. *Delectat* est ab Ald. et Iunt. quod multo minus probandum. Ernest.

Quid est, quo) Lambin. *quid est, quod*. Ceterum haec verba, *quid est — exprimas*, non cum Ernestio sic interpretanda: « quo argumento et qua ratione cogis nos unum verbum praescriptum sequi, quum plura genera probabilia sint. » Strebaeus quoque a vero verborum sensu aberravit. Cicero iam huius capituli initio professus erat, in omni re difficillimum esse formam exponere optimi. Itaque nunc ait: Quomodo igitur huius formae optimi praescriptum aut formulam exprimas h. e. legem et normam. Sic infra c. 23: cuiusque generis nota et formula.

* *Praescriptum aut formulam*) Scil. optimi; quod est ex initio capituli repetendum. — *Praescriptum* proprie vocantur litterarum characteres prius scripti, quos Indi magister pueris imitandos proponit. PAVST.

* *Quum in suo quodque genere praestet*) I. e. quum id, quod excellere videtur, in suo quodque genere excellat. Sic enim nisi suppleatur dictum, sensus postulare: *quum in suo quodque genere placeat*.

* *Scriptio-num*) Strebaeus recte intelligit scripta vel philosophica, in quibus non sit ieiunum sed oratum dicendi genus, vel sophistica ad delectationem composita; ut de rebus Herculis, de Icaromenippo; *χρηστικὰ* et id genus alia. Lambino vero placuit, quod etiam Lalleu. imitatus est: *laudationum, orationum — et talium scriptio-num, qualem —*.

Et historiarum) Hoc Lambino delendum videbatur. Infra vero etiam historiarum scriptores ab oratoribus

suasionum, qualem Isocrates fecit Panegyricum, multique alii, qui sunt nominati sophistae, reliquarumque rerum formam, quae absunt ab forensi contentione, eiusque totius generis, quod graece ἐπιδεικτικὸν nominatur, quia, quasi ad inspiciendum, delectationis causa comparatum est, non complectar hoc tempore. Non quo negligenda sit. Est enim illa quasi nutrix eius oratoris, quem informare volumus, et de quo molimur aliquid exquisitius dicere. Ab hac et verborum copia alitur, et eorum constructio et numerus liberiore quadam fruitur licentia. Datur etiam venia concinnitati sententiarum; et arguti certique et circumscripti verborum ambitus conceduntur: de industriaque, non ex insidiis, sed aperte ac palam, elaboratur, ut verba verbis quasi demensa et paria respondeant; ut crebro conferantur pugnantia, comparenturque contraria; et ut pariter extrema terminentur, eundemque referant in cadendo sonum: quae in veritate causarum et rarius

segregat. Si tamen codd. omitterent, comprehendi h. l. historia posset sub verbis reliquarum rerum.

* *Panegyricum*) In quo elaborando decem aut etiam quindecim annos Isocratem consumpsisse tradunt. Oratio ex suasionem et laudationem mixta, cuius prima parte laudes Atheniensium persequitur, altera eosdem ad bellum regi Persarum inferendum impellit. PAVST.

Reliquarumque rerum formam) Non placet rerum: malimque vel reliquorumque generum, vel reliquarum simpliciter, ut referatur ad orationum.

Quia quasi) Hanc lectionem assumpsit ex ed. Tulich: Vulg. quod quasi. Quintil. III, 5, 13: « Sed mihi ἐπιδεικτικὸν non tam demonstrationis vim habere, quam ostentationis vi-

detur ». In partit. orati. Cicero hoc genus *exornationem* vocat, in quo delectationem sibi proponat orator.

Non complectar hoc tempore, non quo negligenda sit) Gu. 1, 2, non complector. Inde ab his verbis longiosecula sequitur degressio de genere epideictico. Redit ad propositum extremo hoc capite his verbis: *Verum haec ludorum atque pompae etc.*

* *Est enim illa quasi nutrix eius oratoris*) Itaque c. 12 extr. ait: *Sed quod educata huius nutritis eloquentia ipsa se postea colorat et roborat.*

* *Et arguti — conceduntur*) Verborum ambitus (h. e. periodi) arguti, bene sonantes, certique, non fluctuantes, non soluti, et circumscripti, finibus iustis inclusi ac terminati.

* *In veritate causarum*) l. e. in ve-

multo facimus, et certe occultius. In Panathenæico autem Isocrates ea studio se consecratum fateatur; non enim ad iudiciorum certamen, sed ad voluptatem aurium scripserat. Haec tractasse Thrasy Machum Chalcædonium primum, et Leontinum ferunt Gorgiam; Theodorum inde Byzantium, multosque alios, quos λογοδαίδαλους appellat in Phaedro Socrates: quorum satis arguta multa, sed ut modo primumque nascentia

ris causis, (non declamandi causa fictis) iudicialibus, et civilibus.

* Panathenæico) Isocratis oratione sic appellata, vel quod habita fuerit Panathenæis solemnibus feriis, vel quod Atheniensium omnis egregie facta, eorumque laudes ab ultima origine repetit. Eam orationem scripsit annus natus nonaginta quatuor, et in exordio fateatur Isocrates iuniorum se rhetorum silesculos studiosius conquisivisse. PAVST.

In Panathenæico) Cap. 1: νεώτερος μὲν ὢν — — παρὶ ἐκείνους (λόγους) ἐπραγματεύομεν τοὺς παρὶ τῶν συμφερόντων τῆς πόλεως καὶ τοῖς ἄλλοις ἑλλήσι συμβουλευόντας, καὶ πολλῶν μὲν ἐκθρονημάτων γέροντας, οὐκ ὀλίγων δ' ἀντιθέτων, καὶ παρισώσεων, καὶ τῶν ἄλλων ἰδεῶν τῶν ἐν ταῖς ῥητορείαις διαλαμβάνουσιν.

Studio se consecratum) Vulgo: studiose consecratum. Rescripsi studio se, ne abesset pronomen personale, et ut exprimeretur id quod ante dicebatur de industria. Ceterum Ernestius consequentum revocavit ex edd. Ven. Med. Gn. 2 habet consecratum, in eoque consentiunt edd. plurimæ; quo Cicero in hac re sæpius utitur, æstque h. l. aptius et planius.

Theodorum inde Byzantium, multosque alios, quos λογοδαίδαλους appellat in Phaedro Socrates) Ad verbum si exigas Plato Theodorum tan-

tum λογοδαίδαλον appellat Phædr. cap. 113, p. 316 ed. Heindorf. (Stephan. p. 266 h.) his verbis: καὶ πλῆστωσι οἱμαί, καὶ ἐπιπύπτωσιν λέγειν τὴν γε βέλτιστον λογοδαίδαλον Βυζάντιον ἄνδρα; ubi recte negat Heindorf. ex hoc Ciceronis loco, qui pluralem ponit, de lectione λογοδαίδαλον in λογοδαίδων mutanda decerni posse. Attamen non iniuria ceteros quoque λογοδαίδους illic appellatos Cicero dicit, quia, quom Theodorus βέλτιστος λογοδαίδαλος nominaretur, ceteros Plato hoc ordine et nomina haud excluderat. — Λογοδαίδαλους, id est, artificiosi sermonis fabricatores.

* Versiculorum similia quædam) Lambinus maluit: versicolorum similia quædam. At versicolor de elocutione nimis ornata, non de nimia numerorum, ἀντιθέτων, ὁμοιοκλιῶν affectatione ponitur. In Quintilian. lib. VIII, proem. 20: Similiter illa translucida et versicolor quorundam elocutio res ipsas effeminat, quæ illo verborum habitu vestiuntur. Scito igitur idem X, 1, 33 negat: versicolorem illam, qua Demetrius Phalereus dicebatur uti, vestem bene ad forenses pulverem facere. Itaque versiculorum similia sunt numeri nimis vincti, et versum quam solutæ orationis similiores. Versus autem in oratione fugiendos esse Cicero pluri-

minuta, et versiculorum similia quaedam, niniumque depicta. Quo magis sunt Herodotus, Thucydidesque mirabiles: quorum aetas quum in eorum tempora, quos nominavi, incidisset, longissime tamen ipsi a talibus deliciis, vel potius ineptiis abfuerunt. Alter enim sine ullis salebris quasi sedatus amnis fluit: alter incitator fertur, et de bellicis rebus canit etiam quodammodo bellicum: primisque ab his (ut ait Theophrastus) historia commota est, ut auderet uberius, quam superiores, et ornatus dicere. Horum aetali successit Isocrates, qui praeter ceteros eiusdem generis laudatur semper a nobis; nonnunquam, Brute, leniter et erudite repugnante te. Sed cedas mihi fortasse, si, quid in eo laudem, cognoveris. Nam quum concisus ei Thrasymachus minutis numeris videretur, et Gorgias, qui tamen primi traduntur arte quadam verba

bus locis monet. Ita de Orat. III, cap. 47 vetat, oratorem plane in versum, aut similitudinem versuum incidere.

Niniumque depicta) Malim, *niniumque picta*, ut Brut. c. 85. Lysia nihil esse *pictius* dicitur. Sed haud scio an aliud verbum requirendum sit, quod nimiam illam τὴν λαγρότητα curam et diligentiam circa illas in numero oratorio, quas deinde vocat, delicias vel potius ineptias pressius significet. In quo nisi me coniectura fallit, aptius nihil est quam *niniumque atricta*. Hoc enim vocabulum Cicero saepius utitur, ubi numeros in oratione nimis ad versu calorum similitudinem accedentes designare vult. Sic de Orat. III, 48 assentitur Theophrasto, qui putabat, orationem non atricta sed remissius numerosam esse oportere. Aptum etiam esset *niniumque devincta*. Si

tamen *picta* verum est, Cicero abusu pigmentorum illorum notare voluit, quae etiam si abessent a versu, tamen si nimis crebro adhiberentur, redolerent pueriles quasdam ineptias. Hoc sensum illa pigmenta cum *foco puerili* componit de Orat. II, 45.

Leniter et erudite) Sic Gu. 1, 2; *leniter et erudite* Ed. Omnib. Victor. Camerar.

Sed cedas mihi) Cedas bene Ernestius substiluit vulgato *cedas*, quod servant etiam Gu. 1, 2, illud enim melius respondet praecedenti verbo *repugnante te*.

* Nam quum concisus ei Thrasy-machus minutis numeris videretur) Nimirum concisus genus dicendi ponitur in vitia. Itaque cap. 69 prohibetur, ne orator minutos numeros sequens consulat delumbetque sententias.

vinxisse; Theodorus autem praefracrior, nec satis (ut ita dicam) rotundus: primus instituit dilatare verbis, et mollioribus numeris explere sententias. In quo quum doceret eos, qui partim in dicendo, partim in scribendo principes exstiterunt, domus eius officina habita eloquentiae est. Itaque ut ego, quum a nostro Catone laudabar, vel reprehendi me a ceteris facile patiebar; sic Isocrates videtur testimonio Platonis aliorum iudicia debere contemnere. Est enim (ut scis) quasi in extrema pagina Phaedri his ipsis verbis loquens Socrates: «Adolescens etiam nunc, o Phaedre, Isocrates est: sed quid de illo augurer, lubet dicere, Quid tandem? inquit ille. Maiore mihi ingenio videtur esse, quam ut cum orationibus Lysiae comparetur. Praeterea ad virtutem maior indoles: ut minime mirum futurum sit, si, quum aetate processerit, aut in hoc orationum genere, cui nunc studet, tantum, quantum pueris, reliquis praestet omnibus, qui unquam orationes attigerunt; aut, si contentus his non fuerit, divino aliquo animi motu maiora concupiscat. Iust enim natura philosophia in huius viri mente quaedam». Haec

Vinxisse) Edit. Omnib. Victor. Casotet. iunxisse.

Theodorus autem) Ante Ernestium hic erat in edd. *Theoclydotes*. Nominis in v. *rotundus* habet *Theodotes*. Neutri autem hic locus erat. *Theodorus* veto, quod Ernestius acute sensit, est tertius ex tribus antea nominatis.

* *Praefracrior*) L. e. oratione utens confragosa, parum concinna, salebrosa.

* *Vel reprehendi*) H. e. non solum non laudari, sed etiam reprehendi.

* *Quum a nostro Catone laudabar*) Cuius laudes quantum fecerit, ipsi Ca-

toni in epistola ad eum scripta fateatur; Variar. XV, ep. 6.

Quasi in extrema pagina Phaedri) C. 146 edit. Heindorf. (p. 279 edit. Steph.) Νίος ἐτι, ὦ Φαίδρε, Ἰσοκράτης δ' ἐνταῦθα μνησέσθαι κατ' αὐτοῦ, λέγειν ἐξήκω — Τὸ ποῖον δὲ; — Δοκῇ μοι ἀρτίον, ἢ κατὰ τοὺς περὶ Λυσίου εἶναι λόγους τὰ τῆς φύσεως. ἔτι δὲ ἡδὺ γενναϊκώτερον ἀκρόασαι, ὥστε οὐδὲν ἂν γένοιτο διαμικτόν προύλοος τῆς ἡλικίας, εἰ περὶ αὐτοῦ τοὺς λόγους, οἷς ὤν ἐπιχειρεῖ, πῶλον ἢ παιδὸν διενέγκαι τῶν πάμπαν ἀφ' αὐτοῦ λόγων· ἔτι τε εἰ αὐτῷ μὴ ἀποχέσθαι τοῦτα, ἔτι μείζον δὲ τις ἀλ-

de adolescente Socrates auguratur. At ea de seniore scribit Plato, et scribit aequalis, et quidem exagitator omnium rhetorum hunc miratur unum. Me autem, qui Isocratem non diligunt, una cum Socrate et cum Platone errare patiantur. Dulce igitur orationis genus, et solutum, et effluens, sententiis argutum, verbis sonans, est illud ἐπιδεικτικόν, quod diximus, proprium sophistarum, pompae, quam pugnae aptius, gymnasiis et palaestrae dicatum, spretum et pulsum foro. Sed quod

τὸν ἄγος ὅπου διατίθεται. ὅστις γὰρ, ἐν φάσι, ἐνέει τις παιδοποιία τῇ τοῦ ἀνδρός διανοίᾳ.

* *Ea de seniore scribit Plato*) Nempe quum Socrates ista de Isocrate dicebat, hic adolescens erat; ut quo tempore Plato Phaedrum suum scribebat, ille iam senior erat. Ceterum ex h. l. de tempore, quo scriptus sit Platonis Phaedrus nihil defini potest; quia senior etiam significat natu maiorem, non continuo senem aut senectuti propiorem.

* *Exagitator omnium rhetorum*) Vocabulum rhetorum h. l. de istis eloquentiae magistris potius, quos in Phaedro potissimum ridet Plato, quam generatim de oratoribus accipiendum. Quamquam enim oratores quoque a Platone atque philosophis exagitatos esse supra cap. 4 dixerat, h. l. tamen de artis rhetoricae doctoribus, etsi iidem quoque dicere solebant, agitur.

* *Et solutum*) Hoc verbum hic alio sensu ponitur, quam infra cap. 19 de oratione philosophica, quam negat esse numeris vinctam, sed solutam liberam. Hic vero intelligitur genus dicendi remissum et velupiatum indolgens.

* *Et effluens*) Gen. 2, *effluens*. Vulgatum designat genus dicendi copio-

sum, imo saepius redondans. Sic de Oral. II, 38: *genus sermonis non laetum, non fusu ac profluens*.

* *Est illud ἐπιδεικτικόν*) Sic rescripti pro vulg. est in illo epideictico genere. Non enim arbitror, Ciceronem scripsisse *genus orationis est — in illo epideictico genere*.

* *Quod diximus, proprium sophistarum*) Sic interpuncti, melius opinor, quam ut vulgo: *quod diximus proprium sophistarum*. Nondum enim Cicero supra dixerat, hoc genus esse sophistarum proprium.

* *Pompae quam pugnae aptius*) I. e. delectationi potius quam veritati causarum forensium inseruiens. Nos eadem metaphora diceremus: *schauklischer für die Parade als für's Geschäft*. Itaque statim extr. hoc capite: *Verum haec ludorum atque pompae*.

* *Gymnasiis et palaestrae dicatum*) Haec Strobacis tropice dictum accipit, ut proxime autecedentia. Sunt autem hic proprie usurpata, quia Sophistae in gymnasiis declamare solebant. Itaque gymnasiis opponitur forum, ubi verae causae agelantur. De Oral. I, cap. 18 oratio philosophorum nitida quidem et lacta, sed palaestrae magis et olei, quam curdis turbae ac fori dicunt.

educata huius nutrimentis eloquentia, ipsa se postea colorat et roborat, non alienum fuit de oratoris quasi incunabulis dicere. Verum haec ludorum atque pompae: nos autem in aciem dimicationemque descendamus.

13. Quoniam tria videnda sunt oratori, quid dicat, et quo quidque loco, et quomodo: dicendum omnino est, quid sit optimum in singulis, sed aliquanto secus, atque in tradenda arte dici solet. Nulla praecepta popemus (neque enim id suscepimus); sed excellentis eloquentiae speciem et formam adumbrabimus: nec, quibus rebus ea paretur, exponemus; sed qualis nobis esse videatur. Ac duo breviter prima. Sunt enim non tam insignia ad maximam laudem, quam necessaria, et tamen cum multis paene communia. Nam et invenire quid, et iudicare, quo quidque loco dicas, magna illa quidem sunt, et tanquam animi instar in corpore: sed propria magis prudentiae, quam eloquentiae. Quae tamen in causa est vacua prudentia? Noverit igitur hic

* *Eloquentia, ipsa se postea colorat et roborat*) Colorare se dicitur eloquentia forensis, quam propria sibi ornamenta asciscit; roborare autem, quam argumenta sinit ad persolvendum idonea, et motibus animum excitandis flectere iudices et incendere discit.

* *Nos autem in aciem*) H. e. nos iam, quomodo orator proprie sic dictus in causis forensibus ac civilibus versetur, ostendamus. Eandem incitationem pluribus verbis expiavit de Orat. I, c. 34. Vulgo: nos autem iam in aciem. Abest autem iam in Gu. 1, 2, et recte quidem abest.

Nam et invenire, quid, et iudicare, quo quidque loco dicas) Vulgo: nam et invenire et iudicare, quid dicas. At enim Cicero dixerat: *Ac duo breviter prima*. Necessarium igitur erat,

ut h. l. primam inventionem, deinde dispositionem memoraret. Idem confirmatur Quintiliani Inst. Orat. VIII; prooem. 14, ubi: *Et M. Tullius, inquit, inventionem quidem ac dispositionem prudentis hominis putat, eloquentiam oratoris*. Ipse Cicero infra similiter c. 15: *quum autem, quid, et quo loco dicat, invenit*.

* *Qua tamen in causa est vacua prudentia*) Phil. Melanchihon coniecit: *quae tamen qua in causa est vacua prudentia*. Fr. Gryphius: *qua enim in causa est vacua prudentia*. Lambin. *quae tamen causa vacua est prudentia*. Vulgaris lectio sic defendi potest, Cicero paulo ante dixerat inventionem ac dispositionem oratori cum multis paene communia, addideratque, *et magis prudentiae oratoris esse quam eloquentiae*; ut igitur illud quod ante

quidem orator, quem summum esse volumus, argumentorum et actionum locos. Nam quoniam, quidquid est, quod in controversia aut in contentione versetur, in eo, aut sitne, aut quid sit, aut quale sit, quaeritur: sitne, signis; quid sit, definitionibus; quale sit, recti praeque partibus: quibus ut uti possit orator, non ille vulgaris, sed hic excellens, a propriis personis et temporibus semper, si potest, advocat controversiam; latius enim de genere, quam de parte disceptare licet; ut, quod in universo sit probatum, id in parte sit probare necesse.

14. Haec igitur quaestio, a propriis personis et temporibus ad universi generis orationem traducta, appel-

dixerat, confirmaret, sic fuit: *qua tamen in causa vacua est prudentia?* h. e. quia prudentia opus sit non magis oratori, quam imperatoribus, artificibus, philosophis etc. eaque nullo in negotio vacua sit et otiosa, ideo recte dictum esse, illa oratori eum multis communia esse.

* *Actionum locos*) Rescripsi actionum pro vulg. rationum, id quod nihil aliud esset, quam argumentorum. *Actiones* autem h. l. sunt illa diversa controversiarum genera, sive constitutiones, quarum locos exposuit Cicero de Inventionem lib. II.

* *Nam quoniam, quidquid est*) Quintilianus Inst. Or. III, 6, 43: «A plurimis tres sunt facti generales status, quibus et Cicero in Oratore utitur, et omnia, quae aut in controversiam aut in contentionem veniant, contineri putat: sitne? quid sit? quale sit? quorum nomina apertiora sunt, quam ut docenda sint.» Nempe nominantur *coniecturales*, *definitiva*, *generalis*, de Inv. lib. II. Cf. Partit. orr. c. 30 sqq.

Quid in controversia aut in conten-

tione versetur) Haec non duo genera sunt, sed unum idemque. Et apud Nizolium in vano lectionem: *quod in controversia et contentione versetur*; verius fortasse. Certe aut h. l. explicativum est non disiunctivum. Itaque apud Quintilianum legendum: *quae in controversiam aut in contentionem veniant*. Eodem modo apud Cic. de Orat. II, 72: *nulla enim fore res potest in dicendi disputationem aut controversiam vocari*.

Recti praeque partibus) Sic Ernestius verbum deesse putabat, ut docetur, demonstratur, cognoscitur. Immo potius ἀπὸ τοῦ ποιοῦ repetendum quaeritur ex antecedentibus.

Quibus ut uti possit) Haec est apodosis periodi, non parenthesis; quibus enim alibi quoque pro his positum incipit apodosis. In Cu. 3 male omisimus quibus.

Ad universi generis orationem traducta) Placet Purgoldi emendatio: *ad universi generis rationem*, quae lectio est apud Nizolium. Non tamen negare auiam, ad universi generis orationem eodem modo dici posse, ad

latur *thesis*. In hac Aristoteles adolescentes, non ad philosophorum morem tenuiter disserendi, sed ad copiam rhetorum, in utramque partem ut ornatus et uberius dici posset, exercuit: idemque *locos* (sic enim appellat), quasi argumentorum notas, tradidit, unde omnis in utramque partem traheretur oratio. Facile igitur hic noster (non enim declamatorem aliquem de lydo, aut rabulam de foro, sed doctissimum et perfectissimum quaerimus), quoniam loci certi traduntur, percurrat omnes. Nec vero utetur imprudenter hac copia, sed idonea exquiret, et seliget. Non enim semper, nec in omnibus causis, ex iisdem eadem argumentorum momenta sunt. Iudicium igitur adhibebit; nec

universi generis dissertationem. Ceterum respexit h. l. Quintilian. III, 5, 15. Idem vero argumentum tractatur de Or. lib. III, cap. 30.

Appellatur thesis) Malim: *graece appellatur Thesis*. Sic alibi; ut Top. p. c. 21.

* *Sed ad copiam rhetorum*) H. e. Aristoteles adolescentes ad copiosum dicendi genus, quo uti in foro deberent oratores, exercuit.

* *Idemque locos (sic enim appellat)* Nempe graece Aristoteles dixit *τόποις*, quod Cicero vertit *locos*, graeco verbo nusquam adhibito.

Aut rabulam de foro) Hunc locum affert Nonius v. *Rabula*.

Percurrat omnes) Post haec verba in cdd. adduntur ista: *utetur aptis, generatim dicet; ex quo emanant etiam qui communes appellantur loci.* Nempe sic correxerat Lipsius Var. Lect. lib. II, c. 7. Vulgo enim ita legebantur: *utetur aptis generatim; dicet ex quo emanant etiam, qui appellantur communes loci.* At nisi me omnia fallunt, haec verba ex margine in textum illato grammaticum quon-

dam potius, quam Ciceronem anelorem habent. Cur enim Cicero hic diceret *utetur aptis*, qui paulo post dictoratus erat: *nec vero utetur imprudenter hac copia, sed idonea exquiret ac seliget.* Cur idem nunc adderet *generatim dicet*, qui iam antea dixerat, oratorem a propriis personis et temporibus controversiam avocare. Denique *generatim dicere* nihil aliud est, quam locis communibus uti, ut inepte dicatur, ex ratione generalium dicendi evanescere locos communes. Nam communes loci sunt, qui de universa re tractantur de Orat. III, 27. Ceterum in Gu. 1, 2 est *dicat-emanent.* In ed. Omnib. ut *quoniam l. c. traduntur: percurrat his, utatur aptis generaliter: dicat ex quo emanant etiam etc.*

Sed idonea exquiret ac seliget) Ita rescripti pro vulg. *sed omnia expendet ac seliget.* Nunc expendendi officium deinde memorator suo loco. Nec recte poterat dici: *omnia seliget, sed idonea tantum.* Eodem modo dicitur de Offic. II, 18: *in deligendis*

inveniet solum quid dicat, sed etiam expendet. Nihil est enim feracius ingeniis, iis praesertim, quae disciplinis exulta sunt. Sed ut segetes fecundae et uberes non solum fruges, verum herbas etiam effundunt inimicissimas frugibus: sic interdum ex illis locis, aut levia quaedam, aut causis aliena, aut non utilia gignuntur; quorum ab oratoris iudicio delectus magnus adhibebitur. Alioqui quonam modo ille in bonis haerebit et habitabit suis? aut molliet dura, aut occultabit, quae dilui non poterunt, atque omnino opprimet, si licebit, aut abducet animos? aut aliud afferet, quod oppositum probabilius sit, quam illud, quod obstat?

15. Iam vero ea, quae invenerit, qua diligentia collocabit? quoniam id secundum erat de tribus. Vestibula nimirum honesta, aditusque ad causam faciet illustres: quumque animos prima aggressionem occupaverit, infirmabit excludetque contraria; de firmissimis alia prima ponet, alia postrema, inculcabitque leviora. Atque in primis duabus dicendi partibus qualis esset, summatim breviterque descripsimus. Sed, ut ante dictum est, in his partibus (etsi graves atque magnae sunt) minus et artis est, et laboris.

16. Quum autem, quid, et quo loco dicat, invenerit, illud est longe maximum, videre, quonam modo.

idoneis iudicium et diligentiam adhibere.

Nihil enim est) Verba transposui, iubente Schütze V. C. Ed. T.

Ab oratoris) Gn. 1, ab auctoris.

Delectus magnus adhibebitur. Alioqui) Ernestius: « sic interpanximus, inquit, ut fecit iam Fr. Gryph. quum in vulgg. *alioqui* adhaereat praecedentibus. Ibi quum stare non possit, quidam delevere, ut Ms. Viteb. edd. Med. Ald. Lips. Victor. Sed si deleamus, hiat oratio. » Etiam

in Gn. 1, 2 omissum *alioqui*.

Quam illud, quod obstat) Nihil opus est, quod Ernestio visum, obstat, vel obstat rescribere.

Inculcabitque leviora) Idem praecipit de Orat. II, c. 77.

* *Sed, ut ante dictum est, in his partibus — minus et artis est, et laboris*) Hoc quidem iisdem verbis non dixerat, sed tamen cap. 13 in eandem fere sententiam: *Sunt enim non tam insignia ad maximam laudem, quam necessaria.*

Scitum est enim, quod Carneades noster dicere solebat, Clitomachum eadem dicere, Charmadam autem quodam etiam modo dicere. Quod si in philosophia tantum interest, quatenusmodum dicas, ubi res spectatur, non verba penduntur: quid tandem in causis existimandum est, quibus totis moderatur oratio? Quod quidem ego, Brute, ex tuis literis sentiebam, non te id scitari, qualem ego in inveniēdo et in collocando summum esse oratorem vellem; sed id mihi quaerere videbare, quod genus ipsius orationis optimum iudicaret, Rem difficilem, dii immortales! atque omnium difficillimam. Nam cum est oratio mollis et tenera, et ita flexibilis, ut sequatur, quocunque torqueas: tum et naturae variae, et voluntates multum inter se distantia effecerunt genera dicendi. Flumen aliis verborum, volubilitasque cordi est, qui ponunt in orationis celeritate eloquentiam. Distincta alios et interpuncta intervalla, morae, respirationesque delectant. Quid potest esse tam diversum? tamen est in utroque aliquid

Scitum est enim, quod Carneades noster dicere solebat, Clitomachum eadem dicere, Charmadam autem quodam etiam modo dicere) Vix credibile est, neminem adhuc offensam fuisse ineptissima lectione: *Clitomachum eadem dicere, Charmadam autem eodem etiam modo dicere*. Id enim nihil aliud esset, quam utramque, Clitomachum et Charmadam, eadem et eodem modo dicere. Ex quo consequeretur, nihil proesus inter utrumque interfuisse. Et cur Cicero hoc dictum, quo nihil esset vulgarius et obsoletius, *scitum* appellaret? Nul- lum igitur dubium est, quin Cicero scripserit, ut edidimus: *Charmadam autem quodam etiam modo dicere*. Sic Brut. 40: ut dicantur a me quodam modo. Et de Orat. III, 10: Ergo

haec et agenda sunt ab oratore, et dicenda quodam modo. Ut igitur nostri dicerent: *Clitomachus sage sver eben dasselbe, Charmadas aber wisse es auch mit einer gewissen manier zu sagen*; sic Carneades uiebat *Clitomachum eadem dicere, Charmadam autem quodam etiam modo dicere*.

Interpuncta intervalla) Haec verba sic deinceps posita et copulata non placent. Itaque vel legendum: *distincta alios intervalla, morae, respirationesque delectant*, (ut *interpuncta* ex interpretamento vocabuli *distincta* in textum venerit) vel, ut est apud Nizolinum et Victor. *distincta alios et interpuncta, intervalla, morae, respirationesque delectant*.

excellens. Elaborant alii in lenitate et aequalitate; et puro quasi quodam et candido genere dicendi. Ecce aliqui duritatem et severitatem quandam verbis, et orationis quasi inoestitiam sequuntur; quodque paulo ante diximus, ut alii graves, alii tenues, alii temperati vellent videri: quot orationum genera divisimus, totidem oratorum reperiuntur.

17. Et quoniam coepi iam cumulatus hoc munus augere, quam a te postulatum est (tibi enim tantum de orationis genere quaerenti respondi etiam breviter de inveniando et collocando); ne nunc quidem solum de orationis modo dicam, sed etiam de actionis: ita praetermissa pars nulla erit. Quandoquidem de memoria nihil est hoc loco dicendum, quae communis est multarum artium. Quo modo autem dicatur, id est in duobus, in agendo, et in eloquendo. Est enim actio quasi corporis quaedam eloquentia, quum constet e voce atque motu. Vocis mutationes totidem sunt, quot animorum, qui maxime voce commoventur. Itaque ille perfectus, quem iamdudum nostra indicat oratio, utcunque se affectum videri, et animum audientis mo-

Elaborant alii in lenitate) Gu. 1, 2, Victor. Camerac. elaborant alii lenitate.

Quodque paulo ante diximus) Vulgo: quodque paulo ante divisimus, deinde autem quot orationum genera esse diximus. Nos vero transponendum censuimus utrumque verbum: quodque paulo ante diximus, nempe cap. 6 luit. — quot orationum genera divisimus. In Gu. 1, 2 est. quodque paulo ante divisimus — deinde Gu. 1: quot oratorum genera esse divisimus.

Et alii — vellent videri) Dictum pro alios — velle videri. Et hoc exemplum annumerandum est iis, quae

collegit Gesterus in thes. L. L. particulae ut adhibetur, ubi accusativus cum infinitivo locum haberet.

Tibi enim tantum de orationis genere quaerenti respondi etiam breviter de inveniando et collocando) Haece parenthesis glossatore, quam Ciceroe dignior videtur.

Quum constet e voce atque motu) Ernestius putabat legendum, quae constet, quia hic esset definitio, non ratio. Atqui hoc ipsum negamus. Cicero definire hic voluit actionem, sed rationem potius reddidit, nam ea recte possit appellari corporis eloquentia.

feri volet, ita certum vocis admovebit sonum: de quo plura dicerem, si hoc praecipienda tempus esset, aut si tu hoc quaereres: dicerem etiam de gestu, cum quo iunctus est vultus. Quibus omnibus, dici vix potest, quantum intersit, quemadmodum utatur orator. Nam et infantes, actionis dignitate, eloquentiae saepe fructum tulerunt; et disertis deformitate agendi, multi infantes putati sunt; ut iam non sine causa Demosthenes tribuerit et primas, et secundas, et tertias actioni. Si enim eloquentia nulla sine hac, haec autem sine eloquentia, tanta est; certe plurimum in dicendo potest.

18. Volet igitur ille, qui eloquentiae principatum petet, et contenta voce, atrociter dicere; et summissa, leniter; et inclinata, videri gravis; et flexa, miserabilis. Mira est enim quaedam natura vocis: cuius quidem e tribus omnino sonis, inflexo, acuto, gravi, tanta sit, et tam suavis varietas perfecta in cantibus. Est autem in dicendo etiam quidam cantus obscurior; non hic e Phrygia et Caria rhetorum epilogus, paene canticum;

* *Nam et infantes*) Actionem plurimum valere probant eventus. Nam et infantes, id est, infacundi viri, rudesque dicendi, ut Cn. Lentulus, actionis dignitate, bona et decora pronuntiatione, eloquentiae fructum et gloriam tulerunt. Et disertis, quibus e diverso opponuntur infantes, deformitate agendi, hoc est, indecora et foeda pronuntiatione, a multis infantes et indiserti putati sunt: cuiusmodi L. Cottam dicit Cicero fuisse. *Strabo.*

* *Et contenta voce*) Il. e. vehementius intentio, (quod musici nostri in cantibus *più forte* appellant). Id aptum est atrociter dicenti, h. e. iram, invidiam, indignationem concitanti. De ea re conf. auct. ad Herenn. III, cap. 13, 14.

Et flexa, miserabilis) Vulgo: inflexa, miserabilis. At inflexa vox opponitur statim voci gravi (dem Bass) et acutae (dem Sopran); estque nobis die Mittelstimmie. Flexa vox autem est ea, quam auctor ad Herenn. III, 14 significat, quum dicit in conquestionibus utendum esse voce depressa, inclinato sono, crebris intervallis, longis spatiis, raris commutationibus. Quintilianus XI, 3, 170, illam vocis figuram in misericordia commovenda *fletum* vocis appellat, et *flebilis suavitatem*; et paulo post: *illa flexa et circumducta*.

Non hic e Phrygia et Caria rhetorum epilogus, paene canticum) Ernestio videbatur legendum: *non hic e Phrygia et Caria rhetorum* (scilicet.

sed ille, quem significat Demosthenes, et Aeschines, quum alter alteri obiicit vocis flexiones; et huic plura etiam Demosthenes, illumque saepe dicit voce dulci et clara fuisse. In quo illud etiam notandum mihi videtur ad studium persequendae suavitatis in vocibus. Ipsa enim natura, quasi modularetur hominum orationem, in omni verbo posuit acutam vocem, nec una plus, nec a postrema syllaba citra tertiam: quo magis naturam ducem ad aurium voluptatem sequatur industria. Ac vocis quidem bonitas optanda est; non est enim in nobis; sed tractatio, atque usus in nobis. Ergo ille princeps variabit et mutabit; omnes sonorum, tum intendens, tum remittens, persequetur gradus; idemque motu sic utetur, nihil ut desit, aut supersit in gestu. Status erectus et celsus: rarus incessus, nec ita longus: excursio inoderata, eaque rara: nulla mollitia cervi-

cantis), quorum epilogus poae canticum. Si sic esset in bonis Mss. Codd. non spernerem; sine libris ite corrigere haud necessariam. Quintilianus XI, 3, 58 hunc locum respiciens: «Nam Cicero, inquit, illos ex Lycia et Ceria rhetores poae cantare in epilogis dixit.»

Et huic plura etiam Demosthenes, illumque saepe dicit voce dulci et clara fuisse) Vulgo: dicit plura etiam etc. Guelf. 2, dicit etiam plura. Lambinus repetit obiicit. Ernestius dicit delectandum, et obiicit intelligendum censuit. Nos et huic scribere meluimus, scil. Aeschini. Id concinuius respondet verbis, alter alteri obiicit. Ceterum in Demosthenis oratione pro Ctesiphonte nullus est locus, quem Cicero hic respicere potuerit, praeter istum iam a Strabone excitatum c. 97: ἵνα ἐν τῷ ταύτῳ καὶ τῷ ἑτέρῳ ἑξήκοντες ἐκ τῆς ἡσυχίας, ὡς τῶν πειθῶν, ἐρῶν, καὶ περισσεύουσιν, καὶ συνεισέλθῃς ἐν

πρὸς καὶ λόγους συνείλθῃς τοῦτον ἀφῶς καὶ ἀντιπρὸς, nisi velis e τῶν 90 huc trahere, quae sequuntur: ἀλλ' ἵπκας τὴν φωνήν, καὶ γεγῆως, καὶ λαρυγγίζον. Quidquid sit. Cicero hic sententiam potius quam verba Demosthenis reddidit.

Nihil ut desit, aut supersit in gestu) Vulg. nihil ut supersit in gestu. At cur Cicero h. l. tantum id quod nimium est in gestu teneret, et nihil ut desit omitteret monere? Quintilian. IX, 4, 184 plenius: si quidquam supersit aut desit.

Rarus incessus, nec ita longus) Quintilian. XI, 3, 126: Conveniens etiam ambulatio quaedam, propter immodicas laudationum moras (h. e. quum clamores plaudentium oratorem morantur) quamquam Cicero rari incessum neque ita longum probat.

Excursio inoderata, eaque rara). Quintil. ibid. Prokursio opportuna, brevis, moderata, rara.

cum, nullae argutiae digitorum, non ad numerum articulus cadens: trunco magis toto se ipse moderans, et virili laterum flexione, brachii projectione in contentionibus, contractione in remissis. Vultus vero, qui secundum vocem plurimum potest, quantam affert tum dignitatem, tum venustatem? in quo quom effeceris, ne quid ineptum, aut vultuosum sit, tum oculorum est quaedam magna moderatio. Nam ut imago est animi vultus, sic indices oculi: quorum et hilaritatis, et vicissim tristitiae modum res ipsae, de quibus agetur, temperabunt.

19. Sed iam illius perfecti oratoris et summae eloquentiae species exprimenda est: quem hoc uno excellere, cetera in eo latere, indicat nomen ipsum. Non enim inventor, aut compositor, aut actor, haec complexus est omnia, sed et graece ab eloquendo *ῥήτωρ*, et latine *eloquens* dictus est. Ceterarum enim rerum, quae sunt in oratore, partem aliquam sibi quisque vindicat: dicendi autem, id est eloquendi, maxima vis soli huic conceditur. Quamquam enim et philosophi quidam ornate loquuti sunt (si quidem et Theophrastus

Nullae argutiae digitorum, non ad numerum articulus cadens: trunco magis toto se ipse moderans, et virili laterum flexione) Quia participium *moderans* ad oratorem referendum, ob viciniam verborum articulus cadens aptius esset: *trunco magis toto se ipse moderans virili utetur laterum flexione* etc. Vulgatam tamen lectionem Quintilianus tucur XI, 3, 122: « *Fecit etiam aliquid et totius corporis motus: adeo ut Cicero plus illo agi quam manibus ipsis putet* (quod tamen e Ciceronis verbis exire haud videtur). *Ita enim dicit in Oratore: nullae argutiae digitorum, non ad numerum articulus cadens, trunco ma-*

gis toto se ipse moderans et virili laterum flexione ».

Tum oculorum est quaedam) Sic ed. Omnib. Victor. recte. Vulgo: *tum oculorum quaedam*.

Quem hoc uno excellere) Vulg. additur: *id est oratione*, quod nec Victor Pisannus legisse videtur, et vel propterea glossematis suspicionem movet, quod Cicero h. l. etymon *eloquentis*, non *oratoris*, explicat, ut, si quid eiusmodi adiciere voluisset, certe *id est eloquentia*, non *id est oratione* scripisset. Itaque haec verba e textu eieci. La Guelf. 1 est: *qui sunt in oratione*.

divinitate loquendi nomen invenit, et Aristoteles Isocratem ipsum lacesivit, et Xenophontis voce Musas quasi loquutas ferunt; et longe omnium, quicumque scripserunt, aut loquuti sunt, exstitit et suavitate et gravitate princeps Plato); tamen horum oratio neque nervos, neque aculeos oratorios ac forenses habet. Loquantur cum doctis, quorum sedare animos malunt, quam incitare. Sic de rebus placatis, ac minime turbulentis, docendi causa, non capiendi, loquuntur; ut in eo ipso, quod delectationem aliquam dicendo aucupentur, plus nonnullis, quam necesse sit, facere videantur. Ergo ab hoc genere non difficile est hanc eloquentiam, de qua nunc agitur, secernere. Mollis est enim oratio philosophorum, et umbratilis, nec sententiis, nec verbis instructa popularibus, nec vineta nu-

* *Aristoteles Isocratem ipsum lacesivit* Cic. de Orat. III, 35, sic de eadem (ut videtur) re loquitur: *Aristoteles, quum florere Isocratem nobilitate discipulorum videret mutavit repente totam formam prope disciplinae suae Inque ornavit et illustravit doctrinam illam omnem, rerumque cognitionem cum orationis exercitatione coniunxit.* Et in Tuscul. I, 4: *ut Aristoteles quum motus esset Isocratis rhetoris gloria, diu etiam coepit adoloscenscentes docere.* Ex his duobus locis mihi videtur hic legendum esse: *Aristotelem Isocrates ipsum lacesivit.* PLANC.

Exstitit et suavitate et gravitate princeps Plato) Vulgo pessima omissione: *exstitit et gravitate princeps Plato.* Nizolius quidem legit: *exstitit et copia dicendi et gravitate.* Lambin. et *ubertate et gravitate.* Praestul autem quod fraternus e Mus. eruit *et suavitate et gravitate.* Cf. de Divin. I, 36.

f. *Neque nervos*) Hoc non est ab-

solute capiendum, sed, ut sequens *aculeos, cum oratorios ac forenses coniungendum.* *Nervi forenses* de vi persuadendi motibus animorum excitatis roborata; *aculei forenses* de ira, indignatione, invidia in adversarios concitata.

Sic de) Abest Gneff. 1. Idem paulo post omittit *loquantur*; quibus vestigiis deprehendere licet hanc lectionem forsitan veriore: *Loquantur cum doctis, quorum sedare animos malunt, quam incitare, de rebus placatis, ac minime turbulentis, docendi causa, non capiendi.*

Nec vineta) Ed. Omnib. nec innotata. Et sic ante Ernestium ediderunt omnes, quos vidi. Hic autem: « *vineta*, inquit, edidi pro vulgato *innota*, quia est proprium in ea re et perpetuum Ciceronis verbum, quod et accurate verbo *soluta* opponitur. Verba quidem dicuntur iungi, ut mox cap. seq. Sed non *numericis*, verum collocanda ita, ut ne ultima et prima aspece con-

meris, sed soluta liberius. Nihil iratum habet, nihil invidum, nihil atrox, nihil mirabile, nihil astutum: casta; verecunda, virgo incorrupta quodammodo. Itaque sermo potius, quam oratio, dicitur. Quamquam enim omnis locutio oratio est, tamen unius oratoris locutio hoc proprio signata nomine est.

Sophistarum; de quibus supra dixi, magis distinguenda similitudo videtur, qui omnes eosdem volunt flores, quos adhibet orator in causis, persequi. Sed hoc differunt, quod, quum sit his propositum non perturbare animos, sed placare potius, nec tam persuadere, quam delectare, et apertius id faciunt, quam nos, et crebrius: concinnas magis sententias exquirant, quam probabiles: a re saepe discedunt, intexunt fabulas, verba audacius transferunt, eaque ita disponunt, ut pictores varietatem colorum: paria paribus referunt,

errant, aut fiat hiatus etc. Numeris autem vincitur oratio, sicut apud poetas maxime, sic et suo modo apud oratores. Post et c. 23 clare sunt *vincula numerorum*. In hac tanta evidenti necesse fuit recipere *vincula*, etsi nullis libris auctoribus. *Vincta* et *inuncta* saepe, ut *vis* et *ius*, permutantur in edd. pr. Sic supra c. 13 in arte quadam *vincisse* verba ed. Med. habuisse. Hactenus ille; recte quidem et intelligenter. Ecce autem accedit Guelf. 1 auctoritas, in quo legitur *inuncta*.

* *Nihil iratum*) Id est, quod iram concitet audienti: nihil invidum, quod invidiam moveat: nihil atrox, quod exaggeret facinus: nihil mirabile, quod audienti allerat stuporem: nihil astutum, quod capiat fallatque disceptatorem: sed est caste sine popularium opinionum corruptela, cupis veritatis illius naturalis, virgo in-

corrupta quodam modo, simplex oratio, integerrima virtutis indagatrix. Intellige orationem Platonis, Xenophontis, Theophrasti, et optimorum, non istorum qui se vocant philosophos, quum sint tamen infantissimi. Oratio eloquentis invidet, atrociter adhaeret, admirationes inducit, volentem trahit, se comitiscet populari contagione, ut ad sanitatem reducat: audax irruumpit, et tanquam virgo et Amazonum fortissima aditum rumpit, quæritque victoriam. STARR.

Dicitur) Guelf. 1, *dicitur*.

Verba audacius transferunt) Vulgo, *verba apertius transferunt*, quod primum ideo incommodum est, quia translationes semper aperte fiunt, nec alia alia potest apertior esse; deinde quia paulo ante iam positum erat, et proprio quidem in loco, *apertius*. Et sic cap. 59: *Nam et transferant verba, quum crebrius, tamen etiam audacius,*

adversa contrariis, saepissimeque similiter extrema definiunt.

20. Huic generi historia finitima est, in qua et narratur ornate, et regio saepe aut pugna describitur; interponuntur etiam conciones et hortationes: sed in his tracta quaedam et fluens expetitur, non haec contorta et acris oratio.

Ab his non multo secus, quam a poetis, haec eloquentia, quam quaerimus, sevocanda est. Nam etiam poetae quaestionem attulerunt, quidnam esset illud, quo ipsi differrent ab oratoribus. Numero maxime videbantur antea, et versu: nunc apud oratores iam ipse numerus increbruit. Quidquid est enim, quod sub aurium mensuram aliquam cadit, etiamsi abest a versu (nam id quidem orationis est vitium), numerus vocatur, qui graece *ῥυθμός* dicitur. Itaque video visum esse nonnullis, Platonis et Democriti locutionem, etsi absit a versu, tamen, quod incitatus feratur, et clarissimis verborum luminibus utatur, potius poema putandum, quam comicorum poetarum; apud quos, nisi quod versiculi sunt, nihil est aliud quotidiani dissimile sermonis. Nec tamen id est poetae maximum; etsi est

* *Similiter extrema definiunt*) Pro finit, describanturque quozdā, quae infra c. 52 *similiter definita* dicuntur.

* *Poetae quaestionem*) Id est, ut dubitaremus effecerant, quidnam esset illud, quo ipsi differrent ab oratoribus. Numero maxime videbantur antea, et versu, tunc quum Homerus, Hesiodus, Euripides, alique veteres scripserunt ante tempora Thrasymachi et Isocratis, qui primi numeros iureverant. Ut autem cetera, sic etiam numerus poeticus ab oratorio distat. In illo certj etque numerati

pedes. In hoc pedes quidem sunt, sed neque certi, neque numerati. In illo certa spatia, certi ordines, certique fines: oratorio numero neque certa spatia, neque certi ordines, neque certi fines, sed ad aurium mensuram longis et brevibus ad finem usque decurrit. STRAB.

Nunc apud oratores iam ipse numerus increbruit) Non satis apparet, quum vim hic asserat ipse; melius: *nunc apud oratores etiam numerus increbruit*, vel *nunc apud oratores iam ipse numerus increbruit*.

eo laudabilior, quod virtutes oratoris persequitur, quin-
versu sit adstrictior. Ego autem etiam si quorundam
grandis et ornata vox est poetarum, tamen in iis cum
licentiam statuo maiorem esse, quam in nobis, facien-
dorum iungendorumque verborum, tum etiam non-
nulli aurium voluptati vocibus magis, quam rebus in-
serviunt. Nec vero, si quid est unum inter eos simile,
propterea ceterarum rerum dissimilitudo intelligi non
potest: sed id nec dubium est, et, si quid habet quae-
stionis, hoc tamen ipsum ad id, quod propositum est,
non est necessarium. Seiunctus igitur orator a philo-
sophorum eloquentia, a sophistarum, ab historicorum,
a poetarum, explicandus est nobis, qualis futurus sit.

21. Erit igitur eloquens (hunc enim, auctore Auto-
nio, quaerimus) is, qui in foro causisque civilibus ita
dicet, ut probet, ut delectet, ut flectat. Probare, ne-
cessitatis est: delectare, suavitatis: flectere, victoriae.
Nam id unum ex omnibus ad obtineudas causas potest

Tamen in iis) Sic edidi pro vulg.
in eo. Num quia sequitur *tum* — in-
serviunt, verba licentiam statum ma-
iorum esse melius referuntur ad *in iis*,
scil. poetis, quam ad *in eo*, scil. proce-
poetas.

*Tum etiam nonnulli aurium volu-
ptati vocibus magis, quam rebus in-
serviunt*) Inepte vulgo: tum etiam
nonnullorum voluptati. Cur enim poe-
tae nonnulli tantum auditoribus aut
lectoribus inserviant? Itaque sic, ut
treci, corrigendum erat. Sunt nimirum
quidam poetae, non omnes, quibus
maius est studium vocibus, h. e. ver-
bis hinc sonantibus, et versibus pla-
cendi, quam rebus et phantasmatis.
Lambinus dedit: tum etiam
auditorum voluptati.

*Nec vero, si quid est unum inter eos
simile*) Glossatoria emblemata, ad au-

tem est iudicium electioque verborum,
quod nimis patienter adhuc toleratum
fuerat, eliminavi.

* *Nec vero si quid est*) Unum in-
ter eos simile est, iudicium, electio-
que verborum, quod utrique, ut ante
diximus, electis verbis, compositis,
modificatis, numeroque comprehen-
sis utuntur. Quod accipe dictum de
elocutione: alioqui multa sunt inter
eos similia, multaque dissimilia, tum
in inventione, tum in collocatione.
Sed id nihil habet quaestionis, id est,
controversiae: et si quid habet, ad id
quod propositum est, non est neces-
sarium: quoniam de elocutione, non
de inventione, et dispositione propo-
sita quaestio est. STANNA.

Explicandus) Enestius corrigi
explicandum.

plurimum. Sed quot officia oratoris, tot sunt genera dicendi. Subtile in probando, modicum in delectando, vehemens in flectendo: in quo uno vis omnis oratoris est. Magni igitur iudicii, summae etiam facultatis esse debet moderator ille, et quasi temperator huius tripartitae varietatis. Nam et iudicabit, quid cuique opus sit; et poterit, quocunque modo postulabit causa, dicere. Sed est eloquentiae, sicut reliquarum rerum, fundamentum, sapientia. Ut enim in vita, sic in oratione, nihil est difficilius, quam, quid deceat, videre. *Πρέπον* appellant hoc Graeci: nos dicamus sane *decorum*. De quo et praeclare multa praecipuntur, et res est cognitione dignissima. Huius ignoratione non modo in vita, sed saepissime et in poematis, et in oratione peccatur. Est autem, quid deceat, oratori videndum non in sententiis solum, sed etiam in verbis. Non enim omnis fortuna, non omnis honos, non omnis auctoritas, non omnis aetas, nec vero locus, aut tempus, aut auditor omnis, eodem aut verborum genere tractandus est, aut sententiarum: semperque in omni parte orationis, ut vitae, quid deceat, est considerandum; quod et in re, de qua agitur, positum est, et in personis et eorum, qui dicunt, et eorum, qui audiunt. Itaque hunc locum, longe et late patentem, philosophi solent in officiis tractare (non quum de recto ipso disputant; nam id quidem unum est), grammatici in poetis, rhetores

* *Quid cuique opus sit*) I. e. quid cuique causae utile sit.

De quo et praeclare multa praecipuntur) Ita Strebacius, melius vulgato: *de quo praeclare et multa praecipuntur*.

Non quum de recto ipso disputant; nam id quidem unum est) Parum abest, quin mihi persuadessem, haec ab interpolatore quodam adiecta esse.

Rhetores in omni et genere et parte causarum) Pessime hic scribitur vulgo: *eloquentes in omni et genere e. p. c.* Quo autem sensu dici posset, *eloquentes*, h. e. oratores, in omni genere et parte causae locum de decoro tractare? Nam verbum *tractare* h. l. de theoretica disputatione poni manifestum est ex antecedentibus. Sic c. 12: *haec tractasse Thrasymachum re-*

in omni et genere et parte causarum. Quam enim indecorum est, de stillicidiis quum apud unum iudicem dicas, amplissimis verbis et locis uti communibus; de maiestate populi Romani summis et subtiliter? Hic genere toto. At persona alii peccant, aut sua, aut iudicum, aut etiam adversariorum; nec re solum, sed saepe verbo. Etsi enim sine re nulla vis verbi est, tamen eadem res saepe aut probatur, aut reiicitur, alio atque alio elata verbo. In omnibusque rebus videndum est, quatenus. Etsi enim suus cuique modus est, tamen magis offendit nimium, quam parum. In quo Apelles pictores quoque eos peccare dicebat, qui non sentirent, quid esset satis.

22. Magnus esset locus hic, Brute, quod te non fugit, et magnum volumen aliud desiderat: sed ad id, quod agitur, illud satis. Quum hoc decere (quod semper usurpamus in omnibus dictis et factis, minimis et maximis), quum hoc, inquam, decere dicamus, illud non decere, et id usquequaque quantum sit, appareat; in alioque ponatur, aliudque totum sit, utrum *decere*, an *oportere* dicas; (oportere enim, perfectionem declarat officii, quo et semper utendum est, et omnibus: decere, quasi aptum esse, consentaneumque tempori et personae; quod cum in factis saepissime, tum in dictis valet, in vultu denique, et gestu, et incessu; contraque item dedecere: quod si poëta fugit, ut maximum

ferunt. Itaque certissimum est, h. l. pro eloquentes scribendum esse *rhetores*, h. e. magistri eloquentiae, qui locum de decoro explicabant in omni genere et parte causarum.

Etsi enim sine) Particulum enim, quae vulgo abest, nec tamen commode abesse potest, praenante Lambino inserui.

Magnus esset) Sic etiam Guelf. 1,

2, et recte defenditur *esset* ab Heusingero; hoc sensu: *magnus esset hic locus, nisi aliud ageremus*. Itaque nihil opus erat *esset* in *est* mutare, quod fecit Ernestius.

Quum hoc, inquam, decere dicamus, illud non decere, et id usquequaque, quantum sit, appareat) Lambinus delenda censuit verba: *dicamus illud non decere, et id*.

vitium, qui peccat etiam, quum probam orationem af-
fingit improbo, stultove sapientis; si denique pictor ille
vidit, quum immolanda Iphigenia tristis Calchas esset,
moestior Vlysses, moereret Menelaus, obvolvendum
caput Agamemnonis esse, quoniam summum illum lu-
ctum penicillo non posset imitari; si denique histrio,
quid deceat, quaerit: quid faciendum oratori putemus?)
sed, quum hoc tantum sit, quid in causis, earumque
quasi membris faciat, orator viderit; illud quidem per-
spicuum est, non modo partes orationis, sed etiam
causas totas, alias alia forma dicendi esse tractandas.

23. Sequitur, ut cuiusque generis nota quaeratur,
et formula. Magnum opus, et arduum, ut saepe iam
diximus: sed ingredientibus considerandum fuit, quid
ageremus; nunc quidem iam, quocunque feremur,
danda nimirum vela sunt.

Ac primum informandus est ille nobis, quem solum
quidam vocant Atticum. Summissus est, et humilis,
consuetudinem imitans, ab indisertis re plus, quam
opinionem, differens. Itaque eum qui audiunt, quamvis
ipsi infantes sint, tamen illo modo confidunt se posse
dicere. Nam orationis subtilitas imitabilis illa quidem
videtur esse existimanti, sed nihil est experiendi minus.
Etsi enim non plurimi sanguinis est, habeat tamen suc-
cum aliquem oportet, ut, etiamsi illis maximis viribus
careat, sit (ut ita dicam) integra valetudine. Primum
igitur eum tanquam e vinculis numerorum eximamus.

Si denique pictor) Ernestius em. si
deinde pictor, quia sequitur si denique
histrio.

* *Pictor ille*) Timanthes pictor
ingeniosissimus, cuius est tabella Iphi-
geniae stantis ad aras et periturae. De
qua Plinius lib. XXXV, c. 10. PAVZ.

Immolanda Iphigenia) Ernestius

conj. in immolanda Iphigenia.

* *Etsi enim non plurimi sanguinis
est*) Haec verba referuntur ad illa :
nam orationis illa subtilitas, ne quis
forte haec putet de ipso oratore prae-
dicari. Sic c. 27 hoc in genere nervo-
rum vel minimum, sanguinis autem
est vel plurimum.

Sunt enim quidam (ut scis) oratori numeri, de quibus mox agemus, observandi ratione quadam, sed alio in genere orationis, in hoc omnino relinquendi. Solutum quiddam sit, nec vagum tamen, ut ingredi libere, non ut licenter videatur errare. Verba etiam verbis quasi coagmentare negligat. Habet enim ille tanquam hiatus concursu vocalium molle quiddam, et quod indicet non ingratam negligentiam de re hominis magis quam de verbis laborantis. Sed erit videndum de reliquis, quum haec duo ei liberiora fuerint, circuitus, conglutinationque verborum. Illa enim ipsa contracta et minuta non negligenter tractanda sunt; sed quaedam etiam negligentia est diligens. Nam ut mulieres esse dicuntur nonnullae inornatae, quas id ipsum deceat: sic haec subtilis oratio etiam incompta delectabit. Fit enim quiddam in utroque, quo sit venustius, sed non ut appareat. Tum removebitur omnis insignis ornatus,

* *Solutum quiddam sit*) Idem quod paulo post non ingratam negligentiam vocat: h. l. potissimum de neglectu numerorum in articulis, membris, et periodis orationis.

* *Coagmentare*) Quod postea conglutinationem verborum dicit, qua studiosae vocalium hiatus vitantur.

* *Illam enim ipsam contractam et minutam*) Sic appellat brevia illa et angusta *κόμματα* et *κόλλα*, quae in genere tenui usurpantur, multum illa quidem a circuitu verborum grandiore et latiore discrepantia, neque tamen omnis artis expertia. Ernestius opinabatur, contracta dici ea, in quibus esset hiatus; falso; nam *distrabere* vocales et hiatus facere. Nusquam *contrahere* sic ponitur. Contracta sunt brevia; sic Brut. c. 44: *ambitus verborum contractus et brevis*.

* *Quas id ipsum deceat*) Quas recte

dedere Ald. et Imt., quum in edd. pr. esset *quasi*, quod in Mss. reperiuntur plene Grutero. Male. Litera ultima adhaesit a sequente verbo. Si *quasi* verum esset, sensus praecedentis non esset perfectus, legendumque foret *laudatur*, aut simile quid. Ms. Vitemb. habet *quas*. Eax.

* *Delectabit*) Ita rescripti pro vulg. *delectat*. Est enim praecipientia, ut paulo post *removebitur*.

* *In utroque*) Scilicet ut in muliere, quae dicitur inornata, sic in hac subtili oratione.

* *Tum removebitur*) In pulcherrima hac allegoria *margaritae* denotant illustris illa sententiarum lumina, quae in tenui dicendi genus non cadunt, et quorum exempla cap. 25 afferuntur. Aentius enim ille orator non faciet rempublicam loquentem, nec ab inferis mortuos excitabit, uce

quasi margaritarum; ne calamistri quidem adhibebuntur. Fucati vero medicamenta candoris et ruboris omnia repellentur; elegantia modo, et munditia remanebit. Sermo purus erit, et latinus; dilucide planeque dicetur; quid deceat, circumspicietur.

24. Vnum aderit, quod quartum numerat Theophrastus in orationis laudibus, ornatum illud, suave et affluens; acutae crebraeque sententiae ponentur, et nescio unde ex abdito erutae, atque in hoc oratore dominabuntur. Verecundus erit usus oratoriae quasi suppellectilis. Supellex est enim quodammodo nostra, quae est in ornamentis, aliis rerum, aliis verborum. Ornatus autem verborum, duplex: unus simplicium, alter collocatorum. Simplicium probatur in propriis usitatisque verbis, quod aut optime sonat, aut rem maxime explanat: in alienis, aut translatum, et sumtum aliunde, ut mutuo; aut factum ab ipso et novum;

acervatim multa frequentans una complexione devinciet. » Calamistri significant quaesitas illas venustates, quas ibidem dicit eidem oratori fugiendas, ut paria paribus relata, et similiter conclusa, eodemque pacto cadentia etc. *Fucati* denique *candoris et ruboris medicamenta* sunt, quae dicuntur dulcia orationis vitia, argutiae, affectata verborum concinnitas et id genus alia.

Ornatum illud, suave et affluens) Vocabulum ornatum an hic geminum sit, valde dubito. Nam de ornamentis deinde dicit, ubi de usu oratoriae suppellectilis in genere tenui agit. Hoc autem loco legendum videtur: *solutum, suave et affluens*, ut c. 13 occurrit: *dulce orationis genus et solutum et affluens*.

* *Ornatus autem verborum duplex: unus simplicium, alter collocatorum.*

Simplicium probatur in propriis usitatisque verbis, quod aut optime sonat, aut rem maxime explanat) Vulgo male: *simplex probatur in propriis* etc. quasi Cicero ornatum simplicem dixerit, quum tamen de ornatu simplicium verborum agat. Ergo sic erat, ut fecimus, corrigendum. Sensus est: simplicium verborum, si spectes propria et usitata verba, probatur illud, quod vel optimo sono, vel dilucida rei explanatione commendatur. Lambinus dederat *sonant — explanant*.

Aut translatum, et sumtum aliunde, ut mutuo) Sic Lambinus correxit vulg. *aut translatum aut factum aliunde, ut mutuo*. Ernestius item dedit *sumtum*, quasi id primas reperisset: hactenus bene; nisi quod *aut sumtum* scripsit; quum hic non sit locus particulae disiunctivae.

Aut factum ab ipso et novum) Sic

aut priscum et inusitatum. Sed etiam inusitata, æ prisca sunt in propriis, nisi quod raro utimur. Collocata autem verba habent ornatum, si aliquid concinnitatis efficiunt, quod verbis mutatis non maneat, manente sententia. Nam sententiarum ornamenta, quae permaneant, etiamsi verba mutaveris, sunt illa quidem perinulta, sed, quae emineant, pauciora. Ergo ille tenuis orator, modo sit elegans, nec in faciendis verbis erit audax, et in transferendis verecundus, et parcus in priscis, reliquisque ornamentis et verborum et sententiarum demissior: translatione fortasse crebrior, qua frequentissime sermo omnis utitur non modo urbanorum, sed etiam rusticorum: siquidem est eorum, *gemmare vites, lascivire agros, laetas esse segetes, luxuriosa frumenta*. Nihil horum partum audacter, sed aut simile est illi, unde transferas: aut, si res suum nullum habet nomen, docendi causa sumtum, non ludendi, videtur. Hoc ornamento liberius paulo, quam ceteris, utetur hic summissus: nec tam licenter tamen, quam si genere dicendi uteretur amplissimo.

25. Itaque illud indecorum (quod quale sit, ex decoro debet intelligi) hic quoque apparet, quum ver-

necessario scribendum erat, non, ut vulgo editur: aut factum ab ipso mut novum. Tris enim sunt verborum alienorum genera: translate, nove, prisca. Singula haec Cicero bis verbis exprimit; itaque ut dicit *translatum et sumtum aliunde*, ac deinde *mut priscum et inusitatum*, sic b. l. esse debet aut *factum ab ipso et novum*.

Lascivire agros) Hanc lectionem ed. Venet. auctoribus Ernestio et Schneidero praetali vulgatae *sitire agros*. Nam ut Ernestius monuit, *sitire agros* esset poeticum, quum *la-*

scivia de agris, pecoribus etiam vulgo diceretur.

Nihil horum partum audacter) Sic emendavi, quod adhuc sine sensu legebatur in edd. *Nihil horum parum audacter*.

Sed aut simile est illi, unde transferas: aut, si res suum nullum habet nomen, docendi causa sumtum, non ludendi videtur) Si Cicero hic de primis illorum metaphorarum invento-ribus loquitur, scribendum est: unde transferrent, aut, si res suum nullum haberet nomen. Lectio una recepta stare potest, si alii, qui tunc em me-

bum aliquod altius transfertur, idque in oratione humili ponitur, quod idem in alta deceret. Illam autem concinnitatem, quae verborum collocationem illuminat his luminibus, quae Graeci, quasi aliquos gestus orationis, σχήματα appellant (quod idem verbum ab his etiam in sententiarum ornamenta transfertur), adhibet quidem hic subtilis (quem, nisi quod solum, ceteroquin recte quidam vocant Atticum), sed paulo parcius. Nam, sicut in epularum apparatu, a magnificentia recedens, non se parcum solum, sed etiam elegantem videri volet; eliget, quibus utatur. Non sunt enim peraeque apta huius ipsius oratoris, de quo loquor, parsimoniae. Nam illa, de quibus ante dixi, huic acuto fugienda sunt, paria paribus relata, et similiter conclusa,

taphoris utantur post primos inventores, innuantur.

Quod idem in alta deceret) Vulgo: quod idem in alia deceret. At alta hic significantius humili opponitur. Sic infra c. 57, humilis oratio et abiecta componitur cum alta et exaggerata.

Nam, sicut) Ed. Med. Ald. Iunt. al. habent: nam, si ut in epularum apparatu. Nec hoc male, inquit Ernestius. Immo pessime. Nam necessario scribi debet sicut. Sententia haec est: Nam, sicut in epularum apparatu hospes a magnificentia recedens, non se parcum solum, sed etiam elegantem (qui non vilis quaevis apponat, sed selecta) videri volet, ita orator ille parcius adhibebit orationis luminis, sed tamen eliget quibus utatur.

Non sunt enim peraeque apta huius ipsius oratoris, de quo loquimur, parsimoniae) Misere turbabatur connectio sententiarum lectione vulgari: sunt enim pleraeque aptae huius etc. Ac generis quidem vitium facile correxit Lambinus legendo: sunt enim

pleraeque apta. Sed hac medela non sustulit gravius perturbati sensus vitium. Quam enim Cicero dixisset, oratorem tenuem istis ornamentis uti quidem, sed paulo parcius, et electurum quibus utatur: nullo modo quadraret, si adiecisset: sunt enim pleraeque apta huius oratoris parsimoniae. Immo causa eligendi quibus utatur, hac sententia potius continetur: non sunt enim peraeque apta huius oratoris parsimoniae. Iamque ea quae sequuntur, optime cohaerent: Nam illa — huic acuto fugienda sunt. Librarii, qui primum inuixerunt lectionem sunt enim pleraeque, decepti sunt loco, qui paulo post sequitur, ubi auctor: sed pleraeque, inquit, ex illis convenient etiam huic tenuitati. Huius vero alia ratio est. Nam postquam excluserat Cicero ex regione generis dicendi tenuis ea sententiarum lumina, quae nimis essent illustra, subiicit, pleraeque tamen ex illis sententiarum luminibus etiam huic tenuitati convenire.

* Paria paribus relata) Πάριον

eodemque pacto cadentia; et immutatione literae quasi quaesitae venustates; ne elaborata concinnitas, et quoddam aucupium delectationis manifesto deprehensum appareat. Itemque si quae verborum iterationes contentionem aliquam, et clamorem requirent, erunt ab hac submissione orationis alienae; ceteris promiscue poterit uti; continuationem verborum modo relaxet, et dividat, utaturque verbis quam usitatissimis, translationibus quam mollissimis: etiam illa sententiarum lumina assumat, quae non erunt vehementer illustria. Non faciet rempublicam loquentem, nec ab inferis mortuos excitabit, nec acervatim multa frequentans, una complexione devinciet. Valentiorum haec laterum sunt, nec ab hoc, quem informamus, aut exspectanda, aut postulanda. Erit enim ut voce, sic etiam oratione suppressior. Sed pleraque ex illis convenient etiam huic tenuitati: quamquam iisdem ornamentis utetur horridius. Talem enim inducinus. Accedet actio non

Graeci dicunt quum membrum unum alteri prope ex aequo respondet. Cuiusmodi est illud Ciceronis ad Quint. Fratr. lib. II, ep. 11: *Tu vero ut me appelles, et interpelles, et obloquare, et colloquare velim.* PRVST.

* *Similiter conclusa*) Quum voces simili sono clauduntur, ut in illis versiculis ab Hadriano imperatore mortuente, ut refert Spartianus, compositis. *Animula, vagula, blandula, Hospes, comesque corporis, Quae nunc abibis in loca Pallidula, rigida, nudula, Nec, ut soles, dabis iocos.* ID.

* *Immutatione literae*) Quale est illud Ovidii de Arte Am. I, 244: *Et Varus in viuis, ignis in igne fuit.* ID.

Quasi quarunt venustates) Lambrinus delet *quasi*, quod non displicet. Ac fortasse transponendum est ante verbum *aucupium*, ut legatur et

quoddam quasi aucupium delectationis.

* *Iterationes*) Qualis est haec I Catilinaria num. 4: *Vivis, et vivis non ad depouendum, sed ad confirmandam audaciam.* PRVST.

Continuationem verborum modo relaxet et dividat) I. e. interponat membra periodis et breviores faciat ESS.

Translationibus quam mollissimis: etiam illa sententiarum lumina assumat) Malum, puncto post mollissimis posito, scribi: *Etiam illa sententiarum lumina assumet.* Et assuet quidem iam Lambino placuit.

* *Actio non tragica, nec scenae*) Vbi scena tragodiae opponitur, comedia significatur, aut mimus. Sic de Orat. III, 27, *scenica venustas pro comica.*

tragica, nec scenae, sed modica iactatione corporis, vultu tamen multa conficiens; non hoc, quo dicuntur os ducere, sed illo, quo significant ingenue, quo sensu quidque pronuntient.

26. Huic generi orationis aspergentur etiam sales, qui in dicendo nimium quantum valent: quorum duo genera sunt, unum facietiarum, alterum dicacitatis. Utetur utroque; sed altero in narrando aliquid venuste, altero in iaciendo, remittendoque ridiculo: cuius genera plura sunt: sed nunc aliud agimus. Illud admonemus tamen, ridiculo sic usurum oratorem, ut nec nimis frequenti, ne scurrile sit; nec subobsceno, ne mimicum; nec petulanti, ne improbum; nec in calamitatem, ne inhumanum; nec in facinus, ne odii locum risus occupet; neque aut sua persona, aut iudicium, aut tempore alienum. Haec enim ad illud indecorum referuntur. Vitabit etiam quaesita, nec ex tempore ficta, sed domo allata: quae plerumque sunt frigida. Parcet et amicitias, et dignitatibus: vitabit insanabiles contumelias: tantummodo adversarios figet, nec eos tamen semper, nec omnes, nec omni modo. Quibus exceptis sic utetur sale et facetiis, ut ego ex istis novis Atticis talem cognoverim neminem, quum id certe sit vel

Modica iactatione corporis) Ex oppositione: vultu tamen multa conficiens, intelligitur modica hic esse nominativum, et actionis, non iactationis, ἐπιπτερον.

* *Altero in iaciendo remittendoque ridiculo*) Quintil. VI, 3, 42: In narrando autem Cicero consistere facietias putat, dicacitatem in iaciendo. Scripsi autem remittendo, quum vulgo sit mittendoque. In quo frigida esset τρυφωγία. Nam mittere ridiculum et iacere procerus eadem sunt. Remittere autem ridiculum est i. q. cavillationi salte respondere; meta-

phora a pilae lusu sumta, ubi dicitur remittere pilam. Senec. de Benef. II, 132. Quintilianus idem vocavit reppertere Instit. orat. VI, 3, 45: Sed auctior est illa atque velocior in urbanitate brevis. Cuius quidem duplex est forma, dicendi ac respondendi. Sed ratio communis in parte, (ubi in parte more Quintiliani dicitur pro partim, etsi Spaldingius V. Cl. nuper recepit communis in partem) nihil enim in lacerando dici potest, quod non etiam in repercutiendo; at propria quaedam sunt respondentium.

maxime Atticum. Hanc ego iudico formam summissi oratoris; sed magni tamen, et germani Attici: quoniam, quidquid est salsum, aut salubre in oratione, id proprium Atticorum est: e quibus tamen non omnes faceti; Lysias satis, et Hyperides; Demades praeter ceteros fertur; Demosthenes minus habetur; quo quidem mihi nihil videtur urbanius: sed non tam dicax fuit, quam facetus. Est autem illud acrioris ingenii, hoc maioris artis.

27. Vberius est aliud, aliquantoque robustius, quam hoc humile, de quo dictum est; summissius autem, quam illud, de quo iam dicetur, amplissimum. Hoc in genere, nervorum vel minimum, suavitatis autem est vel plurimum. Est enim plenius, quam hoc enucleatum;

* *Summissi oratoris, sed magni tamen*) Ne quis hunc oratorem contemnendum putet, quia summissus sit et in tenui genere elaboret, additur *sed magni tamen*. Sic infra cap. 28: *Qui in illo subtili et acuto elaboravit, ut callide arguteque diceret, nec quidquam altius cogitaret, uno hoc perfecto, magnus orator est, si non maximus.*

Proprium) Ms. Ox. ψ , *proprie*.

Est autem illud acrioris ingenii, hoc maioris artis) Mirum est, h. l. Gothofredo scilicet obacurum visum esse, ut cum vel corruptum vel transponendum indicaret. Dicacitatem ait Cicero acrioris ingenii esse, quia in iaciendo remittendoque ridiculo celeritate opus est; facetias autem in narrando maioris artis esse, quia narrationis venustas certis legibus continetur.

Hoc in genere nervorum vel minimum, sanguinis autem est vel plurimum. Est enim plenius, quam hoc enucleatum; quam autem illud ornatum copiosumque remissius) Vulgo

ista sic legantur: *Hoc in genere nervorum vel minimum, suavitatis autem est vel plurimum.* (Lambin. *suavitatis haud scio an plurimum*). *Est enim plenius, quam hoc enucleatum; quam autem illud ornatum copiosumque summissius.* Quibus in verbis primum nos offendit suavitatis, quod si feramus, inanis existit eiusdem sententiae repetitio, quia mox sequitur: *plurimumque est in hac orationis forma suavitatis.* Nec satis bene opponitur suavis nervis. Itaque rescripti: *sanguinis autem est vel plurimum*, quod ad copiam spectat in genere medio quam in tenui maiorem et uberiolem. Nam de genere tenui dictum erat, id non plurimi sanguinis esse, cap. 23. Porro quum dicitur, medium genus esse plenius, quam hoc enucleatum, eo ipso exponitur, quid significet, in eo sanguinis vel plurimum esse. Tandem pro summissius edidi remissius. Quod enim in medio genere dictum erat esse nervorum vel minimum, id nunc exponitur sic, ut remissius esse perhi-

quam autem illud ornatum, copiosumque, summissius. Huic omnia dicendi ornamenta conveniunt, plurimumque est, in hac orationis forma, suavitatis. In qua multi floruerunt apud Graecos; sed Phalereus Demetrius meo iudicio praestitit ceteris; cuius oratio cum sedate placideque labitur, tum illustrant eam, quasi stellae quaedam, translata verba, atque immutata. Translata ea dico, ut saepe iam, quae per similitudinem ab alia re, aut suavitatis aut inopiae causa, transferuntur. Immutata, in quibus pro verbo proprio subiicitur aliud, quod idem significet, sumtum ex re aliqua consequenti. Quod quamquam transferendo fit, tamen alio modo transtulit, quum dixit Ennius *arcem et urbem orbas*: alio modo, si pro patria arcem dixisset: et *horridam*

beat, quam genus amplissimum. Nervosa enim oratio est acris et vehemens; qua scilicet in foro saepe est utendum. Hinc *nervi forenses*; quibus opponitur oratio brevis, mollis et remissior.

* *Illud ornatum*) Nempe genus amplissimum κατ' ἰξῆξιν dicitur ornatum, non quod ceteris ornamenta omnia desint, sed quia hoc est omnium ornatisimum. Cf. cap. 28 init.

Huic omnia dicendi ornamenta conveniunt) Aut Cicero parum constans sibi fuit, aut scripsit: huic fere omnia dicendi ornamenta conveniunt. Infra enim de hoc genere medio: in idem, inquit, verborum lumina cadunt omnia, multa etiam sententiarum.

Immutata) Ita erat scribendum, non ut vulgo, *mutata*. Nam verba per metonymiam aut hypallagen posita semper Cicero *immutata* vel *summutata*, nunquam simpliciter *mutata* vocat, ipsamque hunc tropum *immutationem*. Sic paulo post: *immutationes* nusquam crebriores; et de Orat. III, 43, metonymia dicitur tra-

ductio atque immutatio.

In quibus pro verbo proprio proprium subiicitur aliud) Vulgo: in quibus pro verbo proprio subiicitur aliud. In Guelf. 3 proprio abest. Quod edidimus firmatur loco simili de Orat. III, 43, ubi in metonymia dicitur ornandi causa verbum proprium proprio commutari.

* *Alio modo transtulit*) Alia est translatio, quem sumit Ennius *arcem* pro Capitolio, alia, si sumeret *arcem* pro patria. Primus translationis modus refertur ad synecdochen, qua genus ponitur pro specie. Alter ad metaphoram, qua propter similitudinem res una substituitur alteri: ut enim arx et defendit et defendi debet, sic patria cives tuetur, eamque singuli debent tueri. Damus fortasse plusculum conjecturae, sed quid aliud in evolendis veterum fragmentis expectes? PAVS.

Quum dixit Ennius: arce et urbe orba sum) Ita Iambin. Vulg. quum dixit Ennius *arcem et urbem orbas*.

Pro patria arcem) Sic metonymia

Africam terribili tremere tumultu quum dicit, pro Afris immutat *Africam*. Hanc ὑπαλλαγὴν rhetores, quia quasi summutantur verba pro verbis: μετανομίαν Grammatici vocant, quod nomina transferuntur. Aristoteles autem translationi haec ipsa subiungit, et abusionem, quam κατὰχρησιν vocant: ut, quum *minutum* dicimus animum pro parvo, et abutimur verbis propinquis, si opus est, vel quod delectat, vel quod decet. Iam quum fluxerunt plures continuae translationes, alia plane fit oratio. Itaque hanc Graeci appellant ἀλλογορίαν, nomine recte, genere melius ille, qui ista omnia translationes vocat. Haec frequentat Phalereus maxime, suntque dulcissima: et quamquam translatio est apud eum multa, tamen immutationes nusquam crebriores. In idem genus orationis (loquor enim de illa modica ac temperata), verborum cadunt lumina omnia, multa etiam sententiarum; latae eruditaeque disputationes ab eodem

fuisse. Lambin. *pro patria arcem et urbem*, non male. Ernestius frustra negabat, si *pro patria arcem dixisset* intelligi posse; pronusque erat ad rationem Gruteri amplectendam, qui ducta Mss. Pell. correxerat: si *patriam cadere dixisset*.

Immutat) Ms. ap. Gruteram *immutate*, quod si placet. Placeret et mihi, si verbum esset, unde hoc adverbium penderet. Eas.

ὑπαλλαγὴν — μετανομίαν) Graecis potius literis haec scribenda duxi, quam, ut vulgo, latinis, *hypallagen* — *metonymiam*. Sic enim solet Cicero, praesertim ubi expliest aut definit res graecis nominibus appellatas. Et Quintilianus VIII, 6, 23: *Nec procul ab hoc genere discedit μετανομία, quae est nominis pro nomine positio, cuius vis est pro eo, quod dicitur,*

causam propter quam dicitur, ponere, sed, ut ait Cicero, ὑπαλλαγὴν rhetores dicunt.

Et abutimur verbis propinquis) Quint. VIII, 6, 35: «Discernendumque est hoc totum a translatione generis, quod abusio est, ubi nomen defuit; transumptio (sic legendum) ubi aliud fuit. Nam poetae solent abusiva etiam in his rebus, quibus nomina sua sunt, vicinis potius uti, quod rarus in prosa est».

Itaque hanc Graeci appellant ἀλλογορίαν) Vulgo: itaque genus hoc Graeci a. d. Sed hoc est incommodum, quia sequitur *genere melius ille*. Quis credat Ciceronem scripsisse: hoc genus genere melius appellavit Aristoteles. Ut igitur antea scripsit: hanc ὑπαλλαγὴν rhetores — vocant; sic b. l. hanc Graeci appellant ἀλλογορίαν.

explicabuntur, et loci communes sine contentione dicentur. Quid multa? et philosophorum scholis tales fere evadunt: et, nisi coram erit comparatus ille fortior, per se hic, quem dico, probabitur. Est autem quoddam etiam insigne, et florens orationis, pictum et expolitum genus, in quo omnes verborum, omnes sententiarum illigantur lepores. Hoc totum e sophistarum fontibus defluxit in forum, sed spretum a subtilibus, repulsum a gravibus, in ea, de qua loquor, mediocritate consedit.

28. Tertius est ille amplus, copiosus, gravis, ornatus, in quo profecto vis maxima est. Hic est enim, cuius ornatum dicendi, et copiam admiratae gentes eloquentiam in civitatibus plurimum valere passae sunt: sed hanc eloquentiam, quae cursu magno, sonituque ferretur, quam suspicerent omnes, quam admirarentur, quam se assequi posse diffiderent. Huius eloquentiae est tractare animos, huius omni modo permovere. Haec modo perfringit, modo irrepit in sensus; inserit novas opiniones, evellit insitas. Sed multum interest inter hoc dicendi genus et superiora. Qui in illo subtili et acuto elaboravit, ut callide arguteque diceret, nec quidquam altius cogitaret; uno hoc perfecto, magnus orator est, si non maximus; minimeque in lubrico versa-

Explicabuntur — dicentur) Ita Gn. 3 probante Heusingero. Sunt enim praecipientis. Volgo: *explicantur — dicuntur*. In ed. Olivet. *explicantur — inducuntur*.

Evadunt) Gn. 3, *evadunt*.

Est enim quoddam etiam insigne et florens orationis, pictum et expolitum genus) Heusingero videbatur legendum: *est autem quoddam etiam insigne, et florens orationis pictae et expolitae genus*; in quo tamen autem minime placet. Nam particula enim ra-

tionem significat, cur antea dixerit: *et philosophorum scholis tales fere evadunt*; ac non potius *tales simpliciter*. Quia autem e sophistarum fontibus aliud genus dicendi, idem tamen medium, in forum defluxisse dicturus erat, h. l. ait: *est enim quoddam etiam etc.*

Illigantur) Ed. Omnib. *alligantur*.

* *In ea, de qua loquor, mediocritate consedit*) h. e. in genere orationis medio.

bitur, et, si semel constiterit, unquam cadet. Medius ille autem, quem modicum et temperatum voco, si modo suum illud satis instruxerit, non extimescet ancipites dicendi incertosque casus: etiam, si quando minus succedet, ut saepe fit, magnum tamen periculum non adibit. Alte enim cadere non potest. At vero hic noster, quem principem ponimus, gravis, acer, ardens, si ad hoc unum est natus, aut in hoc solo se exercuit, aut huic generi studuit uni, nec suam copiam illis duobus generibus temperavit; maxime est contemnendus. Ille enim summissus, quod acute et veteratorie dicit, sapiens iam; medius, suavis; hic autem copiosissimus, si nihil est aliud, vix satis sanus videri solet. Qui enim nihil potest tranquille, nihil leniter, nihil partite, definite, distincte, facete dicere, praesertim quum causae partim totae sint eo modo, partim aliqua ex parte tractandae; si is non praeparatis auribus inflammare rem coepit, furere apud sanos, et quasi inter sobrios bacchari vinolentus videtur.

29. Tenemus igitur, Brute, quem quaerimus; sed animo. Nam manu si prehendissem, ne ipse quidem sua tanta eloquentia mihi persuasisset, ut se dimitterem. Sed inventus profecto est ille eloquens, quem nunquam vidit Antonius. Quis est igitur is? Complectar brevi, disseram pluribus. Is enim est eloquens, qui et humilia subtiliter, et magna graviter, et mediocria temperate

Extimescet — Ita Gu. 3, bene. Vulg. *extimescit*.

Studuit) Vulg. *studet*. Praeteritum aservi e Gu. 3.

Nec suam copiam illis duobus generibus temperavit) Vulgo ; n. s. c. cum illis d. g. *temperavit*. At in Gu. 3 melius abest cum.

Si is) Ernestius praefert *is si*.

Non praeparatis auribus) Malim

n. p. auditoribus, quod melius responderet verbis apud sanos et inter sobrios.

Et magna graviter) Gu. 3, et alia *graviter*, quod non solum aptius opponitur praecedenti *humilis*; sed etiam variandae orationis causa praefendum, quum paulo post occurrat: *parva summissae* — magna *graviter dicere*.

potest dicere. Nemo is, inquires, unquam fuit. Ne fuerit. Ego enim, quid desiderem, non, quid viderim, disputo; redeoque ad illam Platonis, de qua dixeram, rei formam, et speciem, quam etsi non cernimus, tamen animo tenere possumus. Non enim eloquentem quaero, neque quidquam mortale et caducum, sed illud ipsum, cuius qui sit compos, sit eloquens; quod nihil est aliud, nisi eloquentia ipsa, quam nullis, nisi mentis oculis videre possumus. Is erit igitur eloquens (ut idem illud iteremus), qui poterit parva summis, modica temperate, magna graviter dicere. Tota mihi causa pro Caecina de verbis interdicti fuit. Res involutas definiendo explicavimus: ius civile laudavimus: verba ambigua distinximus. Fuit ornandus in Manilia lege Pompeius. Temperata oratione ornandi copiam persequuti sumus. Ius omne retinendae maiestatis Rabirii causa continebatur. Ergo in omni genere amplificationis exarsimus.

30. At haec interdum temperanda, et varianda sunt. Quod igitur in accusationis quinque libris non reperitur genus? quod in Aviti? quod in Cornelii? quod in plurimis nostris defensionibus? quae exempla selegissem, nisi vel nota esse arbitrarer, vel ipsi possent legere, qui

* *De qua dixeram*) De hoc usu plusquamperfecti cf. Heusingeri praefationem ad Cic. de officiis. Respicit autem Cicero id quod dixerat supra c. 3. Vtrumque autem locum Quintilianus respexit, et imitatus est I, 10, 4.

* *Non enim eloquentem quaero*) Post eloquentem nisi addiderit Cicero, certe intelligi voluit: qui vixerit. Nempe paulo ante dicebatur: *Tenemus — quem quaerimus*, et: *inventus profecto ille est eloquens*. Haec dicuntur de idea eloquentis. Quam autem h. l. dicitur: *non enim eloquentem*

quaero, significat eum, quem videre potuerit, qui vixerit.

In accusationis quinque libris) In Gu. 3 est *VII libris*, ut *septem* quoque in Ed. Omnib. Sed verum est *quinque*. Tot enim sunt libri actionis secundae in Verrem. Sic infra c. 49 extr. citatur *liber quartus accusationis*. Item Quintil. XI, 2.

Vel ipsi possent legere) Haec lectionem ex e vestigiis scripturae cod. Guelf. 3, ubi est: *vel opes possent legere*. Illa enim lectio pressior et significantior est quam vulgata: *vel posse eligere*. Nempe hoc dicit Cicero

quaerent. Nulla est enim ullo in genere laus, cuius in nostris orationibus non sit aliqua, si non perfectio, at conatus tamen, atque adumbratio. Si non assequimur: at, quid deceat, videmus. Nec enim nunc de nobis, sed de re dicimus: in quo tantum abest, ut nostra miremur, ut usque eo difficiles ac morosi simus, ut nobis non satisfaciatur ipse Demosthenes; qui quamquam unus eminet inter omnes in omni genere dicendi, tamen non semper implet aures meas; ita sunt avidae et capaces; et semper aliquid immensum infinitumque desiderant. Sed tamen, quoniam et hunc tu oratorem cum eius studiosissimo Pammene, quum esses Athenis, totum diligentissime cognovisti; neque eum dimittis e manibus; et tamen nostra etiam lectitas: vides profecto, illum multa perficere, nos multa conari; illum posse, nos velle, quocunque modo causa postulet, dicere. Sed ille magnus: nam et successit ipse magnis, et maximos oratores habuit aequales. Nos magnum fecissemus, si quidem potuissemus, quo contendimus, pervenire, in ea urbe, in qua (ut ait Antonius) auditus eloquens nemo erat. Atqui, si Antonio Crassus eloquens visus non est, aut sibi ipse; nunquam Cotta visus esset, nunquam Sulpicius, nunquam Hortensius. Nihil enim ample Cotta, nihil leniter Sulpicius, non multa graviter Hortensius. Superiores magis ad omne genus apti, Crassum dico et Antonium. Ieiunas igitur huius multiplicis, et aequabiliter in omnia genera fusae orationis aures civitatis accepimus; easque nos primi, quicumque eramus, et quantulumcunque dicebamus, ad huius generis

ro: quae exempla selegissem ex orationibus meis, nisi vel nota arbitrarer, vel ipsi possent orationes legere, qui eiusmodi exempla quaerent.

Nulla in genere laus) Vulgo ad-

ditur oratoris, quod in Gu. 3 elegantius omittitur.

Si non assequimur) Ita cod. Gud. Vulgo: non assequimur.

Ad huius generis audiendi. Vulgo

audiendi incredibilia studia convertimus. Quantis illa clamoribus adolescentuli diximus de supplicio parricidarum? quae nequaquam satis deserbuisse post aliquanto sentire coepimus: *Quid enim tam commune, quam spiritus vivis, terra mortuis, mare fluctuantibus, litus eiectis? Ita vivunt, dum possunt, ut ducere animam de caelo non queant; ita moriuntur, ut eorum ossa terram non tangant: ita dictantur fluctibus, ut nunquam abluantur: ita postremo eiiciuntur, ut ne ad saxa quidem mortui conquiescant; et quae sequuntur. Sunt enim omnia, sicut adolescentis, non tam re et maturitate, quam spe et expectatione, laudata. Ab hac indole iam illa matura: *Vxor generi, noverca filii, filiae pellex.* Nec vero hic erat unus ardor in nobis, ut hoc modo omnia diceremus. Ipsa enim illa pro Roscio juvenilis redundantia, multa habet attenuata, quaedam etiam paulo hilariora; ut pro Avito, pro Cornelio, compluresque aliae. Nemo enim orator tam multa, ne in graeco quidem otio, scripsit, quam multa sunt nostra; eaque hanc ipsam habent, quam probo, varietatem.*

male; ad huius generis dicendi audiendi. Abest autem dicendi Gu. 3.

* *Quantis illa clamoribus*) plaudendum scilicet.

De supplicio parricidarum) Haec verba abstant a codd. Gu. 3, et aliquot Gruterianis. Non tamen ideo damnaverim, quia his omissis aures ostendantur similiter cadentibus clausulis: *convertimus, diximus, crepimus.*

* *Terram non tangant*) Hanc lectionem restituit Ernestus ex ed. Ald. Iunt. Gryph. Eandem Gruterus attulit e Mss. Pall. et Pittf. Alias: *terra non tangat.*

* *Laudata*) Sic Gu. 3, Laashin. idque melius vulgato *laudati*. Sensus ejus est: nam omnia illa tum homi-

nes, non ob ipsam rem et maturitatem, sed quoniam adolescentis erant, spei et expectationis causa laudabant.

* *Vxor generi, noverca filii, filiae pellex*) Verba sunt ex oratione pro Cluentio c. 70, de Sussia Cluentii matre, quae generum suum Melium quam pellexisset, ei, divortio cum filio facto, nupsit. Is deinde Cluentiam veneno tollere decrevit, ac de veneficio accusatus damnatusque in exsilio perijt. Quinto anno post eius damnationem, Sussia filium de veneficio accusavit.

* *Nec vero hic erat unus ardor in nobis*) Sic illa colligitur in Gu. 3. Vulgo: *nec vero hic quis erat ardor in nobis.*

31. An ego Homero, Ennio, reliquis poëtis, et maxime tragicis concederem, ut ne omnibus locis eadem contentione uterentur, crebroque mutarent, nonnunquam etiam ad quotidianum genus sermonis accederent: ipse nunquam ab illa acerrima contentione discederem? Sed quid poëtas divino ingenio profero? Histrones eos vidimus, quibus nihil posset in suo genere esse praestantius, qui non solum in dissimillimis personis satisfaciebant, quum tamen in suis versarentur, sed et comoedum in tragoediis, et tragœdum in comoediis admodum placere vidimus. Ego non elaborem? Me quum dico, te, Brute, dico. Nam in me quidem iam pridem effectum est, quod futurum fuit. Tu autem eodem modo omnes causas ages? aut aliquod causarum genus repudiabis? aut in iisdem causis perpetuum eundem spiritum sine ulla commutatione obtinebis? Demosthenes quidem, cuius nuper inter imagines tuas, ac tuorum (quod eum, credo, amares) quum ad te in Tusculanum venissem, imaginem ex aere vidi, nihil Lysiae subtilitate cedit, nihil argutiis et acumine Hyperidi, nihil lenitate Aeschini, et splendore verborum. Multae sunt eius totae orationes subtiles, ut contra Leptinem; multae totae graves, ut quaedam Philippicae; multae variae, ut contra Aeschinem, falsae legationis, ut contra eundem pro causa Ctesiphontis. Iam illud medium quoties vult, arripit, et a gravissimo descendens, eo potissimum delabitur.

* *Quum tamen in suis versarentur*) Nimirum comoedi in comoediis, tragoedi in tragoediis.

Me quum dico) Sic Gu. 3 ordine verborum concinniore. Vulg. quum dico me.

Aut in iisdem causis) Gu. 3, aut eisdem causis.

Perpetuum eundem spiritum) Ita sensus causa recipi. Vulg. perpetuum et eundem spiritum.

Multae totae graves) Victor. multae et totae graves.

* *A gravissimo descendens*) Vulg. descendens. Illud h. l. metaphoræ constantis postulat. Eodem modo a;

Clamores tamen tum movet, et tum in dicendō plurimum efficit, quin gravitatis locis utitur. Sed ab hoc parumper abeamus; quandoquidem de genere, non de homine quaerimus: rei potius; id est, eloquentiae vim et naturam explicemus. Illud tamen, quod iam ante diximus, meminimus, nil nos praecipienda causa dicturos; atque ita potius acturōs, ut existimatores videamur loqui, non magistri. In quo tamen longius saepe progredimur, quod videmus, non te haec solum esse lecturum, qui ea multo, quam nos, qui quasi docere videamur, habeas notiora: sed hunc librum, etiamsi minus nostra commendatione, tuo tamen nomine divulgari necesse est.

32. Esse igitur perfecte eloquentis puto, non eam solum facultatem habere, quae sit eius propria, fuisse lateque dicendi, sed etiam vicinam eius, atque finitimam, dialecticorum scientiam assumere. Quamquam aliud videtur oratio esse, aliud disputatio; nec idem loqui, quod dicere: attamen utrumque in disserendō est; ut disputandi ratio, et loquendū, dialecticorum sit; oratorum autem, dicendi et ornandi. Zeno quidem ille,

scendere et delabi opponuntur Partit.
or. c. 12.

* *Et existimatores videamur loqui, non magistri*) infer. c. 33: iudicem esse me, non doctorem volo.

In quo tamen longius saepe progredimur) Vulgo abest saepe, quod addidimus e Gu. 3.

Non eam solum) In Gu. 3, non eam tm, i. e. tantum; et hoc quidem praefecendum, quin paulo ante iam posuerat Cicero non solum.

Nec idem loqui) Vulgo additus esse, elegantius in Gu. 3 suppressum.

Attamen utrumque in disserendo est, ut disputandi ratio et loquendi dialecticorum sit) Ita concipi quod

vulgo sic legebatur: *Attamen utrumque in disserendo est. Disputandi ratio et loquendi dialecticorum sit.* Emendatio nostra confirmatur simili verborum forma, quae paulo post occurrit: *Aristoteles — docit, illam deum quasi ex altera parte responderet dialecticis: ET hoc videlicet differant inter se etc.* Lambini ratio minus concinna; qui transpositione vnius locum ita constituit: *quamquam enim aliud videatur esse oratio, aliud disputatio, nec idem loqui esse, quod dicere, et quamquam disputandi ratio et loquendi dialecticorum sit, oratorum autem dicendi et ornandi; attamen utrumque in disserendo est.*

a quo disciplina Stoicorum est, manu demonstrare solebat, quid inter has artes interesset. Nam quum compresserat digitos, pugnumque fecerat, dialecticam aiebat eiusmodi esse: quum autem diduxerat, et manum dilataverat, palmae illius similem eloquentiam esse dicebat. Atque ante hunc Aristoteles principio Artis Rhetoricae dicit, illam artem quasi ex altera parte respondere dialecticae: ut hoc videlicet differant inter se, quod haec ratio dicendi latior sit, illa loquendi contractor. Volo igitur huic summo, omnem, quae ad dicendum trahi possit, loquendi rationem esse notam: quae quidem res (quod te his artibus eruditum minime fallit) duplicem habet docendi viam. Nam et ipse Aristoteles tradidit praecepta plurima disserendi, et postea, qui dialectici dicuntur, spinosiora multa pepererunt. Ergo eum censeo, qui eloquentiae laude ducatur, non esse earum rerum omnino rudem; sed vel illa antiqua, vel hac Chrysippi disciplina institutus noverit primum vim, naturam, genera verborum, et simplicium, et copulatorum; deinde quot modis quidque dicatur; qua ratione, verum falsumve sit, iudicetur; quid efficiatur e quoque; quid cuique consequens sit, quidve contrarium; quumque ambigue multa dicantur, quomodo quidque eorum dividi, expla-

Dilataverat) Gu. 3, *dilatatur*; melius ad variandum sonum, quia praecedat *diduxerat*.

Atque ante hunc) Ita Gu. 3, bene. Vulgo; *atque etiam ante hanc*.

* *Haec ratio dicendi*) i. e. haec ratio, quae est in dicendo, s. haec ars eloquentiae forensis.

Quae ad dicendum trahi possit) Hoc retroviximus editionum plurimarum auctoritate. Male Ernestius ex edit. Venet. *quae ad dicendum trahi possit*.

* *Duplicem habet docendi viam*) Al-

teram ab Aristotele, alteram a recentioribus dialecticis, Chrysippo potissimum institutam.

Institutus noverit) Ita Gu. 3 concinnius, ut arbitror, vulgari ratione, institutum. *Noverit*. Idem Heusingero placebat.

Quid cuique consequens sit, quidve contrarium) Hoc recepi e Gu. 3. Adhuc edebatur: *quid aut consequens sit, quidque contrarium*.

* *Quomodo quidque eorum dividi*)

hæcque oporteat. Haec tenenda sunt oratori: sæpe enim occurrunt. Sed quia sua sponte squalidiora sunt, adhibendus erit in his explicandis quidam orationis nitor.

33. Et quoniam in omnibus, quæ ratione docentur et via, primum constituendum est, quid quidque sit (nisi enim inter eos, qui disceptant, convenit, quid sit illud, de quo ambigitur, nec recte disserit, nec unquam ad exitum perveniri potest): explicanda est sæpe verbis mens nostra de quaque re, atque involuta rei notitia definiendo aperienda est: siquidem definitio est oratio, quæ, quid sit id, de quo agitur, ostendit quam brevissime. Tum, ut scis, explicato genere cuiusque rei, videndum est, quæ sint eius generis sive formæ, sive partes, ut in eas tribuatur omnis oratio. Erit igitur hæc facultas in eo, quem volumus esse eloquentem, ut definire rem possit, neque id faciat tam presse et anguste, quam in illis eruditissimis disputationibus fieri solet, sed tum explanatius, tum etiam uberius, et ad commune iudicium popularemque intelligentiam accommodatius. Idemque etiam, quum res postulabit, genus universum in species certas, ut nulla neque prætermittatur; neque redundet, partietur ac dividet. Quando autem id faciat, aut quomodo, nihil ad hoc

Nempe ambigua dividere est i. q. distinguere, ut de Legg. I, 16.

Disceptant) Recte sic Gu. 3. Vulg. *disceptant*.

Atque involuta rei notitia) Sic Gu. 3. Vulgo: *atque involutæ rei notitia*. Etsi autem Cicero alibi etiam *res involutas* dicit, h. l. tamen eadem verba, cui adhaeret *aperiendâ* est, tribui debet *involuta*. Similis forma loquendi est Tusc. diapp. IV, 24: *Quæ enim istarum definitionum nova aperit notionem nostram, quam habemus omnes*

de fortitudine tectam atque involutam.

* *Eius generis sive formæ*) Generis cuiusque, sive sunt partes. Logici species, formas appellant rhetores. Exempli gratia, virtus est genus, cui subsunt partes iustitia, prudentia, fortitudo, et temperantia. PRÆST.

Sed tum explanatius) Ita Gu. 3. Vulgo: *sed quum explanatius*.

* *Quando autem id faciat, aut quomodo*) It edd. vul: *quando autem aut quomodo id faciat*. Nos ordinem verborum, quem servat Gu. 3 præcelsimus.

tenquus; quoniam (ut supra dixi) iudicem esse me, non doctorem volo. Nec vero dialecticis modo sit instructus, sed habeat omnes philosophiae notos et tractatos locos. Nihil enim de religione, nihil de more, nihil de pietate, nihil de caritate patriae, nihil de bonis rebus, aut malis, nihil de virtutibus, aut vitiis, nihil de officio, nihil de dolore, nihil de voluptate; nihil de perturbationibus animi, et erroribus, quae saepe cadunt in causas, sed ieignius aguntur; nihil, inquam, sine ea scientia, quam dixi, graviter, ample, copiose dici et explicari potest.

34. De materia loquor orationis etiam nunc, non ipso de genere dicendi. Volo enim prins habeat orator rem, de qua dicat, dignam auribus eruditis, quam cogitet, quibus verbis quidque dicat, aut quomodo. Quem etiam, quo grandior sit, et quodammodo excelsior (ut de Pericle dixi supra), ne physicorum quidem esse ignarum volo. Omnia profecto, quum se a caelestibus rebus referet ad humanas, excelsius, magnificentiusque et dicet, et sentiet. Quum illa divina cognoverit, nolo ignoret ne haec quidem humana. Ius

Iudicem esse me) Sic Gu. 3. Vulgo: *iudicem me esse*.

Nihil de more) Hanc lectionem e Gu. 3 recejimus pro vulg. *nihil de morte*. Illam Hensingerus quoque probavit, iussitque conferri de Part. or. cap. 9, Topic. c. 7. At ibi *no*ngitur de partibus philosophiae. Lectioni de morte favere videntur Cic. de Orat. I, 15, ubi: *sin quae res inciderit, inquit, in qua de natura, de vitiis hominum, de cupiditatibus, de modo, de continentia, de dolore, de morte dicendum sit — cum Sex. Pompeio erudito homine in philosophia communicavit*. Verumtamen lectio de more hoc nostro loco non solum exquisitor, sed

optimior etiam debet videri. Non eni inter verba de religione et de pietate interponeretur de morte? Morti enim locus potius fuisse post verba *nihil de dolore, de religione, de more* autem sic interpretando sunt. Religio notat caeremonias in rebus sacris a maioribus institutas, *mos* autem instituta maiorum in rebus profanis et civilibus. De utroque autem philosophos quoque disputare nullum dubium est.

* *Sed ieignius aguntur*) scil. ab oratoribus philosophiae ignaris.

Et de Pericle dixi supra) Cap. 4. *Quum illa*) Sic Gu. 3. Vulg. *quumque illa*.

civile teneat, quo egent causae forenses quotidie. Quid est enim turpius, quam legitimarum et civilium controversiarum patrocinia suscipere, quum sis legum et civilis iuris ignarus? Cognoscat etiam rerum gestarum et memoriae veteris ordinem, maxime scilicet nostrae civitatis; sed et imperiosorum populorum, et regum illustrium: quem laborem nobis Attici nostri levavit labor; qui conservatis notatisque temporibus, nihil quum illustre praetermitteret, annorum septingentorum memoriam uno libro colligavit. Nescire autem, quid ante, quam natus sis, acciderit, id est semper esse puerum. Quid enim est aetas hominis, nisi ea memoria rerum gestarum cum superioribus contexitur? Commemoratio autem antiquitatis, exemplorumque prolatio summa cum delectatione et auctoritatem orationi affert, et fidem.

35. Sic igitur instructus veniet ad causas: quarum habebit genera primum ipsa cognita. Erit enim ei perspectum, nihil ambigi posse, in quo non aut res controversiam faciat, aut verba. Res, aut de vero, aut de recto, aut de nomine. Verba, aut de ambi-

Sed etiam) Gu. 3, bene. Vulg. *sed et*. Particula copulativa autem Cicero pro *etiam* non utitur. — Aptior huic loco mihi visa est lectio vulgata, eoque retinui. Ed. TALL.

Nescire autem, quid ante) Gu. 3, *nescire enim, quid ante*.

Nisi ea memoria rerum gestarum cum superioribus contexitur) Ita Gu. 3, optime, nisi quod *servat rerum nostrarum* et post *superioribus* addit *aetate*. Vulgo: *nisi memoria rerum nostrarum cum superiorum aetate contexitur*. Quis in lectione primum incommodum est *memoria rerum nostrarum*; nam harum rerum, quibus ipsi interfuimus, memoria ae-

tas hominis extendi non potest. Deinde ambiguum est, *memoria* nominativus an ablativus sit. Quod secus est, si cum Gu. 3 legatur: *nisi ea* (scilicet aetas nostra) *memoria rerum* etc. unde statim lectori patet, *memoria* ablativo casu positum esse. Iam autem *nostrarum* necessario mutandum est in *gestarum*; inde sensus exoritur pulcherrimus et verissimus. Historia nimirum, i. e. *memoria rerum gestarum*, aetas nostra cum superioribus (scilicet aetatibus) contexitur. Sic infra c. 55, *eodem superiorque aetas*. In Victor. est: *nisi eius memoria rerum veterum cum superiorum aetate contexitur*.

quo, aut de contrario. Nam si quando aliud in sententia videtur esse, aliud in verbis, genus est quoddam ambigui, quod ex praeterito verbo fieri solet: in quo, quod est ambiguum proprium, res duas significari videmus. Quum tam pauca sint genera causarum, etiam argumentorum praecepta pauca sunt. Traditi sunt, e quibus ea ducantur, duplices loci: uni e rebus ipsis, alteri assumti. Tractatio igitur rerum efficit admirabilem orationem. Nam ipsae quidem res in perfacili cognitione versantur. Quid enim iam sequitur, quod quidem artis sit, nisi ordiri orationem, in quo aut concilietur auditor, aut erigatur, aut paret se ad discendum? rem breviter exponere, et probabiliter, et aperte, ut quid agatur, intelligi possit? sua confirmare? adversaria evertere? eaque efficere non perturbate, sed singulis argumentationibus ita concludendis, ut efficiatur quod sit consequens iis, quae sumentur ad quamque rem confirmandam? post omnia peroratione animos inflammantem, restinguentemve concludere?

36. Has partes quemadmodum tractet singulas, difficile dictu est hoc loco; nec enim semper tractantur uno modo. Quoniam autem non, quem doceam,

Facit admirabilem orationem) Ita Gu. 3. Vulgo *f. admirabiliorem orationem*. Illic autem positivus gradus plus dicit quam comparativus. Idem c. 38 occurrit, duo restant - quae admirabilem orationem faciunt.

Aut paret se ad discendum) Sic Gu. 3, Ed. Omnib. Victor. Lambin. quam lectionem Ernestius perperam mutavit in: ut paret se ad discendum. Nimirum tria sunt ex arte rhetorica veterum, quae praestare debet exordium orationis, ut benevolum, ut attentum, ut docilem faciat auditorem. Primum h. l. verbis: aut concilietur auditor, alterum his: aut erigatur,

tertium illis: aut paret se ad discendum, exprimitur.

Post omnia peroratione animos inflammantem, restinguentemve concludere) Vulgo: post omnia perorationem inflammantem, restinguentemve concludere. In quo primum absurdum est, perorationem concludere, quod perinde est ac si diceretur conclusionem concludere. Deinde inflammantem subiecto caret. Quare animos inserui. Quo modo dicuntur de Or. I, 14: sensus animorum atque motus vel inflammari, vel extinguere; et ibid. cap. 51, negatur, oratorem posse eorum mentes, qui audirent, aut

quaero, sed quem probem; probabo primum eum, qui, quid deceat, videbit. Haec enim sapientia maxime adhibenda eloquenti est, ut sit temporum, personarumque moderator. Nam nec semper, nec apud omnes, nec contra omnes, nec pro omnibus, nec omnibus eodem modo dicendum arbitror. Is erit ergo eloquens, qui ad id, quodcumque decebit, poterit accommodare orationem. Quod quum statuerit, tum, ut quidque erit dicendum, ita dicet; nec satura ieiune, nec grandia minute, nec item contra, sed erit rebus ipsis par et aequalis oratio. Principia verecunda, non elatis intensa verbis, sed acuta sententiis, vel ad offensionem adversarii, vel ad commendationem sui. Narrationes credibiles, nec historico, sed prope quotidiano sermone explicatae dilucide. Dein si tenues causae, tum etiam argumentandi tenne filum et in docendo, et in refellendo; id quod ita tenebitur, ut, quanta ad rem, tanta ad orationem fiat accessio. Quum vero causa ea inciderit, in qua vis eloquentiae possit expromi: tum se latius fundet orator, tum reget et flectet animos, et sic afficiet, ut volet, id est, ut causae natura, et ratio temporis postulabit.

57. Sed erit duplex eius ornatus ille admirabilis,

inflammare dicendo aut inflammatus restringere, nisi philosophiam perceperit. SCHVITZ -- Multa quidem optime Criticus noster, sed vereor, ut viris doctis probet modelam, quam huic loco asserre conatur. At fortasse oblitus est corrigere participia *inflammantem restringentemve* quae ad *perorationem* referri procul dubio videntur; et tum sententia recte procederet. TIT. TAV. *Videbit*) Gu. 3, *viderit*. *Qui ad id quodcumque*) Ed. Omnib. *qui ad quodcumque*.

Non elatis intensa verbis) Sic Gu. 3. Ed. Omnib. Victor. Vulgo male;

non elatis intensa verbis. Nihil autem, quia est elatum, incenditur. *Intensa* etiam agnoscit Nizolius, qui recte exp. *inflata, tumida*.

* *Nec historico*) i. e. sermone, quotuntur ii scriptores, qui maiorem in historia sonum, exquisitiusque dicendi genus sequuntur.

Id quod ita) Sic Guelf. 3. Vulgo, *idque ita*.

Sed erit duplex eius ornatus ille) Vulgo: *sed erit duplex omnis eius ornatus ille*. Guelf. 3: *sed erit duplex omnis eius conatus ille*. Ego vero delevi *voc. omnis*, quod hic superven-

propter quem ascendit in tantum honorem eloquentia. Nam quum omnis pars orationis esse debet laudabilis, sic ut verbum nullum, nisi aut grave, aut elegans excidat; tum sunt maxime luminosae, et quasi actuosae partes duae: quarum alteram in universi generis quaestione pono, quam (ut supra dixi) Graeci appellant *θεσις*; alteram in augendis, amplificandisque rebus, quae ab eisdem *αὔξησις* est nominata. Quae etsi aequaliter toto corpore orationis fusa esse debet, tamen in communibus locis maxime excellet: qui communes appellati, quod videntur multarum iidem esse causarum, sed proprii singularum esse debebunt. At vero illa pars orationis, quae est de genere universo, totas causas saepe continet. Quidquid est enim illud, in quo quasi certamen est controversiae, quod graece *πρὸς μὲν* dicitur, id ita dici placet, ut traducatur ad perpetuam quaestionem, atque ut de universo genere dicatur: nisi quum de vero ambigetur; quod quaeri coniectura solet. Dicitur autem non Peripateticorum more (est enim illorum exercitatio elegans iam inde ab Aristotele constituta), sed aliquanto nervosius: et ita de re communia dicentur, ut et pro reis multa leniter dicantur, et in adversarios aspere. Augendis vero rebus, et contra abiiciendis, nihil est quod non perficere possit oratio: quod et inter media argumenta facendum est, quotiescunque dabitur vel amplificandi, vel minuendi locus, et paene infinite in perorando.

cum est et temere ex versiculo vicino haec aberravit.

Excedit) E vestigio scripturae Gn. 3, in quo est *descendit*. Vulg. *ascendit*.

Quarum alteram in universi generis quaestione pono) Gn. 3: *quarum*

alteram universi generis quaestionem pono.

Quod videntur) Guelf. 3: eo quod videntur.

Atque ut de universo) Vulgo abest ut, quod inserui auctoritate Gn. 3.

* *De vero*) i. e. de veritate facti cuius.

38. Duo restant, quae bene tractata ab oratore, admirabilem eloquentiam faciant: quorum alterum est, quod Graeci *ῥητὸν* vocant, ad naturam, et ad mores, et ad omnem vitae consuetudinem accommodatum; alterum, quod iidem *παθητικὸν* nominant, quo perturbantur animi et concitantur, in quo uno regnat oratio. Illud superius, come, iucundum, ad benevolentiam conciliandam paratum; hoc, vehemens, incensum, incitatum, quo causae eripiuntur; quod quum rapide fertur, suslineri nullo pacto potest. Quo genere nos, mediocres, aut multo etiam minus; sed magno semper usi impetu, saepe adversarios de statu omni-deicimus. Nobis pro familiari reo summus orator non respondit Martensius. A nobis homo audacissimus Catilina in senatu accusatus obmutuit. Nobis privata in causa magna et gravi quum coepisset Curio pater respondere, subito assedit, quum sibi venenis ereptam memoriam diceret. Quid ego de miserationibus loquar? quibus eo sum usus pluribus, quod etiamsi plures dicebamus, perorationem mihi tamen omnes relinquebant. In quo ut viderer excellere, non ingenio, sed dolore assequabar. Quae qualiacunque in me sunt; me enim ipsum poenitet, quanta sint: sed apparent in orationibus: etsi carent libri spiritu illo, propter quem maiora eadem illa quum aguntur, quam quum leguntur, videri solent. Nec vero miseratione solum mens iudicum permovenda est (qua nos ita dolenter uti soleamus, ut puerum infantem in manibus perorantes tenuerimus; ut alia in

Duo restant) Vulg. *duo sunt*. At quum iam superiore capite duo nominasset, quae admirabilem eloquentiam facerent, non poterat hic quasi de integro incipere *duo sunt*. Vestigia lectionis *duo restant* latere videntur

in Gn. 3, ubi est: *duae res sunt enim quae bene.*

Ad naturam) Sic Gu. 3. Vulg. *ad naturas.*

* *Pro familiari reo*) Verre.

* *Me ipsum poenitet, quanta sint*) Formula modestae de se loquentis.

causa, excitato reo nobili, sublato etiam filio parvo, plangore et lamentatione complerimus forum); sed est faciendum etiam, ut irascatur iudex, mitigetur, invideat, faveat, contemnat, admiretur, oderit, diligat, cupiat, satietate afficiatur, speret, metuat, laetetur, doleat: qua in varietate, duriorum, Accusatio suppeditabit exempla; mitiorum, defensiones meae. Nullo enim modo animus audientis aut incitari, aut leniri potest, qui modus a me non tentatus sit. Dicerem perfectum, si ita iudicarem, nec in veritate crimen arrogantiae extimescerem. Sed (ut supra dixi) nulla me ingenii, sed magna vis animi inflammat, ut me ipse non teneam. Nec unquam is, qui audiret, incendereetur, nisi ardens ad eum perveniret oratio. Vterer exemplis domesticis, nisi ea legisses: uterer alienis, vel latinis, si ulla reperirem, vel graecis, si deceret. Sed Crassi perpauca sunt, nec ea iudiciorum. Nihil Antonii, nihil Cottae, nihil Sulpicii. Dicebat melius, quam scripsit, Hortensius. Verum haec vis, quam quaerimus, quanta sit, suspicemur, quoniam exemplum non habemus; aut, si exempla sequimur, a Demosthene sumamus, et quidem perpetuae dictionis, ex eo loco, unde, in Ctesiphontis iudicio, de suis factis, consiliis, meritis in rempublicam aggressus est dicere. Ea profecto oratio in eam formam, quae est insita in mentibus nostris, in-

* *Excitato nobili reo*) i. e. reo, qui assederat, surgere iusso et in conspectum producto.

Sed est faciendum etiam) Sic Gu. 3. Vulgo, *sed etiam est faciendum*.

* *Sublato etiam filio parvo*) (Inod praestitit, quom pro P. Sylla peroraret (cap. 31): *Hic vos orat, iudices, parvus, ut se aliquando, si non iatēgra fortuna, at afflicta patri suo gra-*

tulari sinatis etc.

* *Vt irascatur iudex — laetetur, doleat*) Comparandus est locus similis in Bruto cap. 50.

Satietate afficiatur) Gu. 3, *taedeat, Duriorum*) scil. πεινῶντων.

* *Accusatio*) i. e. actio in Verrem libris quinque comprehensa.

Extimescerem) Gu. 3, *pertimescerem*.

audiri potest sic, ut maior eloquentia non requiratur.

39. Sed iam forma ipsa restat, et character ille qui dicitur; qui qualis esse debeat, ex iis, quae supra dicta sunt, intelligi potest. Nam et singulorum verborum, et collocatorum lumina attigimus; quibus sic abundabit, ut verbum ex ore nullum, nisi aut elegans, aut grave exeat: ex omnique genere frequentissimae translationes erunt, quod eae propter similitudinem transferunt animos, et referunt, ac movent huc et illuc: qui motus cogitationis, celeriter agitato, per se ipse delectat. Et reliqua, ex collocatione verborum quae sumuntur quasi-lumina, magnum afferunt ornatum orationi. Sunt enim similia illis, quae in amplo ornatu scenae, aut fori appellantur insignia; non quod sola ornent, sed quod excellent. Eadem ratio est horum, quae sunt orationis lumina, et quodammodo insignia; quum aut duplicantur iteranturque verba, aut breviter commutata ponuntur, aut ab eodem verbo ducitur saepius oratio, aut in idem coniicitur, aut utrumque, aut adiungitur idem iteratum, aut idem ad extremum refertur, aut continenter unum verbum non in eadem sententia ponitur; aut quum similiter vel cadunt verba, vel desinunt; aut quum sunt contrariis relata contraria;

Includi potest sic) Ita Gu. 3. Vulgo *includi sic potest.*

Non requiratur) Gu. 3, *ne requiratur quidem.*

Ex iis) Ita rescripti pro vulg. *ex iis.* Ita Guelf. 3 est, *ex his.*

Et reliqua) Totum hunc locum usque ad verba, *eluceat oportet eloquentiae magnitudo*, cap. 40 extr. exscripsit Quintil. IX, 1, 37 sqq. Cf. eundem IX, 3, 90. Praeterea comparandus Cicero de Orat. III, 53 sqq.

Magnum afferunt ornamentum) Sic Gu. 3, bene. Vulg. *ornatum.* Sed statim hoc vocabulum recedit.

Non quod sola ornent, sed quod) Gu. 3: *non quia sola ornant, sed quia.*

Aut utrumque) scil. fit. Male vulgo, *aut in utrumque*, et sic Gu. 2.

Non in eadem sententia) Lambin. *non in eadem sententiam.*

Aut quum sunt contrariis) Ita Gu. 3, bene. Vulgo, *aut multis modis contrariis.*

aut quum gradatim sursum versus reditur; aut quum, demtis coniunctionibus, dissolute plura dicuntur; aut quum aliquid praetereuntes, cur id faciamus, ostendimus; aut quum corrigimus nosmetipsos, quasi reprehendentes; aut si est aliqua exclamatio vel admirationis, vel conquestionis; aut quum eiusdem nominis casus saepius commutatur.

40. Sed sententiarum ornàmenta maiora sunt: quibus quia frequentissime Demosthenes utitur, sunt qui putent, idcirco eius eloquentiam maxime esse laudabilem. Et vero nullus fere ab eo locus sine quadam conformatione sententiae dicitur: nec aliud quidquam est, dicere, nisi omnes, aut certe plerasque aliqua specie illuminare sententias: quas quum tu optime, Brute, teneas, quid attinet nominibus uti, aut exemplis? tantum notetur modus.

Sic igitur dicet ille, quem expetimus, ut verset saepe multis modis eandem et unam rem, et haereat in eadem commoreturque sententia; saepe etiam ut extenuet aliquid; saepe ut irrideat; ut declinet a proposito, deflectatque sententiam; ut proponat, quid dicturus sit;

Quum corrigimus nosmet ipsos) Recte sic Quintilian. Gu. 3, Victor. Pisan. Vulg. *nosmet ipsi*.

Sed sententiarum) Quintil. onnitit sed.

Sunt qui putent) Ed. Omnib. *sunt qui putent*.

Et vero) Quintil. *Enimvero*.

Nec aliud quidquam est) Gu. 3, *nec quidquam est aliud*.

Nisi omnes) Ed. Venet. *nisi aut omnes*.

Tantum notetur modus) Vulgo editur: *tantum notetur locus*. At Ciceroni nusquam nolat in sequentibus locum, quo adhibendae sunt, sed

tantum breviter modos illuminandi sententias recenset. Apud Quintilian, et Gu. 3 est, *tantummodo notetur locus*. Vade aspicio, olim scriptum fuisse: *tantum notetur modus*, ex quo sensum factum sit *tantum modus notetur*, deinde *tantummodo notetur*, denique his verbis ab aliis adiectum locus.

Et verset — *commoreturque sententia*) Rivius ita legendum censet: *ut verset saepe multis modis eadem, et una in re haereat, in eademque commoretur sententia*. Et sic fere in Ed. Omnib. nisi quod habet *nam in rem et in eadem a. sententiam*.

ut, quum transegerit iam aliquid, definiat; ut se ipse revocet; ut, quod dixit, iteret; ut argumentum ratione concludat; ut interrogando urgeat; ut rursus ad interrogata sibi ipse respondeat; ut contra, ac dicat, accipi et sentiri velit; ut addubitet, quid potius, aut quomodo dicat; ut dividat in partes; ut aliquid relinquat ac negligat; ut ante praemuniat; ut in eo ipso, in quo reprehendatur, culpam in adversarium conferat; ut saepe cum iis, qui audiunt, nonnunquam etiam cum adversario quasi deliberet; ut hominum mores sermonesque describat; ut mutata quaedam loquentia inducat; ut ab eo, quod agitur, avertat animos; ut saepe in hilaritatem risumve convertat; ut ante occupet, quod videat opponi; ut comparet similitudines; ut utatur exemplis; ut aliud alii tribuens dispertiat; ut interpellatorem coërceat; ut aliquid reticere se dicat; ut denuntiet, quid caveant; ut liberius quid audeat; ut irascatur etiam, ut obiurget aliquando, ut deprecetur, ut supplicet, ut medeatur, ut a proposito declinet aliquantulum, ut optet, ut exsecratur, ut fiat iis, apud quos dicet, familiaris. Atque alias etiam dicendi quasi virtutes sequetur: brevitatē, si res petet; saepe etiam rem dicendo subiiciet oculis; saepe supra feret, quam fieri possit; significatio saepe erit maior, quam oratio; saepe hilaritas, saepe vitae naturarumque imitatio.

Et rursus ad interrogata sibi ipse respondeat) Vulg. ut rursus quasi ad interrogata sibi ipse respondeat. In Gu. 3: ut rursus ad interrogata respondeat; unde superfluum illud quasi delevi.

Et hominum mores sermonesque) Haec Quintilius rescripsi pro vulg. sermones moresque. Est enim ordo ille verborum concinnior.

Quod videat opponi) Gu. 3, quod

putat opponi.

Et a proposito declinet aliquantulum) Haec verba hic non suo loco posita esse videntur, interrumpunt enim varias quae hic enumerantur affectuum commotiones. Sunt tamen eodem loco posita apud Quintilian. l. l. eandemque figuram eodem loco ponit Cicero de Orat. III, 52.

Sequitur) Sic Gu. 3, recte. Vulgo, sequatur.

Hoc in genere (nam quasi silvam vides) omnis eluceat oportet eloquentiae magnitudo.

41. Sed haec, nisi collocata, et quasi structa, et nexa verbis, ad eam laudem, quam volumus, aspirare non possunt. De quo quum mihi deinceps viderem esse dicendum, elsi movebant me iam illa, quae supra dixeram, tamen iis, quae sequuntur, perturbabar magis. Occurrebat enim, posse reperiri non invidos solum, quibus referta sunt omnia, sed fautores etiam mearum laudum, qui non censerent eius viri esse, de cuius meritis tanta senatus iudicia fecisset, comprobante populo Romano, quanta de nullo, de artificio dicendi literis tam multa mandare. Quibus si nihil aliud responderem, nisi, me M. Bruto negare roganti noluisse, iusta esset exensatio, quum et amicissimo et praestantissimo viro, et recta et honesta petenti, satisfacere voluissem. Sed si profiterer (quod utinam possem!) me studiosis dicendi praecepta, et quasi vias, quae ad eloquentiam ferrent, traditurum: quis tandem id iustus rerum aestimator reprehenderet? Nam quis unquam dubitavit, quin in republica nostra primas eloquentia teneret semper, urbanis pacalisque rebus; secundas, iuris scientia? quum in altera, gratiae, gloriae, praesidii plurimum esset; in altera, persecutionum, cautionumque praeceptio; quae quidem ipsa auxilium ab eloquentia saepe peteret, ea vero repugnante vix suas regiones finesque defenderet. Cur igitur ius civile docere semper pulcrum fuit, hominumque clarissimorum discipulis floruerunt domus; ad dicendum si quis acuat, aut adiuvet in eo inventum, vituperetur? Nam si vitiosum est dicere ornate, pellatur omnino e civitate eloquentia. Sin ea non modo eos ornat, penes quos est, sed etiam

Viderem? Gu. 3, *videretur.*

Me iam illa? Sic Gu. 3. *Vulgatum me illis*

universam rempublicam; cur aut discere turpe est, quod scire honestum: aut, quod nosse pulcherrimum est, id non gloriosum docere?

42. At alterum factitatum, alterum novum. Fateor: sed utriusque rei causa est. Alteros enim respondentes audire sat erat, ut ii, qui docerent, nullum sibi ad eam rem tempus ipsum seponerent; sed eodem tempore et discentibus satisfacerent, et consulentibus. Alteri, quum domesticum tempus in cognoscendis componendisque causis, forense in agendis, reliquum in se ipsis reficiendis omne consumerent; quem habebant instituendi aut docendi locum? Atque laud scio, an plerique nostrorum oratorum ingenio plus valuerint, quam doctrina. Itaque illi dicere melius, quam praecipere; nos contra fortasse possumus.

At dignitatem docere non habet. Certe, si quasi in ludo. Sed si monendo, si cohortando, si percontando, si communicando, si interdum etiam una legendo, audiendo; nescio, docendo etiam aliquid aliquando si possis meliores facere, cur nolis? An quibus verbis sacrorum alienatio fiat, docere honestum est, quibus ipsa sacra retineri defendique possint, non honestum est?

At ius profitentur etiam, qui nesciunt; eloquentia autem, illi ipsi, qui consequuti sunt, tamen se valere dissimulant, propterea quod prudentia hominibus grata est, lingua suspecta. Num igitur aut latere eloquentia potest; aut id, quod dissimulat, effugit; aut est peri-

At alterum factitatum) Delevi est, quod h. l. et versa superiore post *honestum* vulgo additur, melius in Gu. 3 omisum.

Nullum sibi ad eam rem tempus ipsum seponerent) Vulgo, ipsi seponerent. Sed vis pronomini non in persona oratoris est, sed in tempore

ad eam rem seposito. Gu. 3, *tempus seponerent*.

Nos contra fortasse possumus) Gu. 3: *nos contra fortasse possumus ad dignitatem melius docere. Nos habet etc.* unde colligit fortasse Ciceronem scripsisse: *nos contra fortasse possumus docere melius.* Vulgatum tamen

culum, ne quis pulet in magna arte et gloriosa, turpe esse docere alios id, quod ipsi fuerit honestissimum discere? Ac fortasse ceteri tectiores: ego semper didicisse prae me tuli. Qui enim possem, quum et afuissem domo adolescens, et horum studiorum causa maria transissem, et doctissimis hominibus referta domus esset, et aliquae fortasse inessent in sermone nostro doctrinarum notae, quumque vulgo scripta nostra legerentur, dissimulare me didicisse? Quis erat, cui probarem, nisi parum fortasse profeceram?

43. Quod quum ita sit, tamen ea, quae supra dicta sunt, plus in disputando, quam ea, de quibus dicendum est, dignitatis habuerunt. De verbis enim componendis, et de syllabis propemodum dinumerandis et dimetiendis loquemur: quae etiamsi sunt, sicuti mihi videntur, necessaria, tamen fiunt magnificentius, quam docentur. Nam omnium magnarum artium, sicut arborum, altitudo nos delectat; radices stirpesque non item: sed esse illa sine his non potest. Me autem, sive pervagatissimus ille versus, qui velat

Artem pudere proloqui, quam facites,
dissimulare non sinit, quin delecter; sive tuum studium

breuitate se tuetur. Vt cap. 36, nec item contra.

* *Ego semper didicisse prae me tuli*) Vt in exordio orationis pro Archia poeta.

Qui enim possem — dissimulare) Ita emendavi (auctoritate duorum codd. Guelff. in quibus est: *quid — dissimulare*) quod in edd. legitur: *quid enim possem — dissimularem*.

Quum et afuissem domo adolescens) Hoc recepi e Gu. 3. In edd. plerisque est: *quum et abfuissem adolescens*.

Quis erat, cui probarem, nisi pa-

rum fortasse profeceram) Ascivi lectionem a Strebæo probatam. In plerisque est: *quid erat, cur probarem, nisi quod parum fortasse profeceram*. Heusingerus conj. *quid erat, cur optarem*.

Fiunt magnificentius, quam docentur) Post haec verba in edd. sequuntur ista: *Est ad omnino verum, sed proprie in hoc dicitur*; in quibus quum grammatici notam deprehendere mihi vius sim, e textu Ciceronis circumscripsi.

Quin delecter) Eld. Ven. Med.

hoc a me volumen expressit: tamen eis, quos aliquid reprehensuros suspicabar, respondendum fuit. Quodsi ea, quae dixi, non ita essent, quis tamen se tam durum agrestemque praeberet, qui hanc mihi non daret veniam, ut, quum meae forenses artes et actiones publicae concidissent, non me aut desidia, quod facere non possum, aut moestitiae, cui resisto, potius, quam literis, dederem? quae quidem me antea in iudicia atque in curiam deducebant, nunc oblectant domi; nec vero talibus modo rebus, quales hic liber continet, sed multo etiam gravioribus et maioribus: quae si erunt perfectae, profecto forensibus nostris etiam domesticae literae respondebunt. Sed ad institutam disputationem revertamur.

44. Collocabuntur igitur verba, aut ut inter se quam aptissime cohaereant extrema cum primis, eaque sint quam suavissimis vocibus; aut ut forma ipsa concinnitasque verborum conficiat orbem suum; aut ut comprehensio numero et apte cadat. Atque illud primum videamus, quale sit, quod vel maxime desiderat diligentiam, ut fiat quasi structura quaedam, nec tamen fiat

Lips. qui delectet, unde Ernestius coniecit, qui delectet. Si quid mutandum sit, malim, id, quo delectet.

Eis, quos aliquid reprehensuros suspicabar, respondendum fuit) In Go. 3 est: eis, quos reprehensuros aliquid suspicabar, r. f. Fortasse autem aliquid e glossa accessit.

Nunc oblectant domi; nec vero talibus modo rebus) Ita est interpungendum, non puncti signo post domi; nam post rebus intelligitur ex antecedentibus oblectant.

Profecto forensibus nostris etiam domesticae literae respondebunt) Gu. 3: profecto maximis rebus forensibus

nostris et externis inclusae et domesticae literae respondebunt. Vulgo: forensibus nostris rebus et domesticas literae respondebunt.

Extrema cum primis) Legendum, ut opinor, extrema cum sequentibus primis; ut paulo post, ne extremorum verborum cum insequentibus primis concursus, aut huiusmodi voces efficiat, aut asperas. Ita Quintil. Instit. Or. IX, 4, 33: quae commissis inter se verbis duobus ex ultima prioris ac prima sequentis syllaba deformis aliud quod nomen efficiant.

Atque illud primum — nec tamen fiat operose) Gothofr. atque illud pri-

operose; nam esset cum infinitus, tum puerilis labor: quod apud Lucilium scite exagitat in Albucio Scaevola:

Quam lepide lexis compostae! ut tesserulae omnes
Endo pavimento, atque emblemato vermiculato.

Nolo haec tam minuta constructio appareat: sed tamen stilus exercitatus inveniet facile hanc viam componendi. Nam ut in legendo oculus, sic animus in dicendo prospiciet, quid sequatur, ne extremorum verborum cum insequentibus primis concursus, aut hiulcas voces efficiat, aut asperas. Quamvis enim suaves, gravesque sententiae, tamen si inconditis verbis efferuntur, offendunt aures; quarum est iudiciū superbissimum. Quod quidem latina lingua sic observat, nemo ut tam rusticus sit, qui vocales nolit coniungere. *** In quo quidam etiam Theopompum reprehendunt, quod eas literas

mum videamus, quod vel maxime desiderat diligentiam (est enim quasi structura quaedam) nec id tamen fiet operose.

Inveniet facile hanc viam) Scripsi inveniet, pro vulg. efficiet, quod est ab h. l. alienum et librario debetur, qui dum ista scribebat, oculis inciderat in efficiat, quod paulo post occurrit. Pro hanc viam in Gn. 3 est formulam, scil. ex interpretamento.

Inconditis verbis) Gn. 3, *incondite postis verbis*, quod haud scio an praefendum sit. Nam h. l. non de verbis per se inconditis agitur, sed de eo, quod aures offendat ex concursu verborum vel hiulco vel aspero.

* *Qui vocales nolit coniungere*) i. e. qui nolit hiatus vitare, ut iam Victor Pisanus recte explicavit. Contrarium est *voces distrahere*. Edd. pr. habent *quia*; quod falsum esse, et cum Aldo, Iunta aliisque legendum *qui*,

bene demonstravit Ernestius. Ceterum nemo adhuc observavit, post illa verba quaedam intercidisse. Quia enim Cicero dixisset: *quod quidem Latina lingua sic observat, nemo ut tam rusticus sit, qui vocales nolit coniungere*, necessario interire debuit: *At Graeci facilius ferunt hiatus*, vel aliud quid in eandem sententiam. Sic enim demum cohaerent ea quae sequuntur. Postea init. cap. 35 hac formula, *Sed Graeci viderint*, ab hac depressione redit ad Latinos.

* *Qui vocales nolit coniungere*) Id valet quoties vocales concurrunt, quasi de duabus unam facere, et, ut paulo post dicit, *contrahere*; ubi idem praecipit, cuius contrarium est *distrahere*. Nobis, inquit, *ne si curamus quidem, distrahere voces conceditur*. Est igitur hic *coniungere* et *contrahere*, Graecis συναισθῆναι, a quo est συναίσθησις, quod Eustathius συνᾶν et συναίσθησιν recte interpretatus est, *distrahere* autem

tanto opere fugerit; etsi idem magister eius Isocrates fecerat. At non Thucydides: ne ille quidem, haud paulo maior scriptor, Plato; nec solum in his sermonibus, qui dialogi dicuntur, ubi etiam de industria faciendum id fuit, sed in populari oratione, qua mos est Athenis laudari in concione eos, qui sint in proeliis interfecti: quae sic probata est, ut eam quotannis, ut scis, illo die recitari necesse sit. In ea est crebra ista vocum concursio, quam magna ex parte, ut vitiosam, fugit Demosthenes.

45. Sed Graeci viderint: nobis, ne si cupianus quidem, distrahere voces conceditur. Indicant orationes illae ipsae horridulae Catonis: indicant omnes poetae, praeter eos, qui ut versum facerent, saepe hiabant; ut Naevius:

Vos, qui accolitis Histrum, atque Algidam.

Et ibidem:

Quam nunquam vobis Graii, atque Barbari.

At Ennius semel:

Scipio invicte. — —

Et quidem nos:

Hoc motu radiantis Etesiae in vada ponti.

διασπῆν, et συγχρούειν et διασπῆν. Vtriusque rei luculentum exemplum est apud Demetrium in aureolo libro illo περὶ ἱερωνείας, ubi διασπῆνόντα δὲ καὶ συγχρούοντά, inquit, εὐφρονέτερα, ὥς τὸ, πάντα μὲν τὰ νῆα καὶ καλὰ ἱστῶν, αἱ δὲ συυαλείφας ἔποις, καὶ ἂν ἱστῶν.

Etsi idem magister eius Isocrates fecerat) Sic Gu. 3, bene. Vulg. etsi id magister eius Isocrates.

* *Ista vocum concursio*) i. e. vocum concursio; sicut paulo post voces distrahe-

re, pro hiare in vocalibus.

Vos, qui accolitis Histrum, atque Algidam) Ita hunc versiculum legit Strebæus. Alii: *Vos, qui accolitis Histrum fluvium atque Algidam*. Fortasse autem scripserat Naevius: *Vos, qui accolitis Histrum, fluviam algidam*.

At Ennius semel) Gu. 3, at Ennius sepe.

* *Et quidem nos*) Nempe in Arateis.

* *Hoc motu radiantis*) h. e. solis.

Hoc idem nostri saepius non tulissent, quod Graeci laudare etiam solent. Sed quid ego vocales? sine vocalibus saepe brevitatis causa contrahebant, ut ita dicerent, *multi' modis, vas' argenteis, palmi' et crinibus, tecti' fractis*. Quid vero licentius, quam quod hominum etiam nomina contrahebant, quo essent aptiora? nam ut duellum, *bellum*, et dui, *bis*: sic Duellium, eum, qui Poenos classe devicit, *Bellium* nominaverunt, quum superiores appellati essent semper *Duellii*. Quin etiam verba saepe contrahuntur, non usus causa, sed aurium. Quomodo enim vester Axilla, *Ala* factus est, nisi fuga literae vastioris? quam literam etiam e *maxillis*, et *taxillis*, et *vexillo*, et *paxillo*, consuetudo elegans latini sermonis evellit. Libenter etiam, copulando verba, iungebant, ut *sodes*, pro *si audes: sis*, pro *si vis*. Iam in uno, *capsis*, tria verba sunt: *ain'* pro *aisne: nequire*, pro *non quire: malle*, pro *magis velle: nolle*, pro *non velle*. Dein etiam saepe, et *exin*, pro *deinde* et *exinde* dicimus. *** Quid illud? non olet unde sit, quod dicitur, *cum illis? cum*

Palmi' et crinibus) Lambinus frustra correxit *passi' et crinibus*, quumquam Ernestius hanc emendationem certissimam dicit, quia requiratur scilicet adiectivum. At *palmi' et crinibus* versio Latina est locutionis Euripidene *χερσὶ καὶ κήμασι*, in Phoenissis v. 323 sqq. ubi Iocasta filium Polynece excipiens ait:

Τί γὰρ σι; πῶς ἄπαντα
καὶ χερσὶ καὶ κήμασι
Πολυδακτον ἄδονάν
Εκείσι καὶ τὸ δούρο
Παραχορεύουσα τέρψην
Παλαίαν λάβω χαρμονίαν;

Illa igitur verba *χερσὶ καὶ κήμασι* Accius, qui Phoenissas Latinas fecerat, vertit *palmi' et crinibus*.

Semper *Duellii*) Abest semper Gu. 3, et scribitur essent appellati.

* *E maxillis, et taxillis, et vexillis, et paxillo — evellit*) Pro quibus scilicet *malae, tali, vela, palus* dicuntur.

* *Iam in uno, capsis, tria verba sunt*) Erravit Cicero, quum *capsis* pro *cape si vis* usurpatum credidit. Nihil enim aliud erat quam antiqua forma perfecti conj. pro *ceperis*. Vidit Quintilian. I, 5, 66.

Pro non quire) Eunium adhuc *non quire* dixisse, notavit Victorius Var. Lectt. XVI, 8.

* *Dein etiam saepe, et exin — dicimus*) Nempe ad vitandum hiatus, si post *deinde* et *exinde* vocalis sequeretur.

* *Quid illud? non olet — atque notisum*) Miror, neminem in hoc loco haesisse. Quum enim toto hoc capite agatur de vitando vocalium concursu,

autem nobis non dicitur, sed nobiscum? quia si ita diceretur, obscenius concurrerent literae, ut etiam modo, nisi autem interposuissem, concurrissent. Ex eo est *mecum*, et *tecum*, non *cum me*, et *cum te*, ut esset simile illis *vobiscum*, atque *nobiscum*.

46. Atque etiam a quibusdam sero iam emendatur antiquitas, qui haec reprehendunt. Nam pro *deum atque hominum fidem*, *deorum* aiunt. Id, credo, illi nesciebant; an dabat hanc licentiam consuetudo? Itaque idem poeta, qui inusitatus contraxerat:

— Patris mei meum factum pudet,

pro meorum factorum, et

Texitur: exitium examen rapit, — —

pro *exitiorum*, non dicit, *liberum*, ut plerique loquimur, quum, *cupidos liberum*, aut in *liberum* loco dicimus: sed, ut isti volunt:

— — — nec tuum

Voquam in gremium extollas liberorum ex te genus.

Et idem:

Namque Aesculapi liberorum — —

quomodo Cicero repente devenit ad exemplum, in quo concursus literarum obscenitatis causa vitatur. Aptiorem locum hoc invenisset in Ciceronis epistola illa festiva ad Pætum IX, 22. Eam videtur in eodem argumento respexisse Quintilianus VIII, 3, 48. Aut igitur totum exemplum aliunde hoc translatus est; aut post verba *exinde dicimus* quaedam verba interciderunt, quae transitum facerent ad hanc degressionem.

Id, credo, illi nesciebant) Sic rescripti pro vulg. *ita credo, hoc illi nesciebant*. Sed in hac forma ironice loquendi *credo* simpliciter interponi-

tur; ut infra cap. 50, *illa nobis sit, credo, repetenda*. Ceterum h. l. respexit Quintilian. Inst. or. I, 6, 18.

* *Nec teum unquam — ex te genus*) Hic Ennii versicalus vulgo Medae ascribitur, quasi expressus sit ex Euripidis Med. v. 804. Fieri tamen potest, ut ex eius Thyeste excerptus sit, et execrationis in fratrem Atreum partem constituerit.

Namque Aesculapi liberorum) Enniani versiculi hemistichium, cum ceteris, quibuscum contextus erat, a Cicerone Tus. dispp. II, 17 laudati. Quae ex fabula excerptus sit, iacertum est; forsitan ex Iliona.

At ille alter in Chryse, non solum,

Cives, antiqui amici, maiorum meum

quod erat usitatum : sed durius etiam,

Consilium socii, augurium, atque extam interpretes.

Idemque pergit :

Postquam prodigium horriferum, portentum pavos :

quae non sane sunt in omnibus neutris usitata. Nec enim dixerim tam libenter, *armum iudicium*, etsi est apud eundem,

Nihilne ad te de iudicio *armum* accidit?

quam *armorum*. Iam (ut censoriae tabulae loquuntur) *fabrum*, et *procum* audeo dicere, non *fabrorum*, et *procorum*. Planeque, *duorum virorum iudicium*, aut, *trium virorum capitalium*, aut *decem virorum litibus iudicandis*, dico nunquam. Atqui dixit Accius :

Video sepulcra dua duorum corporum.

Idemque,

— — mulier una duum virum.

Quid verum sit, intelligo : sed alias ita loquor, ut concessum est, ut hoc, vel *Proh deum* dico, vel *Proh deorum* : alias, ut necesse est, quum *trium virum*, non *virorum* : quum *sestertium nummum*, non *nummorum* : quod in his consuetudo varia non est.

At ille alter in Chryse) Sic Gu. 3. Versiculi, qui sequuntur, e Pacuvii Chryse deprompti.

Consilium socii) Gu. 3, *consilium socium*. Metri causa rectius omittitur *socii*, et *consilium* nominativo casu cum maiorum meorum construitur.

Nihilne ad te de iudicio armum ac-

cidit?) Ex Pacuvii tragoedia, *armorum iudicium*.

* *Censoriae tabulae*) Commentarii et litterae censorum, in quas referant civium nomina, et singulorum census. Sunt et censoriae tabulae, quibus ignominiosi notantur, in quos a censoribus subscriptum est. STRA.

47. Quid, quod sic loqui, *nosse*, *iudicasse*, velant: *novisse* iubent, et *iudicavisse*? quasi vero nesciamus, in hoc genere et plenum verbum recte dici, et imminutum usitate. Itaque utrumque Terentius:

Eho, tu cognatum tuum non noras? — —

Post idem:

Stilphonem, inquam, noveras?

Siet, plenum est; *sit*, imminutum: licet ulare utroque.

Ergo ibidem:

Quam cara sintque, post carento intelligunt,
Quamque attinendi magni dominatus sient.

Nec vero reprehenderim,

— — — — Scripsere alii rem;

etsi *scripserunt* esse verius sentio: sed consuetudini auribus indulgenti libenter obsequor. *Idem campus habet*, inquit Ennius: et, *In templis isdem*, probavit. At *isdem* erat verius, sed tamen *opimius*. Male sonabat *iisdem*. Impetratum est a consuetudine, ut peccare suavitatis causa liceret. Et *pomeridianas quadrigas*, quam post-

* *Quid verum sit*) h. e. quid analogiae grammaticae respondeat.

Eho, tu cognatum tuum non noras) Terent. Phorm. III, 2, 35, ubi in edd. legitur: *eho, tu sobrinum tuum non noras*.

Ergo ibidem) Non apud Terentium, sed uno eodemque loco apud alium poetam.

Etsi scripserunt esse verius sentio) Vulgo, et *scripserunt e. v. s.* *Etsi* debetur Spaldingii acumini, ad Quintil.

* *At isdem erat verius, sed tamen opimius; male sonabat iisdem*) Vulgo corrupte: at *eisdem* erat verius,

nec tamen *eisdem opimius*. Cicero hoc dicit, pro nominativo *idem campus* verius fuisse *isdem campus*, sed tamen *isdem opimius* fuisse; quin duae consonantes *s d* coirent in *isdem*. Sic *dicuntur opimae syllabae* apud Quintilian. IX, 4, 36. Strebaeus legendam putabat: *Idem campus habet*, inquit Ennius, et *in templis isdem*. *Probavit isdem, at erat verius*, nec tamen *opimius eisdem*. Ita vero Cicero oblitus esset afferre rationem, cur Ennius *idem campus*, non *isdem campus* dixisset; ac tantum secundae locutionis *isdem templis* pro *iisdem* positae causam explicuisset.

meridianas, libentius dixerim: et *mehercule*, quam *mehercules*. *Non scire* quidem barbarum iam videtur: *nescire* dulcius. Ipsum *meridiem*, cur non *medidiem*? credo, quod erat insuavius. Una praepositio est, *abs*, quae nunc tantum in accepti tabulis manet; ne his quidem omnium: in reliquo sermone inutata est. Nam *amovit* dicimus, et *abegit*, et *abstulit*, ut iam nescias, *a* ne verum sit, *an ab*, *an abs*. Quid si etiam *abfugit* turpe

Ipsum meridiem) Ernestio commodum haud videbatur *ipsum*; querebaturque, an forsitan fuisset *item*. At hoc minus etiam aptum esset, quia praecedat *barbarum iam videtur*. Sed pronomem *ipsum* adicitur vocabulo *meridiem*, quia paulo ante de adiectivo *pomeridianas* loquutus erat. Iam igitur poterat dicere: ipsum illud vocabulum *meridiem*, a quo defluxit compositum *pomeridianus*, cur non *medidiem* potius?

* *Cur non medidiem?* credo, quod erat *insuavius*) scilicet ob repetitam syllabam *DI*.

Una praepositio est, abs, quae nunc tantum in accepti tabulis manet) Si vulgatam lectionem sequamur, *eaque nunc tantum in accepti tabulis manet*, non intelligitur, cur Cicero dixerit *una*. Strebaeus quidem h. l. ad sensum recte sic circumscribit: «Ex tribus praepositionibus *abs*, *ab*, *a* qua vera et antiqua incorruptaque est *abs*; duae reliquae *ab* et *a* obstructis literis inde factae sunt nusquam invenerunt frequentiores.» At sic, ut fieri solet in paraphrasibus, plus est in sententia interpretis, quam in verbis Ciceronis. Incommodum astulisse mihi videor, *ea quae in quas mutando; correctioni favet* Gu. 3, in quo abest *ea*.

In accepti tabulis) «Id est, in commentariis, quae Regesta vocant,

ubi accepta et expensa memoriae causa notari solent; ut: accepi *abs* Quotio sestertium duo millia, *abs* T. Roscio tria millia. *Abs* tamen apud Terentium reperies (Adelph. II, 3, 1): *Abs* quisvis homine, quum est opus, beneficium accipere gaudeas. Et alibi (Andr. III, 3, 3): *Ego* datum non-nihil veritus sum, *Dave*, *abs* te. Hinc grammatici praecipiant, *abs* praepositionem dari oportere verbis incipientibus ab iis literis, quae primae sunt in Quolibet et Tito. Cicero de lingua sui temporis, non autem priorum loquutus est. Sed et ipse dixit *abs* lib. de Divinat. II, nec semel dixit, imitatus veteres.» Hactenus Strebaeus. Ego vero vix pato Ciceronem absolute scripsisse, *quae nunc tantum in tabulis accepti manet; sed* credo inter *nunc* et *tantum* excidisse *ferre*.

Due verum sit, an ab an abs) Vulgo: *abue* verum sit *an abs*. At quia tria verba nominata erant, *amovit*, *abegit*, *abstulit*, quorum primum est cum *a*, alterum cum *ab*, tertium cum *abs* compositum, manca foret sententia: ut iam nescias etc. nisi sic, ut fecimus, compleatur. Et lectionis a nobis correctae vestigia manent in cod. Gu. 3, ceteroquin corrupta: *an ne verum sit ut aut ab aliis*. In edit. Omnib. *an ne verum sit an abs*. *Verum* autem h. l. significat id, quod

visum est; et *abfer* noluerunt, *aufugit* et *aufser* maluerunt? quae praepositio, praeter haec duo verba, nullo alio in verbo reperitur. *Noti* erant, et *navi*, et *nari*, quibus quum in praeponi oporteret, dulcius visum est, *ignoti*, *ignavi*, *ignari* dicere, quam ut veritas postulabat. *Ex usu* dicunt, et *e republica*, quod in altero vocalis excipiebat, in altero esset asperitas, nisi literam sustulisses; ut *exegit*, *edixit*, *extulit*, *edidit*; at in *effecit* adiuncti verbi prima litera praepositionem commutavit; ut in *suffugit*, *summutavit*, *sustulit*.

48. Quid in verbis iunctis? quam scite *insipientem*,

usui pristino et etymologiae convenit.

Aufugit et *aufser* maluerunt? Vulgo male omissum *aufugit*, quod necessario inserendum erat, quia sequitur quae praepositio (AB) praeter haec duo verba nullo alio in verbo reperitur. Cf. Quintil. I, 5, 69.

Ut exegit, *edixit*, *extulit*, *edidit*: at in *effecit* adiuncti verbi prima litera praepositionem commutavit; ut in *suffugit* etc.) Haec adhuc multipliciter corrupta legebantur in edd. Et proxime quidem etiam apud Ernestium sic: *exegit*, *edixit*, *effecit*, *extulit*, *edidit*, adiuncti verbi primam literam praepositio commutavit; ut *suffugit* etc. Hic primum *effecit* alieno loco positum; nam illa quatuor verba *exegit*, *edixit*, *extulit*, *edidit*, confirmare debent id, quod Cicero modo ante dixerat: *Ex usu* dicunt, et *e republica*, quod in altero vocalis excipiebat, in altero esset asperitas, nisi literam sustulisses. Sic igitur *exegit* dieitur et *extulit*, servato EX, ut in *ex usu*; contra *edixit* et *edidit*, ut in *e republica*, litera X, ne fiat aspera compositio, sublata. Verbum *effecit* autem exemplum est eius, quae sequitur, animadversionis, in quibusdam verbis accidisse, ut prima verbi

litera praepositionem commutaret. (Sic enim legendum esse, non, ut vulgo, *adiuncti verbi primam literam praepositio commutavit*, et sensus manifesto evincit, et iam Ernestius monuit). Sic igitur in *effecit* prima verbi adiuncti litera praepositionem EX in EF commutavit; ut in *suffugit*, *summutavit*, *sustulit* factum.

Quid in verbis iunctis? Ernestius sine causa hic haesit. An vero, inquit, exempla praecedentia *exegit* etc. *suffugit* etc. non sunt iuncta i. e. composita? Vero; sed Cicero antea de mutatione loquutus erat, quam praepositio verbis adiuncta duleioris soni causa pateceretur. Nunc accedit ad exempla vocalium in ipsis verbis iunctis mutatarum. Itaque nihil est hic interpolatum. Si quid mutandum esset, adicerem *ipsis* post verba *quid in*.

Quam scite: *insipientem*) Quid in hac mutatione scitum sit, difficile est dicere. Vereor, ne Cicero illuserit utus loquendi pervicacia, ut in ea suavitatem quæreretur, quae nulla est. Ac si medidim Cicero inasparius videbatur oh syllabam eandem his repetitam, quid inasparius sit au-

non *insapientem*? *iniquum*, non *inaequum*? *tricipitem*; non *tricapitem*? *concisum*, non *concaesum*? Ex quo quidam *pertisum* etiam volunt: quod eadem consuetudo non probavit. Quid vero hoc elegantius, quod non sit natura, sed quodam instituto? *Inchlytus* diciunus brevi prima litera, *insanus* producta: *inhumanus* brevi, *infelix* longa. Et, ne multis, quibus in verbis eae primae literae sunt, quae in *sapiente*, atque *felice*, producte dicitur *IN*; in ceteris omnibus, breviter. Itemque *composuit*, *consuevit*, *concrepuit*, *confecit*. Consule veritatem, reprehendet: refer ad aures, probabunt. Quaere, cur? ita se dicent iuvari. Voluptati autem aurium morigerari debet oratio. Quin ego ipse, quum scirem ita maiores loquutos esse, ut nusquam, nisi in vocali, aspiratione uterentur, loquebar sic, ut *pulcros*, *Cetegos*, *triumpos*, *Cartaginem* dicerem; aliquando, idque sero,

ribus *insipientem*, quod tamen usus probavit, quam *insapientem*?

Inchlytus) Apud Gellium, qui h. l. *Iractat* Noct. Att. II, 17 est *indoctus*. Idem in Gu. 3, et Ed. Lips. occurrit.

Producte dicitur IN) Necessario erat adiciendum *IN*; quod vulgo omissum sensum obscurat, quis sic nescit lector, quid *producte* dicatur. In Gu. 3 quidem est *producte* dicuntur; hoc autem referretur ad primas literas in sapiente atque felice, quae relatio esset inepta.

Itemque composuit, consuevit, concrepuit, confecit) Nempe hic praepositio *con* producte dicebatur, in *consuevit*, *confecit*; acutius autem et brevius in *composuit*, *concrepuit*.

* *Consule veritatem*) Id est h. l. ἀναλογίαν grammaticam; seu ἔτυπον verborum.

* *Refer ad aures, probabunt*) Non continuo, quia sic sit suavius, sed

quis scilicet omnibus quae sunt insolita, et quae abhorrent a consuetudine, offendimur.

* *Nusquam nisi in vocali*) Huc pertinent quae Fabius lib. I, cap. 5, tradit de aspiratione: *Parassime ea veteres usi, etiam in vocalibus, quum aedos, ircosque dicebant. Dou deinde servatum ne consonantibus aspiraretur, ut in Gracis et triumphis. Erupit brevi tempore nimius usus, ut chorinae, chenturiones, praechones adhuc quibusdam inscriptionibus maneant. Qua de re Catulli nobile epigramma est: Chommoda dicebat, si quando commoda vellet. Dicere, et hinsidias Arrius insidias etc. PAVST.*

* *Aliquando, idque sero*) Consuetudo et usus aspirandi veteribus Romanis fuit, ut nusquam nisi in vocali aspiratione uteretur, ut *homo*, *inhumanus*, *vehicula*, *trahēbat*. Haec veluti legem sequutus Cicero, reclamante populo dicebat sine aspiratione,

convicio aurium quum extorta mihi veritas esset, usum loquendi populo concessi, scientiam mihi reservavi. *Orcinios* tamen, et *Matones*, *Otones*, *Caepiones*, *sepulcra*, *coronas*, *lacrymas* dicimus, quia per aurium iudicium licet. *Burrum* semper Ennius, nunquam *Pyrrhum*. *Vi patefecerunt Bruges*, non *Phryges*; ipsius antiqui declarant libri. Nec enim graecam literam adhibebant: nunc autem etiam duas; et quum *Phrygum*, et *Phrygibus* dicendum esset, absurdum erat aut tantum barbaris casibus graecam literam adhibere, aut recto casu

puleros, *Cetegos*, *trumpas*, *Cartaginem*, et cetera id genus. Aliquando tamen, idque sero, quum veritas, id est vera loquendi ratio extorta esset homini aurium convicio, hoc est, auribus ipsis indignantibus, et tacite conviciantibus illa siociora durioraque sentiri, tum coepit ire per viam publicam, et cum populo dicere *pulchros*, *Cethegos*, *triumphas*, *Carthaginens*, quae nunc quoque scribendo servamus aspiratione mollita: sed ut plerisque pronuntiatio est, aspiratio non auditur. *Vnum*, inquit, populo concessi, scientiam mihi reservavi. Ex arte praeceptisque scientia comparatur, a qua si loquendi consuetudo dissentit, tum censet consuetudini potius et auribus, quam scientiae parendum. *STAZER*.

* *Convicio aurium quum extorta mihi veritas esset*) h. e. quum crebra aurium offensione cogeret ab analogia vetere discedere.

Orcinios) Ita *Strebacius*. *Vulg. Orcivios*. MS. *Viteb. Oscinios*. Ed. *Ven. Oscivios*.

* *Orcinios — lacrymas dicimus*) scil. aspiratione vitata, quum olim pronuntiarent *Orchinios*, *Mathones*, *Othones*, *Chaeppiones*, *sepulchra*, *coronas*, *lachrymas*.

Quia per aurium iudicium licet) Auctoritate *Gu. 3* delevi semper, vulgo inter iudicium et licet incaletum, quod vel sine libris delendum fuisset. Hic enim ad significationem otiosam est, et statim suo loco recipit, unde huc quoque temere aberravit. Ceterum hic etiam *Cicero* aurium iudicio tribuit, quod erat a vi consuetudinis repetendum. Et *Quintilianus* I, 5, 20, aspirationis rationem cum temporibus saepius mutatam esse affirmat: «Parcissime ea veteres usi etiam in vocalibus, quum oedus ircosque dicebant. Diu deinde servatam, ne consonantibus aspiraretur, ut in *Graecis* et *trumpis*. Erupit brevi tempore nimius usus, ut *choronae*, *chenturiones*, *praecones* adhuc quibusdam inscriptionibus (leg. fortasse in *scriptionibus*) maneat.»

* *Ipsius antiqui declarant libri*) h. e. Ennii librorum antiquiora exempla a librariis descripta, ut iam *Ciceronia* tempore ea scriptura in recentioribus exemplis videatur ab iis mutata esse.

* *Nunc autem etiam duas*) scil. in vocabulo *Phryges*, duae graecae litterae Φ et Υ.

Aut tantum barbaris casibus) «Sunt Latini, qui apud Graecos non sunt. Nempe nominativus in *Phryges* et

solum graece loqui; nunc tamen et *Phryges* et *Phrygum* aurium causa dicimus. Quin etiam, quod iam subrusticum videtur, olim autem politius, eorum verborum, quorum eadem erant postremae duae literae, quae sunt in *optumus*, postremam literam detrahebant, nisi vocalis insequeretur. Id non erat offensioni in versibus, quam nunc fugiunt poëtae novi. Ita enim loquebantur: *Qui est omnibu' princeps*, non *omnibus princeps*. Et, *Vita illa dignu', locoque*, non *dignus*. Quodsi indocta consuetudo tam est artifex suavitatis, quid ab ipsa tandem arte et doctrina postulari putamus? Haec dixi brevius, quam si hac de re una disputarem (est enim hic locus late patens, de structura sonoque verborum), longius autem, quam instituta ratio postulabat.

Sed quia rerum, verborumque iudicium, prudentiae est; vocum autem, et numerorum, aures sunt iudices;

graecus et latinus est; genitivus et dativus non item; aliter enim eos casus finiunt Graeci, aliter Latini. » Hactenus Ernesti. Gesnerus in Thes. L. L. voc. *Casus* putabat adverbium tantum abesse debere. Ei autem respondet solum in altero membro.

Nunc tamen) Praeposui nunc, quod hic non magis abesse potest, quam antea in verbis, nunc autem etiam duas.

Et *Phryges* et *Phrygum* aurium causa dicimus) Vulgo male: et *Phryges* et *Pyrrhum*, etsi iam Ed. Omnib. habet *Phrygum*. De *Pyrrho* enim hic non amplius agebatur. Sensus enim est iste: absurdum erat aut tantum barbaris casibus graecam litteram adhibere, ut *Phrygum* et *Phrygibus* diceret, ac tamen in nominativo *Bruges*; aut recto casu solum graece loqui ut *Phryges* diceret, ac tamen genitivum et dativum per

Brugum et *Brugibus* efferret. Nunc tamen et *Phryges* (recto casu) et *Phrygum* (barbaro casu) dicimus.

Id non erat offensioni) Sic emendavi vulg. *ita non erat offensio in versibus*; non solum quia *ita* proximam periodum incipit, sed quod hic *ita* non satis definit, quid fuerit offensioni.

Ita enim loquebantur) Vulgo perperam, *ita enim loquebamur*. Nam persona verbi tertia opus est, ut respondeat praecedenti *detrahebant*. Vidit Heusingerus.

Vita illa dignu', locoque) Est Lucilii hemistichium. Integer versus affertur Tusc. Qu. lib. II, cap. 27: *Samais spurcus homo, vita illa dignu' locoque*; de Aesernino gladiatore. Cf. de Opt. Gen. Orator. cap. 6. Respexit Cicero locum, in quo versamur, Quintilian. IX, 4, 38.

et, quod illa ad intelligentiam referuntur, haec ad voluptatem; in illis ratio invenit, in his sensus artem. Aut enim negligenda nobis fuit voluptas eorum, quibus probari volebamus, aut ars eius conciliandae reperienda. Duae sunt igitur res, quae permulceant aures, *sonus* et *numerus*. De numero mox, nunc de sono quaerimus. Verba (ut supra diximus) legenda sunt potissimum bene sonantia, sed ea non ut poetae, exquisita ad sonum, sed sumta de mediis.

Qua ponto ab Helles — — —

superat modum: at,

Auratos aries Colchorum — — —

splendidis nominibus illuminatus est versus: sed proximus inquinatus insuavissima litera:

Frugifera et ferta arvâ Asiae tenet.

Quare bonitate potius nostrorum verborum utamur, quam splendore Graecorum, nisi forte sic loqui poenitet, *Qua tempestate Paris Helenam*, et quae sequun-

Qua ponto ab Helles) Vulg. *qua ponto Helles*. At si ita legalur, non intelligitur, quid hic ad sonum exquisitum sit, aut modum superet. Itaque post Ernestium Lipsio assentior, qui Epistolicar. Questionum lib. V, ep. 5 coniecit, respexisse Ciceronem eosdem versus, qui a Seneca ep. LXXXI citantur: *Imperio Argis, regna mihi liquit Pelops, Qua ponto ab Helles, atque ab Ionio mari Pergetur Isthmos*. In hisce versiculis loquens inducitur Atreus; forsitan igitur ex Ennii Thyate sumti.

Inquinatus insuavissima litera) Vulgo addebatur *finitus*, quod expunxi, ut sensu cassum et absurdum. Nec aliquid lucratur, si cum

Strebaeo legamus *infinitus*. Versus dicitur insuavissima litera (R) inquinatus. Quater enim recurrit litera canina. Forsan tamen Cicero scripserit: *inquinatus insuavissimae literae sonitu*, ut ex sonitu librarii fecerint *finitus*.

Qua tempestate Paris Helenam) Cicero de Orat. III, 38 laudat ex Coelio Antipatro: *qua tempestate Poenus in Italiam venit*. In commentario igitur ad h. Oratoris locum iucertus haerebat Strebaeus, an illud *qua tempestate Paris Helenam* esset alterius historiae principium, an idem hoc in libro corruptum. Non meminerat scilicet in libro III de Oratore cap. 58, allatos ex Ennii vel Accii Recuba

tur. Immo vero ista sequamur, asperitatemque fugiamus: *Habeo istam ego perterricrepat* . . . Itemque: *Versutiloquas malitias*.

49. Nec solum componentur verba ratione, sed etiam finientur, quoniam id iudicium esse aurium alterum diximus. Sed finiuntur aut compositione ipsa, aut quasi sua sponte, et quodam genere verborum, in quibus ipsis concinnitas inest: quae, sive casus habent in exitu similes, sive paribus paria redduntur, sive opponuntur contraria, suapte natura numerosa sunt, etiamsi nihil est factum de industria. In huius concinnitatis consecratione Gorgiam fuisse principem accepimus, quo de genere illa nostra sunt in Miloniana: *Est enim, iudices, haec non scripta, sed nata lex: quam non didicimus, accepimus, legimus; verum ex natura ipsa arripuimus, hausimus, expressimus: ad quam non docti, sed facti: non instituti, sed imbuti sumus*. Haec enim talia sunt, ut, quia referuntur ad ea, ad quae debent referri, intelligamus non quaesitum esse numerum, sed sequutum. Quod fit item in contrariis referendis: ut illa sunt, quibus non modo numerosa oratio, sed etiam versus efficitur:

Eam, quam nihil accusas, damnas.

Condemnas diceret, qui versum effugere vellet.

Bene quam meritam esse autumas, dicis male mereri.

Quod scis, prodest nihil: id, quod nescis, obest.

versiculos: *Qua tempestate Paris Helenam inuuptis iunxit nuptiis*, et qui sequuntur.

Componentur — finientur) Ca. 3, componentur — finiantur.

Aut quasi sua sponte, et quodam genere verborum) Hanc particularum transpositionem sensus manifesto poscit. Vulgo: et quasi sua sponte aut quodam genere verborum.

* *Sed sequutum*) i. e. suapte sponte, sive industria oratoris, contigisse.

Bene — mereri) Metrum ut constet, versiculus ita scribendus videtur: *Bene quam meritam autumas, male mereri dicis*. Et si, ut hic scriptus est, in *Topicis* cap. 13, una cum ceteris repetitur.

Quod scis) Vulgo, *id quod scis*, iuvito metro.

aetate, et cum tua, Brute, et cum aliquanto superiore coniungitur; siquidem et Crasso vivo dicere solebat, et magis iam etiam vigeat cum Antonio, et cum Philippo iam sene, pro Cn. Pompeii bonis dicente. In illa causa adolescens quum esset, princeps fuit, et in eorum, quos in Sulpicii aetate posui, numerum facile pervenerat; et suos inter aequales M. Pisonem, M. Crasum, Cn. Lentulum, P. Lentulum Suram longe praestitit; et me adolescentem nactus octo annis minorem, quam erat ipse, multos annos in stadio eiusdem laudis exercuit; et tecum simul, sicut ego pro multis, sic ille pro Appio Claudio dixit, paulo ante mortem.

64. Vides igitur, ut ad te oratorem, Brute, pervenerimus, tam multis inter nostrum tuumque initium

Siquidem et Crasso vivo dicere solebat, et magis iam etiam vigeat, cum Antonio, et cum Philippo iam sene, pro Cn. Pompeii bonis dicente) Si sic, ut vulgo, legitur, dicente, commodè vix explicaveris sententiam. Quid enim hoc sit: Hortensius magis vigeat cum Antonio et cum Philippo pro Cn. Pompeii bonis dicente? Aut igitur, his deleta praepositione cum, legendum: et magis etiam vigeat, Antonio et Philippo iam sene pro Cn. Pompeii bonis dicente; aut, quod malim: et magis etiam vigeat, cum Antonio et Philippo iam sene pro Cn. Pompeii Rufi bonis dicent. Statim enim sequitur: In illa causa adolescens quum esset, princeps fuit, ex quo quantum iam tum vigerit intelligitur, quod, etsi illam causam una cum Antonio, oratore summo, et cum Philippo iam sene defendebat, tamen ei tum adolescenti primae deferrebantur. Ceterum lectione Aldinae, in aliis quoque editionibus propagata: et magis etiam

vigeat Antonio: et cum Philippo iam sene pro Cn. Pompeii bonis dicente, in illa causa, adolescens quum esset, princeps fuit, nihilo plus quam vulgata ad sensum proficitur.

Multos annos in stadio eiusdem laudis exercuit) Vulg. in studio. Rivius autem commendavit lectionem in stadio, quam iam Lambinus ascevit. Frustra obloquitur Ernestius, quia in stadio non exercentur homines. At h. l. exercere non est arxiv, sed sumitur eodem significato, quo Cicero Variar. Epp. XII, 4, dicit: nunc me reliquias vestrae exercent, i. e. multum negotii facessunt. Itaque aliquis recte dicitur aemulum suum in cursu, vel in stadio laudis exercere, quum praestantia sua sum cogit omnibus viribus eniti atque contendere, ut ipsum, nisi vincat, certo assequatur.

Et tecum simul, sicut ego pro multis) Idem testatur cap. 94, ubi Brutum alloquens, complures, inquit, causas nobiscum et solus egisti.

Geretur, inquam, tibi mos; quoniam me non ingenii praedicatorem esse vis, sed laboris mei. Verum interponam, ut placet, alios, et a M. Crasso, qui fuit aequalis Hortensii, exordiar.

65. Is igitur mediocriter a doctrina instructus, angustius etiam a natura, labore et industria, et quod adhibebat ad obtinendas causas curam etiam et gratiam, in principibus patronis aliquot annos fuit. In huius oratione sermo latinus erat, verba non abiecta, res compositae diligenter; nullus flos tamen, neque lumen ullum; animi magna, vocis parva contentio, omnia fere ut similiter atque uno modo dicerentur. Nam huius aequalis et inimicus C. Fimbria, non ita diu iactare se

uncis inclusit; nec valde abnuerim, si quis alius eiciendam putet. Puteat tamen defendi, ut totum construat sic: tamen is mihi longior videtur, quod propro audire de te; nec vero tam de virtutibus tuis (nudare propro) quam (propro) quod gradus tuos — studeo cognoscere.

* M. Crasso) M. Licinius Crassus, Romanorum ditissimus, amplissimisque magistratibus ipsoque consulatu iterum perfunctus, Syriam proconsul obtinuit anno 701, belloque adversus Parthos infelicitate gesto, amissa maxima exercitus parte, occisus est. Aurum liquidum in os cadaveris infuderunt barbari, ut cuius animus, inquit Florus, arserat auri cupiditate, eius atom mortuum et ex auge corpus exureretur. PRYST.

* Is igitur) M. Crassus P. fil. Cos. A. 683 et 698, divitiis et avaritia celebratus. Cf. Cic. Paradox. 6.

* Et gratiam) Nempe quis gratia valebat apud multos, iudices extra iudicium et ante iudicium docendo, monendo, rogando etc. praeparata, conciliare causae poterat. EAY.

Animi magna, vocis parva contentio) Ca. 1: animi magna vocis parva firmitudo parva contentio, ut suspicari possis scriptum olim fuisse: animi magna firmitudo, vocis contra parva contentio.

* C. Fimbria) C. Flavius Fimbria, qui L. Valerii Flacci consulis legatus fuit, ut Liv. lib. LXXXII scripsit. Quum L. Valerium Flaccum in Bithynia apud Nicomediam interfecisset, et imperium ad se transtulisset, illum, quod sibi portas clausisset, undecimo die cepit, et evertit: et quom ob id gloriaretur, quod quam urbem Agamemnon decimo anno vix cepit, quum mille navium classem et universam Graeciam secum haberet, eum ipse undecimo die cepisset, respondit quidam ex illiensibus: Non enim Hector oderat, qui pro civitate pugnaret. Sed ille paulo post apud Thynitiam, quum ab exercitu Syllae consideretur, in templo Arsenapiae suae et servi manu interfectus est, ut videbis apud Liv. lib. LXXII; Strabonem lib. XIII; Plutarchum in Sylla, Appian. in Bell. Mithrid. Oroonum

potuit; qui omnia magna voce dicens, verborum sane bonorum cursu quodam incitato, ita furebat tamen, ut mirarere tam alias res agere populum, ut esset insano inter disertos locus. Cn. autem Lentulus multo maiorem opinionem dicendi actione faciebat, quam quanta in eo facultas erat; qui quum esset nec peracutus (quamquam et ex facie et ex vultu videbatur), nec abundans verbis (etsi fallebat in eo ipso), sic intervallis, exclamationibus, voce suavi et canora calebat in agendo, ut ea, quae deerant, non desiderarentur. Ita, tanquam Curio copia nonnulla verborum, nullo alio bono, tenuit oratorum locum: sic Cn. Lentulus

lib. VI, cap. 2, et Patere. lib. II. Addit autem Cicero: *Non ita diu iactare se potuit*, quod scilicet *se interemit, adolescens, quae ausus erat, fortiter exsequutus*, ut ait Patere. loco citato, et recte *ausus erat*, quoniam fuit homo longe audacissimus, ut ait Cicero in Orat. pro Roscio Amerino. Vide Val. Max. IX, 11. CORR.

* *Nec abundans verbis (etsi fallebat in eo ipso)* Nempe quia in agendo calebat, et saepe *ἀρρυθροῦς*, exclamationibus, similibusque figuris utebatur, inopiam verborum tegebat, auditoresque fallebat, ut eam abundantiores verbis crederent, quam esset.

Sic intervallis, exclamationibus, voce suavi et canora admirantes irretiebat, et sic calebat in agendo, ut ea, quae deerant, non desiderarentur. Vulgo: *sic intervallis, exclamationibus, voce suavi et canora admirando irridebat, calebat in agendo, ut ea quae deerant non desiderarentur.* Corrupta esse *admirando irridebat*, inde a Corrado omnes confessi sunt; nemo tamen aliquid ad

sandandum vitium attulit, quod nobis quidem satisfaceret. E glossemate adiecta esse illa (ut Heusingerus quoque glossatoris *ἐνίστημι* hic officiebat) mihi non sit verisimile. Itaque correxi *admirantes irretiebat*. Vt igitur Cicero de Ulyse dicit de Fin. V, 18 probari fabulam de Sirenibus non posse, *si cantuunculis tantus vir irretitus teneretur*; sic bene de Leotulo dici potest: *admirantes auditores irretiebat intervallis*, h. e. *ἀρρυθροῦς*, (quam figuram auctor ad Herennium, duobus nominibus, articuli IV, 29, quum singula verba *intervallis* dissinguntur caesa oratione, et *dissolutionis* IV, 30, comprehendit, Cicero simpliciter de Orat. III, *dissolutum* vocat) *exclamationibus, voce suavi et canora*, quae omnia imperitam multitudinem alliciunt ac saepe admirationes et clamores faciunt. Quum autem additur, *et sic calebat in agendo*, id refertur ad vultum et gestum, in quo Lentulus erat fervidior et ardentior.

* *Cn. Lentulus*) Multa huic cum L. Gellio, de quo supra, sunt com-

ceterarum virtutum dicendi mediocritatem actione occultavit, in qua excellens fuit. Neque multo secus P. Lentulus, cuius et excogitandi et loquendi tarditatem tegebat formae dignitas, corporis motus plenus et artis et venustatis, vocis et suauitas et magnitudo. Sic in hoc nihil praeter actionem fuit; cetera etiam minora, quam in superiore.

66. M. Piso quidquid habuit, habuit ex disciplina; maximeque ex omnibus, qui ante fuerunt, graecis do-

muia, quam et in censura, et in consulatu collegae fuerint; illud est huius proprium, quod male adversus Spartacum pugnavit, ut Liv. lib. XCVI, et Orosius lib. V, cap. 24 scripserunt. Censor dicitur Verrina VII in Orat. pro Flacco, et in Orat. pro Domo. In eo vero summum consilium, et summam gravitatem fuisse, testatur in Orat. pro lege Manil. Ia videtur esse, qui Philippo et Marcelino coss. decessit, epist. 6, lib. IV ad Attic. quamvis aliter olim scripserimus. Temporibus Mariis abfuit. CORR.

* *P. Lentulus*) P. Cornelius Lentulus Sura, is qui cum L. Sergio Catilina coniuravit; quem putat Asconius P. Lentuli illius, quem Cicero Verrina I principem seuatus appellat, filium fuisse: quod tempora non pati videntur, ut hic Sura filius fuerit illius, quem Cicero loco citato, et lib. I de Oratore, P. Africano vel maiorem natu vel aequalem fuisse ostendit. M. Antonius certe lib. I de Orat. de illo sic loquitur, ut de homine, qui tot annis ante obisset; ut huius Lentuli pater vix esse potuerit. Quin si vir tantus huius P. Lentuli pater fuisset, Cicero ei aliquando obiecisset, ut avum in Orat. III in Catilinam; cuius imaginem Sura non

potius quam patria in aulo gestasset, si talem patrem habuisset. Videri potest igitur M. Marcelli filius. Quaestor Syllae fuit, postea praetor, ac deinde consul cum Cu. Aufidio Orete, anno ab V. C. 682. Sed quam vita eius, ut ait Porcius Latro, in obenuis libidinis versaretur, ac societate turpissimorum hominum nobilitaretur, his accusatus, et, ut lib. I ad Attic. Cicero scribit, absolutus est; quod indices, ut auctor est Plutarchus in Ciceroe, corrupisset. Non ita multo post tamen seuatu motus est, et ut amissam dignitatem recuperaret, praetor iterum factus fuerat, quando cum L. Catilina coniuravit. Id.

* *M. Piso*) M. Pupius Piso Calpurnianus, sic appellatus a quibusdam, quod cum M. Pupius in Orat. pro Domo dicatur adoptatus. Hic quaestor quam L. Pisoni consuli obtigisset, non attigit pecuniam, non ad exercitum profectus est (Verr. III). Hic idem in aedilitate offensumcula (nam populus illi M. Scium praetulit) accepta, summos a populo honores, ut in Orat. pro Plautio legimus, est adeptus. Nam proconsul in Hispania fuit, unde triumphavit, ut Cic. in Orat. pro Flacco, et in Pisoni. significat, Illum lib. I ad Att. homi-

clrinis eruditus fuit. Habuit a natura genus quoddam acuminis, quod etiam arte limaverat; quod erat in reprehendendis verbis versutum et sollers, sed saepe stomachosum, nonnunquam frigidum, interdum etiam facetum. Is laborem, quasi cursum, forensem diutius non tulit, quod et corpore erat infirmitas, et hominum ineptias ac stultitias, quae devorandae nobis sunt, non ferebat, iracundiusque respuebat, sive morose, ut putabatur, sive ingenuo liberoque fastidio. Is quum satis floruisse adolescens, minor haberi est coeptus postea. Deinde ex virginum iudicio magnam laudem est adeptus, et ex eo tempore quasi revocatus in cursum, tenuit locum tam diu, quam ferre potuit laborem; postea quantum detraxit ex studio, tantum amisit ex gloria.

67. P. Murena mediocri ingenio, sed magno studio rerum veterum, literarum et studiosus et non imperitus, multae industriae et magni laboris fuit. C. Censorinus graecis literis satis doctus, quod proposuerat, explicans expedite, non invenustus actor, sed iners, et inimicus fori. L. Turius parvo ingenio, sed multo labore, quoquo modo poterat, saepe dicebat. Itaque

nem perversum, vitiosum, inertem, somni plenum, imperitum appellat: quod forte facit iratus: alibi certe frere semper illum laudat. Iu. — Cons. A. V. C. 692, cum quo Cicero adollescens saepe declamans commentabatur. SCHVIZ.

* *Habuit ex disciplina — graecis doctrinis eruditus*) Habuit secum Staseum Peripateticum, de Orat. I, 32. Et Cicero lib. V locum de Finibus bonorum et malorum ex mente Peripateticorum veterisque Academicorum explicandum dedit.

Moyse) Lamb. *MOVISO*.

Ex virginum iudicio) Post quarum absolutionem decimus annus fuit in Ciceronis consulatu, ut ait in Or. III in Catilin. Accusatus enim fuit Catilina incesti, quod cum Fabia virgine Vestali commisisse arguebatur: sed Catuli gratia fultus evasit, ut Orosius lib. VI, cap. 3 scribit. Sed et Fabia ipsa causam incesti dixerat, quum ei Catilina obliiceretur, eratque absoluta haec Fabia, quia soror erat Terentiae Ciceronis, ut ait Asconius. Virgines vero ipsas P. Clodius accusavit, et M. Cato defendit, ut Plutarchus in Catone scribit. In eo iudicio M. hic

ei paucae centuriae ad consulatum defuerunt. C. Macer auctoritate semper eguit, sed fuit patronus propemodum diligentissimus. Huius si vita, si mores, si vultus denique non omnem commendationem ingenii everteret, maius nomen in patronis fuisset. Non erat abundans, non inops tamen, non valde nitens, non plane horrida oratio; vox, gestus, et omnis actio sine lepore; at in inveniendis componendisque rebus mira accuratio; ut non facile in ullo diligentiore maioremque cognoverim; sed eam ut citius veteratoriam, quam oratoriam diceres. Hic etsi etiam in publicis causis probabatur; tamen in privatis illustriorem obtinebat locum.

68. C. deinde Piso, statarius, et sermonis plenus

Piso magnam laudem est adeptus, ut hic ait. CORRAD.

* C. Maer) C. Licinius Macer, de quo Cicero praetor incredibili ac singulari populi voluntate transegit. Damatus est autem, ut *περίσφραγος* καλεῖται, ut ait Plut. in Cicerone, id est *repetundarum*, ut scribit Valer. Max. lib. IX, cap. 12. Id.

Everteret) Sic Gu. 1, 2, ut vulgu. Male Ernestius edidit, *evertisset*. Nam si oratione recta nti voluisset, recte dicere poterat: *maius ei nomen in patronis fuisset: sed vita — omnem commendationem ingenii evertebat*; itaque idem ubique enuntiaturum recte in imperfectum coniunctivi abit.

C. deinde Piso) Abest deinde Guelf. 1.

* C. Piso) C. Calpurnius Piso, qui praetore Cicero Q. Roscii comœdi causam defendit, quemque in causâ Caecinae adversarium habuit. Is cum M. Glaabrione consul fuit, annu ab V. C. 687, et tum Pompeium vultu impedire, ne adversus piratas proficisceretur. Tunc etiam legem Calpurniam de ambitu tulit, in qua praeter

alias poenas pecuniaria quoque est adiecta, ut scribit Asconius, et Cicero meminit in Orat. pro Murena. Postea proconsul in Galliam profectus est, sed dumum quum redisset, repetundarum postulat est, et a C. Julio Caesare oppugnavit propter cuiusdam Transpadani iniustum supplicium; quare postea cum illo graves exercuit inimicitias, ita ut impellere Ciceronem tentarit, ut Caesar inter coniuratos nominaretur, ut ait Sallustius. Piso, Cicerone consule defendente, quia consul fortis constansque fuerat, incolomis est Reip. conservatus, ut leges in Orat. pro Flacco. Nondum mihi satis constet, an is ille sit, quem Plutarchus ἀνδραγόρας vocat, quum Cicero nihil hac de re dicat: quod mirum sit, quum Plutarchus testetur illum de Mario scripsisse, ne quis forte putet illum esse, quem supra diximus L. Pisonem vocatum fuisse, et multo ante vixisse. CORR.

* Et sermonis plenus) Mirum est, Ernestium in vocabulo *sermonis* hâcuisse, et *leporis* substituere voluisse

orator, minime ille quidem tardus in excogitando, verumtamen vultu et simulatione multo etiam acutior, quam erat, videbatur. Nam eius aequalem M' Glabrimonem, bene institutum avi Scaevolae diligentia, socors ipsius natura negligensque tardaverat. Etiam L. Torquatus, elegans in dicendo, in existimando admodum prudens, toto genere perurbanus. Meus autem aequalis Cn. Pompeius, vir ad omnia summa natus, maiorem dicendi gloriam habuisset, nisi eum maioris gloriae cupiditas ad bellicas laudes abstraxisset. Erat oratione satis amplus, rem prudenter videbat; actio vero eius habebat et in voce magnum splendorem, et in motu summam dignitatem. Noster item aequalis D. Silanus, vitricus tuus, studii ille quidem habuit non

Eum bene refutavit eius ex fratre nepos, I. C. Theoph. Ernesti, lex, technol. lat. rhet. p. 354: «*Sermo enim nempe contentioni opponunt Rhetores, ut ille sit oratio sedata, familiari congressui et vitae quotidianae apta, haec autem vehementior, gravior, et proprie oratoria. Ergo Piso ut staturus, et in omni actione lenis et tranquillus, ita et in oratione sedatior et remissior, quam pro oratore reperiatur*». Hactenus ille, coll. etiam Cic. Orat. III, 45, de Offic. I, 37. Adde Brut. cap. 30 extr.

* *M'. Glabrimonem*) Legem Acilium tulit de pecuniis repetundis severissimam, in qua ne comperendinari quidem licebat reum, ut legitur Verrius II. Huius gens plebeia fuit, ut ostendit Livius, qui lib. XXXV scribit, P. Scipioni de plebe M'. Acilium Glabrimonem collegem additum fuisse. Hoc vero M'. Glabrone praetore Cicero Verrem accusavit, ut Asconius scribit, et in ipsis Verrinis apparet. Hic et cum C. Pisone consul fuit, et

ut Plutarchus scribit, in Bithyniam profectus est. Conn.

* *L. Torquatus*) L. Manlius Torquatus, et quidem patricius, ut in Orat. pro P. Sylla cognosces, quum Manliorum familia duplex esset, ut supra diximus. Hic Ciceronis et Attici condiscipulus, ut Nepos ait in Attico, fuit. Cum L. Aurelio Cotta consul est factus anno ab V. C. 689, quos Autronios, Catilina, et alii in Capitolio Cal. Ian. ut scribit Sallustius, interficere pararunt. Post consulatum videtur in Macedonia res ita magnas gessisse, ut Cicerone, iam tum consule, referente, absens imperator sit appellatus, ut in Orat. in Pisonem dicitur. In.

* *D. Silanus, vitricus tuus*) Bruti mater Servilia, quum esset vidua, ipsi Silano nupsit. Silanus autem consul designatus censuit eos, qui Rempublicam delere conati fuerant, morte esse multandos. Lege Orat. IV in Catilin. Fuit vero consul cum L. Murena, anno ab V. C. 692. In.

multum, sed acuminis et orationis satis. Q. Pompeius, A. filius, qui Bitlynicus dictus est, biennio, quam nos, fortasse maior, summo studio dicendi multaue doctrina, incredibili labore atque industria. Quod scire possum; fuit enim mecum et cum M. Pisone, quum amicitia, tum studiis, exercitationibusque coniunctus. Huius actio non satis commendabat orationem; in hac enim satis erat copiae, in illa autem leporis parum. Erat eius aequalis P. Autronius, voce peracuta, atque magna, nec alia re ulla probabilis; et L. Octavius Reatinus, qui quum multas iam causas diceret, adolescens est mortuus. Is tamen ad dicendum veniebat magis audacter, quam parate. Et C. Stalenus, qui se ipse adoptaverat, et de Staleno Aelium fecerat, fervido quodam et petulanti et furioso genere dicendi: quod quia multis gratum erat et probabatur, ascendisset ad honores, nisi in facinore manifesto deprehensus poenas legibus et iudicio dedisset.

69. Eodem tempore C. et L. Caepasii fratres fuerunt, qui multa opera, ignoti homines et repentini, quaestores celeriter facti sunt, oppidano quodam et

* *P. Autronius*) Qui se Ciceronis condiscipulum in pueritia, familiarum in adolescentia, collegam in quaestura commemorabat fuisse: qui consul designatus, quum accusaretur ambitus, iudicium tollere ac disturbare primo conflatu voluit gladiatorum ac fugitivorum tumultu, deinde lapidatione atque consensu, sed damnatus ita se gessit, ut Cicero in Orat. pro P. Sylla scribit: ubi nobis illum hominem, ut paucis dicam, scelestissimum describit. lē.

Et de Staleno) Guelf. 1, 2, et de *Staleno*. Heusingerus monuit, *Staius* esse notum ex inscriptionibus nomen, unde *Staienus* fieri potuerit. At *Sta-*

lenus sibi quidem nusquam lectum.

In facinore manifesto) De quo narratur Orat. pro Cluentio cap. 7.

* *C. et L. Caepasii*) Homines industrii, atque eo animo, ut quaecumque dicendi potestas esset data, in honore atque beneficio ponerent, ut in Orat. pro Cluentio loquitur; ubi ita de illis verba facit, ut eos irridere potius quam laudare videatur. Cona.

* *Oppidano — genere dicendi*) Oratio est non urbana, nec elegans, nec nitida: sed velut vicana et municipalis aut castellana. *Homo repentinus* dicitur homo novus, qui subito repenteque in hominum cognitionem

incondito genere dicendi. Addamus huc etiam, ne quem vocalem praeteriisse videamur, C. Cosconium Calidianum, qui nullo acumine, eam tamen verborum copiam, si quam habebat, praebebat populo cum multa concursatione magnoque clamore. Quod idem faciebat Q. Arrius, qui fuit M. Crassi quasi secundarum. Is omnibus exemplo debet esse, quantum in hac urbe polleat, multorum obedire tempori, multorumque vel honori vel periculo servire. His enim rebus, infirmo loco natus, et honores et pecuniam et gratiam consequutus, etiam in patronorum, sine doctrina, sine ingenio, aliquem numerum pervenerat. Sed ut pugiles inexercitati, etiamsi pugnos et plagas, Olympiorum cupidi, ferre possunt, solem tamen saepe ferre non possunt; sic ille, quum omni iam fortuna prospere functus, labores etiam magnos exceperat, illius iudicialis anni severitatem, quasi solem, non tulit.

70. Tum Atticus, Tu quidem de faece, inquit, hauris, idque iamdudum: sed tacebam; hoc vero non pu-

famam, commendationemque pervenit. TERN.

Eam tamen verborum copiam, si quam habebat) Aut legendum: *tamen verborum copiam, si quam habebat*; aut: *eam tamen verborum copiam, quam habebat*.

Quasi secundarum) Sic Guelf. 1, 2, ut ed. Venet. Corrad. Lambin. Gronov. Nempe similitudo ducta ab actore secundarum partium. In ed. Rom. est *secundarius*; in Med. *secundarius*.

Multorum obedire tempori) Abest multorum Guelf. 2. Idque Gruterus omittendum censuit, probante Schneidero, qui putat alius esse debere multorum obedire temporibus.

Sed ut — cupidi — ferre non pos-

sunt) Guelf. 1: *sed ut pugiles inexercitati etiamsi pugnos et plagas Olympiorum ferre non possunt*, omisis verbis, *cupidi, ferre possunt, solem tamen saepe*. Cave tamen omittendum putes *cupidi*. Nam *cupidi Olympiorum*, scilicet ludorum, h. l. dicitur pro *cupidi victoriae in ludis Olympiis*.

* *Illius iudicialis anni severitatem*) Intellige annum V. C. 701, quo a Pompeio legibus pluribus forma iudiciorum immutata, et oratores brevi mora interposita dicere iussi sunt, quod quum mod possent minus exercitati, ii relinquere actiones coacti sunt, de qua re adnotans Ascon. ad Cic. et infra noster cap. 94. EBN.

tabam, te usque ad Stalenos et Autronios esse venturum.

Non puto, inquam, existimare te, ambitione me labi; quippe de mortuis: sed ordinem sequens, in memoriam notam et aequalem necessario incurro. Volo autem hoc perspicui, omnibus conquisitis, qui in multitudine dicere ausi sint, memoria quidem dignos perpauco; verum, qui omnino nomen habuerint, non ita multos fuisse. Sed ad sermonem institutum revertamur. T. Torquatus, T. filius, et doctus vir ex Rhodia disciplina Molonis, et a natura ad dicendum satis solutus atque expeditus (cui si vita suppeditauisset, sublato ambitu consul factus esset), plus facultatis habuit ad dicendum, quam voluntatis. Itaque studio huic non satisfacit; officio vero nec in suorum necessariorum causis, nec in sententia senatoria defuit. Etiam M. Pontidius, municeps noster, multas privatas causas actitavit, celeriter sane verba volvens, nec hebes in causis, vel dicam, plus etiam quam non hebes; sed effervescens in dicendo, stomacho saepe iracundiaque, vehementius; ut non cum adversario solum, sed etiam (quod mirabile) cum iudice ipso, cuius delinitor esse debet orator, iurgio saepe contenderet. M. Messalla minor natu, quam nos, nullo modo inops, sed non nimis ornatus genere verborum; prudens, acutus, minime incautus patronus, in causis cognoscendis componendisque diligens, magni laboris, multae operae, multarumque causarum. Duo etiam Metelli, Celer et Nepos, nihil

Hoc perspicui) Guelf. 1, haec perspicui.

Ausi sint) Guelf. 2, ausi sunt.

Habuerint) Guelf. 1, 2, habuerunt.

Nec in suorum necessariorum causis) Ernestio redundare videtur suorum, ac fortasse delendum.

* *M. Messalla*) M. Valerius Messalla cons. cum M. Pisone ann. V. C. 692.

* *Duo Metelli, Celer et Nepos*) Duo fratres, aut potius patruales, ut coniecit Corradus. *Q. Metellus Celer*, praetor urbanus, vir strenuus, egre-

in causis versati, nec sine ingenio, nec indocti, hoc erant popolare dicendi genus assequuti. Cn. autem Lentulus Marcellinus, nec unquam indisertus, et in consulatu pereloquens visus est, non tardus sententiis, non inops verbis, voce canora, facetus satis. C. Memmius, L. filius, perfectus literis, sed graecis, fastidiosus sane latinarum; argutus orator, verbisque dulcis, sed fugiens non modo dicendi, verum etiam cogitandi laborem, tantum sibi de facultate detraxit, quantum imminuit industriae.

71. Hoc loco Brutus, Quam vellem, inquit, de his etiam oratoribus, qui hodie sunt, tibi dicere luberet. Et, si de aliis minus, de duobus tamen, quos a te scio

giam Cicerone consule adversus Catillinae copias operam reipublicae navavit. Triennio post consulatum adeptus est. Eum a Clodia uxore veneno sublatum esse in Caecilia Cicero deplorat. Q. Caecilius Metellus Nepos, trib. pleb. anno 692, graves cum Cicerone inimicitias exercuit: cui, quum abiret e consulatu, de rebus a se gestis disserere paranti silentium imposuit, quod indicta causa eives condemnasset accusans: quumque iurare tantummodo permetteret, Cicero iuravit rempublicam suam unius opera esse salvam. Consul fuit hic Metellus anno 697. PAVSR.

Nihil in causis versati) Probo Rivii et Lambini sententiam, qui nonnihil legendum esse ceusabant, etsi repugnat Ernestius. Nam primum quia de Memmio dictum erat, cum multarum fuisse causarum, cum his verbis aptius connectitur: duo etiam Metelli nonnihil in causis versati; et quum sequatur nec sine ingenio, nec indocti, duplex illud nec respicere videtur antecedens non in nonnihil. Et quamquam popolare genus dicendi

potest esse concionatorium, tamen etiam in causis forensibus valet.

* C. Memmius) C. Memmius Gemellus, epist. 19 lib. XIII Famil. Tribuus pleb. M. Lucullum accusavit, et diu prohibuit, ne L. Lucullus triumpharet, ut Plutarch. in Lucullo et Catone scribit; atque id ipsum triennio ante Ciceronis consulatum. Nam Cicero consul, ut ait lib. II Acad. Quaest. currum Luculli in urbem introduxit. L. Pisone et A. Gabiio consulibus praetor fuit, ut ep. 2 lib. I ad Q. Fratr. cognoscimus. Post vero praeturae Bithyniam provinciam sortitus est: quo secum Val. Catullum poetam duxit; ut ipse Catullus ad Veranium et Fabullum scribens, testatur, quo loco illos Pisonis comites vocat. Inde reversus cum M. Scauro, M. Messala, Cn. Domitio consulatum petiit, et quidem Caesaris auxilio fretus, cuius opibus et militia confirmabatur, et commendabatur, ut lib. IV ad Attic. et lib. III ad Q. Fratrem videre licet. Ille tamen repulsam tulit, et ambitus a Q. Curtio fuit accusatus, et Pom-

laudari solere, Caesare et Marcello, audirem non minus lubenter, quam audiui de iis, qui fuerunt.

Cur tandem, inquam? an expectas, quid ego iudicem de istis, qui tibi sunt aequae noti ac mihi?

Mihi mehercule, inquit, Marcellus satis est notus; Caesar autem parum. Illum enim saepe audiui: hic, quum ego iudicare iam aliquid possem, abfuit.

Quid igitur de illo iudicas, quem saepe audisti?

Quid censes, inquit, nisi id, quod habiturus es similem tui?

Nae ego, inquam, si ita est, velim tibi eum placere quam maxime.

Atqui et ita est, inquit, et vehementer placet; nec vero sine causa. Nam et didicit, et, omissis ceteris studiis, unum id egit, seseque quotidianis commentationibus acerrime exercuit. Itaque et lectis utitur verbis et frequentibus; et splendore vocis, et dignitate motus fit speciosum et illustre, quod dicitur; omniaque

peio consule III fuit condemnatus, ut Appian. lib. II scribit; quomvis Ciceronis esset cliens, ut epist. 19 lib. XIII Fam. refert Cicero, et ostendit illum Patris exulasse. Lucretius huic, ut poeta poetae, et Epicureus Epicureo suos libros de Rerum Nat. scripsit. Nam C. Memmius poeta fuit etiam lascivus, ut Plin. epist. 3 lib. V, et Ovid. lib. II de Trist. affirmant. Conn.

* *Marcello*) M. Claudio Marcello, quem Cicero in Orat. I Catilin. Catilinae quidem sodalem, sed virum tamen optimum et fortissimum vocat; de cuius magistratibus nihil paene positum affirmare, nisi illum anno ab V. C. 703 cum Servio Sulpicio Rufo consulente fuisse. Post bellum civile, in quo Pompeium sequu-

tus est, timens Caesarem veterem suum inimicum Marcellus exulabat; quo tempore Caesar eius acerbiter accusavit, sed tamen repente praeter spem dixit, se senatui roganti de Marcello, ne hominis quidem causa negaturum. Quare, quum reliqui gratias Caesari egissent, Cicero longa satis oratione, quae nunc exstat, idem fecit, ut ait lib. IV Famil. ubi saepe monet illum, ut domum revertatur; quod quum ille iam facere cogitaret et vellet, a P. Magio Chilone familiari suo, fuit interfectus ut lib. IV Famil., lib. XIII ad Attic., et apud Liv. lib. CXV, et apud alios etiam legas. In.

Abiit) Sic Guelf. 1, 2.

Velim tibi eum) Guelf. 1, vellem tibi eum.

sic suppetunt, ut ei nullam deesse virtutem oratoris putem; maximeque laudandus est, qui hoc tempore ipso, quum liceat, in hoc communi nostro et quasi fatalimalo, consoletur se quum conscientia optimae mentis, tum etiam usurpatione et renovatione doctrinae. Vidi enim Mitylenis nuper virum, atque, ut dixi, vidi plane virum. Itaque quum eum antea tui similem in dicendo viderim, tum vero nunc a doctissimo viro, tibi que, ut intellexi, amicissimo, Cratippo, instructum omni copia, multo videbam similiorem.

Hic ego, Etsi, inquam, de optimi viri, nobisque amicissimi laudibus lubenter audio, tamen incurro in memoriam communium miseriarum, quarum oblivione quaerens, hunc ipsum sermonem produxi longius. Sed de Caesare cupio audire, quid tandem Atticus iudicet.

72. Et ille, Praeclare, inquit, tibi constas, ut de iis, qui nunc sint, nihil velis ipse dicere; et hercle si sic ageres, ut de iis egisti, qui iam mortui sunt, neminem ut praelitteres, nae tu in multos Autronios et Stalenos incurreres. Quare sive hanc turbam effugere voluisti, sive veritus es, ne quis se aut praeteritum, aut non satis laudatum queri posset; de Caesare tamen potuisti dicere, praesertim quum et tuum de illius ingenio notissimum iudicium esset, nec illius de tuo obscurum.

Sed tamen, Brute, inquit Atticus, de Caesare et ipse

* *Quum liceat*) Viri docti in his verbis haesere, nec potuere explicare. Itaque vel esse addi voluere, ut Corradus (hoc sensu: quum liceat illi esse in hoc communi nostro et fatalimalo, quia ei Caesar concesserat, ut Romam venire posset), vel ipsum verbum *licet* tentare varie. Diffi-

cultas tollitur, si non ad proxime sequentia verba refertur, sed ad studia doctrinae, quibus tractandas consolationem quaerebat, quod ei solitario ei Athenis viventi licebat facere sine interpellatione. EAM.

Querere posset) Recte Ernestius *posset* pro vulg. *posuit* substituit.

ita iudico, et de hoc huius generis acerrimo existimatore saepissime audio, illum omnium fere oratorum latine loqui elegantissime. Nec id solum domestica consuetudine, ut dudum de Laeliorum et Muciorum familiis audiebamus, sed, quamquam id quoque credo fuisse, tamen, ut esset perfecta illa bene loquendi laus, multis literis, et iis quidem reconditis et exquisitis, summoque studio et diligentia est consequutus. Qui etiam in maximis occupationibus quum ad te ipsum, inquit in me intuens, de ratione latine loquendi accuratissime scripserit; primoque in libro dixerit, verborum delectum originem esse eloquentiae; tribueritque, mi Brute, huic nostro, qui me de illo maluit, quam se dicere, laudem singularem: etiam scripsit his verbis, quum hunc nomine esset affatus: « Ac, si cogitata praeclare eloqui possent, nonnulli studio et usu elaboraverunt, cuius te paene principem copiae atque inventorem, bene de nomine ac dignitate populi Romani meritum esse existimare debemus: hunc facilem et quo-

Existimatore) Sic Guelf. 1, 2, ut Laubinius edidit, pro eo quod olim vulgabatur *astimatore*.

Occupationibus quum ad te ipsum) Abest quum Guelf. 1, 2. Quod si placeat, vel qui pro quippe qui accipiendum, hoc verborum nexu: est consequutus; qui etiam in maximis occupationibus — scripserit — dixerit — tribueritque — nam scripsit — vel statuendum coniectivos verborum in indicativos mutandos esse, hoc modo: Qui etiam in maximis occupationibus ad te ipsum — de ratione latine loquendi accuratissime scripsit, primoque in libro dixit, verborum delectum originem esse eloquentiae, tribuitque, mi Brute, huic nostro, qui me de illo maluit, quam se dicere, laudem singularem; nam scripsit etc.

Tribueritque) Si sic legendum putes, servato quum ante verba ad te ipsum, necesse est paulo post legas etiam scripsit his verbis, ubi vulgo ponitur nam scripsit his verbis. Alias tota periodus careret apodosis.

Si cogitata praeclare eloqui possent) Sic Guelf. 1, 2. Ernestio necessarium videbatur reponi eloqui ut possent. Refutabat eum Heusingerus (praef. filii eius ad Cic. de Offic. p. 48) exemplo Caesaris de Bello Gall. 1, 8 4: saepius noctu si perumpere possent conati.

Hunc facilem — num pro delicto est habendum?) Male haec verba vulgo a Caesaris verbis coniungant. Varie etiam scribuntur postrema. Plerique: nunc pro relicto est habendum. Lam-

omnis, nec claudicans, nec quasi fluctuans, et aequaliter constanterque ingrediens, numerosa habetur oratio. Atque id in dicendo numerosum putatur, non quod totum constat enumeris, sed quod ad numeros proxime accedit: quo etiam difficilius est oratione uti, quam versibus; quod illis certa quaedam et definita lex est, quam sequi sit necesse; in dicendo autem nihil est propositum, nisi ut ne immoderata, aut angusta, aut dissoluta, aut fluens sit oratio. Itaque non sunt in ea tanquam tibicini percussionum modi, sed universa comprehensio et species orationis clausa et terminata est; quod voluptate aurium iudicatur.

59. Solet autem quaeri, *toto* ne in *ambitu* verborum numeri tenendi sint, an in *primis* partibus, atque in *extremis*, an solum in *extremis*? Plerique enim censent cadere tantum numerose oportere, terminarique sententiam. Est autem, ut id maxime deceat, non ut id solum. Ponendus est enim ille ambitus, non abiiciendus. Quare quum aures extremum semper expectent, in eoque acquiescant, id vacare numero non oportet; sed

Aequaliter constanterque ingrediens)

Si aequaliter verum est, opponitur orationi claudicanti, quia in claudicatione inaequaliter pedes solo insistant; tamque constanter respondet fluctuanti. Fieri tamen potest, ut Cicero scripserit aequaliter; quod si sumseris, probabilius fuerit aequaliter ingredientem orationem fluctuantem, constanter autem ingredientem claudicanti opponi.

* Ne immoderata, ambitu nimis in longitudinem excurrente, aut angusta, iusto brevioribus membris aut curtis inclusa, aut dissoluta, nullis numerorum legibus astricta, aut fluens, sine intervallis, et quasi no-

dis continuationis tanquam annis quidam decurrens.

An solum in extremis) Haec verba, quae in omnibus edd. absunt, absque librorum auctoritate addidi, quin si ne iis ea, quae proxime sequuntur: plerique enim censent cadere tantum numerose oportere, terminarique sententiam, prorsus nihil haberent, quo referrentur.

Non ut id solum) Vulgo, non id solum, claudicante posteriore membro.

* Ponendus est enim ille ambitus, non abiiciendus) Ponere ambitum, i. q. periodum apta clausula finire, abiicere vero eam in extrema parte destituere et negligere.

ad hunc exitum tamen a principio ferri debet verborum illa comprehensio, et tota a capite ita fluere, ut ad extremum veniens ipsa consistat. Id autem bona disciplina exercitatis, qui et multa scripserint, et quaecunque etiam sine scripto dicerent, similia scriptorum effecerint, non erit difficillimum. Ante enim circumscribitur mente sententia, confestimque verba concurrunt; quae mens eadem, qua nihil est celerius, statim dimittit, ut suo quodque loco respondeat; quorum descriptus ordo alias alia terminatione concluditur, atque omnia illa et prima et media verba spectare debent ad ultimum. Interdum enim cursus est in oratione incitatio, interdum moderata ingressio; ut iam a principio videndum sit, quemadmodum velis venire ad extremum. Nec in numeris magis, quam in reliquis ornamentis, eadem quum faciamus, quae poetae, effugimus tamen in oratione poetatis similitudinem. Est enim in utroque et materia et tractatio; materia in verbis, tractatio in collocatione verborum. Ternae autem sunt utriusque partes; verborum: translatum, novum, priscum (nam de propriis nihil hoc loco dicimus); collocationis autem, eae, quas diximus: compositio, concinnitas, numerus; sed in utroque frequentiores sunt, et liberiores poetae. Nam et transferunt verba cum crebrius, tum etiam audacius;

* *Sed ad hunc exitum tamen*) Ernestius fatebatur se non satis videre, quare tamen h. l. sit. Opponitur autem iis, qui putabant satis esse sententias numerose cadere ac terminari. Id igitur maxime quidem decere concedit Cicero, sed tamen etiam iam a principio comprehensionem vult apte ferri ad exitum.

* *Statim dimittit*) I. e. distribuit et suo quodque loco ponit.

Ornamentis) Vulgo additur ora-

tionis, quod hic utpote superfluum et e sequenti versa anticipatum delevi.

Ternae autem sunt — numerus) Hic locus in edd. pessima interpunctione laborabat, hoc modo fere divisus: *Ternae autem sunt utriusque partes verborum: translatum, novum, priscum. Nam de propriis nihil hoc loco dicimus. Collocationis autem eae, quas diximus, compositio, concinnitas, numerus.*

et priscis libentius utuntur, et liberius novis. Quod idem fit in numeris; in quibus quasi necessitati parere coguntur. Sed tamen haec nec nimis esse diversa, neque nullo non modo coniuncta intelligi licet. Ita fit, ut non item in oratione, ut in versu, numerus exstet; idque, quod numerosum in oratione dicitur, non semper numero fiat, sed nonnunquam, aut concinnitate, aut constructione verborum.

60. Ita, si numerus orationis quaeritur qui sit: omnis est; sed alius alio melior atque aptior; si locus: in omni parte verborum; si unde ortus sit: ex aurium voluptate; si componendorum ratio: dicetur alio loco, quia pertinet ad usum; quae pars quarta et extrema nobis in dividendo fuit; si, ad quam rem adhibeatur: ad delectationem; si, quando: semper; si, quo loco: in tota continuatione verborum; si, quae res efficiat voluptatem: eadem, quae in versibus, quorum modum notat ars,

* *In quibus quasi necessitati parere coguntur*) Quid hoc sit, explicat Cicero ipse de Orat. III, 48: quos (poetas) necessitas cogit et ipsi numeri ac modi sic verba versibus includere, ut nihil sit, ne spiritus quidem minimo, brevius aut longius, quam necesse est. Ceterum post verba parere coguntur videntur pauca quaedam excidisse.

Neque nullo non modo coniuncta) Vulgo: neque ullo modo coniuncta, prorsus inepte. Sic enim alterum dis-iunctionis membrum nihil differrat a priore. Nam quod non est ullo modo coniunctum cum altero, id est vel maxime sive nimis ab eo diversum. Cicero autem significare volebat, versus et orationem solutam, nec nimis esse diversa, nec prorsus similia, i. e. nullo non modo coniuncta.

* *Exstet*) I. e. statim manifesto

appareat. Alibi de Orat. I, c. 16: *apparere atque exstat.*

Si locus: in omni parte verborum) Facile, qui haec negligentius inspexerit, sibi persuadat, haec eicienda esse, quis deinde sequitur: *si quo loco: in tota continuatione verborum.* At enim diversa sunt ista, nec eodem consilio posita. Illa enim priora: *si locus: in omni parte verborum*, referuntur ad questionem, oratoris numeri poeticae sive an ex alio genere verborum; quam quidem questionem c. 56 ita explicavit, ut negaret ullos esse numeros extra poeticos; numerumque in omni parte a. genere verborum positum esse. Sane fuisset aptius, si Cicero hic quoque ut supra c. 54 scripsisset: *si ubi sit positus, adiecta responsione: in omni parte verborum.*

Quorum modum notat ars) Spe-

sed aures ipsae tacito eum sensu sine arte definiunt.

61. Satis multa de natura; sequitur usus, de quo est accuratius disputandum. In quo quaesitum est, in tone circuitu illo orationis, quem Graeci *περίοδος*, nos tum ambitum, tum circuitum, tum comprehensionem, aut continuationem, aut circumscriptionem dicimus; an

ciosa quidem est Victorii conjectura, qua Varr. lectl. XIII, 6 legendum censuit quorum modum non notat ars; neque tamen vera. Nam notare non est invenire, sed aliquid iam inventum observare atque animadvertere. Hoc autem arti tribuitur c. 55: *Neque enim ipse versus ratione est cognitus, sed natura atque sensu, quem dimensa ratio docuit, quid acciderit. Ita notatio naturae et animadversio peperit artem.*

Tacito eum sensu) Sunt qui legant: *tacito cum sensu.*

* *In quo quaesitum est*) Totum hoc caput, quod quasi enumerationem habet earum rerum, quae disputatio de usu numeri oratorii tractari deberet, mire perturbatum est, et vel interpolationibus obscuratum, vel ab ipso Cicero mira negligentia conscriptum. Primum enim quae de usu numeri oratorii inde a c. 62 disceruntur, ea redeunt ad quinque quaestiones: 1. quid differat usus numeri oratorii in genere apidictico, et forensi, c. 62: 2. quo loco in oratione forensi numerosa h. e. periodica oratio adhibenda sit, et quamdiu retinenda, c. 63: 3. quod modis mutentur comprehensiones conclusionesque, h. e. periodi, c. 64, 65: 4. quomodo orator versetur in incisis et membris, c. 66, 67: 5. de utilitate numeri oratorii, c. 68. Iam si cum hac tractatione rerum dicendarum dispositio.

nem compares cap. 61 factam, facile intelliges, primae illi quaestioni, *an in principiis solum, aut in extremis, an in utraque parte numerus tenendus sit*, iam esse autem c. 59 responsum. Porro quid inter numerum et numerosum intersit, aut unde orta sit forma verborum, aliisque de rebus c. 61 memoratis nosquam in sequentibus disseritur. Vna ratio est, quae id excusare possit, quod, quum hoc capite extremo dicatur: *Ac licet non ad singulas res respondentem de universo generatio dicere, ut etiam singulis satis responsum esse videatur*; Cicero videtur h. l. non tam enumerasse partes quas ipse tractaturus esset; sed omnes quae ab aliis tractari solerent. Vel sic tamen interpolata quaedam esse manifestum est, quod in verbis: *neque eorum particularis — uti oportet, eadem fere repeluntur, quae paulo ante iam dicta erant. Quidquid sit, si tota illa pars a verbis, in quo quaesitum est, usque ad verba, quod in causis foroque versatur, de quo dicebamur, intercideret, non solum nemo desideraret, sed aptius reliquae, quae sequuntur, cum huius capituli initio cohaerere. Itaque Strebaeus acute sensit, Ciceroem his quaestionibus propositis molestum videri posse, propterea quod multae sint perimiles, et in hac parte non ita necessariae, sed Graeculos esse sequutum, qui abditis in rebus arbitrantur hoc modo elucescere veritatem,*

in principiis solum, aut in extremis, an in utraque parte numerus tenendus sit? deinde, quum aliud videatur esse numerus, aliud numerosum; quid intersit? tum autem in omnibusne numeris aequaliter particulas deceat incidere, an facere alias breviores, alias longiores? idque quando, aut cur, quibusque partibus? pluribusne, an singulis; imparibus, an aequalibus? et quando aut istis, aut illis sit utendum? quaeque inter se aptissime collocentur, et quomodo? an omnino nulla sit in eo genere distinctio? quodque ad rem maxime pertinet, qua ratione numerosa fiat oratio? Explicandum etiam est, unde orta sit forma verborum; dicendumque, quantos circuitus facere deceat; deque eorum particulis, et tanquam incisionibus disserendum est, quaerendumque, utrum una species et longitudo sit earum, ane plures; et, si plures, quo loco, aut quando, quoque genere uti oporteat? Postremo totius generis utilitas explicanda est, quae quidem patet latius. Non ad unam enim rem aliquam, sed ad plures accommodatur. Ac licet non ad singulas res respondentem de universo genere sic dicere, ut etiam singulis satis responsum esse videatur. Remotis igitur reliquis generibus unum selegimus hoc, quod in causis foroque versatur, de quo diceremus.

62. Ergo in aliis, id est, in historia, et in eo, quod appellamus *ἐπιστῆσις*, placet omnia dici Isocrateo Theopompeoque more, illa circumscriptione ambituque, ut tanquam in orbe inclusa currat oratio, quoad insistas in singulis perfectis absolutisque sententiis. Itaque posteaquam est nata haec vel circumscriptio, vel comprehensio,

Aut in extremis) Sic erant scribendum. Vulg. *an in extremis*. Non enim sunt quatuor, sed tres quaestiones, ut c. 59 init.

* *Particular*) I. q. membra periodorum.

* *Haec vel circumscriptio etc.*) Quintil. Inst. or. IX. 4, 124: *Periodo plurima nomina dat Cicero, ambitum, circuitum, comprehensionem, continuationem, circumscriptionem.*

vel continuatio, vel ambitus, si ita licet dicere: nemo, qui aliquo esset in numero, scripsit orationem generis eius, quod esset ad delectationem comparatum, remotumque a iudiciis forensique certamine, quin redigeret omnes fere in quadrum numerumque sententias. Nam quum is est auditor, qui non vereatur, ne compositae orationis insidiis sua fides attentetur, gratiam quoque habet oratori, voluptati aurium servienti.

Genus autem hoc orationis neque totum assumendum est ad causas forenses, neque omnino repudiandum. Si enim semper utare, cum satietatem affert, tum, quale sit, etiam ab imperitis agnoscitur. Detrahit praeterea actionis dolorem, aufert humanum sensum actoris, tollit funditus veritatem et fidem.

63. Sed, quoniam adhibenda nonnunquam est, primum videndum est, quo loco, deinde quamdiu retinenda sit, tum quot modis commutanda.

Adhibenda est igitur numerosa oratio, si aut laudandum est aliquid ornatus, ut nos in accusationis secundo de Siciliae laude diximus; ut in senatu, de consulatu meo: aut exponenda narratio, quae plus dignitatis desiderat, quam doloris, ut in quarto accusationis, de En-

Adhibenda — retinenda — commutanda) Lambinus edidit: *adhibendum — retinendum — commutandum*, quia praecedit *Genus autem hoc orationis*. Potuit tamen Cicero mutata constructione illis participiis sic uti, ut ad vocabulum *oratio* referrentur, quemadmodum statim sequitur, *Adhibenda est igitur*.

Pt nos in accusationis secundo de Siciliae laude) Verrin. Act. II, lib. II, c. 1 sqq.

* *Pt in senatu de consulatu meo*) In senatu laudavit consulatum suum oratione prima in Servilium Rullum,

cuius orationis pars extrema tantum superest. Laudavit et principium secundae ad populum de more veteri, quo novus consul senatus populoque romano gratias agebat; laudavit etiam in Pisonem, in aliisque multis orationibus; sed aut illa in Rullum debet intelligi, aut alia desiderari. STALL.

Desiderat) Ernestius conj. *desideret*.

In quarto accusationis de Ennensi Cerere) Verrin. Act. II, lib. IV, c. 48 sqq.

nensi Cerere, de Segestana Diana, de Syracusarum situ diximus. Saepe etiam in amplificanda re, concessu omnium funditur numerose et volubilter oratio. Id nos fortasse non perfecimus, conati quidem saepissime sumus; quod plurimis locis perorationes nostrae, voluisse nos, atque animo contendisse, declarant. Id autem tum valet, quum is, qui audit, ab oratore iam obsessus est, ac tenetur. Non enim tum id agit, ut insidiatur et observet; sed iam favet, processumque vult, dicendique viam admirans, non inquit, quod reprehendat.

Haec autem forma retinenda non diu est, nec dico in peroratione, quam ipse finis includit, sed in orationis reliquis partibus. Nam quum sis his locis usus, quibus ostendi licere, transferenda tota dictio est ad illa, quae nescio cur, quum Graeci κόμματα et κῶλα nominent,

De Segestana Diana) Ibid. c. 33
899.

De Syracusarum situ) Ibid. cap.
52 usq.

Non enim tum id agit) Ioseroi
tum, quod abest in Mss. et edd.

* *Pt insidiatur et observet*) Camerac. ut insidiantem observet. Lambinus: ut insidiatorem observet, quod haud scio an vulgatae praefereendum sit. Nam cap. 51 dicitur: *Nimis enim insidiarum ad capiendas aures adhiberi videtur, si etiam in dicendo numeri ab oratore quaeruntur.* At tamen vulgatum stare potest, modo insidiari eo sensu capiatur, ut sit astute speculari, quid alter agat (*ei-nem auslauern*). Ita ponitur de Orat. I, c. 21. Et mox dicitur eodem sensu non inquit, quod reprehendat.

* *Nec dico in peroratione, quam ipse finis includit*) Vulgo sine sensu: quam ipse includit. Itaque negabat Ernestius se hoc intelligere. Addidi autem finis, quo addito nihil relin-

quitur obscuritatis. Cicero enim dicit, formam hanc numerosam et periodicam non diu retinendam esse; neque id se monere de peroratione, quam scilicet ipse finis orationis includat, ut in ea illa forma per se diu continuari non possit, sed potissimum de reliquis orationis partibus. Strebacius intelligi volebat: quem ipse orator includit, quae ellipsis hic esset durissima; nec tamen sententia ipsa presse satis enuntiata.

* *Κόμματα et κῶλα*) Κῶλεν membrum et κόμματα incisum, oonnnisi longitudine differre sentit Hermogenes lib. IV de Inventione. Periodus sententiam comprehendit, in qua protasis est, et apodosis. Quae autem sententia est oniasmodi, simplex, nec in se reflexa, si nltra versos heroici longitudinem progrediatur, Hermogeni membrum dicitur, ut illud Ciceronis Philippica II, cap. 22: *Om-nino nulla causa iusta cuiquam esse potest, contra patriam arma capiendi.*

nos non recte incisa et membra dicamus. Neque enim esse possunt, rebus ignotis, nota nomina; sed quum verba, aut suavitatis, aut inopiae causa, transferre soleamus, in omnibus hoc fit artibus, ut, quum id appellandum sit, quod, propter rerum ignorationem ipsarum, nullum habuerit ante nomen, necessitas cogat aut novum facere verbum, aut a simili mutuari.

64. Quo autem pacto deceat incise membratimve dici, iam videbimus; nunc, quot modis mutantur comprehensiones conclusionesque, dicendum est. Fluit omnino numerus a primo tum incitatus brevitate pedum, tum proceritate tardius. Cursum contentiones magis requirunt; expositiones rerum, tarditatem. Insistit autem ambitus modis pluribus, e quibus unum est sequuta Asia maxime, qui dichoreus vocatur, quum duo extremi chorei sunt, id est, e singulis longis et brevibus; explanandum est enim, quod ab aliis iidem pedes aliis nominantur vocabulis. Dichoreus non est ille quidem sua sponte vitiosus in clausulis, sed in orationis numero

Quae brevis concluditur sententia, appellatur incisum: ut *foror arma ministrat*. Trahit sua quemque voluptas. Membratim dicit Cicero lib. III in Verrem. cap. 89: *Placent vobis hominum mores? Placet sua geri magistratus, ut geruntur? placet socios sic tractari, ut per haec tempora tractatos videtis? Cur haec a me opera consumitur? quid sedetis? cur non in media oratione convergitis, atque disceditis? Vultis autem istorum audacias ac libidines aliqua ex parte reserare? Desinite dubitare, utrum sit utilis, propter multos improbos uni parere, an unius improbi supplicio multorum improbitatem coercere. Pa.*

* Aut a simili mutuari? Malim: aut a re simili mutuari. Sic c. 27: *translata ea dico, quae per similitudinem*

ab alia re aut suavitatis aut inopiae causa transferuntur.

* A primo) I. e. a principio periodi; ut supra c. 59: *sed ad hunc exitum tamen a principio ferri debet verborum illa comprehensio, et tota a capite ita fluere etc.*

* Tum incitatus, brevitate pedum) Id praecipue patet in versibus: Quid his Virgilii numeris incitatus? Inde ubi clausula dedit sonitum tuba, finibus omnes Haud mora prosilire suis, ferit aethera clamor. His autem quid tardius? Belli ferratos rupit Saturnia postes. PAVST.

Quod ab aliis iidem pedes aliis nominantur vocabulis) Ut choreum (-v) alii trochaeum vocant: trochaei nomine autem tribrachyn appellabant.

nihil est tam vitiosum, quam si semper est idem. Cadit autem per se ille ipse praeclare: quo etiam satietas formidanda est magis. Me stante C. Carbo, C. filius; tribunus plebis in concione dixit his verbis: *O Marce Druse, patrem appello*. Haec quidem duo binis pedibus incisim; dein membratim: *Tu dicere solebas, sacram esse rempublicam*. Haec item membra ternis. Post ambitus: *Quicumque eam violavissent, ab omnibus esse ei poenas persolutas*. Dichoreus. Nihil enim ad rem, extrema illa, longa sit, an brevis. Deinde: *Patris dictum sapiens, temeritas filii comprobavit*. Hoc dichoreo tantus clamor concionis excitatus est, ut admirabile esset. Quaero, nonne id numerus effecerit? Verborum ordinem immuta; fac sic: *Comprobavit filii temeritas*; iam nihil erit, etsi *temeritas* ex tribus brevibus, et longa est: quem Aristoteles ut optimum probat; a quo dissentio. At eadem verba, eadem sententia. Animo istuc satis est, auribus non satis. Sed id crebrius fieri non oportet. Primum enim numerus agnoscitur; deinde satiatur; postea cognita facilitate contemnitur.

Sed sunt clausulae plures quae numerose et iucunde cadant. Nam et creticus, qui est e longa, et brevi, et longa, et eius aequalis paeon, qui spatio par est, syllaba longior, quam commodissime putatur in solutam ora-

* *Haec quidem duo*) Nempe verba: *O Marce Druse*, et *patrem appello*, exprimantur incisim duobus pedibus, *O Marce* antibacchia est, *Druse* choreus; *patrem appello* duplex apodeus, vel iambus et choreus. PAVST.

* *Haec item membra ternis*) Horum membrorum (*Tu dicere solebas*) et (*sacram esse rempublicam*) primum quidem continet apodeum, tribrachyu et apodeum; alterum autem,

si nulla fiat elisio, constat ex anapaeato, iambo et dactylo. IN.

Dichoreus) Dichoreum (-v-v) appellat vocabulum *persolutas*, quod proprie est epitritus secundus (v--), quia, ut ipse addit, hic uibil ad rem faciat extrema illa longa sit an brevis.

Hoc dichoreo) In clausula comprobavit. Hunc Carbonis locum a Cicerone citatum esse memorat Quintil. IX, 4, 103.

tionem illigari, quum sit duplex. Nam aut e longa, et tribus brevibus, qui numerus in primo viget, iacet in extremo; aut e totidem brevibus, et longa, quem optime cadere censent veteres, ego non plane reiicio, sed alios antepono. Ne spondeus quidem funditus est repudiandus. Etsi, quod est e longis duabus, hebetior videtur et tardior; habet tamen stabilem quandam, et non expertem dignitatis gradum; in incisionibus vero multo magis, et in membris. Paucitatem enim pedum gravitatis suae tarditate compensat. Sed hos quum in clausulis pedes nomino, non loquor de uno pede extremo. Adiungo (quod minimum sit) proximum superiorem, saepe etiam tertium. Ne iambus quidem, qui est e brevi et longa, aut par trochaeus, qui habet tres breves, sed spatio par, non syllabis, aut etiam dactylus, qui est e

* *Quum optime cadere censent veteres*) H. e. quem optime in clausula poni, s. quem in clausula optime sonare censent veteres.

Proximum superiorem) Ernestius scribendum putat de more Cicerois et latinitate vera proxime superiorem. Satis pro imperio. Saepius enim illa quoque forma Cicero utitur, ut Varr. Epp. lib. I, ep. 9: *proximis superioribus diebus*; de Nat. Deor. II, 20: *proximum inferiorem orbem*.

Aut par trochaeus) Pessima hunc locum corruptela inquinaverat: aut par choreo; quomodo enim Cicero choreo (-v) tres breves syllabas tribuere potuisset. Immo legendum aut par trochaeus, ut iam Cramer. et Lambin. ediderunt. Sic enim scimus ab eo *tribrachyn* (v v v) vocari; hic iambo spatio, non syllabis par est.

* *Dactylus*) Tradit hic Tullius dactylo et spondeo periodum volubiliter finire. Qui congruit haec praecceptum cum iis quae superius dixit?

et in Partitione oratoria cap. 72 expressis verbis sit, orationem circumscribendam esse numerosae, non ad similitudinem versuum. Qui convenit cum praeccepto Quintiliani lib. IX, cap. 4: *Ne dactylus quidem spondeo bene praepositur, quia finem versus damnavimus in fine orationis*. Mihi quidem vitiosa tum videtur conclusio, quae fit duabus vocibus, quarum vel altera sit dactylus, altera spondeus, ut *Gaudia pelle*; vel altera sit choreus, altera bacchius, ut *Pelle timorem*: sic enim vulgo desinunt hexametri versus. At si unico vocabulo comprehendantur et dactylus et spondeus, numerosae claudet periodum, ut patet ex lib. III in Verrem cap. 13: *Quum in tantis incommodis aratorum iniuriisque decumanorum, nullum ex isto praeclearo edicto non modo factum, sed ne postulatam quidem iudicium inveniat*. Item eleganter claudet periodum vox ex duabus brevibus totidemque longis composita,

longa, et duabus brevibus, si est proximus a postremo parum volubiliter pervenit ad extremum, si est extremus choreus, aut spondeus. Nunquam enim interest, uter sit eorum in pede extremo. Sed iidem hi tres pedes male concludunt, si quis eorum in extremo locatus est, nisi quum pro cretico postremus est dactylus. Nihil enim interest, dactylus sit extremus, an creticus; quia postrema syllaba, brevis, an longa sit, ne in versu quidem refert. Quare etiam paeona qui dixit aptiorem, in quo esset longa postrema, vidit parum; quoniam nihil ad rem est, postrema an longa sit. Iam paeon, quod plures habeat syllabas, quam tres, numerus a quibusdam, non pes habetur. Est quidem, ut inter omnes constat antiquos, Aristotelem, Theophrastum, Theodectem,

praesertim si ex pluribus syllabis compositum vocabulum praecedat: ut oratione post reditum in Senatu cap. 9: *Qui mihi primus afflicto et iacanti consularem fidem dexteramque porrexerit: qui me a morte ad vitam, a desperatione ad spem, ab exitio ad salutem revocavit.* Aurium enim iudicio huiusmodi clausulae, licet in iis sit dactylus et spondeus, vix ullum videntur habere cum versu similitudinem. PAVST.

* *Nunquam enim interest*) Dissentit e Cicerone Fabius lib. IX, c. 4: *Neque ego ignoro, inquit, in fine pro longa accipi brevem, quod videtur aliquid vacanti tempori ex eo quod insequitur, accedere. Aures tamen consulens meas, intelligo multum referre, verene longa sit quae cludit, an pro longa. Neque enim tam plenum est, dicere incipientem timere, quam illud, ausus est confiteri. Id.*

Sed iidem hi tres pedes) Iambus, trochaeus sive tribrachys, et dactylus.

Quoniam nihil ad rem est, postrema an longa sit) Aliter sentit Quintilian. Inst. Or. IX, 4, 93: *Clausula quoque e longis firmissima est; sed eludent et breves, quamvis habeatur indifferens ultima. Neque enim ego ignoro, in fine pro longa accipi brevem, quod videtur aliquid vacantis temporis ex eo, quod insequitur, accedere; aures tamen consulens meas, intelligo multum referre, verene longa sit, quae cludit, an pro longa. Neque enim tam plenum est: dicere incipientem timere; quam illud: ausus est confiteri.*

Iam paeon, quod plures habeat syllabas, quam tres, numerus a quibusdam, non pes habetur) Quintil. IX, 4, 79: *Et quidem (de pedibus metricis loquens) Ciceronem sequar, (nam is eminentissimos Graecorum est sequutus,) excepto quod pes tres syllabas non videtur excedere: quamquam ille paeone dochmiusque, quorum prior in quatuor, secundus in quinque excarrit, utatur. Nec tamen ipse dissimulat,*

Ephorum, unus aptissimus orationi vel orienti, vel mediae; putant illi etiam cadenti: quo loco mihi videtur aptior creticus. Dochmius autem e quinque syllabis, brevi, duabus longis, brevi, longa, ut est hoc: *Amicos tenes*, quovis loco aptus est, dum semel ponatur; iteratus, aut continuatus, numerum apertum et nimis insignem facit. His igitur tot commutationibus, tamque variis si utemur, nec deprehepdetur manifesto, quid a nobis de industria fiat, et occurreret satietati.

65. Et quia non numero solum numerosa oratio, sed et compositione fit, et genere (quod ante dictum est) concinnitatis: compositione potest intelligi, quum ita structa verba sunt, ut numerus non quaesitus, sed ipse sequutus esse videatur; ut apud Crassum: *Nam ubi libido dominatur, innocentiae leve praesidium est*. Ordo enim verborum efficit numerum sine ulla aperta oratoris industria. Itaque si quae veteres illi (Herodotum dico, et Thucydidem, totamque eam aetatem) apte numero-seque dixerunt, ea non numero quaesito, sed verborum collocatione ceciderunt. Formae vero quaedam sunt orationis, in quibus ea concinnitas inest, ut sequatur numerus necessario. Nam quum aut par pari refertur, aut contrarium contrario opponitur, aut, quae similiter cadunt verba, verbis comparantur; quidquid ita conclu-

quibusdam numeros videri, non pedes; nec immerito. Quidquid enim supra tres syllabas habet, id ex pluribus est pedibus.

* Orationi id est h. l. periodo.

Quod ante dictum est) cap. 49.

* Compositione potest intelligi) scil. oratio numerosa.

Pt apud Crassum) Eodem e Crassi oratione loco utitur Quintil. IX, 4, 89.

Itaque si quae veteres illi — apte nu-

meroseque dixerunt; ea non numero quaesito, sed verborum collocatione ceciderunt) Dissentit a Cicero Quintilianus IX, 4, 16: Itaque ut confiteor, paene ultimam oratoribus artem compositionis, quae perfecta sit, contigisse; ita illis quoque praeis habitum inter eas, in quantum adhuc profecerant, puto. Neque enim mihi, quamlibet magnus auctor, Cicero persuaserit, Lysiam, Herodotum, Thucydidem parum studiosos eius fuisse.

ditur, plerumque fit ut numerose cadat. Quo de genere cum exemplis supra diximus, ut haec quoque copia facultatem afferat, non semper eodem modo desinendi. Nec tamen haec ita sunt arcta et astricta, ut ea, quum velimus, laxare nequeamus. Multum interest, utrum numerosa sit, id est, similis numerorum, an plane e numeris constet oratio. Alterum si fit, intolerabile vitium est; alterum nisi fit, dissipata et inculta et fluens est oratio.

66. Sed quoniam non modo non frequenter, verum et raro in veris causis, aut forensibus, circumscripte numeroque dicendum est: sequi videtur, ut videamus, quae sint illa, quae supra dixi incisa, quae membra. Haec enim in veris causis maximam partem orationis obtinent. Constat enim ille ambitus et plena comprehensio e quatuor fere partibus, quae membra dicimus, ut et aures impleat, et ne brevior sit, quam satis sit, neve longior. Quamquam utrumque nonnunquam, vel potius saepe accidit, ut aut citius insistendum sit, aut longius procedendum, ne brevitatis defraudasse aures videatur, neve longitudo obtudisse. Sed habeo mediocritatis rationem. Nec enim loquor de versu, et est liberior aliquanto oratio. E quatuor igitur, quasi hexametrorum instar versuum quod sit, constat fere plena comprehensio. His igitur singulis versibus

* *Alterum si fit, ut plane e numeris constet oratio, intolerabile vitium est, quia nimis prope accedit ad versuum similitudinem, alterum nisi fit, ut numerosa sit oratio, dissipata, prorsus incondita, et inculta, neglecta, et fluens, intervallis haud temperata, est oratio.*

Aut forensibus) Malim: et forensibus.

E quatuor igitur, quasi exametrorum instar versuum quod sit, constat

fere plena comprehensio) Olim edd. quaedam, quae sint. Est autem h. l. breviloquentia sic explenda: e quatuor igitur membris, quod sit quasi tot hexametrorum instar versuum. Quint. IX, 4, 25: *Habet periodus membra minimum duo. Medius numerus videtur quatuor, sed recipit frequenter et plura. Medius ei a Cicerone aut quatuor senarius versibus aut ipsius spiritus modo terminatur.*

His igitur singulis versibus quasi

quasi nodi apparent continuationis, quos in ambitu coniungimus. Sin membratim volumus dicere, insitimus; idque quum opus est, ab isto cursu invidioso facile nos et saepe disiungimus. Sed nihil tam debet esse numerosum, quam hoc, quod minime apparet, et valet plurimum. Ex hoc genere illud est Crassi: *Missos faciant patronos: ipsi prodeant*. Nisi intervallo dixisset, — *ipsi prodeant* — sensisset profecto effugisse senarium. Omnino melius caderet, *prodeant ipsi*. Sed de genere nunc disputo. *Cur clandestinis consiliis nos oppugnant? cur de perfugis nostris copias comparant contra nos?* Prima sunt illa duo, quae κόμματα

nodi apparent continuationis, quos in ambitu coniungimus. Sin membratim volumus dicere, insitimus; idque quum opus est) Etsi non omnino inepta est vulgata haec lectio, nec ideo necessitas infertur corrigendi, tamen haud vana coniectura ducor ad suspicandum, Cicronem sic scripsisse: *His igitur singulis versibus (periodorum) quasi nodi apparent (i. e. subserviunt) continuationis, quos in ambitu coniungimus; sin membratim volumus dicere, INCIDIMUS*. Itaque, quum opus est, ab isto cursu invidioso facile nos et saepe disiungimus. Simili fere ratione Quintilianus IX, 4, 127: *Membratim plerumque narrabimus, aut ipsas periodos maioribus intervallis et velut laxioribus nodis resolvemus*.

* *Ab isto cursu invidioso*) Cur sic appellet compositionem periodicam, intelligitur e c. 62 extr.

* *Nisi intervallo dixisset — ipsi prodeant*) Nempe in his verbis continuatis: *Missos faciant patronos: ipsi prodeant*, facillime sentitur iambicus senarius: quia autem verba, *missos faciant patronos*, colli intervallo seiunguntur in pronuntiatione a sequenti-

bis, *ipsi prodeant*, occultatur iambici versus mensura.

Effugisse) Variant edd. in hoc vocabulo. Aline excidisse, aliae effluxisse, aliae se effulxisse.

Cur de perfugis nostris copias comparant contra nos) Eodem exemplo utitur Quintilianus IX, 4, 101: *Duo spondei non fere iungi patiuntur: quae in versu quoque notabilis clausula est, nisi quum id fieri potest ex tribus quasi membris: Cur de perfugis nostris copias comparat is contra nos?* (Sic enim vulgo legitur) una syllaba, duabus, una. — Apud Quintilianum necessario corrigendum comparant contra nos, ut etiam in cod. Gothano legitur. Nam quod Gesnerus dubitat, quia Quintilianus numeret vocum is contra nos syllabas, ea dubitatio facile tollitur, si cogites dispendium illum, de quo quaeritur, his quoque syllabis rant, contra, nos, effici, una syllaba, duabus, una.

* *Prima sunt illa duo, quae κόμματα Graeci vocant*) Alterum hoc: *missos faciant patronos*: alterum illud, *ipsi prodeant*.

Graeci vocant, nos incisa dicimus: deinde tertium, *κῶλον* illi, nos membrum. Sequitur comprehensio non longa (ex duobus enim versibus, id est, membris, perfecta est), et in spondeos cadit. Et Crassus quidem sic plerumque dicebat; idque genus dicendi maxime probo.

67. Sed quae incisim aut membratim efferuntur, ea vel aptissime cadere debent; ut est apud me: *Domus tibi deerat? at habebas. Pecunia superabat? at egebas.* Haec incise dicta sunt quatuor. At membratim, quae sequuntur, duo: *Incurristi amens in columnas: in ta-*

* Deinde tertium *κῶλον*) Significat hoc Crassi dictum: *Cur clandestinis consiliis non oppugnant?*

Sequitur comprehensio non longa, (ex duobus enim versibus, id est membris, perfecta est) — Lambinus edidit: *Sequitur non longa* (ex duobus enim membris perfecta est) comprehensio. Vulgo: *sequitur non longa*, ex duobus enim versibus, id est membris, perfecta comprehensio est; in quo vocabulum comprehensio male traiecit esse, quisque facile sentit. Ceterum in ultimis Crassi verbis quaedam intercederint necesse est. Nam illa: *cur de perfugis nostris copias comparant contra nos*, non magis periodum s. comprehensionem faciunt, quam priora: *cur clandestinis consiliis non oppugnant*. Vtrumque potius *κῶλον* s. membrum est. Quam autem Cicero dicat, in his verbis comprehensionem non longam ex duobus versibus i. e. membris perfectam esse, perit antecedens membrum, quod cum sequente hoc fere modo esset copulatum: *Cur proditiōne nobiscum agunt, et de perfugis nostris copias comparant contra nos?*

* *Et est apud me*) Quamquam ex

oratione Ciceronis excerpta sint verba quae sequuntur, non constat. Strebacae quidem suspicabatur, ex oratione pro Scuro illa summa esse, cui Triarius accusator, ut est apud Asconium, obiecerat, hominem pauperem domum habere cum rebus aliis, tum maxime quatuor columnis magnificam. Ciceronem igitur, Scuri patronum, retorquere simile crimen in adversarium potuisse. Mihi tamen illa non tam patroni, clientis adversarium repellentis, quam accusatoris acerbi et acris esse videntur. Quidquid sit, locus qui sequitur, dictus est in aliquem, qui ingenti pretio domum emerat, ne ipsam quidem per se satis commode aedificatam, sed quia in columnis aliisque eius generis ornamentis insaniret; ideoque aere alieno contracto fortunas suas prodigaverat.

* *Incurristi — insanisti*) Hic locus vulgo sic legitur: *incurristi amens in columnas, in alienos insanis insanisti*, ubi iam Victorius vocabulum *alienos* corruptum esse indicavit. Ego vero Ciceronem scripsisse arbitror: *in antea aeneis insanis insanisti*. Nimirum doctae illa, quam adversarius meo suo damnum coemerat, praeter co-

blino insanus insanisti. Deinde omnia, tanquam crepidine quadam, comprehensione longiore susinentur: *Depressam, caccam, iacentem domum pluris, quam te, et quam fortunas tuas aestimasti.* Dichoreo finitur. At dispondeo proximum illud. Nam in illis, quibus, ut pugionculis, uti oportet, brevitatis facit ipsa liberiores pedes. Saepe enim singulis utendum est, plerumque binis (et utrisque addi pedis pars potest) non fere ternis amplius. Incisim autem et membratim tractata oratio in veris causis plurimum valet, maximeque his locis, quum aut arguas, aut refellas; ut nostra in Cornelianam secunda: *O callidos homines, o rem excogitatam, o ingenia metuenda!* Membratim adhuc, deinde caesim: *diximus.* Rursus membratim: *Testes*

lunas habebat etiam *antas aeneas*, s. postes, ceteroquin erat *depressa* et *caeca*, b. e. humili in loco posita, et aedibus exadversum sitis obscurata. Embor autem *insaniebat* (quod verbum de insana cupiditate alibi quoque ponitur, ut ad Herenn. lib. IV, c. 51) in *antibus insanis*, quae sic dicuntur ob magnitudinem et impensas in iis factas. *Insanus* antea *insanisti* Cicero nunquam dixisset. *Incurrere in columnas* non, ut Casaub. ad Sueton. Aug. c. 23 pntavit proprie accipiendum, de homine insaniae impetu caput columnis affligente; sed *incurrere in columnas* b. l. significat, insano amore in columnas incidere, simulque propterea cõmentis aedibus naufragium fortunae facere.

* Deinde omnia, tanquam crepidine quadam, comprehensione longiore susinentur. Nimirum omnia refertur ad illa quatuor incisa et duo membra. Haec susinentur, tanquam crepidine, illa comprehensione s. periodo quae sequitur: *depressam — aestimasti.*

At dispondeo proximum illud) Nempe *insanisti* in superiore membro.

Nam in illis) Sic malim scribere, quam ut vulgo, *nam in iis*. Respiciuntur enim *illa* incisa et membra, (s. *κόμματα* et *μέμβρα*) quorum exempla paulo ante dederat.

* *Et pugionculis*) Suavis translatio. Nempe eiusmodi incisis, ut *domus tibi deerat?* at *habebas*: et membris, ut: *incurristi — insanisti*, tanquam pugionculis crebro figmans et ferimus adversarium: ut ipse paulo post dicit: *nec ullum genus est dicendi aut melius, aut fortius, quam binis aut ternis ferire verbis, nonnumquam etiam singulis.*

Deinde caesim diximus) Vulgo male: deinde *caesim diximus*, quasi Cicero significet, se paulo post incisis in oratione usum fuisse, quae tamen hic praetermittat. Immo vocabulum *diximus* est ipsum illud incisum, quod ex Cornelianam secunda affertur. Id editores facile poterant intelligere, si Quintilianum Inst. or. IX, 4, 122 inspicissent, ubi. « Finnt autem, 12-

dare volumus. Extrema sequitur comprehensio, sed ex duobus membris, qua non potest esse brevior: *Quem, quaeso, nostrum fefellit, ita vos esse facturos?* Nec ullum genus est dicendi aut melius, aut fortius, quam binis aut ternis ferire verbis, nonnunquam singulis, paulo alias pluribus; inter quae variis clausulis interponit se raro numerosa comprehensio; quam perverse fugiens Hegesias, dum ille quoque imitari Lysiam vult, alterum paene Demosthenem, saltat, incidens particulas. Et is quidem non minus sententiis peccat, quam verbis; ut non quaerat, quem appellet ineptum, qui illum cognoverit. Sed ego illa Crassi, et nostra posui, ut, qui vellet, auribus ipsis, quid numerosum etiam in minimis particulis orationis esset, iudicaret. Et, quoniam plura de numerosa oratione diximus, quam quisquam ante nos, nunc de eius generis utilitate dicemus.

68. Nihil enim est aliud, Brute, (quod quidem tu minime omnium ignoras) pulcre et oratorie dicere, nisi optimis sententiis verbisque lectissimis dicere. Et

quit, etiam singulis verbis incisa, ut: *Diximus, testes dare volumus*, incisum est, *Diximus* ».

Quam binis) Recte sic Ernestius. Olim omisum *quam*. Paulo post idem ex ed. Lips. bene *inter quae*, pro vulg. *inter quas*. Quod autem illi placuit correctio viri docti cuiusdam exemplo edit. Lips. *ascripta*, qui pro *verbis* legendum putarat *versibus*, i. e. membris, in eo falsa species homini prudentissimo illiusit. Nam *verbis* h. l. dicitur pro *pedibus*. De membris aut *versibus* non agitur. Sic in illa exclamatione: o *Murce Divus patrem appello* Cicero c. 63 duo incisa binis *pedibus* absolvi dixit, tota igitur constat quatuor *pedibus*, totidemque

verbis. Idem apparet ex verbis c. 67 proxime antecedentibus: *saepe enim singulis (pedibus) utendum est, plerumque binis* etc.

* *Binis, aut ternis ferire verbis*) Exemplum in eo genere sit illud ex I Catilinae c. 1: *O tempora! o mores! Senatus haec intelligit, Consul videt: hic tamen vivit. Fuit? immo etiam in senatum venit, fit publica consilii particeps, notat et designat oculis ad caedem unumquemque nostrum. Nos autem viri fortes satisfacere resp. videmur, si istius furorem ac tela vitemus.* Vides Catilinam incisis primis acriter urgeri; tum membra succedere, quae omnia denique periodo tanquam crepidine sustentantur. PAVST.

nec sententia ulla est, quae fructum oratori ferat, nisi apte exposita, atque absolute; nec verborum lumen apparet, nisi diligenter collocatorum; et horum utrumque numerus illustrat; numerus autem (saepe enim hoc testandum est), non modo non poetice vinctus, verum etiam fugiens illum, eique omnium dissimillimus: non quin iidem sint numeri non modo oratorum, et poetarum, verum omnino loquentium, denique etiam sonantium omnium, quae metiri auribus possumus; sed ordo pedum facit, ut id, quod pronuntiatur, aut orationis, aut poematis simile videatur; hanc igitur sive compositionem, sive perfectionem, sive numerum vocari placet, et adhibere necesse est, si ornate velis dicere, non solum (quod ait Aristoteles et Theophrastus) ne infinite feratur, ut flumen, oratio, quae non aut spiritu pronuntiantis, aut interductu librarii, sed numero coacta debet insistere; verum etiam, quod multo maiorem habent apta vim, quam soluta. Ut enim athletas, nec multo secus gladiatores videmus nihil nec vitando facere caute, nec petendo vehementer, in quo non motus hic habeat palaestram quandam; ut, quidquid in his rebus fiat utiliter ad pugnam, idem ad aspectum etiam sit venustum: sic oratio nec plagam gravem facit, nisi petitio fuit apta; nec satis recte de-

Non quin — possumus) Delevi parentheses signa, quibus haec verba vulgo inclusa male a sequentibus, ad quae referuntur, coniungebantur.

Adhibere necesse est) Ita Lambinus, bene. Vulgo: *et adhibere necesse est*.

Interductu — Gothofr. conj. *interpunctu*.

* *Interductu librarii*) Id est virgula aut puncto quod figit is qui libros manu scribit. Non enim quia punctum est, quiescit ambitus; sed

quia definit comprehensio, signum interducitur. STRAB.

Fuit apta) Sic Lambin. Alii *fuerit apta*.

Nec satis recte declinat impetum) Recte Ernestius revocavit & ed. Med. Lips. Asc. Vulg. *recte* nihili est. Sed quaerendum, anne lectio ab illo et Ms. Viteb. prolata melior sit: *nec satis tute declinat impetum*. Hoc enim aptius responderet antecedenti locutioni, *vitando facere caute*.

clinat impetum, nisi etiam in cedendo, quid deceat, intelligit. Itaque, qualis eorum motus, quos ἀπαλξί-
στους Graeci vocant, talis horum mihi videtur oratio,
qui non claudunt numeris sententias, tantumque abest
ut, quod ii, qui hoc aut magistrorum inopia, aut in-
genii tarditate, aut laboris fuga non sunt assequuti,
solent dicere, enervetur oratio compositione verborum,
ut aliter in ea nec impetus ullus, nec vis esse possit.

Sed magnam exercitationem res flagitat, ne quid
eorum, qui genus hoc sequuti non tenuerunt, simile
faciamus; ne aut verba traiciamus aperte, quo melius
aut cadat, aut volvatur oratio: quod se L. Coelius
Antipater in prooemio belli Punici, nisi necessario,
facturum negat. O virum simplicem, qui nos nihil
celet; sapientem, qui serviendum necessitati putet!
Sed hic omnino rudis. Nobis autem in scribendo,
atque in dicendo necessitatis excusatio non probatur:
nihil est enim necesse; et, si quid esset, id necesse ta-
men non erat confiteri. Et hic quidem, qui hanc a
Laelio, ad quem scripsit, cui se purgat, veniam petit,
et utitur ea traiectione verborum, et nihilo tamen ap-
tius explet, concluditque sententias. Apud alios autem,

Aut ne verba traiciamus aperte)
Lambin. ut verba traiciamus aperte.
In vulgata lectione est ἀνὰ λείαν, quod me non moveret, ut aliquid mu-
tandum putarem; quia talia saepius
apud Ciceronem occurrunt, ubi bre-
vis sit a proposito declinatio. H. l.
tamen malim: ut, ne verba traicia-
mus aperte. Nam quia statim alio
respectu ponitur aut in verbis aut ca-
dat aut volvatur oratio, h. l. obscurius
fieret ἀνὰ λείαν, membro primo per
aut inchoato, altero autem membro
mutata constructione sic incepto: *Ad-
vid alios autem.* — Sunt autem qua-

tuor vitia, quae hic reprehenduntur,
eaeque capite hoc extremo breviter ite-
rum et disertius notatis partibus enu-
merantur.

*Et hic quidem, qui hanc a Laelio,
ad quem scripsit, cui se purgat, veniam
petit*) Ernestius ad h. l. Cur autem,
inquit, diversis haec temporibus et
non scribit, purgat? Certe nisi aliud
quoddam vitium latet, scribit praefer-
endum. Videndum tamen, an nou
forte a glossa accesserit, *ad quem
scripsit.* Id enim facile poterat intel-
ligi, scribi non erat necesse.

et Asiaticos maxime, numero servientes, inculcata reperias inania quaedam verba, quasi complementa numerorum. Sunt etiam qui illo vitio, quod ab Hegesia maxime fluxit, infringendis concidendisque numeris in quoddam genus abiectum incidant, Sicularum similimum. Tertium est, in quo fuerunt fratres illi, Asiaticorum rhetorum principes, Hierocles et Meneclis, minime mea sententia contemnendi. Etsi enim a forma veritatis et ab Atticorum regula absunt, tamen hoc vitium compensant vel facultate, vel copia. Sed apud eos varietas non erat, quod omnia fere concludebantur uno modo. Quae vitia qui fugerit, ut neque verbum ita traiciat, ut id de industria factum intelligatur, neque inferciens verba, quasi rimas expleat, nec minutos numeros sequens, concidat delumbetque sententias, nec sine ulla commutatione in eodem semper versetur genere numerorum; is omnia fere vitia vitaverit. Nam de laudibus multa diximus, quibus sunt alia perspicua vitia contraria.

70. Quantum autem sit apte dicere, experiri licet, si aut compositi oratoris bene structam collocationem dissolvas permutatione verborum: (corrumpatur enim tota res, ut haec nostra in Cornelianam, et deinceps

Tertium est) Aut scripsit Cicero, aut voluit certe scribere, *Quantum*. Certe vix nisi stili forsitan errore peccare in numero potuit, qui mox in huius capitis fine discrete quatuor illa vitia repetiturus erat.

Nec minutos numeros sequens) Vt Hegesia.

Nec sine ulla commutatione) Vt Hierocles et Meneclis.

Quibus sunt alia perspicua vitia contraria) In Gnef. 3 est *perspicue contraria*, quod Heusingero videtur

placuisse. Idem est in compluribus edd. Vulgatum tamen verbum. Cicero dixerat: *quae vitia qui fugerit — is omnia fere vitia vitaverit*. Iam explicaturus, cur illud fere posuerit, addit haec: nam etsi sunt alia quaedam, tamen de his nihil est dicere necesse. Nam de laudibus multa diximus, quibus sunt alia vitia contraria, eoque ex oppositionis ratione satis perspicua. Ac fortasse legendum: *e quibus* (scil. quae de laudibus diximus) *sunt alia vitia perspicua* (laudibus illis) *contraria*.

omnia: « Neque me divitiae movent, quibus omnes Africanos et Laelios multi venalitii, mercatoresque superarunt ». Immuta paulum, ut sit: *multi superarunt mercatores venalitii*que; perierit tota res. Et quae sequuntur: « Neque vestis, aut caelatum aurum et argentum, quo nostros veteres Marcellos Maximosque multi eunuchi e Syria Aegyptoque vicerunt ». Verba permuta sic, ut sit: *Vicerunt eunuchi e Syria Aegyptoque*. Adde tertium: « Neque vero ornamenta ista villarum, quibus L. Paullum et L. Mummius, qui rebus his urbem Italiamque omnem referserunt, ab aliquo video perfacile Deliaci aut Syro potuisse superari ». Fac ita: *potuisse superari ab aliquo Syro aut Deliaci*. Videsne, ut ordine verborum paulum commutato, iisdem verbis, stante sententia, ad nihilum omnia recidant, quum sint ex aptis dissoluta?) aut si alicuius inconditi arripias dissipatam aliquam sententiam, eamque, ordine verborum paulum commutato, in quadrum redigas, ut efficiatur aptum illud, quod fuerit antea diffluens ac solutum. Age, sume de Gracchi apud censores illud: « Abesse non potest, quin eiusdem hominis sit, probos improbare, qui improbos probet ». Quanto aptius, si ita dixisset: *quin eiusdem hominis sit, qui improbos probet, probos improbare?* Hoc modo

Videsne, ut ordine verborum paulum commutato, iisdem verbis, stante sententia, ad nihilum omnia recidant, quum sint ex aptis dissoluta? Delenda hic censeo, ordine verborum paulum commutato, quae temere a librario ex his, quae paulo post sequuntur huc retracta sunt.

Et efficiatur? Vulgo, efficiatur. Qui hanc lectionem sequuntur, apodiosin hic statuant esse, ad protasin aut si alicuius. Veruntamen haec ver-

ba: aut si alioquin pendent ab initio huius capitis: Quantum autem sit apte dicere, experiri licet, si aut compositi oratoris bene structam collocationem dissolvas permutatione verborum —; aut si alicuius inconditi arripias dissipatam aliquam sententiam, eamque — in quadrum redigas, ut efficiatur aptum illud etc.

Quod fuerit? Lambin. quod fuerat, haud scio an h. l. aptias.

dicere nemo unquam noluit; nemoque potuit, quin dixerit. Qui autem aliter dixerunt, hoc assequi non potuerunt. Ita facti sunt repente Attici. Quasi vero Trallianus fuerit Demosthenes; cuius non tam vibrarent fulmina illa, nisi numeris contorta ferrentur.

71. Sed si quem magis delectant soluta, sequatur ea sane, modo sic, ut si quis Phidiae clypeum dissolverit, collocationis universam speciem sustulerit, non singulorum operum venustatem; ut in Thucydide orbem modo orationis desidero, ornamenta comparent. Isti autem quum dissolvunt orationem, in qua nec res, nec verbum ullum est, nisi abiectum: non clypeum, sed, ut in proverbio est (etsi humiliter dictum, tamen consimile), scopas mihi videntur dissolvere. Atque,

* *Trallianus*) Trallia Ptolomaeo Phrygiae urbs, ubi corrupta et inquinata dictio, ab Atticorum elegantia longe remotissima. PRYR.

* *Sed si quos*) Huius loci sensus est: si quis pressum, concisum, et a numeris alienum dicendi genus usurpare voluerit, usurpet sane: ea tamen conditione, ut singulis incisus et membris substat laudabilis sententia. Sit eina dictio similis clypeo Minervae, quem sculpsit Phidias: qui si dissolvatur, tolletur quidem universa species clypei, at in singulis partibus, puta in sua quam Phidias ipse fabricatus est effigie, anpererit venustas. Tolerabile est non absolutas periodos conficere, si reliqua suppetant ornata, ut in Thucydide, cui praeter orationis comprehensionem et ambitum vix quidquam deest. Id.

Sed si quem — sequatur ea sane) Vulgo: *sed si quos — sequantur ea sane*. Placuit autem auctoritatem sequi Gu. 3, quia singularis numerus hic sequentibus aptior est.

* *Modo sic, ut si quis Phidiae clypeum*) Vulgo hiantae constructione: *modo sic, ut quis Phidiae clypeum*. Lambinus dedit: *modo cetera laudare possim; ut si quis*; in quo tamen glossatoris vestigia facile se produnt. Huius comparationis haec vis est. Si quem magis delectant soluta et parum numerosa, sequatur ea sane, modo sint venusta, et verbis sententiisque ornata, ut in Phidiae clypeo singula opera venusta sunt, quorum venustas manet ipso clypeo dissoluto.

* *Scopas mihi videntur dissolvere*) Facetissime utitur proverbio *scopae dissolutae*, ad castigandos ineptos illos, qui sibi magnam quid praestitisse viderentur, si dissolverent orationem, omnique numero oratorio exuerent, in qua nec res nec verbum ullum esset nisi abiectum. Post *scopas* vulgo inepte addebatur, *ut ita dicam*, quod quidem glossema frustra defendit Purgoldus. Ferri nimirum posset, nisi iam antea dictum esset, *ut in proverbio est*.

* *Atque, ut plane genus*) Hunc lo-

ut plane genus hoc, quod ego laudo, contempsisse videantur, aut scribant aliquid vel Isocrateo more, vel quo Aeschines, aut Demosthenes utitur; tum illos existimabo non desperatione reformidavisse genus hoc, sed iudicio refugisse: aut reperiant, ipsa eadem conditione qui uti velit, ut aut dicat, aut scribat, ultra volet lingua, eo genere, quo illi volunt. Facilius est enim apta dissolvere, quam dissipata connectere. Res autem se sic habet: (ut brevissime dicam quod sentio) composite et apte sine sententiis dicere, insania est; sententiose autem sine verborum et ordine et modo, infantia; sed eiusmodi tamen infantia, ut ea qui utantur, non stulti homines haberi possint, etiam plerumque prudentes; quo qui est contentus, utatur. Eloquens vero, qui non approbationes solum, sed admirationes, clamores, plausus, si liceat, movere debet, omnibus oportet ita rebus excellat, ut ei turpe sit, quidquam aut spectari, aut audiri libentius.

72. Habes meum de oratore, Brute, iudicium: quod aut sequere, si probaveris; aut tuo stabis, si aliud

cum, in quo est urbanissima cavillatio eorum qui se contemnere numerum oratorium iactabant, quem scilicet assequi se posse diffidebant, parum ab interpretibus intellectum paraphrasi illustrabo. *Atque ut plane genus hoc, quod ego laudo, (numerosae orationis) contempsisse videantur, aut scribant aliquid vel Isocrateo more vel quo Aeschines aut Demosthenes utitur, numeris apte compositum, et bene structa collocatione ornatum; tum illos existimabo non desperatione facultatis suae illud assequendi reformidavisse genus hoc, sed iudicio refugisse et contempsisse: aut si ipsi aliquid eiusmodi scribere non vident, reperiant alium quendam, ipsa eadem*

conditione qui uti velit, aliquid prius Isocrateo more, aut Aeschinis et Demosthenis conscribendi, ut deinde, quasi inre hanc licentiam adeptus, nec imbecillitatem ingenii fateri coactus, sed iudicio suo usus, aut dicat, aut scribat ultra volet lingua, graecam aut romanam, eo genere quo illi volunt.

Reformidavisse) Hoc Ernestius rescansit ex edd. vett. Vulgo enim simplex est *formidavisse*; quod tamen haud scio an fuerit servandum, ne deinceps ponantur tria verba a syllaba *re* incipientia: *reformidavisse, refugisse, reperiant.*

Aut tuo stabis, si aliud quoddam est tuum) Bruto enim Ciceronis sententia

quodam est tuum. In quo neque pugnabo tecum, neque hoc meum, de quo tantopere hoc libro asseveravi, unquam affirmabo esse verius, quam tuum. Potest enim non solum aliud mihi, ac tibi, sed mihi met ipsi alias aliud videri: nec in hac modo re, quae ad vulgi assensum spectat, et ad aurium voluptatem; quae duo sunt ad iudicandum novissima; sed ne in maximis quidem rebus quidquam adhuc inveni firmitus, quod tenerem, aut quo iudicium meum dirigerem, quam id, quodcunque mihi quam simillimum veri videretur, quum ipsum illud verum in occulto lateret. Tu autem velim, si tibi ea, quae disputata sunt, minus probabuntur, ut aut maius opus institutum putes, quam effici potuerit, aut, dum tibi roganti voluerim obsequi, verecundia negandi, scribendi me impudentiam suscepisse.

tiam haud probatam fuisse ex aliquot
epistolarum locis intelligitur,

* *Novissima*) Est i. q. ultimus, vili-
lissimus.

M. TVLLII CICERONIS

AD

C. TREBATIVM

TOPICA.

SYMMARIVM

Cupienti Trebatio Topica Aristotelea cognoscere Cicero in hoc libro argumentorum locos exponit, singulosque primum exemplis breviter illustrat, deinde fusius explicat

Post praefationem igitur cap. 1, quoniam locorum in quibus argumenta inclusa sunt, alii in eo ipso de quo agitur haerent, alii assumuntur extrinsecus, illi primum breviter enumerantur cap. 2-4.

Deinde eos Cicero subtilius uberiusque pertractat, et primum eos persequitur, qui ex re tota sumuntur, adhibita vel definitione cap. 5, 6. vel partitione cap. 8, vel notatione s. *etymologia*, cap. 9. Deinde eos, qui sumuntur ex iis rebus quae quodammodo effectae sunt ad id de quo ambigitur, qui sunt,

1. ex coniugatione cap. 10.

2. ex similitudine cap. 11.

3. ex differentia } cap. 12.

4. ex contrariis }

5. ex adiunctis cap. 13.

6. ex consequentibus et antecedentibus et repugnantibus cap. 14.

7. ex causis cap. 15, 16.

8. ex effectis cap. 17.

9. ex comparatione maiorum, minorum, parium cap. 18.

Sequitur disputatio de iis argumentorum locis, qui assumun-

tur extrinsecus ad causam, quae Cicero generali nomine testimonio appellat. cap. 19.

Expositis igitur argumentandi locis Cicero docet, non omnes locos in omnem incidere quaestionem, sed quibusdam quaestionibus alios esse aptiores locos. Quaestionum autem duo sunt genera:

I. infinitum s. propositum, quod est

a) cognitionis cap. 20; in quo

α) coniectura an sit, quaeritur, et quidem

1. sitne aliquid
2. unde ortum sit
3. quae id causa effecerit
4. an commutari possit.

β) quid sit, definitione, ubi explicatur

1. notio
2. proprietas
3. divisio
4. partitio
5. descriptio.

γ) quale sit, iuris et iniuriae distinctione. Hic

1. vel simpliciter quaeritur
 - a. de expetendo fugiendoque
 - b. de aequo et iniquo.
 - c. de honesto et turpi
2. vel comparate
 - a. de eodem et alio
 - b. de maiore et minore.

δ) actionis cap. 21, quaestiones, quarum duo sunt genera:

1. ad officium
2. ad motum animi vel gignendum, vel sedandum.

His igitur quaestionibus qui loci sint accommodati docetur cap. 22.

II. finitum s. causa, cuius genera sunt

1. iudiciales causae
2. deliberationes
3. laudationes

quibus accedunt legitimae disceptationes, quae ex scripto nascuntur, ubi controversiam facit vel ambiguum, vel discrepantia scripti et voluntatis, vel scripta contraria, cap. 24-26.

1. **M**aiores nos res scribere ingressos, C. Trebati, et iis libris, quos brevi tempore satis multos edidimus, digniores, e cursu ipso revocavit voluntas tua. Quum enim mecum in Tusculano esses, et in bibliotheca separatim uterque nostrum ad suum studium libellos, quos vellet, evolveret, incidisti in Aristotelis Topica quaedam, quae sunt ab illo pluribus libris explicata. Qua inscriptione commotus continuo a me eorum librorum sententiam requisisti. Quam tibi quum exposuissem, disciplinam inveniendorum argumentorum, ut sine ullo errore ad eam rationem via perveniremus ab Aristotele inventa, libris illis contineri: verecunde tu quidem, ut omnia, sed tamen ut facile cernerem te ardere studio, mecum, ut tibi illam traderem, egisti. Quum autem ego te, non tam vitandi laboris mei causa, quam quod id tua interesse arbitrarer, vel ut eos, per te ipse legeres, vel ut totam rationem a doctissimo quodam rhetore acciperes, hortatus essem: utrumque, ut ex te audiebam, es expertus. Sed a libris te obscuritas reiecit. Rhetor autem ille, magnus ut opinor, haec Aristotelica se ignorare respondit. Quod quidem

* *Ingressos*) Ms. Ox. *aggressos*. Significat Cicero libros de Officiis, quos paulo ante scribere aggressus erat, necdum absolverat.

* *Et iis libris, quos brevi tempore satis multos edidimus digniores*) Ediderat nimirum ann. V. 708 Hortensium, Academica, libros de finibus, Tusculanas disputationes, annoque sequente de natura deorum, de divinatione.

* *Ad eam rationem via perveniremus*) Si Cicero iisdem Topicis usus est, quae hodie inter Aristotelis libros referuntur, respexit eorum libro-

rum initium lib. I, cap. 1: ἡ μὲν πρόβησις τῆς πραγματικῆς μεθοδὸς εὐρεῖν, ἀπ' ἧς δυνασόμεθα συλλογίσθαι περὶ παντός τοῦ προτιθέντος προβλήματος ἐξ ἐνδόξων, καὶ αὐτοὶ λόγον ὑπείχοντες μηδὲν εὐροῦμεν ὑπεκρίσιν.

Quam quod id tua interesse arbitrarer) Victor. *quam quod interesse tua arbitrarer*.

Magnus, ut opinor, haec Aristotelica) Sic Victor. Verissime. Apud Ernestium inepte *magnus, haec, ut opinor, Aristotelica*. Melius esset *haec cum* ed. Ven. *dele*re.

minime sum admiratus, cum philosophum rhetori non esse cognitum, qui ab ipsis philosophis, praeter admodum paucos, ignoraretur. Quibus eo minus ignoscendum est, quod non modo rebus iis, quae ab illo dictae et inventae sunt, allici debuerunt; sed dicendi quoque incredibili quadam quum copia, tum etiam suavitate. Non potui igitur tibi, saepius hoc roganti, et tamen verenti, ne mihi gravis esses (facile enim id cernebam), debere diutius, ne ipsi iuris interpreti fieri videretur iniuria. Etenim quum tu mihi meisque multa saepe scripsisses, veritus sum, ne, si ego gravarer, aut ingratum id, aut superbum videretur. Sed, dum fuimus una, tu optimus es testis, quam fuerim occupatus: ut autem a te discessi, in Graeciam proficiscens, quum opera mea nec respublica nec amici uterentur, nec honeste inter arma versari possem, ne si tuto id quidem mihi liceret: ut veni Veliam, tuaque et tuos vidi, admonitus huius aeris alieni, nolui deesse ne tacitae quidem flagitationi tuae. Itaque haec, quum mecum libros non haberem, memoria repelita, in ipsa navigatione conscripsi, tibi ex itinere misi: ut mea diligentia mandatorum tuorum, te quoque, etsi admonitore non eges, ad memoriam nostrarum rerum exci-

Quum tu mihi meisque multa scripsisses) Mss. duo Oxonienses, ed. Ven. Med. Ald. Omnib. Victor. habent *multa scripsisses*, id quod Boethius quoque legisse videtur. Ernatio tamen assentior, qui hoc e glossmate in textum venisse putat. «Cicero consulto dedit *scripsisses*, quia respondet melius rei. Cicero non recusat scribere Topica Trebatii, quia Trebatius saepe Ciceronis causa scripsit. Vid. Victor. ad Cic. Epp. VII, 24, qui *scripsisses* in vetere exemplo

reperit.» Hactenus ille.

* *In Graeciam proficiscens*) Cicero enim ann. V. C. 709 mense Iunio iure legationis liberae usus, in Graeciam proficiscendi consilium cepit, et Syracusas pervenerat. Sed hic mutavit consilium et Romam reversus est, cuius rei causas exposuit Philipp. I, cap. 2.

* *Tuaque, et tuos vidi*) Trebatii paternae possessiones Velinae erant. Vule epist. Ciceronis ad Trebatianum Fam. VII, 19 et 20. Geylens.

tarem. Sed iam tempus est ad id, quod instituimus, accedere;

Quum omnis ratio diligens disserendi duas habeat partes; unam inveniendi, alteram iudicandi: utriusque princeps, ut mihi quidem videtur, Aristoteles fuit. Stoici autem in altera elaboraverunt. Iudicandi enim vias diligenter persequuti sunt, ea scientia, quam *Dialecticē* appellant. Inveniendi vero artem, quae *Topice* dicitur, quaeque ad usum potior erat, et ordine naturae certa prior, totam reliquerunt. Nos autem, quoniam in utraque summa utilitas est, et utramque, si erit otium, persequi cogitamus, ab ea, quae prior est, ordiemur.

2. Ut igitur earum rerum, quae absconditae sunt, demonstrato et notato loco, facilis inventio est: sic, quum pervestigare argumentum aliquod volumus, locos nosse debemus: sic enim appellatae ab Aristotele sunt hae quasi sedes, e quibus argumenta promuntur. Itaque licet definire, *Locum* esse argumenti sedem: *Argumentum* autem, rationem, quae rei dubiae faciat fidem.

3. Sed ex his locis, in quibus argumenta inclusa sunt, alii in eo ipso, de quo agitur, haerent: alii assumentur extrinsecus. In ipso, tum ex toto, tum ex his rebus, quae quodammodo affectae sunt ad id, de quo quaeritur. Extrinsecus autem ea dicuntur, quae ab sunt, longeque disiuncta sunt. Sed ad id totum, de quo disseritur, tum definitio adhibetur, quae quasi involutum evolvit id, de quo quaeritur; cuius argumenti talis est formula: * Ius civile est, aequitas constituta iis, qui eiusdem civitatis sunt, ad res suas obtinendas: eius

Ea scientia, quoniam Dialecticē) *lecticē appellant*; nobis quoque verior videtur, sed ita ut pro viis legatur viam.

anlem aequitatis utilis est cognitio: utilis est ergo iuris civilis scientia; » tum partium enumeratio, quae tractatur hoc modo: « Si neque censu, neque vindicta, nec testamento liber factus est, non est liber. Atqui nulla est earum rerum: non est igitur liber; » tum notatio, quum ex vi verbi argumentum aliquod elicitur, hoc modo: « Quum lex assiduo vindicem assiduam

Utilis est cognitio) Ernestius defendendum censet est auctoritate Ms. V. et solet fere omitti in huiusmodi assumptionibus.

* *Si neque censu*) Ciceronis temporibus libertate donabantur servi triplici modo, censu, vindicta, testamento. Censu quidem, quum quis iubente aut consentiente domino nomen deferbat in censum; soli enim cives Romani olim censebantur. *Vindicta*, quum licitor vindictam, quae virgula est, manumittendi servi capiti imponebat, eundem servum hac solemani verborum formula *liber esto*, in libertatem vindicabat: quo tempore dominus servum alapa percussus circumagebat in gyrum, ut sic intelligeret sibi licitum in quamlibet partem abire. Denique *testamento* manumittebantur, quum quis servum suum testamento liberum esse iussisset. PAVSR.

Atqui nulla est earum rerum) Vulgo: neque est ulla earum rerum. At sic non solet assumptio syllogismorum inferri. Boëthius ita *ναπαράζει*: *At nulla earum parte factus est liber*. Itaque ad scripturam vulgatam proxime accedit, quod edidi.

* *Quum lex*) Vulgo additur *Aelia Sentia*, quod inducendum esse recte iudicavit Ernestius. « Nam lex Aelia Sentia de manumissionibus satis quidem nota est Ictis; sed en est consulum A. V. C. 755, adeoque post

mortem Ciceronis, tempore Augusti lata. Porro Consules Aelium et Sentium quendam ante Topica scripta fuisse, aut praetores, aut tribb. pleb. (nam et a duobus tribb. pleb. leges nominari lex Carbois et Silvani docet) non reperimus. Itaque quum a melioribus Codd. nomen huius legis absit, eaque lex, quae assiduo iubet assiduam vindicem esse, sit e XII tabulis petita, hoc legis nomen non potest esse a Cicerone. Corruptioni locum dedit nomen Aelii, quod statim subiicitur. Nam quod Norisius Cen. Pis. Diss. III, 9, *Sentiam* esse putat a librario, *Aeliam* esse ius Aelianum, quod valde placebat Heinecc. id probari propterea non potest, quia lex commemorata est lex, quae proprie dicitur e XII tabulis. I. Canngieterus V. C. de Notis p. 316 tentat, *Lex apud Aelium Sextum*. Non placet. » Haetenus Ernesti. Iam Boëthius in codice suo vitiosam lectionem *Aelia Sentia* invenit, nihil interim de eius falsitate suspicatus.

* *Assiduam*) Lex est XII Tab. quemadmodum testatur Gellius lib. XVI, cap. 10 iis verbis scripta: *Assiduo assiduus vindex esto: Proletario civi quivis volet vindex esto*. Cuius vis et sententia haec est: Locupleti fideiussor locuples sit, iuovi quivis. In quo summa sequitur est. Quem enim homo tenuis locupletem pro se fideiussorem inveniat? Gov.

esse iubeat, locupletem iubet locupleti: locuples enim est assiduus, ut ait Aelius, appellatus ab asse dando ».

4. Ducuntur etiam argumenta ex iis rebus, quae quodammodo affectae sunt ad id, de quo quaeritur. Sed hoc genus in plures partes distributum est. Nam alia coniugata appellamus, alia ex genere, alia ex forma, alia ex similitudine, alia ex differentia, alia ex contrario, alia ex adiunctis, alia ex antecedentibus, alia ex consequentibus, alia ex repugnantibus, alia ex causis, alia ex effectis, alia ex comparatione maiorum, aut parium, aut minorum. *Coniugata* dicuntur, quae sunt ex verbis generis eiusdem. Eiusdem autem generis verba sunt, quae orta ab uno variae commutantur, ut sapiens, sapienter, sapientia, Haec verborum coniugatio, συζυγία dicitur, ex qua huiusmodi est argumentum: « Si compascuus ager est, ius est compascere ». A *genere* sic ducitur: « Quoniam argentum omne mulieri legatum est, non potest ea pecunia, quae numerata domi relicta est, non esse legata; forma enim a genere, quoad suum nomen retinet, nunquam seiungitur: numerata autem pecunia nomen argenti retinet: legata igitur videtur ». A *forma* generis, quam interdum, quo planius accipitur, partem licet nominare, hoc modo:

Quae quodammodo affectae sunt ad id) Victor. quae sunt quodammodo affectae ad id.

* *Coniugata*) Locum hunc ut inutilem improbat Fabius lib. V, cap. 10 immerito, quum saepe vim ad persuadendum habent. Ut quum ait Tullius pro Marcello cap. 32: *Ingratus est iniustusque civis, qui armorum periculo liberatus, animus tamen retinet armatum.* PAVST.

* *Forma* — nunquam seiungitur) H. e. ut dialectici nostri dicunt, quid-

quid valet de genere, valet etiam de specie.

* *Quoad suum nomen retinet*) Forma quoad generis nomen retinet, nunquam a genere separatur: tum separatur, quum amittit. Legavit vir uxori ligna omnia, arbores stantes non legavit. *Suum* pro eius, non semel a Cicerone dicitur; nisi malis *suum nomen*, naturale esse nomen: ut numi argentei nomen naturale sit *argentum*: quod quidem amittit, quum percussus est: tum enim nummus dicitur. Gov.

* *Quo planius accipitur*) I. e.

« Si ita Fabiae pecunia legata est a viro, si ea uxor

quia *formae* vocabulum ambiguum est, nec semper speciem generis denotat; interdum pro eo *partis* vocabulum substituere licet, ut sit magis perspicuum, et facilius intelligatur. Sed *partis* vocabulum in sermone latino eadem *ἀντιστολὴ* laborat.

* *Si ita Fabiae*) Vt Ciceronis mens intelligatur, observandum ex Boethio, tribus modis apud veteres Romanos duci solitam uxorem, farre, usu, et coemptione. Confarreatio ad pontifices tantum pertinebat: erant sacrae nuptiae dictae, ut ait Dionysius in Romulo, quod eodem farre coniuges vescerentur, quo etiam victimas respergerent. Vas fiebat matrimonium, quum uxoris et mariti convictus per annum constans et stabilis fuerat, tumque dicebatur uxor usucapta. Denique coemptio certis solemnitatibus pergebatur, et se se in coemendo iuvicem interrogabant. Vir ita: an sibi mulier materfamilias esse vellet. Illa respondebat, velle. Item mulier interrogabat, an vir sibi paterfamilias esse vellet: ille respondebat, velle. Itaque mulier viri conveniebat in manum, et vocabantur haec nuptiae per coemptionem: quod, teste Varro, mulieres assem unum tanquam emendi causa marito darent. Iam vero ut ad exemplum a forma petiitum redeamus, uxor genus est: eius duae formae: altera matrum familias, altera uxorum tantum. Si cui uxori, quae mater esset familias, legata sit pecunia: a forma recta concludetur nihil ei iure deberi, quae uxor tantummodo habetur. PAVST.

* *Si ita Fabiae pecunia legata est a viro*) Hunc locum optime explicuit Hotomannus Obs. lib. I, cap. 24: «Boethius, inquit, hunc locum sic interpretatur, quasi vir testator esset,

et eius uxor Fabia vocaretur. Quidam, inquit, omne Fabiae uxori legavit argentum, si quidem Fabia ei non uxor tantum etc. Ignoravit scilicet vir dialecticae purissimus vim eius locutionis, quae apud Iuriconsultos est usitatissima. Nam *legare ab aliquo* quum dicimas, aliquem heredem intelligimus, ut non ex hereditatis asse legatum detrahaatur, sed ex eius dumtaxat parte, qui nominatus est. Vir igitur non testator fuit, sed unus ex heredibus institutis, et Fabia non testatoris uxor, (quo nihil obtusius Boethius cogitare poterat) sed heredis. Forma igitur legati sub conditione concepta sic est: Valerius heres meus uxori suae, si materfamilias eius sit, centum dato. Sic enim disertè Cicero testatur quum his utitur verbis: Si ita Fabiae pecunia legata sit a viro, si ea uxor materfamilias esset, si ea in manum viri non convenerat, nihil debetur. Recte Cicero: nam si testator legatum non conditionaliter, sed sub demonstratione concepisset: *Valerius suae uxori matrifamilias centum dato*; quamvis falsa demonstratio fuisset, debitum tamen legatum fuisset; ut notum est omnibus ex *L. falsa* 33, *L. demonstrativ.* 17, et *L. cum tale* 72, *falsam ff. de condit. et demonstr.* ubi hoc ipsum additur: *nisi sub conditione demonstratio posita sit*. Sed videmus, ne si hoc verum sit, obscure Cicero scripserit, argumentum hoc a forma sumi; quum inter omnes constet, rationem, qua concludimus, id quod sub conditione legatum est, deficiente conditione non deberi, non ex forma sumi, sed ex antecedentibus. Considerandum etiam, quo iudicio Cicero exemplum argumenti a forma tu recitendo posuerit. Quum

materfamilias esset; si ea in manum viri non convenerat, nihi debetur. Genus est enim, uxor; eius duae formae: una matrumfamilias, earum, quae in manum convenerunt; altera, earum, quae tantummodo uxores habentur. Qua in parte quum fuerit Fabia, legatum ei non videtur ». A *similitudine*, hoc modo: « Si aedes eae corruerunt, vitiumve fecerunt, quarum usufructus

enim a forma duci argumentum dicimus, intelligimus nimirum a forma ad genus. Atqui a specie semper genus affirmamus, ut: *si materfamilias est, uxor est*; negas vero qui possumus? Non enim sequitur, si materfamilias non est, uxorem non esse. Ex contrariis igitur huiusmodi ducuntur argumenta, non ex forma, quum ito dicimus: Legavit matrifamilias, non igitur matronae. Legavit filiofamilias, non igitur emancipato. Puberibus liberis, ergo non impuberibus. Quare etiam si testator in exemplo Ciceronis sic scripsisset: *herus meus uxori suae matrifamilias centum dato*, et ius hoc esset, ut falsa demonstratio legatum vitaret, itaque argumentari liceret, si ei nominatim legavit, quae materfamilias esset, non legavit ei, quae uxor tantum esset, hoc est, matronae, tamen non a specie ad genus esset argumentatio, sed potius a specie ad speciem, id est a contrariis, quo eodem modo illud accipiendum est, quod Quintilianus ita scripsit lib. V, cap. 10: « Si quis, quum legatum sit ei, quae viro materfamilias esset, negat deberi ei, quae in manum non convenit, specie nitetur, quoniam hae formae sunt matrimoniorum. » Hactenus Holmannus; qui Ciceronem in exemplo deligendo errasse sic evicit, ut dubium esse nemini possit. Nostri dialectici hunc syllogismum

ad hypotheticos referrent: Si Fabia viro materfamilias non est, nihil ei debetur. Atqui non est materfamilias, nam in manum non convenit; ergo nihil ei debetur.

Si ea uxor materfamilias esset)
Vulg. *si ei viro materfamilias esset*.
« Ms. delet m. pr. ei viro, ut edd. Ven. Iunt. etc. mann secunda addit *viri* post *in manum*, ut in edd. iisdem. Sed ed. Ven. habet *si ea uxor materfamilias esset*, quod placet. Sic et correxit manus docta in exemplo nostro ed. Med. addito *viri* post *in manum*; et sic edidimus ». EXIST. Optimum fortasse fuerit rascibere: *si ei uxor materfamilias esset*: sic enim dativus pronomini personalis alibi quoque usurpatur: ut de Orat. II, c. 67, *quid est tibi ista mulier?* — *Prox.* Quintilianus V, 10, 61 ad h. l. respiciens, Cicero, inquit, genus et speciem, quam eandem formam vocat, a finitione deducit, et iis, quae ad aliquid sunt, subiicit, ut si iis, cui argentum omne legatum est, petat signatum quoque, utatur *genere*; at, si quis, quum legatum sit ei, quae viro materfamilias esset, neget debere ei, quae in manum non convenit, *specie*, quoniam duae formae sint matrimoniorum.

* *Si aedes eae corruerunt*) Quat.
V, 11, 32. Illud est annotandum, magis argumenta duci ex iure simili, ut Cicero in Topicis: *Ei aui domus una*

legatus est, heres restituere non debet, nec rescire, non magis, quam servum restituere, si is, cuius usus-fructus legatus est, deperisset ». A *differentia*: « Non,

fructus relictus sit, non restitutorum heredem, si corruerit, quia non restituat servum, si ei decesserit.

* A *differentia*: Non si uxori) « Obsecro Cicero locum a *differentia* tractasse videtur, quam ita scribit: Non, si uxori vir legavit omne argentum, quod nummum esset, idcirco quae in nominibus fuerant, legata sunt. Multum enim differt, in arcae positum sit argentum, an in tabulis debeatur. Quo in loco (ut id obiter dicatur) postremum verbum debeatur glossam reddet. Sed quare aliud agimus. Neque enim animadvertere Cicero videtur, hanc disputationem ad locum a *differentia* pertinere non posse. Si quidem, ut in loco a similitudine proposita quaestione medium aliquod simile subiecto termino investigatur, ut demonstretur, ea inter se convenire, sic in hoc loco quaerendum medium est, subiecto termino dissimile, ut ex eo probetur, quia dissimilia dissimilibus conveniunt, attributum subiecto non convenire. At Cicero in isto exemplo, quum extra terminos propositos medium quaerere deberet, attributum protulit. Videmus igitur, eequid haec disputatio ad definitionis locum potius pertinet; quod etiam Vlpianus aperte ostendit in L. quantus 27, §. 2, et L. scribit 34 D. de aur. et argent. leg. ubi sic scribit: *Argento omni legato, quod nummum esset, sine dubio non debetur id, quod in credito esset. Hoc ideo quia non videtur nummum esse quod vindicari non possit.* Ponitur igitur quaestio haec: an qui nummum omne argentum alicui legavit, etiam debitam sibi pecuniam ei legasse videatur: et asseratur medium ex defi-

nitione sic: *Suum est, quod vindicare potest.* Id quod attributo non convenit; quia debita pecunia vindicari non potest. Apparet igitur attributum subiecto non convenire; hoc est, legati sui argenti nomine id quod debetur non comprehendi. Et profecto ita est, ut hoc loco tum demum utamur, quum ea discernenda sunt, quae tanquam similia et consentanea coniungantur, quemadmodum ex illi exemplo, quod Cicero posteriora c. 1; protulit, facile erit intelligi: *Non quemadmodum mulieri debeas, recte ipsi mulieri sine tutore auctore solvas, ita quod aut pupillo aut pupillae debeas, recte possis eodem modo solvere.* Nam quaestio haec fuit: An ut mulieribus recte solvitur sine tutore auctore; sic etiam pupillis, quae sic, exaudienda est, quasi posita sic fuisset: An et mulieribus et pupillis recte sine tutore auctore solvatur: ubi hoc demum ambigitur: an idem illud, nimirum: *Recte sine tutore solvere*, duobus illis, nimirum mulieribus et pupillis, recte attribuitur, quasi similia et consentanea inter se essent. Sumitur autem medii loco ea *differentia*, quae est inter mulieres et pupillos. Alia est tutelae mulieris, alia pupilli ratio. Multo enim plus habet mulier iudicii, quam puer. Et quia medium hoc demonstrat, duo illa in subiecto termino non recte coniungi, propterea efficitur, attributum terminum iis duobus convenire non posse, propter locum communem, quo dicimus: *idem duobus dissimilibus convenire non posse.* Videndum igitur in istis argumentationibus, ut ea duo, quae *differentia* esse dicimus, in ni-

si uxori vir legavit omne argentum, quod suum esset, idcirco, quae in nominibus fuerunt, legata sunt. Mul-

nore questionis termino quasi consentanea coniunguntur. Veluti si quis dicat: Non ut animi sic etiam corporis voluptas expetenda est: quaestio haec erit: an et animi et corporis voluptas expetenda sit. Quod ab iis qui dialectica praecepta tradiderunt, demonstratum non esse, vehementer equidem sum admiratus. Hactenus Hotomannus Obsa, lib. I, c. 25, qui Ciceronem neglectae subtilitatis logicae speciose satis insinuat. Boëthius autem cum sic defendat: in rebus plurimum differens, quod de altera earum dicitur, non videtur in alteram convenire. Id quam ita sit, quidem argentum suum omne legavit uxori. Illa pecuniam quoque quae in nominibus debebatur suam esse dicebat, quod omnis pecunia nomine vocaretur argenti. Quaeritur an id quoque argentum, quod in nominibus debebatur, legatum sit; huc igitur subiectus est terminus: argentum quod in nominibus debetur, legatum vero praedicatus. A differentia igitur facimus argumentationem hoc modo: idem de plurimum differentibus rebus intelligi non potest; plurimum vero differt, argentum in arcae sit positum an in nominibus debeatur. Nam quae posita in arca pecunia est, iuris est nostri: in nominibus vero debita non est nostra. Nam quod mutuum datur, ex meo fit accipientis, atque ideo non cogitur eandem ipsam pecuniam debitor restituere creditori, sed aliam tantam. In arca vero posita pecunia, et in nominibus debita, non sunt argenti vel pecuniae species, sed differentiae. Nam argenti species signatum ac non signatum esse dicitur. Qualitas vero pecuniae in

possessione positae vel non positae, sed non modis omnibus alicuae, in his differentis constat, ut alia sit in arca posita, reliqua in nominibus debeatur. Quum igitur suum omne quod fuerat argentum vir uxori legaverit, quumque assuissetum sit, id ad eam pertinere, quod fuerit legatus, id est, quod in arca fuerit conditum, non potest id intelligi de eo quod in nominibus debeatur. Quoniam, sicut dictum est, id quod in nominibus debetur, eo quod in arca positum est, plurimum differt. Facta est igitur argumentatio ab eo quod in ipso inerat, de quo quaerebatur; quaerebatur vero de argento in nominibus debito; in hoc inerat propria differentia, quae ab alio differebat argento, hoc est eo, quod in arca positum fuit, id vereretur affectum, id est a differentia. Maxima vero propositio est: *de rebus plurimum differentibus idem intelligi non posse*. Nempe res de qua quaeritur redit ad quaestionem, quae superiore saeculo agitata est a summis philosophis Kantio et Lamberto. Kantius nimirum in libello: *die falsche Spitzfindigkeit der vier Figuren der Schlüsse*, contendit omnes syllogismorum categoricorum figuras et modos subiectos esse formulae, quae dicitur *dictum de omni et nullo*. Lambertus vero in libro: *Neues Organon*, ostendit, quamlibet horum syllogismorum figuram propriae formulae subiecti, et primam quidem adstringi ad illud *dictum de omni et nullo*; alteram vero ad *dictum de diverso*, s. ad hanc formulam, quam tangit Boëthius: Res diversae non possunt sibi convenire. Itaque Cicero recte hoc exemplum referre potuit ad locum de differen-

tum enim differt, in arca-ne positum sit argentum, an in tabulis debeatur ». Ex *contrario* autem, sic: « Non debet ea mulier, cui vir bonorum suorum usumfructum legavit, cellis vinariis et oleariis plenis relictis, putare id ad se pertinere. Vsus enim, non abusus, legatus est. Ea sunt inter se contraria ». Ab *adiunctis*: « Si ea mulier testamentum fecit, quae se capite nunquam dimi-nuit, non videtur ex edicto praetoris secundum eas ta-bulas possessio dari. Adiungitur enim, ut secundum

tia, quamquam si omnes syllogismos categoricos ex formula dicti de omni et nullo derivare velis, idem possit ad genus s. ad definitionem revocari.

* *Cellis vinariis, et oleariis*) Ea-rum rerum quae usu consumuntur, usus fructus neque naturae iure, ne-que vero civili constitui potest: quum *usus fructus*, uti Paulus ad Vitellium scribit, aliud nihil sit, *quam ius aliena re utendi fruendi, salva rei substantia*: ut re sublata et consumpta, tolli usum fructum necesse sit. Quum igitur oleum, vinum, frumentum, vestimen-ta, quibus proxima est pecunia nume-rata, quae et ipsa usu et assidua per-mutatione quodam modo extinguitur, utendo consumuntur, neque in hoc rerum genere constitui usus fructus possit: non debet ea mulier, cui vir bonorum suorum usumfructum lega-vit, vino et oleo relictis, putare ius sibi esse utendi fruendi. Vsus enim ei, non abusus relictus est. Gov.

* *Vsus enim, non abusus, legatus est*) Nempe Ciceronis adhuc tempore ususfructus earum rerum constitui non poterat, quarum substantia uten-do interiret. Sed id postea motatum esse docuit Holomanus Epitomator. in Pandectas VII, 5.

* *Se capite nunquam dimiuit*) Ca-pitis diminutio est prioris status per-

mutatio. Triplex autem recensetur. Tria enim, inquit Paulus, habemus, libertatem, civitatem, familiam; quum haec omnia amittimus, maxima est capitis diminutio. Quum civitate amissa, libertas retinetur, ut quum quis in colonias latinastransmigrabat, erat media capitis diminutio. Minima autem, cum familia tantum mutaba-tur, quum quis adoptabatur, vel alieno iuri subiciebatur, vel emancipabatur. Mulieres autem antiquo iore tutela perpetua continebantur, nec recede-bant a tutoris potestate, nisi in ma-nu viri convenissent: atque ut tunc erat status prioris mutatio, ita dice-batur capite diminuta. Adde quod quum eius familia uno capite, id est, una persona diminuta esset, uxor in viri familiam transiens, diminuta ca-pite non immerito vocaretur. Pavst.

* *Quae se capite nunquam dimiuit*) Recte iam Boëthius interpretatur, quae in manu viri non conveit, adeo-que sub tutela est; quae si sine tutore auctore testamentum fecit, non magis secundum eas tabulas possessio datur quam secundum servorum, exalium aut puerulorum tabulas dantur. Ceterum in multis edd. scribitur *deum-nuit*, in hac quidem formula rectius.

Adiungitur enim) Est modus lo-quendi dialecticus prae-sequitur inde.

servorum, secundum exsulum, secundum puerulorum tabulas possessio videatur ex edicto dari ». Ab antecedentibus autem, et consequentibus, et repugnantibus, hoc modo: Ab *antecedentibus*: « Si viri culpa factum est divortium, etsi mulier nuntium remisit, tamen pro liberis manere nihil oportet ». A *consequentibus*: « Si mulier, quum fuisset nupta cum eo, quicum connubium non esset, nuntium remisit; quoniam qui nati sunt, patrem non sequuntur, pro liberis manere nihil oportet ». A *repugnantibus*: « Si paterfamilias uxori ancillarum usumfructum legavit a filio, neque a secundo herede legavit; mortuo filio mulier usumfructum non amittet. Quod enim semel testamento alicui datum est,

Nempe sensus est, si id ita videatur, sequitur etiam aliis possessionem e testamento dari posse, qui non sunt in potestate sua. Sed id esse non potest. Ergo etc. Eax.

Pro liberis manere nihil oportet) Forsan ante nihil excidit dotis. Paulo post facilius abesse potest, quia ex priora loco satis intelligitur.

** A consequentibus*) A consequentibus ducitur argumentum, quum propositis duobus, a posteriore argumentamur, hoc modo: Mulier servo, cui imprudens nupsit, nuntium remisit: qui ex ea coniunctione nati sunt, patrem non sequuntur. Quare pro liberis ex dote apud patrem manere nihil oportet. Id quod ex eo collegi, quia patrem liberi non sequuntur: quod a duobus quae proposui, posterius est. Gov.

** Quicum connubium non esset*) H. e. quicum non posset iustum contrahi matrimonium; ut si civis Romana peregrino nupsisset.

** Si paterfamilias uxori ancillarum usumfructum legavit a filio*) Hoc quid

sit, explicat Boëthius ad h. l. « Quidam haeredem testamento scripsit filium, eique secundum substituit haeredem, uxoriq. suae ancillarum usumfructum legavit a filio, dixitque, ut uxori filius eius usumfructum ancillarum permitteret, nequa illud adiecit, ut etiam secundus haeres eundem usumfructum mulieri concederet. Successit filius, et mulieri ancillarum contulit usumfructum. Illo mortuo intra pubertatem, agit secundus haeres, et usumfructum ancillarum mulieri extorquere conatur, dicens usumfructum ei a filio legatum, a se vero minime ». Hic Cicero negat mulierem usumfructum amittere.

** Ancillarum usumfructum*) Vsumfructus ancillarum, omnis ea utilitas est, quae ex ancillis percipi potest, praeter earum parvas, qui in fructu non sunt, sed ad proprietatis dominum pertinent: neque enim placuit homines in fructu esse, quorum gratia rerum omnium fructus natura comparavit. Gov.

id ab eo invito, cui datum est, auferri non potest. Repugnat enim recte accipere, et invitum reddere ». Ab *efficientibus causis*, hoc modo: « Omnibus est ius parietem directum ad parietem communem adiungere, vel solidum, vel fornicatum. At si quis in pariete communi demoliendo damni infecti promiserit, non debet praestare, quod fornix vitii fecerit. Non enim eius vitio, qui demolitus est, damnum factum est, sed eius operis vitio, quod ita aedificatum est, ut suspendi non posset ». Ab *effectis rebus*, hoc modo: « Quum mulier viro in manum venit, omnia, quae mulieris fuerunt, viri fiunt dotis nomine ». Ex *comparatione* autem omnia valent, quae sunt eiusmodi: Quod in re maiore valet, valeat in minore, ut: « Si in urbe fines non reguntur,

* *Omnibus est ius parietem directum*) Hunc locum a Boethio parum recte intellectum explicat Hotommius obs. lib. II, cap. 1: « Boethius alique h. l. sic intelligunt quasi haec postrema, *vel solidum, vel fornicatum ad parietem communem* referenda sint, quum aperte ratio questionis ostendat ad *directum parietem* pertinere. Est autem paries communis qui iure domini est communis utriusque vicini pro partibus indivisis l. 4, D. de servit. leg. Paries autem directus est; qui ei per finem adiunctus est, qui exempli causa communem sic attingit, ut in litera T deorsum pendens linea transversam superiorem attingit. Solidus vero, qui continuus; fornicatus, qui emmeratus est. Queritur ergo, an qui communem parietem demolitus est, vitium adiuncti fornicis praestare debeat, et aedium affertur ex causa illius ruinae sive vitii parietis fornicati; quae, quia ab eo, qui demolitus est, abesse, in eo vero, qui sic aedificavit, ut suspendi neaedificium non posset, inesse probatur, concluditur

illum, qui demolitus est, praestare damnum non debere. Quum igitur Octavius ad parietem inter se et Nonium communem fornicatum parietem pro suo iure adiunxisset, Nonius autem vicinus aliquid aedificaturus parietem communem demoliri vellet, damni infecti nomine promisit; id est praeiisit se damnum, si quod opus illud suum nempe demolitio faceret, praestaturum. Everso pariete communi, fornicatus, qui suspendi non poterat, corruit ».

* *Si in urbe fines non reguntur*) Scilicet, ut Paulus ait Digestor. lib. X, tit. I, leg. 4, §. 10, finium regundorum iudicium locum habet in confinio praediorum rusticorum; urbanorum displicuit; neque enim confines hi, sed magis vicini dicuntur, et ea communibus parietibus plerumque determinantur; et ideo etsi in agris aedificia iuncta sunt, locus huius actioni non erit, et in urbe hortorum latitudo contingere potest, ut etiam finium regundorum agi possit.

nec aqua in urbe arceatur ». Item contra: Quod in minore valet, valeat in maiore. Licet idem exemplum convertere. Item: Quod in re pari valet, valeat in hac, quae par est: ut, « Quoniam usus auctoritas fundi biennium est, sit etiam aedium. At in lege aedes non appellantur, et sunt ceterarum rerum, quarum annuus

* *Nec aqua in urbe arceatur*) Scil. pluvia. Actioni enim aquae pluviae arcendae locus saepe erat in confinibus praedia rusticis. « Sed hunc locum, qui ex comparatione est, Cicero sic tractat, ut facile mihi persuaderem, eos omnes, quos habemus Topicorum libros corruptos esse. Nam in tradenda propositione maxima eius loci, qui est ex comparatione maioris, exemplum ei regulae, quam proposuit, plane contrarium profert his verbis: *quod in re maiore non valet, non valet in minore*; ut si in urbe fines non reguntur, nec aqua in urbe arceatur. Placet igitur eorum sententia, qui duas in illa praeceptione maxima negationes deesse putant, ut locus sic legatur: *Quod in re maiore NON valet, NON valet in minore*: quoniam, ut ex libro Aristotelis Topicorum tertio cognoscitur, argumentum quod ex maiore ducitur, tantum ad refellendum valet, et maius id dicitur, quod magis probabile et consentaneum est. Itaque subiectum a Cicerone exemplum tantum ad refellendum valet, quasi videlicet probabilius fuisset fines in urbe regere, quam aquam in eadem arcere. Neque tamen dubium est, quin utraque actio in rusticis tantum praediis locum habent. L. 2, l. 4, §. ult. D. fin. regund. et tot. tit. de aqua pluvia arcenda. Sed tamen commodius Cicero alio Topicorum loco (c. 11) hanc disputationem ad similitum locum retulit, ubi sic loquitur: quemad-

modum si in urbe de finibus controversia est, quia fines magis agrorum videntur esse, quam urbis, civibus regendis adigere arbitrum non possis, sic si aqua pluvia in urbe nocet, quoniam res tota magis agrorum est, aquae pluviae arcendae adigere non possis arbitrum ». Hotomann. obs. II, 2.

* *Quoniam usus auctoritas fundi biennium est*) Hotomannus l. l. corrigebat *biennis*. At hoc necesse non est, quia intelligitur *per biennium*. Neque vero vocabulum auctoritas Ernestio suspectum esse debebat. Idem enim est in Orat. pro Caecina cap. 19: *Lex usum auctoritatem fundi iubet esse biennium*; quorum verborum structuram novissimus editor, idemque diligentissimus Bekius recte sic explicavit: Lex iubet usum fundi *per biennium* esse (s. dare) auctoritatem (*ius possessionis*) fundi. Itaque h. l. quoque sic intelligendus: quoniam ex usucapione per biennium enascitur auctoritas s. ius possessionis fundi, valent idem in aedibus.

Et sunt ceterarum rerum, quarum annuus est usus) Si in lege XII tabb. discrete fuisset praescriptum aedium, ut aliarum rerum, annum usum esse, h. a. usum annum ad ius possessionis evinciendum sufficere, contra legem scriptam haud valeret aequitas. Ergo ista verba vel sic interpretanda: et videtur in numero ceterarum rerum tacite comprehendí, quarum an-

est usus. Valeat aequitas, quae paribus in causis paria iura desiderat ». Quae autem *extrinsecus* assumuntur, ea maxime ex auctoritate ducuntur. Itaque Graeci tales argumentationes, ἀνέκχους vocant, id est, artis expertes: ut, si ita respondeas: « Quoniam P. Scaevola

nus est usus; vel, quod magis placeat, legendum: *Nec sunt ceterarum rerum, quarum annuus est usus*. Nam si aedes in legibus XII tabularum in annuo usu ceterarum rerum definiendo, inter ceteras istas res haud nominatae erant, aequitas postulabat, ut sub nomine *fundi*, cuius usus biennium esset, aedes quoque comprehenderentur. Guthofredus quoque ad leg. XII tab. legendum censebat: *etsi in lege aedes non appellantur, nec sunt ceterarum rerum etc.* Post ceterarum rerum vulgo additur omnium, quod, ut inutile, delevi. Idem Ernestius visum, qui rerum primus addidit e Ms.

* *Quoniam P. Scaevola* — id tibi ius videri) Ad hunc locum satis, ut nunc quidem legitur, obscurum Boethius ita commentatur: « Sed ambitus aedium est, quantum soli aedium ambitus claudit. Scaevola igitur dixit, id esse ambitus aedium solum, quod tecti diffusionem tegeretur. Manifestum est enim tecta latius fundi, nec parietibus adaequari, ut stillicidium longius cadat. Quae quum ita sint, quidam parietem communem tegere utebatur; quaeritur an sit aliquod ius tegendi? respondeas tu, inquit Cicero, Trebatii, id ius esse tegendi parietis communis, ut in eius qui tegat aliud quodlibet tectum stillicidii aqua fundatur; alias num esse iuris ut tegat quis parietem stillicidio in vicini tecta defluente. Haec enim stillicidii servitus nova nisi consentiente vicino nihil iuris habet. Sed si huic

responso opponatur, ne sic quidem ut tegat esse iuris, quandoquidem aedium solum tantum est, quantum cuiusque parietes claudunt, qui vero tegit tectum, longius mittit, tu, inquit, responsum tuum Scaevolae auctoritate firmabis, dicens Scaevolam respondisse, hoc esse solum ambitus aedium, quantum tectum proiceretur, non quantum parietes ambirent. Ius est igitur proicere tectum, qui intra ambitum adhuc suarum aedium tegit, sed ita ut in suum tectum aqua defluat, nec vicino nova noceat servitute ». Hactenus Boethius. Quem reprehendit Hotomannus Obs. lib. II, c. 3, quod vocabulum *solum* pro substantivo, i. e. pro terra s. area acceperit, quum sit adverbium, i. q. *tantum*. In quo mihi videtur iniuriam fecisse Boethio. Nam si de ambitu aedium quaeritur, utique quantum sit illius soli spatium circa aedes, quod ad ambitum pertinet, quaeritur. Nec magis Hotomanno in reliquis assentior, praeterquam quod quoad pro quon reponendum, et posteriorem vocem *TECTVM*, (post verba *ex quo in*, non ut Ernestius scripsit post *causa*) delendam censuit. « Lex enim, inquit, XII tab. sestertium pedem inter privatorum aedificia relinqui, eumque aedium ambitum esse iussit, quemadmodum ex Varrone, Festo, et Vulsio Mactiniano in XII tabularum commentario docuimus. Est autem pes sestertius spatium duorum pedum et semipedis. Quod propter incendia constitutum fuisse nemo ignorat. At

id solum esse ambitus aedium dixerit, quod, parietis communis tegendi causa, tectum proiiceretur, ex quo in tectum eius, aedes qui protexisset, aqua deflueret, id tibi ius videri ».

5. His igitur locis, qui sunt expositi, ad omne argumentum reperiendum, tanquam elementis quibusdam, significatio et demonstratio datur. Vtrum igitur haecenus satis est? tibi quidem, tam acuto, et tam occupato, puto. Sed, quoniam avidum hominem ad has discendi epulas recepi, sic accipiam, ut reliquiarum sit potius aliquid, quam te hinc patiar non satiatum discedere. Quando ergo unusquisque eorum locorum, quos exposui, sua quaedam membra habet, ea quam subtilissime persequamur; et primum de ipsa definitione dicatur. *Definitio* est oratio, quae id, quod definitur, explicat, quid sit. Definitionum autem duo sunt ge-

si aedes continentes sint, quia paries communis est, neque quidquam spatii interiectum est, querebatur ex Scaevola, quis esset earum ambitus. Et idcirco, ut opinor, querebatur, quia nondum satis inter illius aetatis Iurisconsultos constabat, an vicinus liceret in communem parietem sua tigna et onera immittere, aut certe quatenus liceret. P. Scaevola Iurisconsultus respondit, id dumtaxat esse ambitus aedium, quoad uterque vicinus parietem communem protexerit, unde divortium aquarum fiat, et in cuiusque illarum aedes aqua pluvia defluat, nimirum ut dimidia parietis pars ad unum, altera ad alterum pertineat, et linea communem parietem aequabiliter secans, ambitum aedium utrimque designat, quod tamen, vere ut dicam, mihi perquam obscurum videtur ». Ultima verba satis produnt Rotomannum ipsum sensisse, quantis incommodis illa explicatio

premeretur. Lapsus autem est propter ambiguitatem vocabuli *paries communis*, quia vocabulo hic parietes externi, seu plateam spectantes, qui aedes ambiunt, intelliguntur. Hos enim etiam *parietes communes* appellatos esse bene monuit nuper cl. Rodius in indice Vitruvii ab eu editi. Tutius igitur locus sic legendus esse videtur: *Quoniam P. Scaevola id solum esse ambitus aedium dixerit, quoad parietis communis tegendi causa, tectum proiiceretur, ex quo ante eius aedes, qui protexisset, aqua deflueret, id tibi ius videri.*

Definitionum autem duas sunt genera prima) Cur *prima*, aut quae sunt *secunda*? Nam quod deinde ait: *atque etiam definitiones, aliae sunt partitionum, aliae divisionum*, id huic trahi non potest. Hic etiam loquitur de duobus generibus earum definitionum, quae in explicanda re versantur. Itaque *prima* delendum puto.

nera prima: unum earum rerum, quae sunt; alterum earum, quae intelliguntur. *Esse* ea dico, quae cerni tangive possunt, ut fundum, aedes, parietem, stillicidium, mancipium, pecudem, supellectilem, penus, cetera; quo ex genere quaedam interdum nobis definienda sunt. *Non esse* rursus ea dico, quae tangi demonstrarive non possunt, cerni tamen animo, atque intelligi possunt: ut, si usucapionem, si tutelam, si gentem, si agnationem definias; quarum rerum nullum subest quasi corpus, est tamen quaedam conformatio insita, et impressa intelligentia, quam notionem voco. Ea saepe in arguendo definitione explicanda sunt. Atque etiam definitiones aliae sunt partitionum, aliae divisionum: partitionum, quum res ea, quae proposita est, quasi in membra discernitur: ut, si quis *ius civile* dicat id esse, quod in legibus, senatusconsultis, rebus iudicatis, iurisperitorum auctoritate, edictis magistratuum, more, aequitate consistat; divisionum autem definitio formas omnes complectitur, quae sub eo genere sunt, quod definitur, hoc modo: « *Abalienatio* est eius rei, quae mancipi est, aut traditio alteri nexu, aut

Insita) Ita correxi vulgatum *insignita*. Cicero enim *insignitum* appellat, quod est *insigniter clarum*; de quo hic non agitur. *Insitus* autem saepissime dicitur de notionibus innatis.

Et impressa intelligentia) Victor. *et impressa in intelligentia*, qua ratione *intelligentia* pro mente dicta esset. Sed praestat b. l. *intelligentiam*, ut sibi, de ipsa notione accipere; et fortasse scripsit Cicero: est tamen quaedam conformatio *insita animo et impressa intelligentia*, quumquam vocabulum *animo* facile ex antecedentibus repetitur.

* *Quae mancipi est*) Rex mancipi dicuntur quae sunt in nostra potesta-

te, quae ex nostro ad alterius dominium transferre possumus. Mancipi est indeclinabile in singulari et plurali. PAVSY.

* *Nexu*) Nexum, vel nexns (utroque enim genere dicitur) est id quod per libram et aes agebatur quemadmodum scribit M. Tullius III de Oratore. Agebatur autem ita, adhibitis non minus quam quinque testibus civibus Romanis puberibus, et praeterea alio eiusdem conditionis, qui libram aeneam tenent, qui appellatur libripens. Is qui mancipium accipit, aes tenens ita dicit: *Hunc ego hominem ex iure Quiritium meum esse aio*: isque mihi emptus est hoc aere, ae-

in iure cessio, inter quos ea iure civili fieri possunt ».

6. Sunt et alia genera definitionum; sed ad huius libri institutum illa nihil pertinent; tantum est dicendum, qui sit definitionis modus. Sic igitur veteres praecipinnt: quum sumseris ea, quae sint ei rei, quam definire velis, cum aliis communia, usque eo persequi, dum proprium efficiatur, quod nullam in aliam rem transferri possit. Vt hoc: *Hereditas est pecunia*. Commune adhuc; multa enim genera sunt pecuniae. Adde quod sequitur: *quae morte alicuius ad quempiam pervenit*. Nondum est definitio. Multis enim modis sine hereditate teneri mortuorum pecuniae possunt. Unum adde verbum: *iure*. Iam a communitate res disiuncta videbitur, ut sit explicata definitio sic: *Hereditas est pecunia, quae morte alicuius ad quempiam pervenit iure*. Nondum est satis. Adde: *nec ea aut legata testamento, aut possessione retenta*; confectum est. Itemque, ut illud: *Gentiles sunt, qui inter se eodem nomine sunt*. Non est satis. *Qui ab ingenuis oriundi sunt*. Ne id quidem satis est. *Quorum maiorum nemo servitutem servivit*. Abest etiam nunc. *Qui capite non sunt deminuti*. Hoc fortasse satis est. Nihil enim video Scaevolam, pontificem, ad hanc definitionem addidisse. Atque haec ratio valet in utroque genere definitionum, sive id, quod est, sive id, quod intelligitur, definiendum est.

7. *Partitionum* autem et *divisionum* genus quale esset, ostendimus; sed quid inter se differant, planius

utaeque libra. Deinde aere percontit libram: idque aes dat ei a quo mancipium accipit, quasi pretii loco. Gov.

* *In iure cessio*) Hoc fiebat modo. Apud magistratum populi Romani, vel apud praetorem (hoc enim est, *in iure*) vel praesidem provinciae, is

cui in iure ceditur, rem tenens ita vindicat: *Hunc ego hominem ex iure Quiritium meum esse aio*. Deinde postquam hic vindicaverit, praetor interrogat eum qui cedit, an contra vindicet. Quo negante, aut tacente, tunc ei qui vindicaverit, eam rem addicit: idque legis actio vocabatur. Lo-

dicendum est. In partitione quasi membra sunt: ut corporis, caput, humeri, manus, latera, crura, pedes, et cetera; in divisione, formae sunt, quas Graeci *ιδέας* vocant: nostri, si qui haec forte tractant, *species* appellant; non pessime id quidem, sed inutiliter ad mutandos casus in dicendo. Nolim enim; ne si latine quidem dici possit, *specierum* et *speciebus* dicere; et saepe his casibus utendum est; at *formis* et *formarum* velim. Quum autem utroque verbo idem significetur, communitatem in dicendo non arbitror negligendam. Genus et formam definiunt hoc modo: *Genus* est notio ad plures differentias pertinens. *Forma* est notio, cuius differentia ad caput generis et quasi fontem referri potest. Notionem appello, quam Graeci tum *ἔννοια*, tum *πρόληψιν* dicunt. Ea est insita, et ante percepta cuiusque

Quas Graeci *ιδέας* vocant) Ant scripsit Cicero, aut scribere debuit, quas Graeci *ιδέη* vocant; nam species quae sub genere continentur, non *ιδέαι* vocantur, sed *ιδέη*. Nec repugnat quod Cicero patrii sermonis egestate *ιδέας* etiam interdum *formas* nominat.

* Graeci *ιδέας* vocant) Plato princeps *ideas* induxit, easque, uti scribit M. Tullius, mirabiliter est amplectatus. *Ideas* autem vocabat, quaedam veluti simulacra, exemplaria, typos, imagines rerum ceterarum: quas intuens Deus Opt. Maximus, ad earum similitudines animam veluti in fingendis rebus dirigeret, nihilque nisi perfectum faceret. Dictae itaque videntur *ιδέαι* a verbo *ιδέναι*, quod est *αἰσθάναι*, et intueri: quoniam eas Deus faciens quid, semper intuetur. Quae eadem ratione *species* a Latinis sunt appellatae a verbo *specere*, quod videre est: vimque graecae dictionis melius *species*, quam *forma*, exprimit:

quamquam M. Tullius eodem nomina idem significari putet, malitque formam quam speciem dicere, propter claritatem quorundam casuum: teretes enim et molles eius aures, *specierum* et *speciebus* audire non possunt, *formarum* et *formis* non respuunt. Gov.

Et ante percepta) Ms. et *praecepta*, quod est solemne Ciceronis in hac re verbum, pro quo et *antecepta* dicit. Forte *ante percepta* est e glossa alterius *praecepta*, aut *ante additum* est, quia vitiose scriptum erat *percepta*. F.A.N. — Cicero graecam vocabulum *πρόληψιν* latine exprimere voluit. Quare not *praecepta*, not *antecepta* scripsit.

Cuiusque formae cognitio) Quum Cicero genus et formam subiiciat notioni, non nisi vitio quodam poterat notionem formae cognitionem appellare. Nisi igitur hic formam pro *ιδέη* dictam esse velis, conicias enim scripsisse cuiusque rei *cognitio*.

formae cognitio, enodationis indigens. Formae igitur sunt hae, in quas genus, sine ullius praetermissione, dividitur: ut si quis ius in legem, morem, aequitatem dividat. Formas qui putat idem esse, quod partes, confundit artem, et similitudine quadam conturbatus, non satis acute, quae sunt secernendae, distinguit. Saepe etiam definiunt et oratores et poëtae per translationem verbi, ex similitudine, cum quadam suavitate. Sed ego a vestris exemplis, nisi necessario, non recedam. Solebat igitur Aquilius, collega et familiaris meus, quum de litoribus ageretur, quae omnia publica esse vultis, quaerentibus iis, ad quos id pertinebat, quid esset litus, ita definire, *qua fluctus eluderet*: hoc est, quasi qui adolescentiam, florem aetatis; senectutem, occasum vitae, velit definire: translatione utens discedebat a verbis propriis rerum ac suis. Quod ad definitiones attinet, hactenus: reliqua videamus.

8. *Partitione* autem sic fere utendum est, nullam ut partem relinquant, ut si partiri velis tutelae, inscienter facias, si ullam praetermittas. At si stipulationem

Formae igitur) Ernestius negabat particulam igitur ullam h. l. vim habere posse. Et quia in Ms. aberat, delendam putabat. At igitur persaepe ponitur, ubi post brevem degressionem ad id quod praecipue agebatur, reditur. Cicero *formam* definiaverat. Ab hac definitione degressus quid notum esset, explicabat. Hinc redit ad formas, recteque ait: *formae igitur sunt hae*.

* *Formas qui putat idem esse, quod partes*) Formae ad genus, partes ad totum referuntur. Inter genus et totum hoc interest, quod genus de suis formis affirmatur, totum de partibus nunquam: genus ex suis formis non constat, totum ex suis partibus con-

stituitur; genus formis prius natura est, totum partibus et tempore et natura posterius: generis natura universa in unaquaque forma includitur, natura totius universa in nulla suarum partium invest. Gov.

* *Partitione*) Et si vix quidquam est discriminis partitionem inter ac divisionem, nonnihil tamen hic ex rhetoricarum institutionibus statuit Tullius. Partitionem vult esse totius in partes, divisionem generis in formas. Quum totum infinitas aliquando partes habeat in partitione, minus insignes omittere non est vitiosum. At quum certus sit formarum numerus, quae generi subiiciantur, in divisione aliquas omittere vitiosum est. PAVST.

aut iudiciorum formulas partiare, non est vitiosum, in re infinita praetermittere aliquid. Quod idem in divisione vitiosum est. Formarum enim certus est numerus, quae cuique generi subiiciantur: partium distributio saepe est infinitior, tanquam rivorum a fonte deductio. Itaque in oratoriis artibus, quaestionis genere proposito, quot eius formae sint, subiungitur absolute. At quum de ornamentis verborum sententiarumque praecipitur, quae vocantur σχήματα, non sit idem. Res enim est infinitior; ut ex hoc quoque intelligatur, quid velimus inter partitionem et divisionem interesse. Quamquam enim vocabula prope idem valere videantur: tamen quia res differebant, nomina rerum distare voluerunt.

9. Multa etiam ex notatione sumuntur. Ea est autem, quum ex vi nominis argumentum elicitur: quam Graeci ἐτυμολογίαν vocant, id est, verbum ex verbo, veriloquium: nos autem novitatem verbi non satis apti fugientes, genus hoc notationem appellamus, quia sunt verba rerum notae. Itaque hoc idem Aristoteles σύμβολον appellat, quod latine est nota. Sed quum intelligitur, quid significetur, minus laborandum est de nomine. Multa igitur in disputando notatione eliciuntur ex verbo: ut, quum quaeritur, *Postliminium* quid sit (non dico, quae sint postliminii; nam id caderet in divisionem, quae talis est: Postliminio redeunt haec, homo, navis, mulus clitellarius, equus, equa, quae frena recipere solet); sed quum ipsius postliminii vis

* Itaque in oratoriis) Sententiam exemplo probat Cicero. In arte oratoria quaestionis genus dividendum proponatur: nefus erat vel unum praeterire. Dicendum erit triplicem esse quaestionis statum: primum coniecturae, alterum definitionis, tertium de-

nique qualitatis. At si recensendi elocutionis luminibus ac figuris partitionem volueris adhibere, non est necesse singula tum verborum, tum sententiarum ornamenta persequi: hoc enim infinitum foret: illustriora satis est enumerare. Id.

quaeritur, et verbum ipsum notatur. In quo Servius noster (ut opinor) nihil putat esse notandum, nisi *post*; et *lininium* illud productionem esse verbi vult, ut in *finitimo*, *legitimo*, *acditimo*, non plus esse *timum*, quam in *meditullio tullium*; Scaevola autem, P. filius, iunctum putat esse verbum, ut sit in eo et *post* et *limen*; ut quae a nobis alienata sunt, quum ad hostem pervenerint, et ex suo tanquam lumine exierint, dein quum redierint post ad idem limen, postliminio videantur rediisse. Quo in genere etiam Mancini causa defendi potest, postliminio rediisse: deditum non esse, quoniam non sit receptus. Nam neque deditionem, neque donationem sine acceptione intelligi posse.

10. Sequitur is locus, qui constat ex his rebus, quae quodammodo affectae sunt ad id, de quo ambigitur: quem modo dixi in plures partes distributum. Cuius primus est locus ex *coniugatione*, quam Graeci *συνζυγία* vocant, finitimus notationi, de qua modo dictum est; ut, si aquam pluviam eam modo intelligeremus, quam imbri collectam videremus: veniret Mucius, qui, quia coniugata verba essent pluvia et pluendo, diceret, omnem aquam oportere arceri, quae pluendo crevisset. Quum autem a *genere* ducetur argumentum, non erit necesse id usque a capite arcessere; saepe etiam citra licet, dummodo supra sit, quod sumitur, quam id, ad quod sumitur; ut aqua pluvia ultimo genere ea est,

* *Nihil putat esse notandum*) b. e. nihil ad *ἐτυμολογίαν* revocandum.

* *Et aqua pluvia*) Argumenta non esse ab ultimo genere repetenda probat exemplo Tullius. Aqua pluvia genus est ultimum, cui subiiciuntur duae species, aqua pluvia nocens, et aqua pluvia non nocens. Rursum aqua plu-

via nocens sit genus, eiusque species sunt nocens loci vitio, et maou nocens, quum de industria alio derivatur ad alterius detrimentum. Si quis contendat arcedam esse equum pluviam, generibus illis superioribus praetermissis, haereat in infimo, atque ostendat equum pluviam maou nocentem arceri oportere. PAVSR.

quae de caelo veniens crescit imbri; sed propiore loco, in quo quasi ius arcendi continetur, genus est, aqua pluvia nocens; eius generis formae, loci vitio, et manu nocens; quarum altera iubetur ab arbitro coerceri, altera non iubetur. Commode etiam tractatur haec argumentatio, quae ex genere sumitur, quum ex toto persequare partes, hoc modo: Si dolus malus est, quum aliud agitur, aliud simulatur: enumerare licet, quibus id modis fiat; deinde in eorum aliquem id, quod arguas dolo malo factum, includere; quod genus argumenti in primis firmum videri solet.

11. *Similitudo* sequitur, quae late patet; sed oratoribus et philosophis magis, quam vobis. Elsi enim omnes loci sunt omnium disputationum, ad argumenta suppeditanda, tamen aliis disputationibus abundantius occurrunt, aliis angustius. Itaque genera tibi nota sint; ubi autem his utare, quaestiones ipsae te admonebunt. Sunt enim similitudines, quae ex pluribus collationibus perveniunt quo volunt, hoc modo: « Si tutor fidem praestare debet, si socius, si, cui mandaris, si qui fiduciam acceperit: debet etiam procurator ». Haec ex pluribus perveniens quo vult, appellatur *inductio*: quae graece *ἐπαγωγή* nominatur; qua plurimum est usus in sermonibus Socrates. Alterum similitudinis genus *collatione* sumitur, quum una res uni, par pari comparatur, hoc modo: « Quemadmodum, si in urbe de finibus

Quae graece *ἐπαγωγή* nominatur)
Sic ausi sumus rescribere pro vulg.
παράγωγη, ut Tornebus et Lambinus
voloere. Nam ap. Aristotelem Topic.
I, 12, et Analyt. prior. II, 23 etc. in
omnibus libris sic est constanter, nun-
quam *παράγωγη*; quae dicitur in par-
tem deteriorē, quum aliquem in
freodem inducimus. Non profecto po-
tuit Cicero alio verbo uti, quam esset

in Aristotelis Topicis. Eax.

Si in urbe) Si quom de foibus in
urbe disceplas, non potest oti arbitro
foium regundorum, quia fines viden-
tur egrotum magis quam urbis; ne
arcendae quidem in urbe aqvae, quia
res tota magis agrotum est, arbitrom
adigere possis. Arceri enim aquam in
agris tantum dici solet, et observat
Boethius, ubi si ex aliquo loco aqua

controversia est, quia fines magis agrorum videntur esse, quam urbis, finibus regundis adigere arbitrum non possis: sic, si aqua pluvia in urbe nocet, quoniam res tota magis agrorum est, aquae pluviae arcendae adigere non possis arbitrum ». Ex eodem similitudinis loco etiam exempla sumuntur, ut Crassus in Curiana causa exemplis plurimis usus est, agens de eo, qui testamento sic heredem instituisset, ut, si filius natus esset in decem mensibus, isque mortuus prius, quam in suam tutelam veniret; secundus heres hereditatem obtineret. Quae commemoratio exemplorum valuit; eaque vos in respondendo uti multum soletis. Ficta etiam exempla similitudinis habent vim; sed ea oratoria magis sunt, quam vestra; quamquam uti etiam vos soletis, sed hoc modo: « Finge mancipio aliquem dedisse id, quod mancipio dari non potest. Num idcirco id eius factum est, qui accepit? aut num is, qui mancipio dedit, ob eam rem se ulla re obligavit? » In hoc genere oratoribus et philosophis concessum est, ut muta etiam loquantur, ut mortui ab inferis excitentur, aut aliquid, quod fieri nullo modo possit, augendae rei

pluvia colligatur, et defluens in campos vicini pascua frugesve corrumpat, arbitri arcendae aquae a magistratibus statuiebantur. PAVS.

finibus regundis) Hi dativi, et paulo post, *aquae pluviae arcendae*, non a verbo abigere, sed ab arbitrum pendent. Cf. Heusingerus ad Cic. de Offic. III, 16, 5.

Qui testamento sic heredem instituisset) Opinar Cicronem scripsisse, qui testamento sic instituisset, ut si filius — secundus heres hereditatem obtineret.

* *Commemoratio exemplorum va-*

CIC. Op. Tom. III

luit) h. e. eo valuit, ut Crassus Curii causam, quem contra agnatos eorumque patronum Scaevolam defendebat, obtineret.

* *Mancipio aliquem dedisse*) Mancipio dare, est rem ita dare, ut evictionem praestituros nos spondeamus: mancipia accipere, est eadem lege emergere: mancipium enim significat dominii traditionem. Furtiva mancipia dari non possunt. Quare apud Plautum in Persa, actu IV, scena 3 de muliere furto abducta dicitur: — *Pro suo periculo is erat qui eam mercabatur.* — *Mancipio* neque promittit, neque quisquam dabit. PAVS.

Y

gratia, dicatur, aut minuendae, quae hyperbole dicitur, et multa mirabilia alia. Sed latior est campus illorum. Eisdem tamen ex locis (ut ante dixi) et in maximis, et in minimis quaestionibus argumenta ducuntur.

12. Sequitur similitudinem *differentia* rei, maxime contraria superiori: sed est eiusdem, dissimile et simile invenire. Eius generis haec sunt; « Non, quemadmodum quod mulieri debeas, recte ipsi mulieri, sine tutore auctore, solvas: ita quod aut pupillae, aut pupillo debeas, recte possis eodem modo solvere ».

* *Non quemadmodum quod mulieri debeas*) Quamquam et mulieres et pupilli sub tutoris potestate sint, mulier tamen recte solvi potest sine tutoris auctoritate: pupillo qui ita solvit, non liberatur. Nam neque hereditatem adire, neque bonorum possessionem petere, neque hereditatem ex fideicommissio suscipere aliter possunt, nisi tutoris auctoritate; quavis illis lucrosa sit, ne ullum scilicet damnum habeant. De mulierum perpetua tutela nihil in libris Pandectarum legimus: quin contra legimus, emancipari, suique iuris fieri non aliter quam mares posse. Cic. tamen in Orat. pro Murena his verbis scribit: *Mulieres omnes propter infirmitatem consilii maiores in tutorum potestate esse voluerunt* etc. Idem pro Caecina: *Quod mulier sine tutore auctore promisit, non debetur*. De qua tutela legitima intelligendum puto Ciceronis illud in Oratione pro Flacco: *Vu*, inquit, *non potuit: nihil enim potuit de tutela legitima sine omnium tutorum auctoritate diminui*, loquens de muliere quae omnis sua bona doti dixerat. Dicendum igitur est, legibus XII tabularum constitutam perpetuam

hanc mulierum tutelam, sublatam postea fuisse, ut pleraque alia. Plus tamen esse consilii in femina 12 annorum, quam in mare 13 eadem leges XII tabularum statuiebant: credo quod celerior sit cursus feminarum, ut pubertatis, sic etiam prudentiae. Gov.

* *Recte ipsi mulieri sine tutore auctore solvas*) i. e. sine periculo solvas, etiamsi tutor (s. curator) haud probet et annuat. Nempe mulieres sunt quidem in perpetua tutela; sed quis tamen consilio per aetatem valent, aut valere possunt, id iis remissum est, ut quaedam sine tutore agere possent. Non autem celabo auctore vel tutore mihi pro glossa suspectum esse; redundat enim alterum. Auctore quidem est in sine i. e. non auctore nec solet addi. Dixisset saltem sine tutoris auctoritate; aut auctorem explicare voluit glossa, quia est exquisitius. Deligat lector. ΕΛΥΤΤΙ. — Boethius habet sine tutoris auctoritate, sed ex eo non sequitur, Ciceronem his verbis usum esse. Boethius enim saepe pro Ciceronis verbis explicandi gratia alia, quae aequipollent, substituit.

Deinceps locus est, qui a *contrario* dicitur. Contrariorum autem genera sunt plura; unum eorum, quae in eodem genere plurimum differunt, ut sapientia et stultitia. Eodem autem genere dicuntur, quibus propositis occurrunt, tanquam e regione, quaedam contraria, ut celeritati tarditas, non debilitas. Ex quibus argumenta talia existunt: « Si stultitiam fugimus, sapientiam sequamur: et bonitatem, si malitiam ». Haec, quae ex eodem genere contraria sunt, appellantur *adversa*. Sunt enim alia contraria, quae *privantia* licet appellemus latine, Graeci appellant *σπερματικά*. Praepositio enim IN privat verbum ea vi, quam haberet, si IN praepositum non fuisset: ut dignitas, indignitas, humanitas, inhumanitas, et cetera generis eiusdem; quorum tractatio est eadem, quae superiorum, quae

* *Quaedam contraria, ut celeritati tarditas, non debilitas*) Ernestius verba non debilitas nihili esse pronuntiavit; satis pro imperio. Cur enim Cicero hoc non adderet? Volebat exemplum dare contrariorum tanquam e regione oppositorum. Sic ait opponi celeritati tarditatem, non autem debilitatem. Et si enim debilitas cum celeritate nequit consistere, ei quae quodammodo opposita est, non tamen nisi per anfractum quendam, nec sic e regione opposita est, ut celeritati tarditas. Debilitati e regione opponitur integritas membrorum; qui pedibus debilia est, ea ipsa re privatur celeritate currendi; ideoque per consequentiam quidem celeritati opponitur, non autem aperte et directo, ut tarditas celeritati.

Sunt animi) Non opus est, quod Ernestio in mentem venit, legere *sunt etiam*. Nam hoc loco particula *enim* rationem affert, cur illa contra-

ria singulari nomine *adversa* appellanda sint, quia alia sint contraria, quae Graeci *σπερματικά* appellant, latine *privantia* licet dicere.

* *Graeci appellant σπερματικά*) Sic edd. ante Aldum et Boëthium. Sic et mox: *Εα ἀνσπερματικά* Graeci. Vulgatum tamen *Graece appellantur* est in Ms. Vit. et ed. Ven. Libros plures sequutus sum. Eas. — Ad rem quod attinet, nulla est proprie inter *adversa* et *privantia* differentia. Nam prorsus eodem modo contraria est sapientia stultitiae, quo humanitas inhumanitati. Differentia non est in re, sed in verbo. Nam in *σπερματικοῖς* contrarium clarius enuntiatur, per praepositionem IN, ut humanitas, inhumanitas, quam in altero genere, quae *adversa* dicantur, ubi contrarium sapientiae non insipientiae, sed stultitiae vocatur. Ipsius autem relationis contrariorum eadem est in utroque ratio.

adversa dixi. Nam alia quoque sunt contrariorum genera, velut ea, quae cum aliquo conferuntur: ut duplum, simplum; multa, pauca; longum, breve; maius, minus. Sunt etiam illa valde contraria, quae appellantur *negantia*. Ea ἀποφατικά Graeci, contraria aientibus: ut, Si hoc est, illud non est. Quid enim opus exemplo est? tantum intelligatur, argumento quarendo, contrariis omnibus contraria non convenire.

13. Ab adiunctis autem posui equidem exemplum paulo ante, multa scilicet adiungi, quae suscipienda essent, si statuissimus, ex edicto secundum eas tabulas possessionem dari, quas is instituisset, cui testamenti factio nulla esset. Sed locus hic magis ad coniecturales causas, quae versantur in iudiciis, valet: quum quaeritur, quid aut sit, aut evenerit, aut futurum sit, aut, quid omnino fieri possit. Ac loci quidem ipsius forma talis est. Admonet autem hic locus, ut quaeratur, quid ante rem, quid cum re, quid post rem evenerit. *Nihil hoc ad nos*; ad Ciceronem, inquit Gallus noster, si quis ad eum tale quid retulerat, ut de facto quaereretur. Tu tamen pati, nullum a me artis institutae locum praeteriri; ne, si nihil, nisi

* *Quae appellantur negantia*) Hic Cicero admisit παράφασις sic ἀλλο γίνογ. Nam syllogismi disiunctivi non sic pertinent ad locum qui dicitur contrarius, ut exinde novum genus contrariorum duci possit.

Ea ἀποφατικά Graeci) Boëthius addit vocant. At Ms. Vit. edd. Ven. Med. Asc. 1 habent *Græce*. Eam.

* *Nihil hoc ad nos; ad Ciceronem, inquit Gallus noster*) « Vulgo editur: *Nihil hoc ad ius*. Quod quamquam ad sensum fere idem est, multum tamen facilius id eloquebatur Gallus dicendo: nihil hoc ad nos, qui Icti sumus, et de iure, non de facto quæ-

rimus. Idem legisse videtur Boëthius, qui, iuris enim, inquit, peritus de facti qualitate, non etiam de ipsius facti veritate respondet. Idcirco quoties ad Gallum peritum iuris facti quaestio deferebatur, *NIHIL AD NOS*, inquit, et ad Ciceronem potius consulentes, id est ad rhetorem remittebat. Eadem lectio confirmatur sequentibus verbis: *ne, si nihil, nisi quod ad te pertineat, scribendum putaris, nimium te amare videare*.

* *Ne si nihil, nisi quod ad te pertineat, scribendum putaris*) Iucatur M. Tullius cum Trebatio, quem Epicureum esse sciebat, cuius discipline

quod ad te pertineat, scribendum putaris, nimium te amare videre. Est igitur magna ex parte locus hic oratorius, non modo non iurisperitorum, sed ne philosophorum quidem. Ante rem enim quaeruntur, quae talia sunt, apparatus, colloquia, locus, constitutum, convivium. Cum re autem, pedum crepitus, strepitus hominum, corporum umbrae, et si quid eiusmodi. At post rem, rubor, pallor, titubatio, et si qua alia signa conturbationis et conscientiae: praeterea restinctus ignis, gladius cruentus, ceteraque, quae suspicionem facti possunt movere.

14. Deinceps est locus dialecticorum proprius ex consequentibus, et antecedentibus, et repugnantibus, qui etiam ab adiunctis longe diversus est. Nam adiuncta, de quibus paulo ante dictum est, non semper eveniunt; consequentia autem semper. Ea enim dico consequentia, quae rem necessario consequuntur. Itemque et antecedentia et repugnantia. Quidquid enim antecedit quamque rem, id cohaeret cum re necessario: et quidquid repugnat, id eiusmodi est, ut cohaerere nunquam possit. Quum tripartito igitur distribuatur locus hic, in consecutionem, antecessionem, repugnantiam; reperiendi argumenti locus simplex est, tractandi triplex. Nam quid interest, quum hoc sumseris, pecuniam numeratam mulieri deberi, cui sit omne argentum legatum, utrum hoc

erat se ipsum amare, et sua causa omnia facere. Vide ad Fam. lib. VII, epist. 12. Gov.

Constitutum, convivium) Boëthius commate sublato iungit *constitutum convivium*; idemque est in edd. Med. Ald. Iunt. Praestat autem *constitutum* de tempore intelligere, ut nuper etiam Purgoldus in obs. crit. accepit; nec

tamen opus est addi vocabulum *tempus*. Saepe enim *constitutum* simpliciter de tempore, quod inter aliquos convenit ad negotium gerendam, vel colloquium, usurpatur, id quod Galli vocant un *Rendez-vous*. Cf. Gronov. obs. I, 1.

Sumseris) Ita Ed. Omnib. melius quam *assumpseris*, ut vulgo.

modo concludas argumentum: *Si pecunia signata argentum est: legata est mulieri. Est autem pecunia signata argentum. Legata igitur; an illo modo: Si numerata pecunia non est legata: non est numerata pecunia argentum. Est autem numerata pecunia argentum. Legata igitur est; an illo modo: Non et legatum argentum est, et non est legata numerata pecunia. Legatum autem argentum est. Legata igitur numerata pecunia est.* Appellant autem dialectici eam conclusionem argumenti, in qua, quum primum sumseris, consequitur id, quod annexum est, primum conclusionis modum: quum id quod annexum est, negaris, ut id quoque, cui fuerit annexum, negandum sit, secundus is appellatur concludendi modus: quum autem aliqua coniuncta negaris, et ex his primum

* *Quum primum assumpseris*) Septem syllogismorum hypotheticorum, seu conditionalium, ut vocant, modos hic subiicit Tullius. Ac primus quidem is est, quo quum assumpseris id quod primum est, recte concludis quod coniunctum est: verbi gratia: si iustus est, ius suum unicuique reddit; atqui iustus est; ergo ius suum unicuique reddit. *Pavst.*

* *Quum id, quod annexum est*) Alter syllogismi modus priori oppositus, quo quum negatum illud fuerit quod coniunctum est, id quoque cui fuerit coniunctum negari oportet: ut, si ius unicuique suum non reddit, iustus non est; atqui ius suum unicuique non reddit; ergo iustus non est. Improbabitur a severioribus dialecticis hic argumentandi modus: contendunt enim ex propositionibus negantibus nihil posse colligi. At facile fuerit ad legitimam formam sic revocare. Qui ius suum unicuique reddit, iustus est; atqui hic ius suum unicuique non

reddit, ergo hic iustus non est. *IDEM.*

Quum autem aliqua coniuncta negaris) Vulgo additur: et his alia negatio rursus adiungitur, quae verba delevi, utpote aperte interpolata. Tertius hic est conclusionis modus, cuius exemplum Cicero dederat hoc: *Non et legatum argentum est et non est legata numerata pecunia;* hic igitur duo coniuncta negantur. Sicut infra in simili conclusionis modo dicitur: *deinde addant coniunctionum negantiam.* Alterum: *legatum est argentum:* alterum: *non est legata numerata pecunia,* haec duo inter se coniungi posse negatur. Deinde sumitur ex his primum: *legatum autem argentum est:* postremo tollitur id quod relinquitur: *Falsum igitur est non esse legatam numeratam pecuniam.* Hanc conclusionis partem Cicero brevius sic effert: *legata igitur numerata pecunia est.*

* *Quum autem*) Tertius est hic argumentandi modus, qui, ut explicat,

sumseris, ut, quod relinquitur, tollendum sit: is tertius appellatur conclusionis modus. Ex hoc illa rhetorum sunt ex contrariis conclusa, quae ipsi enthymemata appellant: non quod non omnis sententia proprio nomine enthymema dicatur, sed, ut Homerus propter excellentiam commune poëtarum nomen effecit apud Graecos suum: sic, quum omnis sententia enthymema dicatur, quia videtur ea, quae ex contrariis conficiatur, acutissima, sola prope nomen commune possidet. Eius generis haec sunt: *Hunc metuere, alterum in metu non ponere.* — *Eam, quam nihil accusas, damnas; bene quam meritam esse autumas, dicis male mereri.* — *Id, quod scis, prodest nihil: id, quod nescis, obest.* Hoc disserendi genus attingit omnino vestras quoque in respondendo disputationes: sed philosophorum magis; quibus est cum oratoribus illa ex pugnantibus sentiis communis conclusio, quae a dialecticis tertius modus, a rhetoribus enthymema nuncupatur. Reliqui dialecticorum modi plures sunt, qui ex disiunctionibus constant: *Aut hoc, aut illud:*

Visorius, pronunciato connexo duplex negatio additur, quarum una toti propositioni, altera posteriori parti praefigitur: tum in assumptione prior pars affirmatur, uti in conclusione negetur posterior: cuius hoc sit exemplum: non si ius sanum unicuique reddit, non iustus est; atqui ius sanum unicuique reddit; iustus est igitur. Ad primam argumentandi formam refertur hic syllogismus: duplex enim negatio vim habet affirmationis. PAVST.

* *Enthymemata*) Vulgari notione significat *enthymema* syllogismum imperfectum ex duabus constantem partibus, qualis est hic: laudanda est omnis virtus, ergo et ipsa iustitia. Hic autem enthymema sumitur pro acuta

sententia, quae ex contrariis conficitur. Tale est illud Ciceronis pro Milone: *Eius igitur mortis sedetis ultores, cuius vitam si putetis per vos restitui posse, nolitis?* Enthymema proprie est cogitatio, inventum, ἀπό ταῦ ἐνδοκίματον, *intelligere, consipere.* IDEM.

Ponere) Interrogandi signum hic et in sequentibus duobus exemplis ponunt Ernestius aliique: sed nihil opus. Iisdem exemplis utitur Cicero Orat. c. 49.

* *Vestras*) scil. tuas, Trebatii, aliorumque Ictorum.

Ex pugnantibus) Sic Ed. Omnib. Vulg. *ex repugnantibus.*

* *Aut hoc, aut illud*) Quartus hic

hoc autem: non igitur illud. Itemque: *Aut hoc, aut illud: non autem hoc: illud igitur.* Quae conclusiones idcirco ratae sunt, quod in disiunctione plus uno verum esse non potest. Atque ex iis conclusionibus, quas supra scripsi, prior, quartus; posterior, quintus a dialecticis modus appellatur. Deinde addunt coniunctionum negantiam, sic: *Non et hoc est, et illud: hoc autem: non igitur illud.* Hic modus est sextus. Septimus autem: *Non nec hoc, nec illud: non autem hoc: illud igitur.* Ex his modis conclusiones innumerales nascuntur, in quo est fere tota dialectica. Sed ne eae quidem, quas exposui, ad hanc institutionem sunt necessariae.

15. Proximus est locus rerum efficientium, quae causae appellantur; deinde rerum effectarum ab efficientibus causis. Harum exempla, ut reliquorum locorum, paulo ante posui, et quidem ex iure civili; sed haec patent latius. Causarum igitur genera duo sunt: unum, quod vi sua id, quod sub ea subiectum est, certo efficit, ut ignis accendit; alterum, quod naturam efficiendi non habet, sed sine quo effici non possit; ut, si quis aes causam statucae velit dicere, quod sine eo non possit effici. Huius generis causarum, sine quo non efficitur, alia sunt quietia, nihil agentia, stolidia quodammodo; ut locus, tempus, materiae, ferramenta, et cetera generis eiusdem; alia autem praecursionem quandam adhibent ad efficiendum,

argumentandi modus est huiusmodi: index hic aut iustus est aut iniustus; est autem iustus; non igitur iniustus PAVS.

* *Aut hoc, aut illud*) Quintum hic exponit argumentandi modum, cuius hoc exemplum: index hic aut iustus est aut iniustus; non est autem iustus; ergo est iniustus. Id.

* *Non et hoc*) Exemplum sit: non et iustus est et iniustus; est autem iustus; non igitur iniustus. Id.

* *Non et hoc*) Tale est illud: nun et iustus est et iniustus; non autem iniustus; ergo iustus. Id.

Certo efficit) Ita edidit Ernestius. Volgo male certe efficit.

et quaedam afferunt per se adiuvantia, etsi non necessaria, ut amor congressio causam attulerit, amor flagitio. Ex hoc genere causarum, ex aeternitate pendendum, fatum a Stoicis uelitur. Atque ut earum causarum, sine quibus effici non potest, genera divisi; sic etiam efficientium dividi possunt. Sunt enim aliae causae, quae plane efficiant, nulla re adiuvante; aliae, quae adiuvari velint; ut sapientia efficit sapientes sola per se; beatos efficiat, necne, sola per se, quaestio est. Quare quum in disputationem inciderit causa efficiens aliquid necessario, sine dubitatione licebit, quod efficitur ab ea causa, concludere. Quum autem erit talis causa, ut in ea non sit efficiendi necessitas, necessaria conclusio non sequitur. Atque illud quidem genus causarum, quod habet vim efficiendi necessariam, errorem afferre non fere solet; hoc autem, sine quo non efficitur, saepe conturbat. Non enim, si sine parentibus filii esse non possunt, propterea causa fuit in parentibus gignendi necessaria. Hoc igitur, sine quo non fit, ab eo, a quo certo fit, diligenter est separandum. Illud enim est tanquam

Vtinam ne in nemore Pelio securibus

Caesa accidisset abiegna ad terram trabes!

Nisi enim cecidissent abiegnae ad terram trabes, Argo illa facta non esset. Nec tamen fuit in his trabibus efficiendi vis necessaria. At quum in Aiaceis navim *crispisulcans igneum fulmen* iniectum est, inflammatur navis necessario. Atque etiam est causarum dissimilitudo, quod aliae sunt, quae sine ulla appetitione animi,

Accidisset) Vulgo *cecidisset*. Sed
vide de Inv. lib. I, c. 49.

* *Crispisulcans igneum fulmen*)
Verba sunt antiqui poetae de Aiace
Oilei, ob Cassandrae vitiatam a

Pallade fulmine interempto, Virg.
Aen. I, 39. Ernestius ait Boethium
vocabulum *crispisulcans* divise acce-
piasse, et *crispi* ad *Aiaceis* retulisse. In
meo Boethii exemplari nihil tale in-

sive voluntate, sine opinione, suum quasi opus efficiant, velut, ut omne intereat, quod ortum est: aliae autem aut voluntate efficiuntur, aut perturbatione animi, aut habitu, aut natura, aut arte, aut casu: voluntate, ut tu, quum hunc libellum legis; perturbatione, ut si quis eventum horum temporum timeat; habitu, ut facile et cito irascatur; natura, ut vitium in dies crescat; arte, ut bene pingat; casu, ut prospere naviget. Nihil horum sine causa, nec quidquam omnino; sed huiusmodi causae non necessariae.

16. Omnium autem causarum in aliis inest constantia, in aliis non inest. In natura, et in arte constantia est, in ceteris nulla. Sed tamen earum causarum, quae non sunt constantes, aliae sunt perspicuae, aliae latent. Perspicuae sunt, quae appetitionem animi iudiciumque tangunt: latent, quae subiectae sunt fortunae. Quum enim nihil sine causa fiat, hoc ipsum est fortunae eventum, causa quod latente efficitur. Etiam ea, quae fiunt, partim sunt ignorata, partim volunta-

venio: ibi sic legitur: « At vero ea causa quae est efficiens, et quae in se suam continet necessitatem, talis est, quale quum in Aiace navim igneum crispisulcaus fulmen injectum est ». Sane esset ridiculum de Aiace crispo cogitare.

Aliae autem aut voluntate efficiuntur) Purgoldus in obs. crit. emendat: *alia autem — efficiuntur*. Quia tamen non de effectibus sed de causis agitur, et paulo ante dictum erat: quod aliae (causae) sunt quae — suum quasi opus efficiant, scribere h. l. praestat: *aliae autem aut voluntate efficiunt*.

Hoc ipsum est fortunae eventum, causa quod latente efficitur) Sic optime h. l. constitui putavi, in quo mira est librorum varietas. Ed. Omnib.

hoc ipsum fortunae eventus latenter efficitur. Victori, hoc ipsum fortunae eventus obscura causa quae latenter efficitur. Ed. Ven. hoc ipsum fortunae eventus obscura causa latenter efficitur. Ernestius legi volebat: hoc ipsum obscura causa latenter efficitur. At Cicero causas diviserat in perspicuas et latentes. Latentes esse eas, quae fortunae sint subiectae. Quam enim nihil sine causa fiat, hoc ipsum esse fortunae eventum, causa quod latente efficitur. Vocabulum obscura est glossema vocis latente, quod quum in textum irrepiisset, ex latente factum est latenter.

Etiam ea — voluntaria; ignorata, quae fortuna effecta sunt; voluntaria, quae const.) V. sic leguntur ista: *Etiam*

ria: ignorata, quae fortuna effecta sunt; voluntaria, quae consilio. Nam iacere telum, voluntatis est: ferire, quem nolueris, fortunae. Ex quo aries ille subiicitur in vestris actionibus: *Si telum manu fugit magis, quam iecit.* Cadunt etiam in ignorationem atque in imprudentiam perturbationes animi: quae, quamquam sunt voluntariae (obiurgatione enim, et admonitione deiiciuntur), tamen habent tantos motus, ut ea, quae voluntaria sunt, aut necessaria interdum, aut certe ignorata videantur.

Toto igitur loco causarum explicato, ex earum differentia in magnis quidem causis vel oratorum, vel philosophorum, magna argumentorum suppetit copia; in vestris autem, si non uberior, at fortasse subtilior. Privata enim iudicia maximarum quidem rerum in iurisconsultorum mihi videntur esse prudentia. Nam et adsunt multum, et adhibentur in consilio; et patronis diligentibus, ad eorum prudentiam confugientibus, hastas ministrant. In omnibus igitur iis iudiciis, in quibus, *EX FIDE BONA*, est additum; ubi vero etiam, *INTER*

ea quae fiunt, partim sunt ignorata, partim voluntaria: ignorata, quae necessitate effecta sunt: voluntaria, quae consilio. Quae autem fortuna, vel ignorata, vel voluntaria. In his postrema verba quae autem — voluntaria aperte repugnant iis, quae statim subiiciuntur: Nam iacere telum, voluntatis est; ferire, quem nolueris, fortunae. Itaque ista: quae autem fortuna vel ignorata vel voluntaria, ex confusa et temeraria quorundam verborum, quae praecesserunt, repetitione huc illata delevi. Tathase hic librariorum propter quosdam, editio Omnib. apud Kobergerum repetita docet. In qua sic legitur: *Etiams ea quae fiunt partim voluntaria. Nam iacere telum etc.*

omissis intermediis. Antea autem vocabulum necessitate vitiosum esse et fortuna substituendum, res ipsa facile docet.

In consilio) Lambiu. *in consilia.* Alii *in consilium*, id quod optimum videtur.

In quibus, EX FIDE BONA, est additum) Post haec verba legitur in quibusdam libris vulg. ita: *plurimus eorum usus est*, quae absunt a libris manuscr. unde mihi orta suspicio est, verendum esse ne sint aliena: nam iis sublati integra erit sententia, ut scilicet haec omnia pendeant, usque ad id, quod mox sequitur, *parati esse debent*, hoc modo: *in omnibus igitur iis iudiciis, in quibus EX BONA FIDE est*

BONOS BENE AGIER; inprimisque in arbitrio rei uxoriae, in quo est AEQVIVS, MELIVS, parati esse debent. Illi enim dolum malum, illi fidem bonam, illi aequum, bonum, illi, quid socium socio, quid eum, qui negotia aliena curasset, ei, cuius ea negotia fuissent; quid eum, qui mandasset, eumve, cui mandatum esset, alterum alteri praestare oporteret; quid virum uxori, quid uxorem viro, tradiderunt. Licebit igitur, diligenter cognitis argumentorum locis, non modo oratoribus et philosophis, sed iuris etiam peritis copiose de consultationibus suis disputare.

17. Coniunctus huic causarum loco locus ille est, qui efficitur ex causis. Ut enim causa effectum indicat, sic, quod effectum est, quae fuerit causa, demonstrat. Hic locus suppeditare solet oratoribus et poetis, saepe etiam philosophis, sed iis, qui ornate et copiose loqui possunt, mirabilem copiam dicendi, quum denuntiant, quid ex quaque re sit futurum. Causarum enim cognitio, cognitionem eventorum facit.

18. Reliquus est comparationis locus, cuius genus et exemplum supra positum est, ut ceterorum, nunc

additum, ubi vero etiam etc. i. e. in fiducia iudicio in primisque in arbitrio rei uxoriae etc. *parati esse debent*, iuriconsulti. Denique in exemplis Manutianis haec non comparent, neque in Florentinis. LAMA.

Inter bonos bene agier) Vulgo est: ut inter etc. Illud ut a melioribus libris recte excluditur. Vid. Heusingerus ad Cic. offic. III, 17, 7.

* *In arbitrio rei uxoriae*) Arbitrium uxoriae rei hunc erat, quum post divortium de dote controversia oriebatur. Matrimonio contracto, dos penes virum erat; at ubi divortium contigisset, si viri culpa, haec et aequum exigebat nihil apud

virum manere: si mulieris, ipsa doctem amittebat. PAVST.

Aequius melius) Vulgo praepositur quid; hoc autem a glossatore accessisse intellexit Heusingerus l. l. III, 15, 3.

Locus ille est, qui efficitur ex causis) Scribere debuit Cicero: *locus ille est rerum, quae efficiuntur ex causis*. Nam non locus efficitur ex causis, sed locus novus, de quo hic agitur, est rerum effectarum. Ita cap. 15 init. *Proximus est locus rerum efficientium, quae causae appellantur; deinde rerum effectarum ab efficientibus causis*.

explicanda tractatio est. Comparantur igitur ea, quae aut maiora, aut minora, aut paria dicuntur; in quibus spectantur haec: numerus, species, vis, quaedam etiam ad res aliquas affectio. *Numero* sic comparantur, plura bona ut paucioribus bonis anteponantur, pauciora mala malis pluribus, diuturniora bona brevioribus, longe et late pervagata angustis; ex quibus plura bona propagantur, quaeque plures imitentur et faciant. *Specie* autem comparantur, ut anteponantur, quae propter se expetenda sunt, iis, quae propter aliud; et ut innata atque insita, assumptis et adventiciis, integra contaminatis, iucunda minus iucundis, honesta ipsis etiam utilibus, proclivia laboriosis, necessaria non necessariis, sua alienis, rara vulgaribus, desiderabilia iis, quibus facile carere possis, perfecta inchoatis, tota partibus, ratione utentia rationis expertibus, voluntaria necessariis, animata inanimatis, naturalia non naturalibus, artificiosa non artificiosis. *Vis* autem in comparatione sic cernitur: efficiens causa gravior, quam non efficiens; quae seipsis contenta sunt, meliora, quam quae egent aliis; quae in nostra, quam quae in aliorum potestate sunt; stabilia incertis; quae eripi non possunt, iis, quae possunt. *Affectio* autem ad res aliquas, est huiusmodi: principum commoda maiora, quam reliquorum; itemque, quae iucundiora, quae pluribus probata, quae ab optimo quoque laudata.

Ex quibus plura bona propagantur, quaeque plures imitentur et faciant) Haec verba glossatoris potius quam Ciceronis esse videntur. Nam et a concinnitate priorum abhorrent, et videntur nata ex interpretatione, quum plura bona aliquis his verbis reddiderit, ex quibus plus a bona pro-

pagantur; et longe et late pervagata, per verba, quae plures imitentur et faciant. Agnoscit tamen illa nobis suspecta Boethius, qui praeterea legit: *imitentur ut faciant*. Sed si genuina sunt malum in fine addi contrarium, quod est in nonnullis edd.

Atque, ut haec in comparatione meliora, sic deteriora, quae iis sunt contraria. Parium autem comparatio nec elationem habet, nec submissionem; est enim aequalis. Multa autem sunt, quae aequalitate ipsa comparentur; quae ita fere concluduntur: *Si consilio iuvare cives et auxilio, aequa in laude ponendum est; pari gloria debent esse ii, qui consulunt, et ii, qui defendunt. At, quod primum, est. Quod sequitur igitur.*

Perfecta est omnis argumentorum inveniendorum praeceptio, ut, quum profecta sit a definitione, a partitione, a notatione, a coniugatis, a genere, a forma, a similitudine, a differentia, a contrariis, ab adiunctis, a consequentibus, ab antecedentibus, a repugnantibus, a causis, ab effectis, a comparatione maiorum, minorum, parium, nulla praeterea sedes argumenti quaerenda sit.

19. Sed quoniam ita a principio divisimus, ut alios locos diceremus in eo ipso, de quo ambigitur, haerere, de quibus satis est dictum, alios assumi extrinsecus: de his pauca dicamus; etsi ea nihil omnino ad vestras disputationes pertinent; sed tamen totam rem perficiamus, quandoquidem coepimus. Neque enim tu is es, quem nihil, nisi ius civile, delectet; et quoniam ad te haec ita scribuntur, ut etiam in aliorum manus sint ventura, detur opera, ut quamplurimum iis, quos recta studia delectant, prodesse possimus. Haec ergo argumentatio, quae dicitur artis expertis, in testimonio posita est. Testimonium autem nunc dicimus omne, quod ab aliqua re externa sumitur ad faciendam fidem. Persona autem non qualiscunque testimonii pondus habet; ad faciendam enim fidem auctoritas quaeritur; sed auctoritatem aut natura aut tempus affert. Naturae auctoritas in virtute inest maxime; in tempore autem multa sunt, quae

Inest maxime) Mss. tres Gruteri et Ms. Vit. *inest maxima.*

afferant auctoritatem: ingenium, opes, aetas, fortuna, ars, usus, necessitas, concursio etiam nonnunquam rerum fortuitarum. Nam et ingeniosos, et opulentos, et aetatis spatio probatos, dignos, quibus credatur, putant; non recte fortasse, sed vulgi opinio mutari vix potest, ad eamque omnia dirigunt et qui iudicant, et qui existimant. Qui enim his rebus, quas dixi, excellunt, ipsa virtute videntur excellere. Sed reliquis quoque rebus, quas modo enumeravi, quamquam in iis nulla species virtutis est, tamen interdum confirmatur fides; si aut ars quaedam adhibetur; magna enim est vis ad persuadendum scientiae; aut usus; plerumque enim creditur iis, qui experti sunt. Facit etiam necessitas fidem, quae cum a corporibus, tum ab animis nascitur. Nam et verberibus, tormentis, igni fatigati quae dicunt, ea videtur veritas ipsa dicere, et, quae a perturbationibus animi sunt, dolore, cupiditate, iracundia, metu, quia necessitatis vim habent, afferunt auctoritatem et fidem. Concursio etiam fortuitorum talis est, ut si interventum est casu, quum aut ageretur aliquid, quod proferendum non esset, aut diceretur. Cuius generis etiam illa sunt, ex quibus nonnunquam verum invenitur, pueritia, somnus, imprudentia, vinolentia, insania. Nam et pueri saepe indicaverunt aliquid, ad quod pertineret, ignari: et per somnum, vinum, insaniam, multa saepe patefacta sunt. Multi etiam

Concursio etiam fortuitorum talis est, ut si interventum est casu, quum aut ageretur aliquid, quod proferendum non esset, aut diceretur.) Haec verba in omnibus Edd. leguntur infra post ista: Huic simile quiddam de Lacedaemonio Pausania accepimus. Ut ex huc retraherem, duabus causis commotus sum. Primum si ea hic

absint, pueritia, somnus, imprudentia, vinolentia ad necessitatem referantur necesse est, quae tamen in rebus fortuitis numeranda sunt. Deinde, si ponantur, ubi nunc vulgo ea legimus, exempla de Staleno et Pausania antecedunt ipsam locum, cui subiiciuntur, quod prorsus ineptum est,

in res odiosas imprudentes inciderunt, ut Staleno nuper accidit: qui ea loquutus est, bonis viris subausculantibus, pariete interposito, quibus patefactis, in iudiciumque prolatis, rei capitalis iure damnatus est. Huic simile quiddam de Lacedaemonio Pausania accepimus. In hoc genere etiam illa est in Palamedem coniecta suspicionum prodictionis multitudo: quod genus refutare interdum veritas vix potest. Huius etiam generis est fama vulgi, quoddam multitudinis testimonium. Quae autem virtute fidem faciunt, ea bipartita sunt: ex quibus alterum natura valet, alterum industria. Deorum enim virtus natura excellit; hominum autem industria. Divina haec fere sunt testimonia: primum orationis (oracula enim ex eo ipso appellata sunt, quod inest in his deorum oratio); deinde rerum, in quibus insunt quasi opera divina quaedam: primum ipse mundus, eiusque omnis ordo et ornatus; deinceps aërei volatus avium atque cantus; deinde eiusdem aëris sonitus et

* *Pt Staleno*) Rem aliquanto fusi-
us narrat Cicero in Cluentiana cap.
28: *Illo ipso tempore in aedes T. An-
ni hominis honestissimae, necessarij et
amici mei noctu Stalenus eversus ab
Oppianico venit. Iam cetera nota sunt
omnibus: ut cum illo Oppianicus ege-
rit de pecunia: ut ille se redditurum
dixerit: ut eorum sermonem omnem
audierint viri boni, qui tum consulto
prope in occulto steterant; ut res pa-
tefacta, atque in forum prolata, et
pecunia omnis a Staleno extorta at-
que erepta sit.* (Vide Brutum c. 24.)
Pavst.

* *De Lacedaemonio*) Hoc factum
Thucydides lib. I, et Cornelius Ne-
pos in Pausania referunt. TYP. TAV.

* *In Palamedem*) Hic Vlyssis,
qui, ne ad bellum Troianum profici-

sceretur, insaniam simulabat, fru-
dem detexit. Irritatus subinde Vly-
ses, supposititias Priami ad Palame-
dem de prodendis Graecia literas fin-
git, quibus magnam se pecuniae vim
mittere siebat Priamus. Accusatur
Palamedes, cuius interim in tentorio
auri pondus furtim infodi curaverat
Vlysses. Hic illius causam tueri se
simulat, nec ante damnum con-
tendit, quam antram a Priamo mis-
sum reperiretur. Auro reperto Pala-
medes quasi reus lapidibus obrutus
est. (Servius in II Aeneid.) Pavst.

Deinde rerum, in quibus insunt
quasi opera divina quaedam) Victor.
d. r. i. q. insunt quasi quaedam opera
divina. — Goveanus oracula legen-
dum censet. TYP. TAV.

ardores, multarumque rerum in terra portenta; atque etiam per exta inventa praesensio. A dormientibus quoque multa significata visis, quibus ex locis sumi interdum solent ad fidem faciendam testimonia deorum. In homine virtutis opinio valet plurimum. Opinio autem est, non modo eos virtutem habere, qui habeant, sed eos etiam, qui habere videantur. Itaque, quos ingenio, quos studio, quos doctrina praeditos vident, quorumque vitam constantem, et probatam, ut Catonis, Laelii, Scipionis, aliorumque plurium, reutur eos esse, quales seipsi velint. Nec solum eos censent tales esse, qui in honoribus populi, reque publica versantur, sed et oratores, et philosophos, et poëtas, et historicos; ex quorum et dictis et scriptis saepe auctoritas petitur ad faciendam fidem.

20. Expositis omnibus argumentandi locis, illud primum intelligendum est, nec ullam esse disputationem, in quam non aliquis locus incurrat, nec fere omnes locos incidere in omnem quaestionem, sed quibusdam quaestionibus alios esse aptiores locos. Quaestionum duo sunt genera; alterum infinitum, alterum definitum. Definitum est, quod ὑπόθεσις Graeci, nos *causam*: infinitum, quod θέσις illi appellant, nos *propositum* possumus nominare. Causa certis personis, locis, temporibus, actionibus, negotiis cernitur, aut in omnibus, aut in plerisque eorum; propositum autem, in aliquo eorum, aut in pluribus, nec tamen in maximis. Itaque propositum pars causae est.

Reque publica) Victor. atque in republica.

Quaestionum autem propositarum) Vulgo abest *propositarum*, quod tamen necessario adiiciendum fuit. Nam quum duo sint quaestionum genera, alterum, quod ὑπόθεσις graece, latine *causa* vocatur, alterum, quod

Graeci θέσις, Cicero *propositum* vocat, b. l. de altero genere, i. e. de proposito, quod appellat etiam *quaestionem propositam*, incipit dicere. Itaque hac disputatione absoluta cap. 21 sic finit: *Haec quum in propositis quaestionibus genera sint, easdem in causas transferuntur.*

Sed omnis quaestio, earum aliqua de re est, quibus causae continentur, aut una, aut pluribus, aut nonnunquam omnibus. Quaestionum autem propositarum, quaecunque de re sint, duo sunt genera; unum cognitionis, alterum actionis. Cognitionis sunt hae, quarum finis est scientia: ut, si quaeratur, a naturane ius profectum sit, an ab aliqua quasi conditione hominum et pactione. Actionis autem huiusmodi exempla sunt: « Sitne sapientis ad rempublicam accedere ». Cognitionis quaestiones tripartitae sunt, quum, an sit, aut quid sit, aut quale sit, quaeritur. Horum primum coniectura, secundum definitione, tertium iuris et iniuriae distinctione explicatur. Coniecturae ratio in quatuor partes distributa est: quarum una est, quum quaeritur, sitne aliquid; altera, unde ortum sit; tertia, quae id causa effecerit; quarta, in qua de mutatione rei quaeritur. Sit, necne sit: « ecquidnam honestum sit: ecquid aequum re vera; an haec tantum in opinione sint ». Unde autem sit ortum, ut, quum quaeritur: « natura, an doctrina possit effici virtus ». Causa autem efficiens sic, ut, quum quaeritur: « quibus rebus eloquentia efficiatur ». De commutatione sic: « Possitne eloquentia commutatione aliqua converti in infantiam ». Quum autem, quid sit, quaeritur, notio explicanda est, et proprietas, et divisio, et partitio. Haec enim sunt definitioni attributa; additur etiam descriptio, quam Graeci *χαρακτήρα* vocant. Notio sic quaeritur: « Sitne id aequum, quod ei, qui plus potest, utile est ». Proprietas sic: « In hominemne solum cadat, an etiam in belluas aegritudo ».

Ecquidnam honestum sit) Fortasse ante *ecquidnam* excidit *ut*. Sic statim *ut*, *quum* quaeritur.

χαρακτήρα) Hoc est a Victorio, qui haec dicit esse vetustam lectionem. Sane sic alibi appellat Cicero

graece; ceterum in Mediol. locus vacuus est; in Asc. 1, *διαγραφὴν*, pro quo manus docta in exemplo meo scripsit *ὑπογραφὴν*. In aliis, ut Iust. *καταγραφὴν*, ut opinor, e corrupta scriptura ed. Ven. *καταγράφην*. Est.

Divisio, et eodem pacto partitio, sic: « Triane genera bonorum sint ». Descriptio: « Qualis sit avarus, qualis assentator »; ceteraque eiusdem generis, in quibus natura et vita describitur. Quum autem quaeritur, quale quid sit, aut simpliciter quaeritur, aut comparate. Simpliciter: « Expetendane sit gloria? » Comparate: « Praeponendane sit divitiis gloria? » Simplicium tria genera sunt: de expetendo fugiendoque; de aequo et iniquo; de honesto et turpi. Comparationum autem duo, unum de eodem et alio: alterum de maiore et minore. De expetendo et fugiendo, huiusmodi: « Si expetendae divitiae, si fugienda paupertas? » De aequo et iniquo: « Aequumne sit ulcisci, a quocunque iniuriam acceperis? » De honesto et turpi: « Honestumne sit, pro patria mori? » Ex altero autem genere, quod erat bipartitum, unum est de eodem et alio: ut, si quaeratur, « quid intersit inter amicum et assentatorem? regem et tyrannum? » Alterum de maiore et minore: ut, si quaeratur, « eloquentiane pluris sit, an iuris civilis scientia ».

21. De cognitionis quaestionibus haecenus. Actionis reliquae sunt; quarum duo sunt genera: unum ad officium, alterum ad motum animi vel gignendum, vel sedandum, planeve tollendum. Ad officium sic: ut, quum quaeritur, « suscipiendine sint liberi? » Ad movendos animos, quum fiunt cohortationes ad defendendam rempublicam, ad gloriam, et ad laudem; quo ex genere sunt querelae, incitationes, miserationesque flebiles, rursusque oratio cum iracundiam restinguens, tum metum eripiens, tum exultantem laetitiam comprimens, tum aegritudinem abstergens. Haec quum in propositis quaestionibus genera sint, eadem in causas transferuntur.

22. Loci autem qui ad quasque quaestiones accommodati sint, deinceps est videndum. Omnes quidem illi, quos supra diximus, ad plerasque sunt, sed alii ad alias,

ut dixi, aptiores. Ad coniecturam igitur maxime apta, quae ex causis, quae ex effectis, quae ex coniunctis summi possunt. Ad definitionem autem pertinet ratio, et scientia definiendi. Atque huic generi finitimum est illud, quod appellari de eodem et altero diximus; quod genus forma quaedam definitionis est. Si enim quaeratur, idemne sit pertinacia et perseverantia, definitionibus iudicandum est. Loci autem conveniunt in eius generis quaestionem consequentes, antecedentes, repugnantes, adiunctis etiam duobus iis, qui sumuntur ex causis et effectis. Nam si hanc rem illa sequitur, hanc autem non sequitur: aut si huic rei illa antecedit, huic non antecedit: aut si huic rei repugnat, illi non repugnat: aut, si huius rei haec, illius alia causa est: aut si ex alio hoc, ex alio illud effectum est: ex quovis horum id, de quo quaeritur, idemne, an aliud sit, inveniri potest.

23. Ad tertium genus quaestionis, in quo quale sit quaeritur, in comparisonem ea cadunt, quae paulo ante in comparisonis loco enumerata sunt. In illud autem genus, in quo de expetendo fugiendoque quaeritur, adhibentur ea, quae sunt aut animi, aut corporis, aut externa vel comoda vel incommoda. Itemque quum de honesto turpique quaeritur, ad animi bona, vel mala, omnis dirigenda oratio est. Quum autem de aequo et iniquo disseritur, aequitatis loci colliguntur. Hi cernuntur bipartito, et natura et instituto. Natura partes habet duas, tuitionem sui, et ulciscendi vim. Instituto autem aequi-

Dirigenda oratio est) Ed. Omnib.
dirigenda est oratio.

Ulciscendi vim) Hanc lectionem
ascivi ex ed. Omnib. Kob. Vulgo:
ulciscendi vis.

Instituto autem aequitas tripartita est) Ita scripsi pro vulg. *institutio autem aequitatis tripartita est.* Quod ferri non posse docent antecedentia, ubi locos aequitatis bipartito cerni, et natura et instituto, dicebatur.

tas tripartita est. Vna pars legitima est, altera conveniens, tertia moris vetustate confirmata.

24. De proposito satis multa: deinceps de causa pauciora dicenda sunt. Pleraque enim sunt ei cum proposito communia.

Tria sunt igitur genera causarum: iudicii, deliberationis, laudationis. Quarum fines ipsi declarant, quibus utendum locis sit. Nam iudicii finis est ius: ex quo etiam nomen. Iuris autem partes tum expositae, quum aequitatis. Deliberandi finis, utilitas: cuius hae partes, quae modo expositae, rerum expetendarum. Laudationis finis, honestas: de qua item est ante dictum. Sed definitae iudiciorum quaestiones a suis quaeque locis, quasi propriis, instituuntur, in accusationem defensionemque partitae. In quibus existunt haec genera, ut accusator personam arguat facti; defensor aliquid opponat de tribus: aut non esse factum, aut, si sit factum, aliud eius facti nomen esse, aut iure esse factum. Itaque aut infimalis, aut coniecturalis prima appelletur: definitiva altera: tertia, quamvis molestum nomen hoc

* *Vna pars legitima*) Ius institutum in tres partes distribuitur: una pars legibus, altera pactis et conventis, tertia consuetudine antiqua constat. PRIST.

Vetustate confirmata) Post haec verba io edd. sequuntur ista: *Atque etiam rursus aequitas tripartita dicitur esse; una ad superos deos, altera ad mores, tertia ad homines pertinere. Prima pietas, secunda sanctitas, tertia iustitia aut nequitia nominatur.* In quibus ineptissimum interpolatoris emblemata nondum a quoquam observatum esse, est sane quod mireris. Primum enim haec divisio hic promissa nihil facit ad rem, qua de agitur. Deinde ubinam Cicero dixit, sancti-

talem esse aequitatem in mores? Denique quomodo absurda haec est divisio, aequitatem in pietatem, sanctitatem, postremo in iustitiam aut aequitatem dividere!

Iuris autem partes tum expositae, quum aequitatis) Sic cum ed. Venet. aut cum ed. Kob. tunc — quum legendum, non tum aequitatis, ut in multis est Edd. Respicitur enim caput 23 extr. Omnino autem haec, si abessent, nemo desideraret. Cum enim Cicero, quae paucis versibus ante exposita essent, sic in memoriam lectorum revocaret? Interpolatoris manum et hic mihi videor agnoscere.

Cuius hae partes) Victor. *cuius eae partes.*

sit, iudicialis vocetur. Harum causarum propria argumenta, ex iis sumta locis, quos exposuimus, in praeceptis oratoriis explicata sunt. Refutatio autem accusationis, in qua est depulsio criminis, quae graece *στάσις* dicitur, latine appelletur *status*: in quo primum insistit quasi ad repugnandum congressa defensio.

25. Atque etiam in deliberationibus et laudationibus iidem existunt status. Nam et negantur saepe ea futura, quae ab aliquo in sententia dicta sunt fore, si aut omnino fieri non possunt, aut sine summa difficultate non possunt. In qua argumentatione status coniecturalis existit. At, quum aliquid de utilitate, honestate, aequitate disseritur, deque iis rebus, quae iis sunt contrariae, incurrit status, aut iuris, aut nominis: quod idem contingit in laudationibus. Nam aut negari potest, id factum esse, quod laudetur; aut non eo nomine afficiendum, quo laudator affecerit; aut omnino non esse laudabile, quod non recte, non iure factum sit. Quibus omnibus generibus usus est nimis impudenter Caesar contra Catonem meum. Sed quae ex statu contentio efficitur, eam Graeci *ἀγὲρ/ἀγῶν* vocant. Mihi placet id, quoniam quidem ad te scribo, QVA DE RE AGITUR vocari. Quibus autem hoc, qua de re agitur, continetur, haec con-

* In quo primum insistit) Verbi gratia sic procedat accusatio, Roscius occidit patrem, repugnabit defensio, Roscius non occidit patrem. Hic quondam modo haeret accusatio. Hic status coniecturalis: inquirendum enim ulterius, an Roscius patrem occiderit. Eadem est celerorum statuum ratio. PAVST.

* Caesar contra Catonem meum) Nempe in Anticato, quem Caesar contra Ciceronis laudationem Catonis Vticensis scripsit.

* Quoniam quidem ad te scribo)

Int. ad ICium, nomen ei dabo e formula iuris qua de re agitur. Vid. Faber Semestr. I. 11. ENN.

Qua de re agitur) Quintil. III, 11, 18: Paulum in his secum etiam Cicero dissentit. Nam in Rhetoricis (quemadmodum supra dixi) Hermagorae est sequutus; in Topicis, ex statu effectum contentionem ἀπὸ τῶν πραγμάτων existimat, idque Trebatius, qui iuris erat consultus, alludens qua de re agitur appellat, quibus id continentur continentia, quasi firmamenta defensionis, quibus sublatis defensio nulla sit.

inentia vocentur, quasi firmamenta defensionis: quibus sublati defensio nulla sit.

26. Sed, quoniam lege firmius in controversiis disceptandis esse nihil debet, danda est opera, ut legem adiutricem et testem adhibeamus. In qua re alii quasi status existunt novi, qui appellantur legitima disceptationes. Tum enim defenditur non id legem dicere, quod adversarius velit, sed aliud. Id autem contingit, quum scriptum ambiguum est, ut duae differentes sententiae accipi possint; tum opponitur scripto voluntas scriptoris, ut quaeratur, verbane plus, aut sententia valere debeat; tum legi lex contraria affertur. Ita sunt tria genera, quae controversiam in omni scripto facere possunt, ambiguum, discrepantia scripti et voluntatis, et scripta contraria. Iam hoc perspicuum est, non magis in legibus, quam in testamentis, in stipulationibus, in reliquis rebus, quae ex scripto aguntur, posse controversias easdem existere. Horum tractationes in aliis libris explicantur. Nec solum perpetuae actiones, sed etiam partes orationis iisdem locis adiuvantur, partim propriis, partim communibus: ut in principiis, quibus ut benevoli, ut dociles, ut attentis sint, qui audiunt, efficiendum est propriis locis. Itemque narrationes, ut ad suos fines spectent, id est ut planae sint, ut breves, ut evidentes, ut credibiles, ut moratae, et cum dignitate. Quae quamquam in tota oratione esse debent, magis tamen sunt propria narranti. Quae autem consequitur narrationem fides, ea persuadendo quoniam efficitur, quia ad persuadendum loci maxime valeant, dictum est in iis, in quibus de omni ratione dicendi. Peroratio autem et alia quaedam habet, et maxime amplificatio-

* *Horum tractationes in aliis libris explicantur*) Potuit Cicero his verbis sua Rhetorica, seu de Inventione

intelligere; nihil tamen impedit, quo minus id de aliorum libris dictum accipiamus.

nem; cuius effectus is debet esse, ut aut perturbentur animi, aut tranquillentur; et, si ita iam affecti ante sunt, ut augeat eorum motus, aut sedet oratio. Huic generi, in quo et misericordia, et iracundia, et odium, et invidia, et ceterae animi affectiones perturbantur, praecepta suppeditantur aliis in libris, quos poteris mecum legere, quum voles. Ad id autem, quod te velle senseram, cumulate satisfactum esse debet voluntati tuae. Nam, ne praeterirem aliquid, quod ad argumentum in omni ratione rependum pertineret, plura quam a te desiderata erant, sum complexus, fecique quod saepe liberales venditores solent, ut, quum aedes fundumve vendiderint, rutis caesis receptis, concedant tamen aliquid emtori, quod ornaudi causa apte et loco positum esse videatur. Sic tibi nos ad id, quod quasi mancipio dare debuimus, ornamenta quaedam volumus non debita accedere.

* *Suppeditantur in aliis libris*) Ernestinus putat significari libros de Oratore, et Oratorem ad M. Brutum. Sed haud scio an putidum fuerit, de propriis libris ita scribere: quos poteris mecum legere, quum voles; nisi forte Cicero se suos ipsius libros ei explicaturum esse, ut magistrum, pro-

miserit.

* *Rutis caesis receptis*) Q. Mutius libro singulari τῶν ὀρέων, In rutis, inquit, et caesis ea sunt, quae terra non tenentur, quaeque opere structili tectoriove non continentur. Recipere autem, est excipere et reservare sibi, GOSSEAN.

M. TVLLII CICERONIS

DE

PARTITIONE ORATORIA

DIALOGVS.

SVMMARIVM

In hoc libro Cicero rogatus a Marco Filio, ut quae sibi de ratione dicendi graece tradidisset, latine explicaret, sic efficit, quod ille rogaverat, ut ad eius quaestiones de singulis argumentis breviter respondeat. Omnis nimirum doctrina dicendi distribuitur

1. in vim oratoris, quae est
 - a. in rebus
 - b. in verbis.
2. in orationem, cuius partes sunt quatuor,
 - a. duae ad rem docendam
 1. narratio,
 2. confirmatio.
 - b. duae ad impellendos animos
 1. principium,
 2. peroratio.
3. in quaestionem, quae est
 1. infinita, s. consultatio.
 2. finita, s. causa. cap. 1.

Sequuntur I. praecepta de vi oratoris, quae est in inventione, collocatione, elocutione, memoria, actione.

1. Inventio pertinet
 1. ad fidem faciendam: ea fit argumentis vel in re ipsa inestis, vel assumtis.
 2. ad motum animorum cap. 2.
2. Collocatio accommodanda est ad finem quaestionis; hic

est in consultatione fides, in causa fides et motus. Itaque tantum de causa dicendum erat. Haec distinguitur auditorum genere; nam is qui audit, est vel auscultator, vel disceptator. Ille delectatur tantum, hic statuit aliquid vel de praeteritis, ut iudex, vel de futuris, ut senatus. Hinc sunt tria genera orationis

1. iudiciale

2. deliberativum

3. id quod est in exornatione, (alias demonstrativum).

De singulis dantur praecepta collocationis. cap. 3, 4.

3. Elocutio, ad quam pertinet

1. genus eloquendi sua sponte fuzum, cap. 5, 6.

A. in simplicibus verbis, cap. 5. quae differunt

a. origine

a. nativa

b. reperta

β. natura, ut sonantiora, graviora etc.

γ. tractatione: propria, nova, prisca, translata.

B. in coniunctis, ubi spectatur

a. numerus

b. consecutio

C. in iis quae sunt simplicium et coniunctorum communia, ut sit oratio dilucida, brevis, probabilis, illustris, suavis, cap. 6.

2. genus orationis conversum ac mutatum.

4. Actio et

5. Memoria, de quibus brevissime respondetur cap. 7.

II. Praecepta de oratione cap. 8 sqq. Haec pertinent

1. ad exordia s. principia, cap. 8.

2. ad narrationem, cap. 9.

3. ad confirmationem et reprehensionem, ubi quaeritur

a. de inventione locorum,

a. in confirmatione, qui sunt

1. loci coniecturae, cap. 10.

2. definitionis, cap. 11.

3. rationis, cap. 12.

β. in reprehensione, cap. 13.

b. de tractatione argumentorum, cap. 14.

4. ad perorationem, ubi agitur

1. de amplificatione verborum, cap. 15, et rerum cap. 16;

2. de enumeratione, cap. 17.

III. *Præcepta de quaestionibus cap. 18 sqq. quarum duo sunt genera,*

1. *infinitum s. propositum, cuius duo sunt genera,*
 - a. *cognitionis, ubi quaeritur*
 1. *sit aliquid necne, cap. 18, in eoque præterea*
 - aa. *possint aliquid effici*
 - bb. *quemadmodum quidque fiat.*
 2. *quid sit, cap. 19.*
 - aa. *aliud an idem sit*
 - bb. *descriptio generis.*
 3. *quale sit*
 - aa. *simpliciter: honestum, utile, æquum*
 - bb. *ex comparatione: quid honestius, utilius, æquius.*
 - b. *actionis, cap. 20.*
 - aa. *ad rationem officii*
 - bb. *ad sedandos animos.*
 2. *finium s. causa cap. 20. Huius genera sunt*
 1. *exortatio, cuius quum sint plura et varia genera, hic tantum spectantur laudandi vituperandique rationes, cap. 21-23.*
 2. *genus deliberativum, in quo primum quaeritur*
 - a. *quid suavis agendum sit*
 1. *de utilitate, cap. 25, 26.*
 2. *de ratione efficiendi, cap. 27.*
 - b. *quid dissuadentibus, cap. 28.*
 - c. *quid utrique commune sit.*
 3. *genus iudiciale, cap. 29. sqq. in quo*
 1. *quædam ante iudicium agenda, cap. 29.*
 2. *in ipsis iudiciis, cap. 30. sqq.*
 - a. *vel factum negandum*
 - b. *vel negandum, quod fatearis factum esse, eam vim habere, et id esse quod adversarius criminetur.*
 - c. *vel rectum esse quod feceris, demonstrandum.*
- Hic primum universe exponitur disceptationis constituendæ ratio, cap. 30, 31. Deinde singulis controversiarum generibus quæ loci sint proprii quaeritur, explicanturque*
1. *loci constitutionis coniecturalis. cap. 32-35.*
 2. *definitivæ, cap. 36.*
 3. *generalis, cap. 37.*
- quibus adduntur ii qui in controversia de scripto et sententiis,*

s. in constitutione legitima occurrunt, quam Cicero ante, quam genera controversiarum enumeraret, in numero haud posuerat, cap. 38, 39.

*Epilogus habet brevem de usu philosophiae academicae adnotationem, cap. 40.**

Cicero Filius. Studeo, mi pater, latine ex te audire ea, quae mihi tu de ratione dicendi graece tradidisti; si modo tibi est otium, et si vis.

Cicero Pater. An est, mi Cicero, quod ego malim, quam te quam doctissimum esse? Otium autem primum est summum, quoniam aliquando Roma exeundi potestas data est; deinde ista tua studia vel maximis occupationibus meis anteferebam libenter.

F. Visne igitur, ut tu me graece soles ordine interrogare, sic ego te vicissim eisdem de rebus latine interrogem?

P. Sane placet. Sic enim et ego te meminisse intelligam, quae accepisti; et tu ordine audies, quae requires.

F. Quot in partes distribuenda est omnis doctrina dicendi?

P. In tres.

* *Partitiones*) Libellus hic continet rhetoricam doctrinam nuda quadam et inornata partium distributione explicatam. Vititur more Academico et Platonico. Platonici enim rerum naturam dividendo explicabant, via quadam et ratione analytica; quemadmodum contra Aristotelici definiendo. Ab aliis inscribitur opusculum hoc de *Partitione Oratoria*. FACC.

* *Filius*) M. Ciceronis filius, qui inducitur interrogans, non fuit ita hebes, ut eam quidam faciunt. Nam

et doctrinae et urbanitatis plurimum habuit, et sub Pompeio stipendia cum laude fecit, et Augusti collega in Consulatu fuit, et Syriam Proconsul obtinuit. ID.

Studeo) Ms. Vit. *aveo*.

* *Graece tradidisti*) Non est mirum, si Itali nostri artium praecepta latine tradunt, quum Latini graece traderent. FACC.

Primum est summum) Sic Gnef. bene. Vulgo, *primum summum est*, Victor. *primum et summum est*,

F. Cedo quas?

P. Primum in ipsam vim oratoris, deinde in orationem, tum in quaestionem.

F. In quo est ipsa vis?

P. In rebus, et verbis. Sed et res, et verba inveniendae sunt, et collocandae. Proprie autem in rebus invenire, in verbis eloqui dicitur. Collocare autem, etsi est commune, tamen ad inveniendum refertur. Vox, motus, vultus, atque omnis actio, eloquendi comes est, earumque rerum omnium custos memoria.

F. Quid? orationis quot sunt partes?

P. Quatuor. Earum duae valent ad rem docendam, narratio et confirmatio. Ad impellendos animos duae, principium et peroratio.

F. Quid? Quaestio quasnam habet partes?

P. Infinitam, quam *consultationem* appello, et definitam, quam *causam* nomino.

2. *F.* Quoniam igitur invenire primum est oratoris, quid quaeret?

P. Ut inveniat, quemadmodum fidem faciat eis, quibus volet persuadere, et quemadmodum motum eorum animis afferat.

F. Quibus rebus fides fit?

Proprie autem) Lamb. *proprie tamen*.

Earumque rerum omnium custos memoria) Vulg. *earumque rerum omnium custos est memoria*. Guelf. *earumque omnium rerum custos est memoria*. In Ms. Vit. est *si earum rerum omnium comes adsit memoria*. Verbum est de Ernestii sententia delevi. rerum male abest ed. Iunt.

Quam consultationem appello) Ms. Erl. *controversiam*, non bene, nam ea est causa. Alias Cicero vocat pro-

positum. Vide mox c. 3 et infra c. 18. Eax.

Quam causam nomino) Guelf. *quam controversiam causam nomino*. Lambin. *quam controversiam seu causam nomino*.

Primum est oratoris) Guelf. *principium est oratoris*. Vulgo *oratoris primum est*. Sed «Ms. Erl. ed. Iunt. Ven. *primum est oratoris*, melius. Et mox Ms. Vit. *animis eorum*, melius quam *eorum animus*.» Eax.

P. Argumentis, quae ducuntur ex locis, aut in re ipsa insitis, aut assumptis.

F. Quos vocas locos?

P. Eos, in quibus latent argumenta.

F. Quid est argumentum?

P. Probabile inventum ad faciendam fidem.

F. Quomodo igitur duo genera ista dividis?

P. Quae sine arte putantur, ea remota appello, ut testimonia.

F. Quid insita?

P. Quae inhaerent in ipsa re.

F. Testimoniorum quae sunt genera?

P. Divinum, et humanum. Divinum, ut oracula, ut auspicia, ut vaticinationes, ut responsa sacerdotum, haruspicum, coniectorum. Humanum, quod spectatur ex auctoritate, et ex voluntate, et ex oratione, aut libera, aut expressa; in quo insunt scripta, pacta, promissa, iurata, quaesita.

F. Quae sunt quae dicis insita?

P. Quae infixae sunt rebus ipsis, ut definitio, ut

P. Quae sine arte putantur, ea remota appello, ut testimonia. *F.* Quid insita? *P.* Quae inhaerent in ipsa re) Haec ita potius scribenda existimo: *P.* assumpta, quae sine arte putantur esse, remota appello, vel testimonia; insita, quas inhaerent in ipsa re, Lambinus verba *P.* quid insita? *P.* quae inhaerent in ipsa re delenda censebat. Cicero totum hoc genus argumentationum, quas ἀκτῦρος Graeci vocabant, Topic. c. 19 in testimonio positum esse dixit. Itaque h. l. non poterat dicere ut testimonia, quasi plures essent formae argumentorum, quae hic remota appellat, sed potius vel testimonia scribendum erat.

Remota cur appellet, perspicitur e Topic. c. 3.

* *Humanum*) Testimonium humanum ducitur ex auctoritate, hoc est, ex fide, fama, religione alicuius hominis; ex voluntate, hoc est ex eo, quod quis se velle declaravit; ex oratione, hoc est, ex eo, quod sponte dixit, vel dicere coactus fuit. *FACC.*

In quo insunt) Quelli, in quo sunt.

* *Quaesita*) H. l. sunt quae per tormenta expressa sunt; unde supra dicuntur expressa, et opponuntur liberis. *ENN.*

Rebus ipsis) In edd. vulgg. hic inseruntur ista: tum ex toto, tum ex partibus, tum ex notatione, tum ex iis

contrarium, ut ea, quae sunt ipsi contrariove eius aut similia, aut dissimilia, aut consentanea, aut dissentanea; ut ea, quae sunt quasi coniuncta, aut ea, quae quasi pugnantia inter se; ut earum rerum, de quibus agitur, causae, aut causarum eventus, id est, quae sunt effecta de causis; ut distributiones, ut genera partium, generumque partes, ut primordia rerum et quasi praecurrentia, in quibus inest aliquid argumenti; ut rerum contentiones, quid maius, quid par, quid minus sit, in quibus aut naturae rerum, aut facultates comparantur.

F. Omnibusne igitur ex his locis argumenta sumemus?

P. Immo vero scrutabimur et quaeremus ex omnibus; sed adhibebimus iudicium, ut levia semper reiciamus, nonnunquam etiam praetermittamus non necessaria.

F. Quoniam de fide respondisti, volo audire de motu.

P. Loco tu quidem quaeris, sed planius quod vis explicabitur, quum ad orationis ipsius quaestionumque rationem venero.

rebus, quae quodammodo affectae sunt ad id, de quo quaeritur, et ad id totum, de quo disseritur, tum definitio adhibetur, tum partium enumeratio, tum notatio verbi. Ex iis autem rebus, quae quodammodo affectae sunt ad id de quo quaeritur, alia coniuncta appellantur, alia ex genere, alia ex forma, alia ex similitudine, alia ex differentia, alia ex contrariis, alia ex coniunctis, alia ex antecedentibus, alia ex consequentibus, alia ex repugnantibus, alia ex causis, alia ex effectibus, alia ex comparatione maiorum, aut parium, aut minorum; quae totidem verbis sunt in Topicis, hic autem sa-

pervacua et aliens, ut iam Lambinus recte iudicavit. Etiam in Ms. Erl. pars aliqua abest. Itaque ex optimo iure Ernestius dicit.

Quae quasi pugnantia) Sic Ms. Vit. melius, quam, ut vulgo, *quae sunt quasi pugnantia.*

Igitur) Abest Ms. Ven.

Ex his locis) Guelf. *ex istis locis.* Ed. Ven. *ex locis istis.*

Nonnunquam etiam praetermittamus non necessaria) Sic Ms. Guelf. et Vit. Vulgo *nonnunquam etiam communia praetermittamus et non necessaria.* Sed *communia* h. l. haud apta esse bene monuit Ernestius.

3. *F.* Quid sequitur igitur?

P. Quum inveneris, collocare. In infinita quaestione, ordo est idem fere, quem exposui, locorum; in definita autem adhibenda sunt illa etiam, quae ad motum animorum pertinent.

F. Quomodo igitur ista explicas?

P. Habeo communia praecepta fidem faciendi et commovendi. Quoniam fides est firma opinio, motus autem, animi incitatio aut ad voluptatem, aut ad molestiam, aut ad metum, aut ad cupiditatem (tot enim sunt motus genera, partes plures generum singulorum): omnem collocationem ad finem accommo-
quaestionis. Nam in consultatione propositus est finis, fides: in causa, et fides et motus. Quare quum de causa dixerò, in qua est utrumque propositum, de utroque dixerò.

F. Quid habes igitur de causa dicere?

P. Auditorum eam genere distingui. Nam aut auscultator est modo qui audit, aut disceptator, id est, rei sententiaeque moderator: ita, ut aut delectetur, aut

In infinita quaestione) Vulgo cuius in infinita quaestione. Ms. Erl. cuius infinita quaestio est. Ernestius cuius unois iuclosit: equidem delere malui. Nam eo deleta omnia sunt plana.

Motum animorum) Sic ed. Ven. idque verum est. Vulgo motus animorum.

Accommo) Guelf. accommodemus.

Nam in consultatione propositus est finis) Guelf. nam est in consultatione vel propositione finis. Et sic ed. Ven.

In qua est utrumque propositum) Sic correxi vulgatum: in qua est propositum. Hoc Ernestius spurium putabat, quia in causa inesse propositum ut partem e superiori pateat,

nec hic addi deberet; et non sit peculiare genus causarum, quibus propositum inest; quum sit in omnibus, sed cum accessione. Recte ille quidem, si propositum h. l. esset substantivum, et i. q. alias consultatio, sive infinita quaestio vocatur. At quum h. l. praecedat: nam in consultatione propositus est finis fides, in causa et fides et motus, necessario sic legendum est, ut edidimus: quare quum de causa dixerò, in qua est utrumque propositum, de utroque dixerò, h. e. quum de causa dixerò, quae sibi, ut suum utrumque et fidem et modum proponit, de utroque et consultatione et causa dixerò.

* Ita ut aut delectetur, aut statuat

statuat aliquid. Statuit autem aut de praeteritis, ut iudex; aut de futuris, ut senatus. Sic tria sunt genera, iudicii, deliberationis, exornationis; quae, quia in laudationes maxime confertur, proprium habet iam ex eo nomen.

4. F. Quas res sibi proponet in istis tribus generibus orator?

P. Delectationem in exornatione: in iudicio, aut saevitiam, aut clementiam iudicis: in suasionem, aut spem, aut reformidationem deliberantis.

F. Cur igitur exponis hoc loco genera controversiarum?

P. Ut rationem collocandi ad finem cuiusque accomodem.

F. Quonam tandem modo?

P. Quia, quibus in orationibus delectatio finis est, varii sunt ordines collocandi. Nam aut temporum servantur gradus, aut generum distributiones; aut a minoribus ad maiora ascendimus, aut a maioribus ad

aliquid) Quelf. ita ut delectetur, aut ita ut statuat aliquid. Visinus apte comparavit locum Aristotelis lib. 1 Rhetor. ἀνάγκη δὲ τῶν ἀρεστέων ἢ βλαπείων, ἢ κατὰ τὴν ἀρετὴν δὲ ἢ τῶν γεγεννημένων, ἢ τῶν μολόντων. ὅστι δὲ ὁ μὲν περὶ τῶν μολόντων κρίνῃ, οἷον ἐκκλησιαστής· ὁ δὲ περὶ τῶν γεγεννημένων, οἷον ὁ δικαστής· ὁ δὲ περὶ τῆς δυνάμεως, οἷον ὁ βουλευτής, ὥστε ἐξ ἀνάγκης ἂν εἴη τρία γένη τῶν λόγων τῶν ῥητορικῶν, συμβουλευτικόν, δικαστικόν, ἐπιδεικτικόν.

* Proprium habet iam ex eo nomen) Loquitur de genere ἐπιδεικτικῷ, non autem, ut Ernestius putabat, his verbis ipsum illud nomen ἐπιδεικτικόν intelligit, quippe in quo nihil inest, quod ad laudationem pertineat.

Sed Cicero hoc dicit: tertium illud genus exornationis, sive ἐπιδεικτικόν, quia in laudationes maxime confertur, proprium habere iam ex eo nomen, l. e. ut genus laudationis dicatur. Id quod plane intelligitur e cap. 21: Ex qua partitione tria genera causarum existerunt, unum, quod a meliori parte laudationis est appellatum; deliberationis alterum; tertium iudiciorum. Similiter Graeci nonnunquam genus ἐπιδεικτικόν vocarunt ἐγκωμιαστικόν.

* Aut temporum) Qui exornat aliquem, aut eius vitam per aetatis gradus et tempora partitur: aut eius bona et virtutes in sua genera distribuit, esque rerum ipsarum ordine persequitur. Facc.

minora delabimur; aut haec inaequalia varietate distinguimus, quum parva magnis, simplicia coniunctis, obscura dilucidis, laeta tristibus, incredibilia probabilibus inteximus, quae in exornationem cadunt omnia.

F. Quid? in deliberatione quid spectas?

P. Principia, vel non longa, vel saepe nulla. Sunt enim ad audiendum qui deliberant, sua causa parati. Nec multum sane saepe narraudum est. Est enim narratio aut praeteritarum rerum, aut praesentium; suasio autem, futurarum. Quare ad fidem et ad motum adhibenda est omnis oratio.

F. Quid? in iudiciis quae est collocatio?

P. Non eadem accusatoris et rei; quod accusator rerum ordinem prosequitur, et singula argumenta, quasi hasta in manu collocata, vehementer proponit, concludit acriter, confirmat tabulis, decretis, testimoniis, accuratiusque in singulis commoratur; indignationisque praeceptis, quae ad incitandos animos valent, et in reliqua oratione paululum degrediens de cursu dicendi, utitur, et vehementius in perorando. Est enim propositum, ut iratum efficiat iudicem.

F. Quid faciendum est contra reo?

P. Omnia longe secus. Sumenda principia ad bene-

* *Aut haec inaequalia varietate distinguimus*) Sic emendavi vulg. *inaequali varietate*, quod aut nullum sensum habet, aut certe frigidissimum. Nec melius est *inaequabili varietate*, quod habet Ms. Vit. edd. Ven. Ald. Iunt. *Inaequalia* autem sunt illa minora et minora, de quibus modo dixerat: ea vult varietate distingui, h. e. parva magnis etc. quae statim sequuntur, intexi.

Rerum ordinem prosequitur) Edit. *Venerem ordinemque prosequitur*.

Et singula argumenta) Omittit

argumenta Guelf.

Quasi hasta) Ms. Vit. *quasi hastas*, non male, si legas etiam collocatas.

Indignationisque) Vulgo *perorationisque*.

* *In reliqua oratione*) Quamvis locus maxime proprius commovendi iudicis sit peroratio, tamen etiam in media oratione interdum brevi aliqua digressionis incitare cum solet, si quid forte grave inciderit. Facc.

* *Principia ad benevolentiam*) Quia reus accedit ad iudicem accusatoris oratione exasperatum. Id.

volentiam conciliandam. Narrationes aut amputandae, quae laedunt, aut relinquendae, si totae sunt molestae. Firmamenta ad fidem posita, aut per se diluenda, aut obscuranda, aut degressionibus obruenda. Perorationes autem ad misericordiam conferendae.

F. Semperne igitur ordinem collocandi, quem volumus, tenere possumus?

P. Non sane. Nam auditorum aures moderantur oratori prudenti et provido; et quod respuunt, immutandum est.

5. *F.* Expone deinceps, quae ipsius orationis verborumque praecepta sint.

P. Vnum igitur genus est eloquendi sua sponte fustum; alterum versum, atque mutatum. Illius prima vis est in simplicibus verbis; in coniunctis secunda. Simplicia inveniendae sunt; coniuncta, collocanda sunt. Et simplicia verba partim nativa sunt, partim reperta. Nativa ea, quae significata sunt sensu; reperta, quae ex his facta sunt, et novata aut similitudine, aut imitatione, aut inflexione, aut adiunctione verborum. Atque etiam est haec distinctio in verbis: altera, natura; tractatione, altera. Natura, ut sint alia sonantiora, grandiora, laeviora, et quodammodo nitidiora, alia contra. Tractatione autem, quum aut propria sumun-

Quae laedunt) Malim, si quae laedunt.

* *Per se diluenda*) Accusatoris argumenta aut refellas tanquam falsa, aut dubia et ambigua facias, aut declinando ad alia digrediaris, quae iudicis animam avocent. *Facc.*

Illius prima vis) Ita ut rescriberemus, sensus aperte postulat. Vulgo, *prima vis*.

Coniuncta, collocanda sunt) Lambinus melius: *coniuncta, collocanda*. Guelf. Ed. Vit. *coniuictio collocanda*

est. Ernestio id videbatur exquisitius; attamen est h. l. ineptum.

Quae significata sunt sensu) Cic. Orat. III, 37: *quae sunt paene nata una cum rebus ipsis.* Quintil. Inst. Or. VIII, 3, h. l. excitatus habet: *quae significata sunt primo sensu.*

Sonantiora) Sic Ernestius ex Erl. Vit. recte. Consentit Guelf. Vulg. *consonantiora.*

Grandiora) Sic MS. Vit. Vulgo *graviora.*

tur rerum vocabula, aut addita ad nomen, aut nova, aut prisca, aut ab oratore modificata et inflexa quodammodo; qualia sunt ea, quae transferuntur, aut immutantur, aut ea, quibus tanquam abutimur, aut ea, quae obscuramus, quae incredibiliter tollimus, quaeque mirabilius, quam sermonis consuetudo patitur, ornamus.

6. *F.* Habeo de simplicibus verbis; nunc de coniunctione quaero.

P. Numeri quidam sunt in coniunctione servandi, consecutioque verborum. Numeros aures ipsae metiuntur, ne aut non compleas verbis, quod proposueris, aut redundes. Consecutio autem, ne generibus, numeris, temporibus, personis, casibus perturbetur oratio. Nam, ut in simplicibus verbis, quod non est latinum, sic in coniunctis, quod non est consequens, vituperandum est.

Communia autem simplicium coniunctorumque sunt haec quinque quasi lumina, dilucidum, breve, probabile, illustre, suave. Dilucidum fit usitatis verbis, propriis, dispositis, aut circumscriptione conclusa, aut intermissione, aut concisione verborum. Obscurum autem, aut longitudine, aut contractione orationis, aut ambiguitate, aut inflexione atque immutatione verborum. Brevitas autem conficitur simplicibus verbis, semel unaquaque re dicenda, nulli rei, nisi, ut dilucide dicas, serviendo. Probabile autem genus est orationis, si non nimis est contum atque expolitum, si est auctoritas et pondus in verbis, si sententiae vel graves,

Dispositis) Guelf. Erl. *compositis*. Sed illud melius; nempe verba disponuntur vel per periodos, quae est *circumscriptio conclusa*, vel per membra, unde oratio *membratim fusa*, quae est h. l. *intermissio*, vel denique

per commata et incisa, quae est *conciatio verborum*. Eax.

* *Concisione verborum*) Vacat rō verborum. Quid enim significat oratio verbis dispositis *concisione verborum*? Facc.

vel aptae opinionibus hominum et moribus. Illustris autem oratio est, si et verba gravitate delecta ponuntur, et translata, et superlata, et ad nomen adiuncta, et duplicata, et idem significantia, atque ab ipsa actione atque imitatione rerum non abhorrentia. Est enim haec pars orationis, quae rem constituat paene ante oculos. Is enim maxime sensus attingitur; sed ceteri tamen, et maxime mens ipsa moveri potest. Sed quae dicta sunt de oratione dilucida, cadunt in hanc illustrem omnia. Est enim plus aliquanto illustre, quam illud dilucidum. Altero fit, ut intelligamus, altero, ut videre videamur. Suave autem genus erit dicendi, primum elegantia et iucunditate verborum sonantium et laevium; deinde coniunctione, quae neque asperos habeat concursus, neque disiunctos atque hiantes; et sit circumscripta non longo aufractu, sed ad spiritum vocis apto, habeatque similitudinem aequalitatemque verborum, tum ex contrariis sumtam verbis, tum ut crebra crebris paria paribus respondeant, relataque ad idem verbum, et geminata, vel etiam saepius iterata

Autem oratio est) Guelf. *autem est oratio.*

Gravitate delecta) Lambino placuit *granditate delecta aut grandia et lecta.*

Attingitur) Guelf. *accingitur.*

Sed ceteri tamen) Guelf. *sed ceteri cum.* Ernestinus opinabatur particulam et loco motam esse, ut legendum esset: *sed et ceteri tamen maxime mens.* Attamen *sed* interdum pro *sed etiam* ponitur. — De particula et inserenda consentit etiam Facciolati. Tyr. T.

Altero, ut videre videamur) Sic Guelf. Vulgo *altero vero, ut videre videamur.*

Neque disiunctos) Ernestio potius videbatur *disiunctos.*

Habeatque similitudinem aequali-

tatemque verborum, tum ex contrariis sumtam verbis, tum ut crebra crebris paria paribus respondeant) Vulgo: *habeatque — verborum, tum ex contrariis sumta verbis, crebra crebris, paria paribus respondeant.* Inepte hic post *crebris* interpungitur. Cicero loquitur de concinnitate, quae primae ex oppositione contrariorum, quae avtōluta dicuntur, deinde ex *ισοκύλοις*, sive tum oritur, quum paria paribus respondent. Ergo emendatio nostra suapte ingenio se tuebitur.

Et geminata) Vulg. additur: *atque duplicata*, s. ut Guelf. *ac duplicata.* Id nos sustulimus: esset enim ridiculum *duplicata* adducere post *geminata*,

ponantur, constructioque verborum tum coniunctionibus copuletur, tum dissolutionibus relaxetur. Fit etiam suavis oratio, quum aliquid aut invisum, aut inaudium, aut novum dicas. Delectat enim quidquid est admirabile, maximeque movet ea, quae motum aliquem animi miscet, oratio, quaeque significat oratoris ipsius amabiles mores, qui exprimuntur, aut significando iudicibus animo humano ac liberali, aut inflexione sermonis, quum aut augendi alterius, aut minuendi sui causa, alia dici ab oratore, alia existimari videntur, idque comitate fieri magis, quam vanitate. Sed multa sunt suavitatis praecepta, quae orationem aut minus obscuram, aut magis probabilem faciunt. Itaque etiam hoc loco nobis est ipsis, quid causa postulet, iudicandum.

F. Reliquum est igitur, ut dicas de conversa oratione atque mutata.

P. Est itaque id genus totum situm in commutatione verborum: quae simplicibus in verbis ita tractatur, ut aut ex verbo dilatetur, aut in verbum contrahatur oratio. Ex verbo, quum aut proprium, aut idem signi-

quod prorsus idem est. Paulo ante recte positum *duplicata*.

* *Tum coniunctionibus — tum dissolutionibus*) Illa sunt, quae dicuntur *πολυσύνδετα*, haec *ἀνύσδετα*.

Relaxetur) Ed. Ven. addit *quasi*.

* *Invisum*) Non visum, inopinatum.

Aut significando iudicibus animo humano) Ita correxi vulgatum, aut *significando iudicia ipsius ex animo humano*.

* *Inflexione sermonis*) Quum laudem suam minuit, atque alienam auget, ut contra existimetur ab auditoribus. *Facc.*

* *Magis obscurum, aut minus probabilem*) *Magis minus obscurum, aut*

magis probabilem: nec desunt MSS. codices, qui confirmant coniecturam hanc, ut observavit doctissimus Iesusita Lagomarsinus, a nobis interrogatus. *Facc.* — Huic coniecturae favet etiam codex Guelferb. testante Schutizio, ubi legitur *magis probabilem*. Codicum MSS. tantique Viri auctoritate motus, sensu praesertim postulante, hanc lectionem in textum adscrivi. *TYP. TAVER.*

Quae simplicibus in verbis ita tractatur) Guelferb. *quae simplicibus ita tractantur*.

Aut ex verbo dilatetur) Guel. *aut in verbo dilatetur*.

Aut in verbum) Gu. *aut in verbo*.

ficans, aut factum verbum in plura verba diducitur. In verbum autem contrahitur oratio, quum aut definitio ad unum verbum revocatur, aut assumpta verba remouentur, aut in circuitus diriguntur, aut in coniunctione fit unum verbum ex duobus. In coniunctis autem verbis triplex adhiberi potest commutatio, non verborum, sed ordinis tantummodo: ut, quum semel dictum sit directe, sicut natura ipsa tulerit, inuertatur ordo, et idem quasi sursum versus retroque dicatur; deinde idem intercise atque periniste. Eloquendi autem exercitatio maxime in hoc toto convertendi genere versatur.

7. F. Actio igitur sequitur, ut opinor.

P. Est ita; quae quidem oratori et cum rerum et cum verborum momentis commutanda maxime est.

* *Factum verbum*) i. e. novum; ut Orat. cap. 24, *factum ab ipso et novum*.

In verbum autem contrahitur oratio) Vulgo ex oratione, quae lectio stare nequit, quum antea Cicero dixisset: ut aut ex verbo dilutetur, aut in verbum contrahatur oratio. Postremum igitur non potest dici ex oratione. Melius esset certe ex contractione, quod habet Ed. Omnib. Veruntamen optima est, quum praetuli, lectio, quum in nonnullis editt. legi testatur Gothoffr.

* *Aut assumpta verba remouentur*) Recte explicat Ernestius, quum sublata synonymis, exergasia, epithetis solum verbum subicitur.

Aut in circuitus diriguntur) Quomodo oratio possit in verbum contrahi, si in circuitus dirigatur, difficile est dicere. Ernestii explicatio: quum quae membratum dicta sunt, ad eam speciem per periodum enuntiantur, prorsus contraria est rei, de qua

agitur. Nam Cicero de contractione, non de dilatatione hic agit. Mihi igitur videntur haec verba loco suo mota, post illa aut factum verbum in plura verba diducitur reponenda esse sic: aut in circuitus diriguntur, ita ut circuitus de periphrasi intelligatur. Ceterum in Guelf. legitur, aut circuitus diriguntur.

* *Sicut natura ipsa tulerit*) Credo Ciceronem scripsisse tulerat. Directe dicere autem est, quum res dicuntur ordine naturae, ut quod in eo est primum, etiam primo loco dicatur, et sic deinceps, deinde contra, ultimum primo loco, primum ultimo, item poero sive ordine naturali, quod est intercise, atque permiste; ut si dixeris omnia parent necessitati, quod est directe, dicas inverse, necessitati parent omnia, vel intercise omnia necessitati parent. Cuius generis multa sunt in orationibus Ciceronis, quum eadem res erat saepius dicenda. FAX,

Facit enim et dilucidam orationem, et illustrem, et probabilem, et suavem, non verbis, sed varietate vocum, motu corporis, vultu, quae plurimum valebunt, si cum orationis genere consentient, eiusque vim ac varietatem subsequenter.

F. Num quidnam de oratore ipso restat?

P. Nihil sane, praeter memoriam, quae est gemina literaturae quodammodo, et in dissimili genere persimilis. Nam ut illa constat ex notis literarum, et ex eo, in quo imprimuntur illae notae: sic confectio memoriae, tanquam cera, locis utitur, et in his imagines, ut literas, collocat.

8. *F.* Quoniam igitur vis oratoris omnis exposita est, quid habes de orationis praeceptis dicere?

P. Quatuor esse eius partes; quarum prima et postrema ad motum animi valet. Is enim initis est et perorationibus concitandus. Secunda, narratio, et tertia, confirmatio, fidem facit orationi. Sed amplificatio quamquam habet proprium locum, saepe etiam primum, postremum quidem fere semper: tamen reliquo in cursu orationis adhibenda est, maximeque quum aliquid aut confirmatum est, aut reprehensum. Itaque ad fidem quoque vel plurimum valet. Est enim amplificatio vehemens quaedam argumentatio, ut illa docendi causa sit, haec commovendi.

F. Perge igitur ordine quatuor istas mihi partes explicare.

P. Faciam, et a principiis primum ordiar. Quae quidem ducuntur aut ex personis, aut ex rebus ipsis. Sumuntur autem trium rerum gratia: ut amice, ut

Subsequentur) *Guelf.* subsequitur.
MS. VII. refert omnia ad actionem
habetque — valebit — consentiet —
subsequitur.

Initis est, et perorationibus concitandus) *Guelf.* initis et perorationibus concitandus est.

intelligenter, ut attente audiamur. Quorum primus locus est in personis nostris, disceptatorum, adversariorum; e quibus initia benevolentiae conciliandae comparantur, aut meritis nostris, aut dignitate, aut aliquo genere virtutis, et maxime liberalitatis, officii, iustitiae, fidei; contrariisque rebus in adversarios conferendis, et cum iis, qui disceptant, aliqua coniunctionis aut causa aut spe significanda; et, si in nos aliquod odium offensiove concitata sit, tollenda ea minuendave, aut diluendo, aut extenuando, aut compensando, aut deprecando. Intelligenter autem ut audiamur, et attente, a rebus ipsis ordiendum est. Sed facillime auditor discit, et, quid agatur, intelligit, si complectare a principio genus naturamque causae, si definias, si divides, si neque prudentiam eius impediās confusione partium, nec memoriam multitudine; quaeque mox de narratione dilucida dicentur, eadem etiam huc poterunt recte referri. Ut attente audiamur, trium rerum aliqua consequemur. Nam aut magna quaedam proponemus, aut necessaria, aut coniuncta cum ipsis, apud quos res agetur. Sit autem hoc etiam in praeceptis, ut, si quando tempus ipsum, aut res, aut locus, aut interventus alicuius, aut interpellatio, aut ab adversario dictum aliquod, et maxime in perorando, dederit occasionem nobis, ut dicamus aliquid ad tempus apte, ne derelinquamus: et, quae suo loco de amplifi-

Contrariisque) Recte hoc recepit Ernestus e cod. Erl. Vulgo *contrariis*.

* *(Qui disceptant)* Cum iis, qui indicantur sunt, communicata causa nostra. FAGG.

Et si in nos aliquod odium offensiove concitata sit, tollenda ea) Guelf. *et si in nos aliqua odia offensiove sint collata ea tollenda*. Vulgo *collocata ut*. Ed. Veu. *facta vel collata ut*,

Sed nec collocata, nec collata satis aptum. Rescripsi igitur *concitata*.

* *Compensando*) Meritis commemoratis. F.

Genus naturamque causae) In MS. Erl. abest *naturamque*.

Sit autem hoc etiam in praeceptis) Abest etiam Guelf. Hensingerus conj. *Sit etiam hoc in praeceptis*.

catione dicemus, multa ex his poterunt ad principiorum praecepta transferri.

9. *F.* Quid? in narratione quae tandem conservanda sunt?

P. Quoniam narratio est rerum explicatio, et quaedam quasi sedes ac fundamentum constituendae fidei, ea sunt in ea servanda maxime, quae etiam in reliquis fere dicendi partibus; quae partim sunt necessaria, partim assumpta ad ornandum. Nam ut dilucide probabiliterque narremus, necessarium est; sed assumamus etiam suavitatem. Ergo ad dilucide narrandum eadem illa superiora explicandi et illustrandi praecepta repetemus, in quibus est brevitās; eaque saepissime in narratione laudatur, de qua supra dictum est. Probabilis autem erit, si personis, si temporibus, si locis ea, quae narrabuntur, consentient; si cuiusque facti et eventus causa ponetur; si testata dici videbuntur, si cum hominum opinione, vel auctoritate, si cum lege, cum more, cum religione coniuncta; si probitas narrantis significabitur, si antiquitas, si memoria, si orationis veritas, et vitae fides. Suavis autem narratio est, quae habet admirationes, expectationes, exitus inopinatos, interposita colloquia personarum, motus animorum, dolores, iracundias, metus, laetitia, cupiditates. Sed iam ad reliqua pergamus.

10. *F.* Nempe ea sequuntur, quae ad faciendam fidem pertinent.

P. Ita est; quae quidem in confirmationem et in reprehensionem dividuntur. Nam in confirmando no-

Partim assumpta) Quelf. *partim sumta* rectius fortasse.

* *Quasi sedes*) Narratio enim viam sternit, et quasi sedem parat probationibus. Facc.

Interposita colloquia personarum, motus animorum) Sic edidi pro vulg. *interpositos motus animorum, colloquia personarum*. Cf. Quintil. Inst. Or. IV, 2, 108.

stra probare volumus: in reprehendendo, redarguere contraria. Quoniam igitur omne, quod in controversiam venit, id aut sit, necne, aut quid sit, aut quale sit quaeritur; in primo coniectura valet, in altero definitio, in tertio ratio.

F. Teneo istam distributionem. Nunc coniecturae locos quaero.

P. In verisimilibus, et in propriis rerum notis posita est tota. Sed appellemus docendi gratia verisimile, quod plerumque ita fiat; ut adolescentiam procliviorē esse ad libidinem. Propriae autem notae argumentum, quod nunquam aliter sit, certumque declarat, ut fumus ignem. Verisimilia reperiuntur ex partibus et quasi membrīs narrationis. Ea sunt in personis, in locis, in temporibus, in factis, in eventis, in rerum ipsarum negotiorumque naturis. In personis naturae primum spectantur, valetudinis, figurae, virium, aetatis, marium, feminarum; atque haec quidem in corpore; animi autem, aut quemadmodum affecti sint, virtutibus, vitiis, artibus, inertiis; aut quemadmodum commoti, cupiditate, metu, voluptate, molestia. Atque haec quidem in natura. In fortuna, genus, amicitiae, liberi, propinqui, affines, opes, honores, potestates, divitiae, libertas, et ea, quae sunt iis contraria. In locis autem et illa naturalia: maritimi an remoti a mari; plani an montuosi; laeves an asperi; salubres an pestilentes; opaci an aprici; et illa fortuita; culti an inculti; celebres an deserti; coae-

Id aut sit, necne) Vulgo *id aut sit necne sit*. Praestat autem omitti alterum sit, ut infra cap. 18.

** Sit, necne sit*) His tribus questionibus si addas quartam *cur sit*, philosophum ex rhetore facies, ut est apud Aristotelem lib. II, Posteriorum Analyticorum cap. 1. FACC.

** Propriis rerum notis*) Certis signis, quae Aristoteles in primo Rhetoricorum *τεμπήκη* vocat, et potissima sunt ad solvendam questionem an sit. 19.

In natura) Vulg. add. *spectantur*, quod recte abest ed. Ven.

dificati an vasti; obscuri an rerum gestarum vestigiis nobilitati; consecrati an profani. In temporibus autem, praesentia et praeterita et futura cernuntur. In his ipsis, vetusta, recentia, instantia, paulo post, aut aliquando futura. Insunt etiam in temporibus illa, quae temporis quasi naturam notant, ut hiems, ver, aestas, autumnus; aut anni tempora, ut mensis, ut dies, ut nox, hora, tempestas; quae sunt naturalia: fortuita autem, sacrificia, festi dies, nuptiae. Iam facta et eventus aut consilii sunt, aut imprudentiae; quae est aut in casu, aut in quadam animi permotione: casu, quum aliter cecidit, ac putatum sit; permotione, quum aut obli-vio, aut error, aut metus, aut aliqua cupiditatis causa permovet. Est etiam in imprudentia necessitas ponenda.

Instantia, paulo post, aut aliquando futura) Victor, *instantia paulo post, aut aliquando futura*.

Aut anni tempora, ut mensis, ut dies, ut nox, hora, tempestas) In his corrupta quaedam esse recte Purgoldus intellexit, eique verba aut anni tempora et tempestas delenda videbuntur. Propius autem ut constituendum h. l. veritatem accedemus, comparato loco Quintiliani V, 10, 42, ubi: «Temporis, inquit, duplex significatio est. Generaliter enim et specialiter accipitur. Primum illud est nunc, olim, sub Alexandro, quum apud Ilion pugnatum est, denique praeteritum, instans, futurum. Hoc sequens habet et constituta discrimina, aestate, hieme, noctu, interdiu; et fortuita, in pestilentia, in bello, in convivio. Latiniurum quidam satis significari putarunt, si illud generale tempus, hoc specie tempora vocarent.» Ex quo loco intelligitur, Cicerois locum, quem tractamus, ita constituendum esse: *Insunt etiam in*

temporibus illa quae temporis quasi mensuram notant, ut annus, ut mensis, ut dies, ut nox, ut hora; aut anni tempora, ut hiems, ver, aestas, autumnus; quae sunt naturalia; fortuita autem, sacrificia, festi dies, nuptiae. Vocabulum *tempestas* aut sparium est, aut ante sacrificia ponendum. Sicut enim Quintilianus *pestilentiam* in fortuitis temporibus numerat, eodem modo Cicero poterat *tempestatem* in fortuitis numerare. Praeterea emendatio nostra egregie confirmatur loco Rhetoricor. sive de Invent. lib. I, cap. 26, 27, qui hic omnino comparandus est. Ceterum in Guelf. sic legitur: *ut yemps, ut aestas, ut autumnus tempora, omissum ver et autumnus.*

Cecidit) Sic ed. Ven. melius quam *accidit*, ut vulgo.

Ac putatum sit) Ed. Kob. ac *putatum ac superatum sit*, qua in lectione forsitan latet: *ac putatum aut speratum sit*.

Est etiam in imprudentia necessitas ponenda) In Guelf. est *pouderanda*.

Rerum autem bonarum et malarum tria sunt genera. Nam aut in animis, aut in corporibus, aut extra esse possunt. Huius igitur materiae, ad argumentum subiectae, perlustrandae animo partes erunt omnes, et ad id, quod agetur, et singulis coniectura capienda. Est etiam genus argumentorum aliud, quod ex facti vestigiis sumitur, ut telum, cruor, clamor editus, litubatio, permutatio coloris, oratio inconstans, tremor, et eorum aliquid, quod sensu percipi possit; etiam si praeparatum aliquid, si communicatum cum aliquo, si postea visum, auditum, indicatum. Verisimilia autem partim singula movent suo pondere, partim, etiamsi videntur esse exigua per se, multum tamen, quoniam sunt coacervata, proficiunt. Atque in his verisimilibus insunt nonnunquam etiam certae rerum et propriae notae. Maximam autem facit fidem ad similitudinem veri, primum exemplum; deinde introducta rei similitudo; fabula etiam nonnunquam, etsi est incredibilis, tamen homines commovet.

11. F. Quid? definitionis quae ratio est et quae via?

P. Non dubium est id quidem, quin definitio genere declaretur, et proprietate quadam, aut etiam communium frequentia, ex quibus, proprium quid sit, eluceat. Sed quoniam de propriis oritur plerumque magna dissensio, definiendum est saepe ex contrariis, saepe etiam

Si ponenda verum est, non sic intelligendum, quasi necessitas sit pars quaedam aut species imprudentiae, quae vulgo dicitur. Sed imprudentia hic late sumitur, pro eventu, quem prudentia hominis aut consilium praestare non potuerit; isque eventus vel est in casu, vel in animi quadam perturbatione, vel in necessitate ponendus. Sic de Inv. II, 31: *Purgatio est, per quam eius qui accusatur, non*

factum ipsum, sed voluntas defenditur. Ea habet partes tres, imprudentiam, casum, necessitudinem.

Clamor editus) Gneiff. *clamor auditus.*

* *Proprietate*) Hac voce naturalem intelligit rei differentiam, et affectionem necessariam, quae ex differentia oritur, diciturque a Logica *proprium* quarto modo. *FACC.*

ex dissimilibus, saepe ex paribus. Quamobrem descriptiones quoque sunt in hoc genere saepe aptae, et enumeratio consequentium, imprimisque cominovel explicatio vocabuli ac nominis.

12. *F.* Sunt exposita iam fere ea, quae de facto, quaeque de facti appellatione quaeruntur. Nempe igitur ea restant, quae, quum factum constet, et nomen, qualia sint, vocatur in dubium.

P. Est ita, ut dicis.

F. Quae sunt igitur in eo genere partes?

P. Aut iure factum, depellendi aut ulciscendi doloris gratia, aut pietatis, aut pudicitiae, aut religionis, aut patriae nomine, aut denique necessitate, inscitia, casu. Nam quae motu animi et perturbatione facta sine ratione sunt, ea defensionem contra crimen in legitimis iudiis non habent, in liberis disceptationibus habere possunt. Hoc in genere, in quo, quale sit, quaeritur, iure, et recte necne factum sit, quaeri solet; quorum disputatio ex locorum descriptione sumenda est.

13. *F.* Agesis ergo, quoniam in confirmationem et reprehensionem diviseras orationis fidem, et dictum de altero est: expone nunc de reprehendendo.

P. Aut totum est negandum, quod in argumentatione adversarius sumserit, si fictum aut falsum esse possis

Quae, quum factum constet) Guelf. *quae quum et factum constat.*

Aut iure factum, depellendi aut ulciscendi doloris gratia) Guelf. *aut iure factum depelletur aut ulciscendi gratia doloris.* Forsan scripserat auctor: *aut iure factum defendetur, depellendi aut ulciscendi doloris gratia.*

Sunt, ea defensionem) Guelf. *fiunt, defensionem* —.

Liberis disceptationibus) In quibus iudices non ex iuramento et lege

sententiam ferunt, sed ex aequo et bono pro arbitrio iudicant. *Fact.*

In quo quale sit quaeritur) Vulgo additur *ex controversia*, quod hic ineptum est; cf. Cic. de Or. II, c. 26. Itaque expansi.

Iure et recte necne factum sit) Sic Guelf. a manu correctoris. Vulg. *iure et recte actum sit.*

In argumentatione) Guelf. *in argumentationem.*

docere; aut redarguenda ea, quae pro verisimilibus sumpta sunt; primum dubia sumpta esse pro certis; deinde etiam in perspicue falsis eadem posse dici; tum ex iis, quae sumserit, non effici, quod velit. Accidere autem oportet singula; sic universa franguntur. Commemoranda sunt etiam exempla, quibus simili in disputatione creditum non sit; tum conquerenda conditio communis periculi, si ingeniis hominum criminorum sit exposita vita innocentium.

14. *F.* Quoniam, unde inveniuntur quae ad fidem pertinent, habeo, quemadmodum in dicendo singula tractentur, exspecto.

P. Argumentationem quaerere videris, quae est argumenti explicatio.

F. Plane istuc ipsum desidero.

P. Est ergo (ut supra dictum est) explicatio argumenti, argumentatio; sed ea conficitur, quum sumseris aut dubium, aut non dubia, aut probabilia, ex quibus id efficias, quod aut dubium, aut minus probabile per se videtur. Argumentandi autem duo sunt genera, quorum alterum ad fidem directo spectat; alterum se inflectit ad motum. Dirigitur, quum proposuit aliquis, quod probaret,

* *Accidere autem oportet singula*) Pulcherrimam hanc lectionem erui ex edd. Omnib. Kob. Vulgo *accedere autem oportet ad singula*. Cicero enim a fasciculo baculorum imaginem mutatus est, quos si singulos accideris, i. e. ex dimidia parte incideris, facile possis universos frangere.

Quibus simili in disputatione creditum non sit) Guelf. *quibus simili disputatione creditum non est*.

Tum conquerenda) Vulgo *abest tum*. In Kob. est *tum querenda*.

Quae est argumenti explicatio) Post

haec verba in codd. MSS. et edd. adduntur ista: *quae sumpta ex iis locis, qui sunt expositi, conficienda et distinguenda dilucide est*. Ea, ut manifesto spuria, deleui. Ernestius uncis incusit.

* *Dirigitur*) *propositus*, unde *propositio*, quam Logici in scholis maiorem vocant. Face.

Quum proposuit aliquis) Sic emendandum censuit Purgoldus. Vulgo *aliquid*, quod si tenuis, subintelligendum est, orator.

assumsitque ea, quibus uiteretur, atque his confirmatis, ad propositum se retulit, atque conclusit. Illa autem altera argumentatio, quasi retro et contra, prius sumit, quae vult, eaque confirmat; deinde id, quod proponendum fuit, per motis animis iacit ad extremum. Est etiam illa varietas in argumentando, et non iniucunda distinctio: ut, quum interrogamus nosmetipsi, aut percontamur, aut imploramus, aut optamus, quae sunt cum aliis compluribus sententiarum ornamenta. Vitare autem similitudinem poterimus, non semper a proposito ordientes; et si non omnia disputando confirmabimus, breviterque interdum, quae erunt satis aperta, ponemus; quodque ex his efficietur, si id apertum sit, non habebimus necesse semper concludere.

* *Assumpsitque*) Haec est, quae a scholasticis dicitur *minor*, a Latinis *sumptio*, vel *assumptio*, graece *ἀσέπτις*. In hac igitur recta argumentatione proceditur ordine a propositione ad summptionem, a summptione ad conclusionem. FACC.

Assumsitque) Sic rescripti pro vulg. *sumsitque*.

Atque his confirmatis, ad propositum se retulit) Sic Guelf. recte. Vulg. *atque his confirmatis ad propositum retulit*; nam nisi se retulit legas, scribendum esset, *utque haec confirmata ad propositum retulit*, ut bene monet Heusingerus. Victorius habet *ad propositum sese retulit*.

* *Prius sumit*) Incipit a summptione, v. g. *Milo insidiatorem Clodium interfecit*. Postea retro pergit ad propositionem, *omnis insidiator iure interficitur*. FACC.

Est etiam illa) Sic MS. Erl. ed. Ven. Vulgo est *autem illa*. Guelf. est *aut illa*.

* *Quum interrogamus*) Quum arguamur per interrogationem, aut

per alias figuras, imperantes aliquid, aut optantes, unde oriatur vis argumenti. FACC.

Nosmet ipsi) Sic Ernestus edidit. Vulg. etiam in Guelf. *nosmet ipsos*. Si legamus, *aut quum interrogamus nosmet ipsos*, hoc significaret, *quum non alium, ut iudicem, vel adversarium, sed nosmet ipsos interrogamus*. Hoc autem loco significari videtur: *quum non exspectamus, donec alius nos interroget*. Ergo scribendum erat, *quum interrogamus nosmet ipsi*.

Aut percontamur) scil. iudicem vel adversarium.

Aut imploramus) Ita emendavit Heusingerus ad Cic. Offic. III, 10, 16, e vestigiis scripturae cod. Guelf. in quo est *imperamus*. Vulg. *imperamus* parum apte. In Orat. esp. 40, componitur *ut supplices*, ut optet. Similiter de Orat. III, 53, quae loca Heusingerus l. l. adhibuit.

Disputando confirmabimus) Sic MS. Erl. ed. Ven. Vulgo *confirmando disputabimus*.

F. Quid ? illa , quae sine arte appellantur , quae iamdudum assumpta dixisti , ecquonam modo , ecquonam loco artis indigent ?

P. Illa vero indigent ; nec eo dicuntur sine arte , quod ita sunt , sed quod ea non parit oratoris ars , sed foris ad se delata , tamen arte tractat , et maxime in testibus . Nam et de toto genere testium , quam id sit infirmum , saepe dicendum est ; et argumenta rerum esse propria , testimonia , voluntatum ; utendumque est exemplis , quibus testibus creditum non sit ; et de singulis testibus , si natura vana , si leves , si cum ignominia , si spe , si metu , si iracundia ; si misericordia impuls , si praemio , si gratia adducti ; comparandique superiore cum auctoritate testium , quibus tamen creditum non sit . Saepe etiam quaestionibus resistendum est , quod et dolorem fugientes multi in tormentis amentiti persaepe sunt , morique maluerunt falsum fatendo , quam infitiando dolere . Multi etiam suam vitam neglexerunt , ut eos , qui his cariores , quam ipsi sibi essent , liberarent ; alii autem aut natura corporis , aut consuetudine dolendi , aut metu supplicii , aut mortis , vim tormentorum pertulerunt ; alii amentiti sunt in eos , quos oderant . Atque haec exemplis firmanda sunt . Neque est obscurum , quin (quoniam in utramque partem sunt exempla , et item ad coniecturam faciendam loci) in contrariis contraria sint sumenda . Atque etiam incurrit alia quaedam in testibus et in

Ecquonam modo) Hoc abest MS. Erl. et ed. Veu. et sine sensus detrimento abfuerit . Minus bene omittitur ed. Ven. *ecquonam loco* .

Quod ita sunt , sed quod ea non parit) Gueff. *quia ita sunt , sed quia ea non parit* .

* *Saepe etiam quaestionibus resistendum est*) i. e. disputandum con-

tra ea , quae tormentis expressa sunt .

Quum infitiando dolere) Male Ernestinus ex MS. Erl. Vit. et ed. Ven. recepit *quam verum infitiando dolere* . Cicero enim loquitur de iis , qui in quaestione tormentis subiecti , malum fieri , quod non commiserunt , etiamsi mortis supplicium subeundum sit , quam idem illud pertinaciter infitiando diutius torqueri .

Cic. Op. Tom. III

B b

quaestionibus ratio. Saepe enim ea, quae dicta sunt, si aut ambigue, aut inconstanter, aut incredibiliter dicta sunt, aut etiam aliter ab alio dicta, subtiliter reprehenduntur.

15. *F.* Extrema tibi pars restat orationis, quae posita in perorando est, de qua sane velim audire.

P. Facilior est explicatio perorationis. Nam est divisa in duas partes, amplificationem et enumerationem. Augendi autem et hic est proprius locus in perorando; et in cursu ipso orationis declinationes ad amplificandum dantur, confirmata re aliqua, aut reprehensa. Est igitur amplificatio, gravior quaedam affirmatio, quae motu animorum conciliet in dicendo fidem. Ea et verborum genere conficitur, et rerum.

Verba ponenda sunt, quae vim habeant illustrandi, nec ab usu sint abhorrentia, gravia, plena, sonantia, iuncta, facta, cognominata, non vulgata, superlata, in primisque translata, nec solum in singulis verbis, sed in continentibus; soluta, quae dicuntur sine coniunctione, ut plura videantur. Augent etiam relata verba, iterata, duplicata, et ea, quae ascendunt gradatim ab humi-

* *Iuncta*) Iuncta verba dicuntur, quae composita ex aliis sunt. Ita innotata oratio apud Quintilianum lib. IX, cap. 4 opponitur incompositae. Facc.

* *Facta*) Quae ab oratore ipso formantur. Ib.

Facta) Ed. Kob. *facta*.

Imprimisque translata, nec solum in singulis verbis, sed in continentibus; soluta, quae) Pessime vulgo interpungebatur sic: *imprimisque translata, nec solum in singulis verbis, sed in continentibus soluta, quae* — Nam translata in continentibus verbis significant allegoriam. Soluta autem sunt ἀνώνυμα, idque explicatur per verba quae dicuntur sine coniunctione,

* *Nec in singulis verbis*) Malim novam hinc periodum incipere, et pro nec legere haec. Accedit fides Ms. codicis Florentini, quem inspexit rogatu meo laudatus Lagomarsinus. F.

Relata verba, iterata, duplicata) Ciceroni relata verba sunt, quae per anaphoram repetuntur; iterata, quae (figura anastrophe) in idem verbum saepius desinimus; duplicata, quum idem verbum bis deinceps ponitur.

Ab humilioribus) Debevi verbis, quod vulgo additur: esset enim ineptum verba ascendunt ab humilioribus verbis. Immo in humilioribus subintelligendum est sensibus, sive significatibus.

lioribus ad superiora; omninoque semper quasi non naturalis et non explanata oratio, sed gravibus referta verbis, ad augendum accommodatur. Haec igitur in verbis, quibus actio vocis, vultus, et gestus congruens, et apta ad animos permovendos, accommodanda est. Sed et in verbis, et in actione causa erit tenenda, et pro re agendum. Nam haec quia videntur perabsurda, quum graviora sunt, quam causa fert: diligenter, quid quamque deceat, iudicandum est.

16. Rerum amplificatio sumitur eisdem ex locis omnibus, quibus illa, quae dicta sunt ad fidem: maximeque definitiones valent conglobatae, et consequentium frequentatio, et contrariarum, et dissimilium, et inter se pugnantium rerum conflictio: et causae, et ea, quae sunt de causis orta, maximeque similitudines et exempla; fictae etiam personae; muta denique loquantur, omninoque ea sunt adhibenda, si causa patitur, quae magna habentur; quorum est duplex genus. Alia enim naturam magna videntur, alia usu: natura, ut caelestia, ut divina, ut ea, quorum obscurae causae, ut, in terris mundoque admirabilia quae sunt; ex quibus similibusque, si attendas, ad augendum permulta suppetunt; usu, quae videntur hominibus aut prodesse, aut obesse

Omninoque semper quasi non naturalis et non explanata oratio, sed gravibus referta verbis ad augendum accommodatur) Vulgo naturalis. At in naturali oratione nunquam inest ἀσέβεια. Et cur particulam quasi praeponebat vocabulo naturalis? At enim suspicor Ciceronem scripsisse: omninoque semper non vulgaris et quasi e plano oratio, sed grandibus referta verbis etc.

Quibus actio vocis, vultus et gestus congruens) Haud scio an elegantius sit, quod Lambinus dedit: actio voce,

vultu et gestu congruens.

Rerum) Ms. Erl. addit autem.

Quibus) Melius, ex quibus.

* *Consequentium frequentatio*) Enumeratio malorum, quae consequi possunt. Facc.

Natura magna) Sic Ms. Erl. Vulgo magna natura.

* *Quorum obscurae causae*) Ostenta et prodigia. Facc.

Et in terris mundoque) Gaell. ut in terrisque. An legendum: ut in terris marique — ?

vehementius; quorum sunt genera ad amplificandum tria. Nam aut caritate moventur homines, ut deorum, ut patriae, ut parentum; aut amore, ut fratrum, ut coniugum, ut liberorum, ut familiarium; aut honestate, ut virtutum, maximeque earum, quae ad communionem hominum et liberalitatem valent. Ex iis et cohortationes sumuntur ad ea retinenda; et in eos, a quibus ea violata sunt, odia incitantur, et miserratio nascitur. Proprius locus est augendi, in his rebus aut amissis, aut amittendi periculo. Nihil est enim tam miserabile, quam ex beato miser. Et hoc totum quidem moveat, si qua ex fortuna quis cadat; et, a quorum caritate divellatur, quae amittat, aut amiserit, in quibus malis sit, futurusve sit, exprimatur breviter. Cito enim arescit lacryma, praesertim in alienis malis. Nec quidquam in amplificatione nimis enucleandum est. Minuta est enim omnis diligentia. Hic autem locus grandia requirit. Illud iam est iudicii, quo quaque in causa genere utamur augendi. In illis enim causis, quae ad delectationem exornantur, ii loci tractandi sunt, qui movere possunt expectationem, admirationem, voluptatem; in cohortationibus autem bonorum ac malorum enumerationes et exempla valent plurimum. In iudiciis accusatori fere, quae ad iracundiam; reo plerumque, quae ad misericordiam pertinent. Nonnunquam tamen accusator misericordiam movere debet, et defensor iracundiam.

17. Enumeratio reliqua est, nonnunquam laudatori, suasori non saepe, accusatori saepius, quam reo, neces-

Proprius locus est augendi) Quelf. *proprius aut locus est augendi, ex quo colligas olim scriptum esse proprius autem locus est.*

Si qua ex fortuna quis cadat) Ita correcti vulg. si bona ex fortuna quis

cadat. Sed constructio est: si exprimitur breviter, qua ex fortuna quis cadat, a quorum caritate divellatur etc.

Arescit) Ed. Kolb. *carescit.*

saria. Huius tempora duo sunt, si aut memoriae dif-
fidas eorum, apud quos agas, vel intervallo temporis, vel
longitudine orationis; aut frequentatis firmamentis ora-
tionis, et breviter expositis, vim est habitura causa ma-
iorem. Et reo rarius utendum est, quod ponenda sunt
contraria; quorum dissolutio in brevitate non lucebit,
aculei pungent. Sed erit in enumeratione vitandum, ne
ostentatio memoriae suscepta videatur esse puerilis.
Id effugiet, qui non omnia minima repetet, sed, bre-
viter singula attingens, pondera rerum ipsa compre-
hendet.

18. F. Quoniam et de ipso oratore, et de oratione
dixisti, expone eum mihi nunc, quem ex tribus extre-
mum proposuisti, quaestionis locum.

P. Duo sunt, ut initio dixi, quaestionum genera;
quorum alterum, finitum temporibus et personis, cau-
sam appello: alterum infinitum, nullis neque personis,

Huius tempora duo sunt) Sic Gaelf. Idemque Ernestius recepit ex edit. Ven. Vulgo, *huius ipsa tempora duo sunt*.

* *Reo rarius*) Quia reus contra ire debet, et obiecta crimina dissolvere. Quam autem obiecta breviter, dissolvi breviter non possint, aculeos relinquant in animis iudicum. Facc.

* *Quorum dissolutio in brevitate non lucebit, aculei pungent*) Sic edit. Koh. et Ms. Ox. ψ. At Victor, *quorum dissolutio in brevitate latebit*. Pessime autem vulgo: *in brevitate lucebit*, quod est sensui prorsus contrarium. Cicero enim ait reo enumeratione parcus utendum; quia ponenda sint contraria accusatoris argumenta. Horum, inquit, dissolutio, sive refutatio in brevitate enumerationis non lucebit, quia propter breviter omnia potest satis explanari.

Ergo quod lectionem *Incebit* Lambinus e Mss. restituit, quam Gruterus in Palat. Ernestius in Vit. et edit. Ven. reperit, bene sane fecit, modo negationem addidisset.

Breviter singula) Hoc dedi pro vulg. *brevia singula*, quod non bene coit cum *attingens*.

* *Brevia singula*) Fortasse legendum *levia singula*. Nam haec modo attingenda. Mamutius leg. *brevi*. Facc.

Causam appello) « Sic ed. Ven. Ms. Vit. *causam controversiam*. Aldas et Iunta edidere *inverse controversiam causam*. Gruterus ex ed. vet. *controversiam causam*. Forlasse fuit *controversiam et causam* ENX. At *controversiam* potius est ex glossa: nam Cicero nunquam vocabulo *controversiae* sic utitur, ut pro *causa* s. definita temporibus et personis quaestione ponat.

neque temporibus notatum, propositum voco. Sed est quasi latior pars causae quaedam propositum. Inest enim infinitum in definito, et ad illud tamen referuntur omnia. Quamobrem prius de proposito dicamus; cuius genera sunt duo: cognitionis alterum; eius scientia est finis; ut, verine sint sensus; alterum actionis; quod refertur ad efficiendum quid, ut, si quaeratur, quibus officiis amicitia colenda sit. Rursus superioris genera sunt tria: sit, necne: quid sit: quale sit. Sit, necque: ut, Ius in natura sit, an in more; quid autem sit: Sitne ius id, quod maiori parti sit utile; quale autem sit: Iuste vivere, sit, necne, utile. Actionis autem duo sunt genera: unum, ad persequendum aliquid, aut declinandum; ut, Quibus rebus adipisci gloriam possis, aut quomodo invidia vitetur: alterum, quod ad aliquod commodum usumque refertur; ut, Quemadmodum sit respublica administranda, aut quemadmodum in paupertate vivendum. Rursus autem ex cognitionis consultatione, ubi, sit, necne sit, aut fuerit, futurumve sit, quaeritur, unum genus est quaestionis, possitne aliquid effici; ut, quum quaeritur, Equisnam perfecte sapiens esse possit; alterum, quemadmodum quidque fiat; ut, Quonam pacto virtus pariat, naturane, an ratione, an usu. Cuius generis sunt omnes, in quibus, ut in obscuris naturalibusque quaestionibus, causae rationesque rerum explicantur.

Sed est quasi latior pars causae quaedam propositum) Sic edidi pro vulg. *sed est consultatio quasi pars causae quaedam et controversiae*. Gruterus in Ms. repererat *propositum latior pars controversiae quam causae*. Ed. Ven. *propositum latius, quasi pars controversiae et causae*. In Ms. Ox. *sed est propositum latius quasi p. e. q. r. e.*

* *Verine sint sensus*) Vt dicebat

Epicurei, qui in sensibus ponebant veritatis criterium. Facc

Ius in natura sit) Guelf. *Vitib. us in naturane sit.*

Adipisci gloriam possis) Guelf. *adipisci gloriam possit.*

Refertur) Guelf. *referatur.*

Ex cognitionis consultatione) Guelf. *ex cogitationis consultationibus*. Lambin. *ut cogitationis consultatione.*

19. Illius autem generis, in quo, quid sit id, de quo agitur, quaeritur, duo sunt genera: quorum in altero disputandum est, aliud, an idem sit, ut pertinacia et perseverantia; in altero autem, descriptio generis alicuius, et quasi imago exprimenda est, ut, Qualis sit avarus, aut quid sit superbia.

Tertio autem in genere, in quo, quale sit, quaeritur, aut de honestate, aut de utilitate, aut de aequitate dicendum est. De honestate sic: ut, Honestumne sit pro amico periculum aut invidiam subire. De utilitate autem sic: ut, Sitne utile, in republica administranda versari. De aequitate vero sic: ut, Sitne aequum, amicos cognatis anteferre. Atque in hoc eodem genere, in quo, quale sit, quaeritur, exoritur aliud quoddam disputandi genus. Non enim simpliciter solum quaeritur, quid honestum sit, quid utile, quid aequum, sed etiam ex comparatione, quid honestius, quid utilius, quid aequius: atque etiam, quid honestissimum, quid utilissimum, quid aequissimum: cuius generis illa sunt, quae praestantissima sit dignitas vitae.

20. Atque ea quidem, quae dixi, cognitionis sunt omnia. Restant actionis: cuius alterum est praecipienti genus, quod ad rationem officii pertinet: ut, Quemadmodum colendi sint parentes; alterum autem ad sedandos animos, et oratione sanandos, ut in consolandis moeroribus, ut in iracundia comprimenda, aut in timore tollendo, aut in cupiditate minnenda. Cui quidem generi contrarium est disputandi genus ad eosdem illos animi motus, quod in amplificanda oratione saepe faciendum est, vel gignendos, vel concitandos. Atque haec fere est partitio consultationum.

Animi motus, quod in amplificanda oratione *motus, quod in amplificatione orationis.*
Ed. Ven. animorum *us.*

F. Cognovi: sed quae ratio sit in his inveniendi et disponendi, requiro.

P. Quid? tu aliamne censes, et non eandem, quae est exposita, ut ex eisdem locis ad fidem et ad inveniendum ducantur omnia? Collocandi autem quae est exposita in aliis ratio, eadem huc transfertur.

21. Cognita igitur omni distributione propositarum consultationum, causarum genera restant admodum. Et earum quidem forma duplex est: quarum altera delectationem sectatur aurium: alterius, ut obtineat, probet, et efficiat quod agit, omnis est suscepta contentio. Itaque illud superius, *exornatio* dicitur: quod quum latum genus esse potest, saneque varium, unum ex eo delegimus, quod ad laudandos claros viros suscipimus, et ad improbos vituperandos. Genus enim nullum est orationis, quod aut uberius ad dicendum, aut utilius civitatibus esse possit, aut in quo magis orator in cognitione virtutum vitiorumque versetur. Reliquum autem genus causarum, aut in provisione posteriori temporis, aut in praeteriti disceptatione versatur: quorum alterum deliberationis est, alterum iudicii. Ex qua partitione tria genera causarum extiterunt: unum, quod a meliori parte, laudationis est appellatum; deliberationis alterum; tertium iudiciorum.

Et non eandem) Vulgo additur esse, quod melius obest ed. Ven. Ma. Vit. it. Guelf. in quo scriptum: et non eadem quae exposita est.

Causarum genera) Guelf. Ox. V. controversiarum earum genera. Ox. V. et ed. Kob. addit et praeccepta. Lambinus: controversiarum sive causarum genera.

Restant admodum) Sic Guelf. Erl. Ox. V. In edit. Kob. amodo. Vulg. restant omnino.

Quod unum latum genus esse potest)

Ernestius aut quoniam, aut possit scribendum esse monet. Mihi placet: quod quoniam latum genus est. Paulo post Lambinus edidit: tum unum ex eo delegimus.

Suscepimus) Sic Guelf. Vulgo suscepimus, quod iam Ernestius ex ed. Ven. recte correxit.

A meliori parte) Quia melius est laudare, quam vituperare, genus hoc a primo nomen sumpsit. Fortasse legendum meliore. Cicero enim casus huiusmodi efferre solet per e. F,

Quamobrem de primo primum, si placet, disputemus.

F. Mihi vero placet.

P. Ac laudandi vituperandique rationes, quae non ad bene dicendum solum, sed etiam ad honeste vivendum valent, exponam breviter, atque a principiis exordiar et laudandi et vituperandi. Omnia enim sunt profecto laudanda, quae coniuncta cum virtute sunt; et quae cum vitiis, vituperanda. Quamobrem finis alterius est honestas, alterius turpitudine. Conficitur autem genus hoc dictionis, narrandis exponendisque factis, sine ullis argumentationibus, ad animi motus leniter tractandos magis, quam ad fidem faciendam aut confirmandam accommodatae. Non enim dubia firmanantur, sed ea, quae certa, aut pro certis posita sunt, augentur. Quamobrem ex iis, quae ante dicta sunt, et narrandi, et arguendi praecepta repetentur. Et, quoniam in his causis omnis ratio fere ad voluptatem auditoris et ad delectationem refertur, utendum erit iis in oratione singulorum verborum insignibus, quae habent plurimum suavitatis: id est, ut factis verbis, aut vetustis, aut translatis frequenter utamur, et in ipsa constructione verborum, ut paria paribus, et similia similibus saepe referantur: ut contraria, ut geminata, ut circumscripta numerose, non ad similitudinem versuum, sed ad explendum aurium sensum, apto quodam quasi verborum modo. Adhibendaque frequentius etiam illa ornamenta rerum sunt, sive quae admirabilia et nec opinata, sive significata monstris, prodigiis, et oraculis,

Omnia enim sunt profecto laudanda) Lambinus delevit enim.

Quae coniuncta cum virtute sunt) Gu. omittitur coniuncta.

* *Verborum insignibus*) Significat verborum figuras. Facc.

Quae habent) Ernestius mavult quae habeant.

Id est, ut factis verbis) Ed. Ven id sit, id factis verbis, quod placuit Ernestio.

Ornamenta rerum) Rerum ornamenta opponuntur insignibus verborum, de quibus paulo ante.

* *Significata monstris etc.*) De omnibus fere antiquitatis viris, qui.

sive quae videbuntur ei, de quo agimus, accidisse divina atque fatalia. Omnis enim expectatio eius, qui audit, et admiratio, et improvisi exitus, habent aliquam in audiendo voluptatem.

Sed quoniam in tribus generibus bona malave versantur, externis, corporis, et animi: prima sunt externa, quae ducuntur a genere; quo breviter modiceque laudato; aut, si erit infame, praetermisso; si humile, vel praeterito, vel ad augendum eius, quem laudes, gloriam tracto, deinceps, si res patietur, de fortunis erit et facultatibus dicendum. Postea de corporis bonis; in quibus quidem, quae virtutem maxime significat, facillime forma laudatur. Deinde est ad facta veniendum, quorum collocatio triplex est. Aut enim temporum servandus est ordo, aut in primis recentissimum quodque dicendum, aut multa et varia facta in propria virtutum genera sunt digerenda.

22. Sed hic locus virtutum atque vitiorum latissime patens, ex multis et variis disputationibus nunc in quandam angustam et brevem concludetur. Est igitur vis virtutis duplex. Aut enim scientia cernitur virtus, aut actione. Nam, quae prudentia, quae calliditas, quaeque

ad summum vel dignitatis, vel virtutis fastigium pervenerunt, talia quaedam narrari a laudatoribus solent. *FACC.*

Prodigiis et oraculis) Lambinius: prodigiis, oraculis.

Accidisse) Guelf. ed. Ven. cecidisse. Forsan rectius.

In tribus generibus) Guelf. tribus in generibus.

Malave) Lambin. malaque.

* *Tracto*) Optime sic Ernestius correxit vulgatum *tacto*, frustra que obnititur Purgoldus. Humile genus ad gloriam eius, quem laudes, trahitur,

quom ostenditur, cum, quamvis ignobili genere natus, tamen virtute sua ad dignitatem evasisse.

Patietur) Sic Ernestius ex edit. Ven. cuius marginis habet *patitur*. Vulgo *patitur*.

Et facultatibus) Guelf. facultatibusque.

Digerenda) Hoc pro vulg. *dirigenda* reposuimus. Ernestius vel *dirigenda*, vel *digerenda* legendum censiebat, sed ita ut hoc maxime probaret. Et iam olim Lambinius receperat.

gravissimo nomine sapientia appellatur, haec scientia pollet una. Quae vero moderandis cupiditatibus, regendis-que animi motibus laudatur, eius est munus in agendo: cui temperantiae nomen est. Atque illa prudentia in suis rebus, domestica; in publicis, civilis appellari solet. Temperantia in suas itidem res, et in communes distributa est, duobusque modis in rebus commodis discernitur; et ea, quae absunt, non expetendo, et ab iis, quae in potestate sunt, abstinendo. In rebus autem incommodis est itidem duplex. Nam quae venientibus malis obstat, fortitudo; quae, quod iam adest, tolerat et perfert, patientia nominatur. Quae autem haec uno genere complectitur, magnitudo animi dicitur; cuius est liberalitas, in usu pecuniae; simulque altitudo animi, in capiendis incommodis, et maxime iniuriis; et omne, quod est eius generis, grave, sedatum, non turbulentum. In communione autem quae posita pars est, iustitia dicitur, eaque erga deos, religio; erga parentes, pietas; creditis in rebus, fides; in moderatione animadvertendi, lenitas; in amicitia, benevolentia nominatur. Atque haec quidem virtutes cernuntur in agendo. Sunt autem aliae quasi ministrae comitesque

Temperantia in suas itidem res) Sic Guelf. omisso autem, quod vulgo ponitur post *temperantia*, h. l. autem, quia sequitur *itidem*, melius abest.

Quae, quod iam adest) Lambinus: quae vero ea, quae iam adsunt.

In capiendis) Ms. Erl. in dimit- tendis. Recte Ernestius capiendis intellexit accipiendis et tolerandis. Lambinus habet accipiendis.

Non turbulentum) Recte sic Lambinus; item Ern. ex ed. Venet. Vulgo vel non turbulentum.

Erga parentes, pietas) Inepte in edd. additur: vulgo autem bonitas;

in quo mirum est monachi alicuius manus neminem adhuc deprehendisse. Quis enim unquam fando audivit, apud Latinos pietatem erga parentes vulgo bonitatem appellatam fuisse?

In amicitia benevolentia nominatur) Vulgo in benevolentia amicitia nominatur, quod esset absurdum.

* *Ministrae*) Dialectica et Rhetorica ad scientiam et prudentiam pertinent tanquam comites ac ministrae. Sed ipsae quoque valde conveniunt inter se, nec differunt nisi modo quodam, FACC.

sapientiae: quarum altera, quae sint in disputando vera atque falsa, quibusque positis quid sequatur, distinguit et iudicat; quae virtus omnis in ratione scientiaque sita est; altera autem oratoria. Nihil enim est aliud eloquentia, nisi copiose loquens sapientia; quae ex eodem hausta genere, illa, quae in disputando est, uberior est atque latior, et ad motus animorum, vulgique sensus accommodatur. Custos vero virtutum omnium, dedecus fugiens, laudemque maxime consequens, verecundia est. Atque hi sunt fere quasi quidam habitus animi, sic affecti et constituti, ut sint singuli inter se proprio virtutis genere distincti; a quibus ut quaeque res gesta est, ita sit honesta necesse est, summeque laudabilis. Sunt autem alii quidam perfecti animi habitus, ad virtutem quasi praeculti, et praeparati rectis studiis et artibus; ut, in suis rebus, studia literarum, ut numerorum ac sonorum, ut mensurae, ut siderum, ut equorum, ut venandi, ut armorum: in communibus, propensiora studia in aliquo virtutis genere colendo, aut divinis rebus deserviendo, aut parentibus, amicis, hospitibus, praecipue atque insigniter diligendis.

Omnis in ratione scientiaque sita est) Vulgo post scientiaque additur *disputandi*, nempe e glossa.

Nihil enim est) Guelf. rectius: *Nihil est enim*.

Quae ex eodem hausta genere illa, quae in disputando est, uberior est) Vulgo, *quae ex eodem hausta genere, quo illa*. Delevi quo, et illa est absolutivus.

Quae in disputando est) Sic Gu. Erl. Edd. Ven. Iunt. Vulg. *quae in disputanda*, ellipsi hic duriora.

Sunt autem etc.) Alii habitus, qui rectis studiis et artibus hominem praeparant ad virtutem. Facc.

Perfecti) Hoc epitheton Ernestio iure suspectum, et iam Lambinus id deleverat. Ed. Ven. *ficti*.

In suis rebus) In rebus privatis. Grammatica enim, Arithmetica, Musica, Geometria ad privatum commodum referuntur. Facc.

In communibus) In iis, quae ad societatis bonum pertinent, versantur habitus illi, qui nos ad iustitiam praeparant et ad virtutes reliquas iustitiae socias. Id.

In aliquo virtutis genere colendo) Vulgo *praecipue colendo*. Sed praecipue hic languet; et ab ed. Victor. rectius abest.

Atque haec quidem virtutum. Vitiorum autem sunt genera contraria. Cernenda autem sunt diligenter, ne fallant ea nos vitia, quae virtutem videntur imitari. Nam et prudentiam malitia, et temperantiam immanitas in voluptatibus aspernandis, et magnitudinem animi superbia in extollendis, et despicientia in contemnendis honoribus, et liberalitatem effusio, et fortitudinem audacia imitatur, et patientiam duritia immanis, et iustitiam acerbitas, et religionem superstitio, et lenitatem mollitia animi, et verecundiam timiditas, et illam disputandi prudentiam cōcertatio captatioque verborum, et hanc oratoriam vim inanis quaedam profluentia loquendi. Studiis autem bonis similia videntur ea, quae sunt in eodem genere nimia.

23. Quamobrem omnis vis laudandi vituperandique ex his sumetur virtutum vitiorumque partibus; sed in toto quasi contextu orationis haec erunt illustranda maxime, quemadmodum quisque generatus, quemadmodum educatus, quemadmodum institutus moratusque fuerit; et, si quid cui magnum aut incredibile acciderit, maximeque si id divinitus accidisse poluerit videri; tum quod quisque senserit, dixerit, gesserit, ad ea, quae proposita sunt, virtutum genera accommodabuntur, ex illisque iisdem inveniendi locis causae rerum, et eventus, et consequentia requirentur. Neque vero mors eorum, quorum vita laudabitur, silentio praeteriri debet, si modo quid erit animadvertendum, aut in ipso

Vitiorum autem sunt genera contraria) Guelf. vitiorum autem genera sunt contraria.

Animi superbia in extollendis, et despicientia in contemnendis honoribus) Vulg. male animi superbia in animis extollendis et despicientia in

contemnendis honoribus. Nam extollere est contrarium verbi contemnere; et utrumque ad honorem pertinet. Lambinus edidit: et verae gloriae laudisque studium despicientia in contemnendis honoribus.

Maximeque) Guelf. maxime.

genere mortis, aut in iis rebus, quae post mortem erunt consequutae.

24. *F.* Accepi ista, didicique breviter, non solum quemadmodum laudarem alterum, sed etiam quemadmodum eniterer, ut possem ipse iure laudari. Videamus igitur deinceps, in sententia dicenda quam viam, et quae praecepta teneamus.

P. Est igitur in deliberando finis utilitas, ad quem omnia ita referuntur in consilio dando, sententiaeque dicenda, ut illa prima sint suasori, aut dissuasori videnda, quid aut possit fieri, aut non possit, et quid aut necesse sit, aut non necesse. Nam et, si quid effici non potest, deliberatio tollitur, quamvis utile sit; et, si quid necesse est (necesse autem id est, sine quo salvi liberive esse non possumus), id est reliquis et honestatibus in civili ratione et commodis anteponendum. Quum autem quaeritur, quid fieri possit, videndum etiam est, quam facile possit. Nam quae perdifficilia sunt, perinde habenda saepe sunt, ac si effici non possint. Et quum de necessitate attendemus, etsi aliquid non necessarium videbitur, videndum tamen erit, quam sit magnum. Quod enim permagnum est, pro necessario saepe habetur. Itaque quum constet hoc genus causarum ex suasionem et dissuasionem, suasori proponitur simplex ratio: si et utile est, et fieri potest, fiat. Dissuasori duplex: una, si utile non est, ne fiat; altera, si fieri non potest, ne suscipiatur. Sic suasori utrumque docendum est, dissuasori alterum infirmare sat est.

25. Quare, quoniam in his versatur omne consilium duobus, de utilitate ante dicamus, quae in discernendis

Etsi aliquid non necessarium) Gu.
etiamsi aliquid n. n.

Quod enim permagnum est) Sic

MS. Ox. ψ. Lambin. al. Vulgo quod enim permagni interest.

** Suasori utrumque) Et esse utile, et fieri posse. F.*

bonis malisque versatur. Bonorum autem partim necessaria sunt, ut vita, pudicitia, libertas, ut liberi, coniuges, germani, parentes: partim non necessaria; quorum alia sunt per se expetenda, ut ea, quae sita sunt in officiis atque virtutibus: alia, quod aliquid commodi

Pudicitia) Frustra Pargoldus corrigit *prudencia*. Nam quum bona necessaria sint, quae nobis naturae necessitate, non voluntate nostra parantur, *pudicitia*, h. e. flos virginitalis aut pubertatis incorruptus est in bonis necessariis. Itaque recentiores iuris naturae doctores virginitalatem referunt ad suum naturale connatum.

Coniuges) Si Cicero sibi constitit, non potuit *coniuges*, qui non natura dantur, sed voluntate inunguntur, inter bona necessarij referre. Fortasse igitur scripsit *cognati*.

Partim non necessaria; quorum alia sunt per se expetenda, ut ea, quae sita sunt in officiis atque virtutibus: alia, quod aliquid commodi efficiunt, ut opes et copiae. Eorum autem, quae propter se expetuntur, partim honestate ipsa, partim commoditate aliqua expetuntur: honestate, ea, quae proficiuntur ab iis virtutibus, de quibus paulo ante est dictum; quae sunt laudabilia ipsa per se; commoditate autem aliqua, quae sunt in corporis aut in fortunae bonis expetenda. Quorum alia sunt quodammodo cum honestate coniuncta, ut honos, ut gloria; alia diversa, ut vires, forma, valetudo, nobilitas, divitiae, clientelae.) In his verbis quae inesset difficultas, acute sensu diligentissimus interpret, Streberus, quam, qui sequuti sunt, fere dissimulant. Recte enim ille: «Haec divisio, inquit, mirabilem quandam videtur habere difficultatem. Nam secundum membrum confundit, et priori commacet. Et paulo post divi-

tias referre videtur ad ea, quae propter se expetuntur.» Sed Streberus difficultatem sensit potius quam expredivit. Neque vero ipse, si genuina sint in his verbis omnia, aliud asserere possum, quam ut Ciceronem subtilitatis in parlando neglectae arguam. Fieri tamen potest, ut interpolatione locus corruptus sit. Nihil enim superest, quod quemquam offendere possit, si hunc locum sic a Cicero scriptum esse statuamus: *partim non necessaria. Horum partim propter se et honestate ipsa, partim commoditate aliqua expetuntur; honestate, ea quae proficiuntur ab iis virtutibus, de quibus paulo ante est dictum; quae sunt laudabilia ipsa per se; commoditate autem aliqua, quae sunt in corporis aut in fortunae bonis expetenda. Quorum alia sunt quodammodo cum honestate coniuncta, ut honos, ut gloria; alia diversa, ut vires, forma, valetudo, nobilitas, divitiae, clientelae.* Sic bonorum divisio planissime convenit ei, quam latius explicavit Rhetoricor. sive de Inv. II, cap. 52, qui locus hic omnino consulendus est. Verba quorum alia sunt per se — efficiunt, ut opes et copiae, ex glossa marginali grammatici, qui ea, quae a Cicero ne b.l. dicuntur in breviorum summam vellet contrahere, in textum immigrasse videntur.

Per ea, quae sita sunt) Gell. ut quae sita sunt.

Alia quod aliquid commodi efficiunt) Gell. alia quamquam aliquid commodi efficiunt, ubi in quamquam

efficiunt, ut opes et copiae. Eorum autem, quae propter se expetuntur, partim honestate ipsa, partim commoditate aliqua expetuntur: honestate, ea, quae profisciscuntur ab iis virtutibus, de quibus paulo ante est dictum; quae sunt laudabilia ipsa per se; commoditate autem aliqua, quae sunt in corporis aut in fortunae bonis expetenda. Quorum alia sunt quodammodo cum honestate coniuncta, ut honos, ut gloria; alia diversa, ut vires, forma, valetudo, nobilitas, divitiae, clientelae. Est etiam quaedam quasi materies subiecta honestati: quae maxime spectatur in amicitiis. Amicitiae autem caritate et amore cernuntur. Nam cum deorum, tum parentum patriaeque cultus, eorumque hominum, qui aut sapientia, aut opibus excellunt, ad caritatem referri solet. Coniuges autem, et liberi, et fratres, et alii, quos usus familiaritasque coniunxit, quamquam etiam caritate ipsa, tamen amore maxime continentur. In his igitur rebus quum bona sint, facile est intellectu, quae sint contraria. Quodsi semper optima tenere possemus, haud sane, quoniam quidem ea perspicua sunt, consilio multum egeremus.

26. Sed quia temporibus, quae vim habent maximam, persaepe evenit, ut utilitas cum honestate certet, earumque rerum contentio plerumque deliberationes efficit: ne aut opportuna propter dignitatem, aut honesta propter utilitatem relinquantur, ad hanc difficultatem explicandam praecepta referamus. Et quoniam non ad veritatem solum, sed etiam ad opinionem eorum, qui audiunt, accommodanda est oratio: hoc

Hemingero videbatur latere. quoniam.

Aut in fortunae bonis) Sic Guelf.

Volgo aut fortunae bonis. Ernestius

item ex ed. Ven. addidit in.

Sunt quodammodo) Volgo: sunt

quasi quodammodo. Guelf. Edl. omit-

tunt quodammodo. Quod imitatus est

Ernestius. Sed melius deletur quasi.

Et alia quos usus) Guelf. et hu-

quos usus.

primum intelligamus, hominum duo esse genera; alterum indoctum et agreste, quod anteferat semper utilitatem honestati; alterum humanum et politum, quod rebus omnibus dignitatem anteponat. Itaque huic generi laus, honor, gloria, fides, iustitia, omnisque virtus; illi autem alteri, quaestus, emolumentum, fructusque proponitur. Atque etiam voluptas, quae maxime est inimica virtuti, bonique naturam fallaciter imitando adulterat, quam immanissimus quisque acerrime sequitur, neque solum honestis rebus, sed etiam necessariis anteposit, in suadendo, quum ei generi hominum consilium des, saepe sane laudanda est. Et illud videndum, quanto magis homines mala fugiant, quam sequantur bona. Nam neque honesta tam expetunt, quam devitant turpia. Quis enim honorem, quis gloriam, quis laudem, quis ullum decus tam unquam expetat, quam ignominiam, infamiam, contumeliam, dedecus fugiat? quarum rerum dolor gravis est. Est genus hominum ad honestatem natum, malo cultu pravisque opinionibus corruptum. Quare in cohortando atque suadendo propositum quidem nobis erit illud, ut doceamus, qua via bona

Atque etiam voluptas) Hic locus in vulgatis libris prava interpunctione vitiosus est, quam nos correximus. Primum initium novae periodi est in *Atque etiam*, et sic est in ed. Ven. Deinde omnia uno tenore continuantur, desinuntque in *laudanda est*, ubi et finit ed. Iunt. quum stulte in vulgatis novi etiam capitis initium sit in verbis in *suadendo*. Rursus initium novae sententiae est in verbis, *Et illud videndum*, ut est etiam in MS. Vit. — Ed. Ven. *videndum est*. ERR.

Quae maxime est inimica virtuti) Guelf. *quae maxime est virtuti inimica*.

• *Et generi*) Indoctis et agrestibus.

• *Et illud*) Legendum puto *at illud*. His enim hominibus laudanda quidem voluptas est, quam consequi possunt; at magis aperiendi dolores sunt, quas effugient. FACC.

Neque honesta tam expetunt) Gu. *neque tam honestatem expetunt*.

Quarum rerum dolor gravis est testis, genus hominum — opinionibus esse corruptum) Optimam hanc lectionem praebet cod. Erl. Vulgo sic: *quarum rerum dolor gravis est. Est genus hominum — opinionibus corruptum*.

consequi, malaque vitare possimus; sed apud homines bene institutos plurimum de laude et de honestate dicemus; maximeque ea virtutum genera tractabimus, quae in communi hominum utilitate tuenda augendaque versantur. Sin apud indoctos imperitosque dicemus, fructus, emolumenta, voluptates, vitiationesque dolorum proferantur; addantur etiam contumeliae atque ignominiae. Nemo est enim tam agrestis, quem non, si ipsa minus honestas, contumelia tamen et dedecus magno opere moveat.

27. Quare, quod ad utilitatem spectet, ex iis, quae dicta sunt, reperietur: quid autem possit effici, necne, in quo etiam, quam facile possit, quatuor expedit, quaeri solet, maxime ex causis iis, quae quamque rem efficiant, est videndum. Causarum autem genera sunt plura. Nam sunt aliae, quae ipsae conficiunt; aliae, quae vim aliquam ad conficiendum afferunt. Itaque illae superiores, conficientes vocentur; hae reliquae ponantur in eo genere, ut sine his confici non possit. Conficiens autem causa alia est absoluta et perfecta per se; alia aliquid adiuvans, et efficiendi socia quaedam; cuius generis vis varia est, et saepe aut maior, aut minor, ut et illa, quae maximam vim habet, sola saepe causa dicatur. Sunt autem aliae causae, quae aut propter principium, aut propter exitum, conficientes vocantur. Quum autem quaeritur, quid sit optimum factu; aut utilitas, aut spes effi-

Nam enim est) Gu. melius nemo est cuius.

Quem non, si ipsa minus honestas, contumelia tamen) Lambin. quem non, si minus ipsa honestas, at contumelia tamen, haud scio an concinnis.

Quare quod ad utilitatem spectet) Sic Guelf. Ed. Vit. ed. Ven. Vulg. spectat.

Quid autem possit effici nec ne) Sic

Ernestius edidit. Vulgo quod possit effici nec ne possit. At MS. Ecl. et ed. Ven. quid possit. Optimum videtur cum Lambino legere: equid autem possit effici necne.

Quae vim aliquam ad conficiendum afferunt) Guelf. quae vim ad conficienda aliqua afferunt. Lambin. quae vim aliquam ad conficiendum operiunt.

ciendi ad assentiendum impellit animos. Et, quoniam de utilitate iam diximus, de efficiendi ratione dicamus. Quo toto genere, quibuscum, et contra quos, quo tempore, aut quo loco, aut quibus facultatibus armorum, pecuniae, sociorum, earumve rerum, quae ad quamque rem efficiendam pertinent, possimus uti, requirendum est. Neque solum ea sunt, quae nobis suppetunt, sed etiam illa quae adversantur, videnda. Et, si ex contentione procliviora erunt nostra, non solum effici posse quae suademus, erit persuadendum, sed curandum etiam, ut illa facilia, proclivia, incunda videantur.

28. Dissuadentibus autem, aut utilitas labefactanda est, aut efficiendi difficultates efferendae, neque aliis ex praeceptis, sed iisdem ex suasionis locis.

Uterque vero ad augendum habeat exemplorum aut recentium, quo notiora sint, aut veterum, quo plus auctoritatis habeant, copiam. Maximeque sit in hoc genere meditatus, ut possit vel utilia ac necessaria saepe honestis, vel haec illis anteferre. Ad commovendos autem animos maxime proficient, si incitandi erunt, huiusmodi sententiae, quae aut ad explendas cupiditates, aut ad odium satiandum, aut ad ulciscendas iniurias pertinebunt; sin autem reprimendi, de incerto statu fortunae, dubiisque eventis rerum futurarum, et retinendis suis fortuneis, si erunt secundae, sin autem adversae, de periculo, comminandi. Atque hi quidem sunt perorationis loci. Principia autem in sententiis dicendis brevia esse debent. Non enim simplex, ut ad iudicem, venit orator, sed hortator, atque auctor. Quare propo-

Quo toto genere quibuscum) Melius Lambin. quo toto in genere, et quibuscum. — Idem deinde: et quo tempore, et quo loco, et quibus facultatibus.

Suppetunt — quae adversantur) Gu.

quae adversantur. Ernestius ex ed. Ven. suppetant — adversantur.

Huiusmodi) Gualf. eiusmodi.

* Sententiae) Dicta quaedam, quae in communibus proverbiiis versantur.

Atque hi quidem sunt perorationis

nere, qua mente dicat, quid velit, quibus de rebus dicturus sit, debet, hortarique ad se breviter dicentem audiendum. Tota autem oratio, simplex, et gravis, et sententiis debet ornatiores esse, quam verbis.

29. *F.* Cognovi iam laudationis et suasionis locos. Nunc, quae iudiciis accommodata sint, exspecto; idque nobis genus restare unum puto.

P. Recte intelligis. Atque eius quidem generis finis est aequitas; quae non simpliciter spectatur, sed ex comparatione nonnunquam: ut, quum de verissimo accusatore disputatur, aut quum hereditatis sine lege, aut sine testamento, petitur possessio; in quibus causis quid aequius, aequissimumve sit, quaeritur; quas ad causas facultas petitur argumentationum ex iis, de quibus mox dicetur, aequitatis locis.

Atque etiam ante iudicium, de constituendo ipso iudicio solet esse contentio, quum aut, sitne actio illi, qui agit, aut iamne sit, aut num iam esse desierit, aut illane lege, hisne verbis sit actio, quaeritur. Quae etiam si ante, quam res in iudicium venit, aut concertata, aut diiudicata, aut confecta non sunt: tamen in ipsis

loci) Guelf. atque hi quidem perorationum sunt loci.

Atque eius quidem generis) Abest quidem Guelf.

Et quum de verissimo accusatore disputatur) Lambinus deceptatur, verius furtasse. Significatur autem ea quae dicebatur divinatio, ut Ciceronis contra Q. Coecilium in causa Vercina.

Quae etiam, si ante, quam res in iudicium venit, aut concertata, aut diiudicata, aut confecta non sunt) Vulg. quae etiamsi antequam etc. quod induxit Lambinum, Hotomannum, Ernestium, ut deleta negatione, quae a

MSS. Lambini aberat, legendum putarent, confecta sunt. Sed si legas, quae etiam, si ante — servandum esse illud non ante sunt, contextus facile docet. Nam illae quaestiones, de actore aut de actione competente, vel antequam res in iudicium veniret, diiudicatae sunt, vel non. Si illud, nihil de iis in ipso iudicio dicendum est. Sin hoc, magnum sit Cicero in ipsis iudiciis pondus habere, si actor dicere possit: Plus petisti, sero petisti etc.

Confecta non sunt) Sic Gu. Lambinus in suis MSS. abesse negationem memoravit.

iudiciis permagnum saepe habent pondus, quum ita dicitur: plus petisti; sero petisti; non fuit tua petitio; non a me, non hac lege, non his verbis, non hoc iudicio. Quarum causarum genus est positum in iure civili, quod est in privatarum ac publicarum rerum lege, aut more positum; cuius scientia, neglecta ab oratoribus plerisque, nobis ad dicendum necessaria videtur. Quare de constituendis actionibus, accipiendis subeundisque iudiciis, de excipienda iniquitate actionis, de comparanda aequitate, quod ea fere generis eius sunt, ut, quamquam in ipsum iudicium saepe delabantur, tamen ante iudicium tractanda videantur, paululum ea separo a iudiciis, tempore magis agendi, quam dissimilitudine generis. Nam omnia, quae de iure civili, aut de aequo et bono disceptantur, cadunt in eam formam, in qua, quale id sit ambigitur, de quo dicturi sumus; quae in aequitate et iure maxime consistit.

30. In omnibus igitur causis tres sunt gradus, ex quibus unus aliquis capiendus est, si plures non queas, ad resistendum. Nam aut ita consistendum est, ut id, quod obicitur, factum neges; aut illud, quod factum fateare, neges eam vim habere, atque id esse, quod

Generis eius sunt) Guelf. eius generis sunt.

Delabantur) Sic recte post Lamb. Ernestius e MS. Erl. ed. Veu. Vulgo dilabantur.

* *Tempore magis*) Quia iudicium ipsum antecedit.

In eam formam) Guelf. addit causarum.

Nam aut ita constituendum est, ut id quod obicitur) = Addidi id e MS. Erl. quia in altero membro est aut illud, quod f. f. Videtur etiam aut, quod ante est post Nam, huc trans-

ferendum ut aut id, quod ibi; nam consistendum est ita pertinet ad omnia, quae sequuntur, exprimitque eum, qui post status dicitur, cuius primum genus hic exprimitur, quod est, ut post dicitur, in coniectura. = Hactenus Ernestius, cui de transferenda particula aut minime assentior. Nam vel levis est ἀναρροβία, quae gratiam habet negligentiam, in Ciceronia scriptis satia frequentem; vel si quid corrigere velis, multo satius est, particulam ut repetere, scribendo: aut ut illud, quod factum fateare, ac deinde, ut id, quod arguere.

adversarius criminetur; aut, si neque de facto, neque de facti appellatione ambigi potest, id, quod arguere, neges tale esse, quale ille dicat, et rectum esse, quod feceris, concedendumve, defendas. Ita primus ille status, et quasi conflictio cum adversario, coniectura quadam; secundus autem definitione atque descriptione, aut informatione verbi; tertius aequi, et veri, et recti, et humani ad ignoscendum disputatione tractandus est. Et quoniam semper is, qui defendit, non solum resistat oportet, aliquo statu, aut insitiando, aut definiendo, aut aequitate opponenda, sed etiam rationem subiiciat recusationis: primus ille status rationem habet iniqui criminis, ipsam negationem infitiationemque facti; secundus, quod non sit in re, quod ab adversario ponatur in verbo; tertius, quod id recte factum esse defendat, quod sine ulla nominis controversia factum fatetur. Deinde unicuique rationi opponendum est ab accusatore id, quod si non esset in accusatione, causa omnino esse non posset. Itaque ea, quae sic referuntur, continentia causarum vocentur; quamquam non ea magis, quae contra rationem defensionis afferuntur, quam ipsae defensionis rationes, continent causas. Sed distinguendi gratia rationem appellamus eam, quae refertur ab reo ad recusandum, depellendi criminis causa; quae nisi esset, quod defenderet, non haberet; firmanentum autem, quod contra ad labefactandam rationem refertur, sine quo accusatio stare non potest.

* *Concedendumve*) i. e. *ignoscendum*. Nam Rhetor. II, cap. 31: *Concessio est, per quam non factum ipsum probatur a reo, sed ut ignoscatur id petitur.*

Et recti) Abest MS. Erl.

Et quoniam scilicet) Guelf. abest *scilicet*.

Recusationis) Sic Guelf. et probavit Heusingerus. Vulgo additur *suae*.

* *Opponendum est*) Rationes, quibus se reus purgat, per ea sunt ab actore evertendae, quae accusationis firmanentia vocantur, et causam continere dicuntur. Facc.

Ex rationis autem, et ex firmamenti confictione, et quasi concursu, quaestio exoritur quaedam, quam disceptationem voco; in qua, quid veniat in iudicium, et de quo disceptetur, quaeri solet. Nam prima adversariorum contentio diffusam habet quaestionem: ut in coniectura, « Ceperitne pecunias Decius »; in definitione, « Minueritne maiestatem Norbannus »; in aequitate, « Iurene occiderit Opimius Gracchum ». Haec, quae primam contentionem habent ex arguendo et resistendo, lata, ut dixi, et diffusa sunt. Rationum et firmamentorum contentio adducit in angustum disceptationem. Ea in coniectura nulla est. Nemo enim eius, quod negat factum, rationem aut potest, aut debet, aut solet reddere. Itaque in his causis eadem et prima quaestio, et disceptatio est extrema. In illis autem, ubi ita dicitur: « Non minuit maiestatem, quod egit de Caepione turbulentius; populi enim Romani dolor iustus vim illam excitavit, non tribuni actio; maiestas autem, quoniam est magnitudo quaedam populi Romani, in eius potestate ac iure retinendo, aucta est potius, quam diminuta »; et ubi ita refertur: « Maiestas est in imperii, atque in nominis populi Romani dignitate, quam minuit is, qui per vim multitudinis rem ad seditionem vocavit »: exsistit illa disceptatio: « Minueritne maiestatem, qui voluntate populi Romani

* *Diffusam habet quaestionem*) i. e. nondum satis definitam.

Lata, ut dixi, et diffusa sunt) Sic Lambinus. Vulgo male *lata et confusa sunt*. At Cicero ante dixerat: *diffusam habet quaestionem*. Et pro *diffusis* non poterat substitui *confusa*, quae sunt permixta, perturbata, de quibus hic non agitur.

* *Adducit in angustum disceptationem*) h. e. ex illa latitudine quaestio-

nis univrsae et infinitae ducit disceptationem ad ea, quae magis definita et singularia sunt.

In nominis populi Romani) Sic MS. Ed. et ed. Ven. Lambin. quod iure restituit Ernestius. Vulgo *in omni p. R. dignitate*. — Veritas huius lectionis confirmatur etiam MS. Florentino, referente Facciolati, excepto quod non repetitur praepositio ante *nominis*. TYP. TAVR.

rem gratiam, et aequam per vim egerit ». In his autem causis, ubi aliquid recte factum, aut concedendum esse defenditur, quum est facti subiecta ratio, sicut ab Opimio: « Iure feci, salutis omnium, et conservandae reipublicae causa »; relatumque est ab Decio: « Ne sceleratissimum quidem civem, sine iudicio, iure ullo necare potuisti »; oritur illa disceptatio: « Potueritne recte, salutis reipublicae causa, civem, eversorem civitatis, indemnatum necare? » Ita disceptationes eae, quae in his controversiis oriuntur, quae sunt certis personis et temporibus notatae, fiunt rursus infinitae, detractisque temporibus et personis, rursum ad consultationis formam rationemque revocantur.

31. Sed in gravissimis firmanentis etiam illa ponenda sunt, si qua ex scripto legis, aut testamenti, aut verborum ipsius iudicii, aut alicuius stipulationis, aut cautionis opponuntur defensionis contraria. Ac ne hoc quidem genus in eas causas incurrit, quae coniectura continentur. Quod enim factum negatur, id argui non potest scripto. Ne in definitionem quidem venit, genere scripti ipsius. Nam etiamsi verbum aliquod de scripto definiendum est, quam vim habeat: ut, quum ex testamentis, quid sit penus, aut quum ex lege praedii quaeritur, quae sint ruta caesa: non scripti genus, sed verbi interpretatio controversiam parit. Quum autem aut plura significantur scripto, propter verbi, aut

Aut concedendum esse) Vulgo additur *factum*, quod recte abest edit. Ven. — Immo redundare potius videtur quatuor haec verba, ex Faciolali sententia. Et sane desunt in tribus codicibus MSS. Florentinis, testante Lagomarsino, TYP. TAVN.

* *Ne in definitionem quidem venit*) L. c. non subiicitur constitutioni, quae

dicitur *definitiva*, sicut antea coniectura pro constitutione coniecturali ponitur.

De scripto) Cod. Ecl. *ex scripto*.

Quae sint ruta caesa) Sic Ms. Ecl. recte. Vulgo *quae sunt*.

Quum autem aut plura) Sic Guelf. recte. Vulgo abest *aut*.

verborum ambiguitatem, ut liceat ei, qui contra dicat, eo trahere significationem scripti, quo expediat, aut velit; aut, si ambigue scriptum non sit, vel a verbis ad voluntatem et sententiam scriptoris abducere, vel alio se, eadem de re, contrarie scripto defendere: tum disceptatio ex scripti contentione existit, ut in ambiguis disceptetur, quid maxime significetur; in scripti sententiaeque contentione, utrum potius sequatur iudex; in contrariis scriptis, utrum magis sit comprobandum.

32. Disceptatio autem quum est constituta, propositum esse debet oratori, quo omnes argumentationes, repetitae ex inveniendi locis, coniiciantur. Quod quamquam satis est ei, qui videt, quid in quoque loco lateat, quique illos locos, tanquam thesauros aliquos argumentorum, notatos habet: tamen ea, quae sunt certarum causarum propria, tangemus.

In coniectura igitur, quum est in insitiendo reus, accusatori haec duo prima sunt (sed accusatorem pro omni actore et petitore appello: possunt enim etiam sine accusatione in causis haec eadem controversiarum genera versari); sed haec duo sunt ei prima, causa et eventus. Causam appello, rationem efficiendi: eventum, id, quod est effectum. Atque ipsa quidem partitio causarum paulo ante in suasionis locis distributa est. Quae enim in consilio capiendo futuri temporis praecipiebantur, quonobrem aut utilitatem viderentur habi-

Aut si ambigue) Vulgo aut etiam si ambigue. Recte Ernestius auctoritate cod. Erl. et ed. Ven. delevit etiam.

Propositum esse debet) Sic Guelf. Vit. ed. Ven. et recepit Ernestius. Vulgo *proposita*.

Repetitae ex inveniendi locis) Sic non invenieadis, ut habent vulgati;

scripsit Cicero. Sic habet Ms. Vit. ed. Ven. Ald. Iunt. Id verum esse, quisque monitos statim sentiet. Eas.

Sine accusatione in causis) Sic Gu. Erl. Vulga sine accusatore.

* Quae enim etc.) Quae in deliberationibus praecipiantur de futuro, transferri possunt in iudiciis ad praeteritum. FACC.

tura, aut efficiendi facultatem, eadem, qui de facto argumentabitur, colligere debet, quamobrem et utilia illi, quem arguet, fuisse, et ab eo effici potuisse demonstret. Utilitatis coniectura movetur, si illud, quod arguitur, aut spe bonorum, aut malorum metu fecisse dicitur: quod sit acrius, quo illa in utroque genere maiora ponuntur. Spectant etiam ad causam facti, motus animorum, si ira recens, si odium vetus, si ulciscendi studium, si iniuriae dolor; si honoris, si gloriae, si imperii, si pecuniae cupiditas, si periculi timor, si aes alienum, si angustiae rei familiaris, si audax, si levis, si crudelis, si impotens, si incautus, si insipiens, si amans, si commota mente, si violentus, si cum spe efficiendi, si cum opinione celandi, aut, si patefactum esset, depellendi criminis, vel perrumpendi periculi, vel in longinquum tempus differendi; aut si iudicii poena levior, quam facti praemium; aut si facinoris voluptas maior, quam damnationis dolor. His fere rebus facti suspicio confirmatur, quum et voluntatis in reo causae reperiuntur, et facultas. In voluntate autem utilitas ex adeptione alicuius commodi, vitiationeque incommodi quaeritur, ut aut spes, aut metus impulsisse videatur, aut aliquis repentinus animi motus, qui etiam citius in fraudem, quam ratio utilitatis, impellit. Quamobrem sint haec dicta de causis.

Quod sit acrius) Lambin. *quod eo fit acrius.*

Spectant etiam ad causam facti) Vulgo *spectantur*, quod etsi quodammodo explicari potest, tamen multo aptius est *spectant*, quod Ernestio quoque placebat.

Si violentus) Sic ed. Omnib. Kob. recte. Vulgo *si violentus*, quod h. l. minus est aptum. Alia ratio est,

quum Tusc. IV, 23 memoratur *violentia*.

His fere rebus) Gueff. *his enim fere rebus.*

Vitiationeque incommodi) Sic. Gn. omisso *alicuius*, quod vulgo hic repetitur ante *incommodi*.

Aut aliquis) Sic ed. Omnib. Kob. Vulgo aut *alius*.

33. *F.* Teneo, et quaero, qui sint illi eventus, quos ex causis effici dixisti.

P. Consequentia quaedam signa praeteriti, et quasi impressa facti vestigia: quae quidem vel maxime suspicionem movent, et quasi tacita sunt criminum testimonia; atque hoc quidem graviora, quod causae communiter videntur insimulare et arguere omnes posse, quorum modo interfuerit aliquid; haec proprie attingunt eos ipsos, qui arguuntur, ut telum, ut vestigium, ut cruor, ut deprehensum aliquid, quod ablatum ereptumve videatur, ut responsum inconstanter, ut haesitatum, ut titubatum, ut cum aliquo visus, ex quo suspicio oriatur, ut eo ipso in loco visus, in quo facinus, ut pallor, ut tremor, ut scriptum, aut obsignatum, aut depositum quippiam. Haec enim talia sunt, quae aut in re ipsa, aut etiam ante quam factum est, aut postea, suspiciosum crimen efficiant. Quae si non erunt, tamen causis ipsis, et efficiendi facultatibus niti oportebit, adiuncta illa disputatione communi, non fuisse illum tam amentem, ut indicia facti aut effugere, aut occultare non posset: ut ita apertus esset, ut locum

* *Consequentia*) Ex consequentibus firmiter coniectura ducitur, quam ex causis; quia causae ad multos pertinere possunt, consequentia, id est, facti signa, proprie illum attingunt, qui reus est. *FACC.*

Quorum modo interfuerit aliquid) Sic recte Lambinus. Male quaedam edd. ut Kob. Gothofr. quorum non interfuerit aliquid.

Haec enim talia sunt) Vulgo haec enim et talia sunt. — Ms. Erl. haec enim et alia, ut ipse olim correxeram. Melius Ms. Vit. et edd. Ven. Med. Haec enim talia. Mox Ms. Erl. ed. Ven. Iunt. aut in re ipsa addito in, quod verum esse, cetera ante etc.

postea indicant. *ENN.*

(Quae aut in re ipsa) Sic Guelf.

* *Antequam factum est*) Sunt enim quaedam signa et indicia facti futuri, quae proprie ad reum pertinent, et inter consequentia referuntur, quamvis praecedant. *FACC.*

Adiuncta illa disputatione communi) Ms. Erl. Vit. addunt: ut si, a reo, dici poterit (potest) non (vel haut) alia ratione commodius effici potuisse, dat — cui similia sunt c. 35 init. Eadem sunt in ed. Ven. sed post occultare non posset. Ea delevit in exemplo meo corrector. *ENN.*

* *Ita apertus*) Ita manifeste audax. Sed argumentum hoc evitatur ex

crimini relinqueret. Communis ille contra locus, audaciam temeritali, non prudentiae esse coniunctam. Sequitur autem ille locus ad augendum, non esse expectandum, dum faleatur; argumentis peccata convinci; et hic etiam exempla ponentur. Atque haec quidem de argumentis.

34. Sin autem erit etiam testium facultas: primum genus erit ipsum laudandum, dicendumque, ne argumentis teneretur reus, ipsum sua cautione effecisse, testes effugere non potuisse; deinde singuli laudentur (quae autem essent laudabilia, dictum est); deinde etiam argumento firmo, quia tamen saepe falsum est, posse recte non credi; viro bono et firmo, sine vitio iudicis, non posse non credi. Atque etiam, si obscuri testes erunt, aut tenues, dicendum erit, non esse ex fortuna fidem ponderandam, aut eos esse cuiusque locupletissimos testes, qui id, de quo agatur, facillime scire possint. Sin quaestiones habitae, aut postulatio ut habeantur, causam adiuvabunt: confirmandum genus primum quaestionum erit; dicendum de vi doloris,

loco communi, quod audacia temeritati solet esse coniuncta. *FACC.*

Genus erit ipsum) Guelf. *genus ipsum erit.*

Cautione effecisse) Sic Guelf. Vil. Erl. ed. Ven. Recte. Vulgo *cautione fecisse.*

Laudantur) Lambin. *laudabuntur.*

Dictum est; deinde etiam argumento) Guelf. *dictum.* Deinde *argumento etiam.*

Deinde etiam argumento firmo, quia tamen saepe falsum est, posse recte non credi; viro bono et firmo, sine vitio iudicis, non posse non credi. — Ernestius hunc locum parenthesis notis male positus non solum ob-

scuravit, sed prorsus impeditum fecit: deinde etiam *argumento firmo; (quia tamen saepe falsum est posse recte non credi); viro bono et firmo, sine vitio iudicis non posse non credi.* — Post deinde etiam ex antecedentibus repetendum dicendum est. Argumentum firmum, ut bene iam Strabonius monuit, non est necessarium et certum, sed probabile. Quod autem probabile est, saepe potest falsum esse; ideoque eiusmodi argumento saepe potest recte non credi. Itaque nec infirmo argumento cum ed. Med. nec cum Grutero et Cod. Palat. argumentando legendum est.

Testes erunt) Abest *erunt* Guelf.

de opinione maiorum, qui eam rem totam, nisi probassent, certe repudiassent; de institutis Atheniensium, Rhodiorum, doctissimorum hominum, apud quos etiam (id quod acerbissimum est) liberi civesque torquentur; de nostrorum etiam prudentissimorum hominum institutis, qui quum de servis in dominos quaeri noluissent, de incestu tamen et de coniuratione, quae facta me consule est, quaerendum putaverunt. Irridenda etiam disputatio est, qua solent uti ad infirmandas quaestiones, et meditata, puerilisque dicenda. Tum facienda fides, diligenter esse et sine cupiditate quaesitum; dictaque quaestionis, argumentis et coniectura ponderanda. Atque haec accusationis fere membra sunt.

35. Defensionis autem primum infirmatio causarum: aut non fuisse, aut non tantas, aut non sibi soli, aut commodius potuisse idem consequi; aut non iis se esse moribus, non ea vita; aut nullos animi motus, aut non tam impotentes fuisse. Facultatibus autem infirmatione utetur, si aut vires, aut adiumenta, aut copias, aut opes abfuisse demonstrabit; aut alienum tempus, aut locum non idoneum, aut multos arbitros, quorum crederet nemini; aut non se tam ineptum, ut id susceperet, quod occultare non posset, neque tam amentem, ut poenas ac iudicia contemneret. Consequentia autem

Qui eam rem totam) Omittitur eam Ms. Erl. ed. Ven.

Quum de servis in dominos) Gu. cum in dominos de servis. Ita pro Rosc. Amer. c. 41.

Disputatio est) Omissum est Guelf.

Et meditata puerilisque dicenda) Ernestius sine causa haesit in verbo meditata dubitavitque, an minuta scribendum esset. Sed meditata disputatio h. l. dicitur ea, quae studium puerile redolet, magisque declama-

toris artificium, quam veram oratoris eloquentiam prodere videtur. Sic de dictis quibusdam ridiculis, sed scurrilibus de Orat. II, 60: *Ea quia meditata putantur esse, minus videntur.*

Dictaque) Guelf. dicta. Pro dictaque quaestionis malim dictaque in quaestione.

* *Dicta quaestionis*) Quae sunt tormentis expressa.

Abfuisse) Sic Guelf.

diluet, exponendo, non esse illa certa indicia facti, quae etiam nullo admissio consequi possent; consistetque in singulis; et ea, aut eorum, quae ipse facta esse dicet, propria esse defendet potius, quam criminis, aut si sibi cum accusatore communia essent, pro periculo potius, quam contra salutem valere debere; testiumque et quaestionum genus universum, et quod poterit, in singulis, ex reprehensionis locis, de quibus ante dictum est, refellet. Harum causarum principia, suspiciosa ad acerbitatem, ab accusatore ponentur; denunciabiturque insidiarum commune periculum, excitabunturque animi, ut attendant. Ab reo autem, querela conflati criminis collectarumque suspicionum, et accusatoris insidiae, et item commune periculum proferetur, animique ad misericordiam allicientur, et modice benevolentia iudicum colligetur. Narratio autem accusatoris, erit quasi membratim gesti negotii suspiciosa explicatio, sparsis omnibus argumentis, obscuratis defensionibus. Defensori, aut praeteritis, aut obscuratis suspicionum argumentis, rerum ipsarum eventus erunt casusque narrandi. In confirmandis autem nostris argumentationibus, infirmandisque contrariis, saepe erunt accusatori motus animorum incitandi, reo mitigandi. Atque hoc quidem utrique maxime in peroratione faciendum: alteri frequentatione argumentorum, et coacervatione universa; alteri, si plane causam redarguendo expli-

* *Et ea aut eorum etc.*) Dicit, indicia, quae ab accusatore offeruntur, pertinere potius ad aliquid aliud, quam ad crimen: et si forte pertinere possint tam ad accusandum, quam ad defendendum, contendet magis valere ad salutem debere. FACC.

Dicit) Ernestini recepit dicit ex ed. Ven. et Ms. Erl.

Pro periculo potius quam contra su-

lutem valere debere) Quae pro periculo rei valent, eadem valent contra rei salutem. Ego manifestum est, h. l. vel contra periculum potius, vel propulsando periculo potius legendum esse.

Atque hoc quidem — faciendum) Sic Ed. Omnib. Kob. melius quam ut vulgo atque haec — facienda.

carit, enumeratione, ut quique diluerit, et miseratione ad extremum.

36. *F.* Scire mihi iam videor, quemadmodum coniectura tractanda sit. Nunc de definitione audiamus.

P. Communia dantur in isto genere accusatori defensorique praecepta. Vter enim definiendo describendoque verbo magis ad sensum iudicis opinionemque penetrarit, et uter ad communem verbi vim, et ad eam praeceptionem, quam inchoatam habebunt in animis ii, qui audient, magis et propius accesserit, is vincat necesse est. Non enim argumentando hoc genus tractatur, sed tanquam explicando excutiendoque verbo; ut, si in reo, pecunia absoluto, rursusque revocato, praevaricationem accusator esse definiat, omnem iudicii corruptelam ab reo; defensor autem, non omnem, sed tantummodo accusatoris corruptelam ab reo: sit ergo haec contentio prima verborum, in qua, etiamsi propius accedat ad consuetudinem mentemque sermonis defensoris definitio, tamen accusator sententia legis nititur; negat enim probari oportere, eos, qui leges scripserint, ratum habere iudicium, si totum corruptum sit; si unus accusator corruptus sit, rescindere; nititur aequitate: ut illa quasi scribenda lex sic esset, quaeque

* *Praevaricationem*) Exemplum affert ex definitione praeviationis. Si quis, corruptis iudicibus, evaserit, rursusque revocetur praeviationis nomine, qui accusat, dicit praeviationem esse omnem iudicii corruptelam: qui defendit, dicit praeviationem esse non iudicium, sed accusatoris corruptelam. Inchoata animis praeceptio et consuetudo sermonis stat pro defensore. Accusator tamen negat irritum haberi a lege iudicium, corrupto accusatore; ratum, corruptis iudicibus. *Facc.*

Nititur) *Guelf. nitetur*, quod melius. *Ms. Erl. Vit. utetur.*

* *Nititur aequitate: ut illa quasi scribenda lex sic esset, quaeque tamen complecteretur in iudiciis corruptis, ea verbo uno praeviationis comprehendisse datur*) « Negari non potest, quin hic locus sit corruptus. Ego partim ex codd. *Mss.* in quibus scriptum est *utilitate*, pro *ut illa*, quod est in vulgatis, partim ex libro *Almari Ranconeti*, ad cuius libri oram haec erant ascripta ipsius manu literis Romanis: *qui iudicia accusatorem*

tamen complecteretur in iudiciis corruptis, ea verbo uno praevaricationis comprehendisse dicitur: defensor autem testabitur consuetudinem sermonis, verbique vim ex contrario reperiet, quasi ex vero accusatore, cui contrarium est nomen praevaricatoris; ex consequentibus, quod ea litera de accusatore solet dari iu-

re corruerit, quantum potui lucis his tenebris attuli, nihil de meo addidi, ne inveteratum vulnus novo amplificarem. Quae autem reperi in libro Rancocetti, qui nunc est Memmii, videri possunt ex aliquo antiquo codice petita, nihil tamen assermo. Fieri enim potest, ut ab illo acerrimi ingenii limatissimique iudicii viro fuerint excogitata. Verum tamen malim ita legi: *Quodsi scripta lex sic esset: QUI IUDICIUM ACCUSATOREMVE CORRUERIT, quaecumque tamen complecteretur iudicii corrupti nomine, ea verbo uno etc.* » LAMBIN.

At in lege, quam Cicero innuit scriptum esse oportuit: QUI PRAEVARICATIVUS FVERIT. Nam si sic scriptum esset: QUI IUDICIUM ACCUSATOREMVE CORRUERIT, nihil dilucidius fieri potuisset; nec ullus fuisset dubitationi aut controversiae locus. « Illic locus est aperte corruptus et haud facile sine liberis sanandus. Hoc primum certum puto, interponendum esse post res indere; ut facit ed. Ald. Iunt. idque nos fecimus. Post nititur (rursus Ms. Vit. utitur) aequitate respicit superius: sententia legis nititur. Pro ut illa quasi, uterque Ms. et ed. Ven. utilitate, quasi sic. lex sic esset. In ceteris nihil iuvant libri. Ea sic fere corrigenda puto: ut illa etiam scripta lex sic esset, (sc. ut praevaricationis tantum mentio fieret) tamen quaeque complecteretur in iudiciis corruptis (i. e. tamen omnia exprimeret, quae ad corruptelam iudiciorum per-

tinent) ea verbo uno praevaricationis comprehendisse dicatur. Eax. Mihi ista etsi ad sententiam non displicent, tamen in verbis non satisfaciunt. Primum enim neglecta est lectio ed. Omnib. Kob. *Utilitate quasi scribenda lex esset, quamque vim complecteretur in iudiciis corruptis ea verbo uno p. e. d.* in qua vocabulum vim, quod saepe usurpatur, ubi de corruptela iudicium agitur, tum enim vis in iudiciis versata esse dicitur, minime erat negligendum. Deinde transpositos hic aliquot versiculos esse, ipsum eorum argumentum docet. Quid multa? Sic mihi totus videtur locus constituendus: in qua etiam propius accedat ad consuetudinem mentemque sermonis defensoris definito, tamen accusator sententia legis nitetur, ut illa late quasi scripta esse, et quamque vim in iudiciis corruptis verbo uno praevaricationis comprehendisse dicatur; nitetur aequitate; neque enim probari oportere (i. e. aequum esse) eos qui leges scripserint, ratum habere iudicium, si totum corruptum sit, si unus accusator corruptus sit, rescindere: defensor autem etc.

Testabitur) Recte sic Ernestius edidit, quia sequitur reperiet.

Praevaricatoris) Bene sic Ms. EtL. Vulgo praevaricationis.

* Quod ea litera de accusatore solet dari iudici) Recte Strebaeus de tabella accepit, quae in iudicio de praevaricatione solet dari iudicibus, cui inscripta esset litera P. quae

dici; ex nomine ipso, quod significat eum, qui in contrariis causis, quasi vare esse positus videatur. Sed huic tamen ipsi confugiendum est ad aequitatis locos, ad rerum iudicarum auctoritatem, ad finem aliquem periculi; communeque sit hoc praeceptum, ut, quum uterque definierit, quam maxime potuerit ad communem sensum vimque verbi, tum similibus, exemplisque eorum, qui ita loquuti sunt, quam definitionem sententiamque confirmet. Atque accusatori in hoc genere causarum locus ille communis, minime esse concedendum, ut is, qui de re confiteatur, verbi se interpretatione defendat; defensor autem et ea, quam proposui, aequitate nitatur, et, ea quum secum faciat, non re, sed depravatione verbi se urgeri queratur. Quo in genere percensere poterit plerosque inveniendi locos. Nam et similibus utetur, et contrariis, et consequentibus; quamquam uterque, tamen reus, nisi plane erit absurda causa, frequentius. Amplificandi autem causa, quae, aut quum digredientur a causa, dici solent, aut quum perorabunt, haec vel ad odium, vel ad misericordiam, vel omnino ad animos iudicum movendos ex iis, quae sunt ante posita, sumuntur, si modo rerum magnitudo, hominumve aut invidia, aut dignitas postulabit.

praevaricatores nolaret. Ac fortasse Cicero scripsit: quod *P. litera de accusatore solet dari iudici*. Ernestius h. l. sinistre sic interpretatur: *litera s. verbum praevaricatoris in formula legis iudici datur, ut de accusatore iudicet*.

* *Quasi vare positus*) Optime sic emendavit Gesnerus in *Thes. L. L. v. Praevaricatio*; ut *vare positus* ait is, qui *varis pedibus et nimium divaricatis in utraque causa stare videatur*. Simili ratione Germani dicunt: *Er fragt auf beiden Aehseln*. Vulgo quasi

varie positus.

Ad finem aliquem periculi) Ms. Erl. abest aliquem. Sed quid sit *ad finem periculi*, nemo explicaverit. Mihi dubium non est, quin Cicero scripserit: *ad rerum iudicarum auctoritatem affinem aliquam periculi*; i. e. ad exempla iudiciorum, cum suo periculo s. causa capitali similitudine coniunctorum, ubi similiter iudicatum esset.

Quam maxime potuerit ad communem sensum) Lambinus: *q. m. p. accommodate ad communem sensum*.

Cic. Op. Tom. III

D d

37. *F.* Habeo ista: nunc ea, quae, quum, quale sit quippiam, disceptatur, quaeri ex utraque parte deceat, velim audire.

P. Confitentur in isto genere, qui arguuntur, se id fecisse ipsum, in quo reprehendantur; sed, quoniam iure se fecisse dicunt, iuris est omnis ratio nobis explicanda. Quod dividitur in duas partes primas, naturam atque legem; et utriusque generis vis in divinum et humanum ius est distributa: quorum aequitatis est unum, alterum religionis. Aequitatis autem vis est duplex: cuius altera directa veri, et iusti, et, ut dicitur, aequi et boni ratione defenditur; altera ad vicissitudinem referendae gratiae pertinet: quod in beneficio, gratia; in iniuria, ultio nominatur. Atque haec communia sunt naturae atque legis; sed propria legis et ea, quae scripta sunt, et ea, quae sine literis, aut gentium iure, aut maiorum more, retinentur. Scriptorum autem privatum aliud est, publicum aliud. Publicum, lex, senatusconsultum, foedus; privatum, tabulae, pactum conventum, stipulatio. Quae autem scripta non sunt, ea aut consuetudine, aut conventis hominum, et quasi consensu oblinentur. Atque etiam hoc in primis, ut nostros mores legesque tueamur, quodammodo naturali iure praescriptum est. Et quoniam breviter aperti sunt fontes quasi quidam aequitatis, meditata nobis ad hoc causarum genus esse debebunt ea, quae di-

Reprehendantur) Ita rescripsit Ernestius pro vulg. *reprehenduntur*.

Quod dividitur) Gu. *quam dividunt*.

Alterna directa veri et iusti) Sic Guelf. optime. Vulg. *altera directi*. Ernestius vel *recti* vel *directe* corrigendum putabat.

Sine literis) Recte Ernestius in 'p, sine lege scripta. Ibid. pro *gentium*

iure Ed. Ven. habet *naturae iure*.

* *Pactum conventum*) Ita fere duobus haec verba efflerantur. Interdum in unum coniungi solent per particulam *et*. Quoquo modo efflerantur, conventionem significant, quae scripta continetur. FACC.

Aperti sunt fontes) Sic Guelf. Vulgo: *aperti fontes sunt*.

cenda erunt in orationibus, de natura, de legibus, de more maiorum, de propulsanda iniuria, de ulciscenda, de omni parte iuris. Si imprudenter, aut necessitate, aut casu quippiam fecerit, quod non concederetur iis, qui sua sponte et voluntate fecissent; ad eius facti deprecationem, ignoscendi petenda venia est: quae sumetur ex plerisque locis aequitatis. Expositum est, ut potui brevissime, de omni controversiarum genere: nisi praeterea tu quid requiris.

38. *F.* Illud equidem, quod iam unum restare video, quale sit, quum disceptatio versatur in scriptis.

P. Recte intelligis; eo enim exposito, munus promissi omne confecero. Sunt igitur ambigui duobus adversariis praecepta communia. Uterque enim hanc significationem, qua utetur ipse, dignam scriptoris prudentia esse defendet: uterque id, quod adversarius ex ambigue scripto intelligendum esse dicet, aut absurdum, aut inutile, aut iniquum, aut turpe esse defendet, aut etiam discrepare cum ceteris scriptis, vel aliorum, vel maxime, si poterit, eiusdem; quamque defendet ipse, eam rem et sententiam quemvis prudentem, et iustum hominem, si integrum daretur, scripturum fuisse, sed planius; eamque sententiam, quam significari posse dicet, nihil habere aut captionis, aut vitii; contrariam autem si probarit, fore, ut multa inutilia, stulta, iniqua, contraria consequantur. Quum autem aliud scriptor sensisse videtur, et aliud scripsisse: qui scripto nitetur, eum, re exposita, recitatione uti oportebit; deinde instare adversario, iterare, renovare, interrogare, num aut scriptum neget, aut contra factum infutietur. Post,

Versatur) Guelf. versetur. Et sic . exposito munus professione confecero.
ed. Ven. Ms. Erl. e. e. a. munus quod promisi

Eo enim exposito, munus promissi omne confecero) Guelf. isto enim Dicit) Ms. Erl. Ed. Ven. dicit,

iudicem ad vim scripti vocet. Ac confirmatione usus, amplifcet rem lege laudanda, audaciamque confutet eius, qui quum palam contra fecerit, idque fateatur, adsit tamen, factumque defendat. Deinde infirmet defensionem, quum adversarius aliud voluisse ac sensisse scriptorem, aliud scripsisse dicat, non esse ferendum, a quoquam potius latoris sensum, quam a lege, explicari. Cur ita scripserit, si ita non senserit? Cur, quum ea, quae plane scripta sint, neglexerit, quae nusquam scripta sint, proferat? Cur prudentissimos in scribendo viros summae stultitiae putet esse damnandos? Quid impedierit scriptorem, quo minus exciperet illud, quod adversarius, tanquam si exceptum esset, ita dicit se sequutum? Utetur exemplis iis, quibus idem scriptor; aut, si id non poterit, quibus alii, quod excipiendum putarint, exceperint. Quaerenda etiam ratio est, si qua poterit inveniri, quare non sit exceptum; aut iniqua lex, aut inutilis futura dicetur, aut aliâ causa obtemperandi, alia abrogandi; dissentire adversarii vocem atque legis. Deinde amplificandi causa, de conservandis legibus, de periculo rerum publicarum atque privatarum, quum aliis locis, tum in perorando, maxime graviter erit vehementerque dicendum.

39. Ille autem, qui se sententia legis voluntateque defendet, in consilio, atque in mente scriptoris, non in

Neglexerit) Sic scribendum, non *neglexit*. Et sic habent Mss. nostri, Edd. Ven. Med. Iunt. Statim post *nusquam* bene Ms. Erl. non *numquam*, ut vulgati. Sic et ed. Ven. Enx.

Quae nusquam scripta sunt) Guelf. q. n. scripta sunt.

Viros) abest Guelf.

Utetur exemplis) Per exempla ostendet, quomodo vel ipse legis scriptor, vel alii leges exceperint,

quum excipiendum existimarent. F.

* *Aut iniqua etc.*) Si legislator excepisset, alii iniqua lex fuisset, aliis inutilis; alii ex illa causam obtemperandi habuissent, alii causam abrogandi quaesissent. Sed hoc loco turbatum est aliquid a librariis. Nec sane Mss. codices conveniunt, quamvis nondum aliquem viderim, qui satisfaceret. Id.

Voluntateque) Guelf. et voluntate,

verbis ac literis vim legis positam esse defendet; quodque nihil exceperit in lege, laudabit, ne deverticula peccatis darentur, atque ut ex facto cuiusque index legis mentem interpretaretur. Deinde erit utendum exemplis, in quibus omnis aequitas perturbetur, si verbis legum, ac non sententiis pareatur. Deinde genus eiusmodi calliditatis et calumniae retrahatur in odium iudicis, cum quadam invidiosa querela. Et si incidet imprudentiae causa, quae non ad delictum, sed ad casum necessitatemve pertineat, quod genus paulo ante attigimus: erit iisdem aequitatis sententiis contra acerbitatem verborum deprecandum. Sin scripta inter se dissentient, tanta series artis est, et sic inter se sunt pleraque connexa et apta, ut, quae paulo ante praecepta dedimus ambigui, quaeque proxime sententiae et scripti, eadem ad hoc genus causae tertium transferantur. Nam quibus locis in ambiguo defendimus eam significationem, quae nos adiuvat, eisdem in contrariis legibus nostra lex defendenda est. Deinde est efficiendum, ut alterius scripti sententiam, alterius verba defendamus. Ita quae modo descripto sententiaeque praecepta sunt, eadem huc omnia transferemus.

40. Expositae sunt tibi omnes oratoriae partitiones, quae quidem e media illa nostra Academia efflorue-

Perturbetur) Recte Ernestius revocavit e Ms. Erl. Vit. edd. Ven. Med. Iust. quia sequitur *pareatur*. Vulg. *perturbaretur*.

* *Calumniae*) Eos, qui per verba legis cavillantur, trahet in invidiam iudicis; cuius est ambigua, si quae sunt, interpretari. Facc.

Retrahatur) Lambinus *retrahetur*, consecutioni verborum aptius.

* *Contra acerbitatem verborum*) I. e. ne verba legis nimis acerbe ad litteram exigantur. Lambinus, *contra*

acerbitates.

Transferantur) Ed. Ven. *referantur*. Post eadem in fine *transferimus*, corrector fecit *transferamus*. In eadem additur: *superiorum epilatio*, nempe e margine Ms. Enx.

* *Nostra Academia*) Hoc nomine intelligit Philosophiam omnem. Nam Academia ipsam quoque Peripateticorum doctrinam complectebatur, quamvis interdum inter se distinguerentur, saltem nominibus, ut est in I Academ. c. 4. Facc.

runt: neque sine ea aut inveniri, aut intelligi, aut tractari possent. Nam et partiri ipsum, et definire, et ambigui partitiones dividere, et argumentorum locos nosse, et argumentationem ipsam concludere, et videre, quae sumenda in argumentando sint, quidque ex iis, quae sumta sunt, efficiatur; et vera a falsis, verisimilia ab incredibilibus diiudicare, et distinguere, et aut male sumta, aut male conclusa reprehendere, et eadem vel angustè disserere, ut dialectici qui appellantur, vel, ut oratorem decet, late expromere: illius exercitationis et subtiliter disputandi, et copiose dicendi est. De bonis vero rebus et malis; aequis, iniquis; utilibus, inutilibus; honestis, turpibus, quam potest habere orator, sine illis maximarum rerum artibus, facultatem, aut copiam? Quare haec tibi sint, mi Cicero, quae exposui, quasi indicia fontium illorum; ad quos si nobis eisdem ducibus aliisve perveneris, tum et haec ipsa melius, et multo maiora alia cognosces.

F. Ego vero, ac magno quidem studio, mi pater; multisque ex tuis praeclarissimis muneribus nullum maius exspecto.

Effloruerunt) Sic scribendum esse coniecit post Mich. Brutom Ernestius pro vulgato *flauerunt*. Hactenus bene, quod vulgatum correxit. Nisi forte *fluxerunt* potius auctor scripsit, quod habet Lambinus.

Aut tractari possent) Sic Guelf.

Et definire) Guelf. et *distinguere*.

Et aut male sumta) Sic bene Guelf. et ed. Kob. Vulgo *abest et*.

Late expromere) Sic Guelf. Ox. ψ. Vulg. *exprimere*.

Et copiose dicendi) Vulgo additur *artis*, quod recte indicavit Ernestius spurium esse. Nam *copiose dicendi* ita ad exercitationem refertur, ut subtiliter disserendi.

De bonis vero rebus) Guelf. *de bonis enim rebus*.

Tum et haec ipsa) Guelf. *tum et ipsa*.

IN CICERONIS
LIBELLVM
DE OPTIMO GENERE
ORATORVM

SYMMARIVM

Hunc libellum Cicero praefationis loco praemisit conversis a se de graeco in latinum Aeschinis in Ctesiphontem, et Demosthenis pro Ctesiphonte orationibus contrariis. In quo, motus fortasse reprehensione quorundam, qui dicendi eius genus ut Asianum et redundans incessebant (Quintil. XII, 10 coll. cum cap. IV huius libelli) unum tantum esse genus perfecti oratoris docet; optimum nimirum esse, qui dicendo animos auditorum doceat, delectet, permoveat; hunc autem esse oratorem vero Atticum, qui non in tenui genere solum elaboret, sed ut parva summis, ita magna graviter et ornate dicere possit; Atticique oratoris perfectissimum esse exemplar Demosthenem: quod ut facilius a Romanis intelligeretur, se laborem duas istas Aeschinis ac Demosthenis orationes convertendi suscepisse c. 1 — 6. Deinde causam Ctesiphontis in iudicium deductam, in qua ista summorum Graeciae oratorum contentio versata erat, exponit c. 7.

Oratorum genera esse dicuntur, tanquam poetarum. Id secus est. Nam alterum est multiplex. Poëmalis enim tragici, comici, epici, melici etiam ac dithyrambici, suum quodvis est diversum a reliquis. Itaque et

Dithyrambici) Vulgo additur ineptum scholion: quod magis tractatum

est a Latinis, quod spurium esse recte iudicavit Ernestius.

in tragoedia comicum vitiosum est, et in comoedia turpe tragicum; et in ceteris suus est cuique sonus, et quaedam intelligentibus nota vox. Oratorum autem si quis ita numerat plura genera, ut alios grandes, aut graves, aut copiosos; alios tenues, aut subtiles, aut breves; alios eis interiectos et tanquam medios putet: de hominibus dicet aliquid, de re parum. In re enim, quod optimum sit, quaeritur; in homine dicitur, quod est. Itaque licet dicere et Ennium, summum epicum poetam, si cui ita videtur; et Pacuvium tragicum; et Caecilium fortasse comicum. Oratorem genere non divido. Perfectum enim quaero. Vnum est autem genus perfecti, a quo qui absunt, non genere differunt, ut ab Attio Terentius; sed in eodem non sunt pares. Optimus est enim orator, qui dicendo animos audientium et docet, et delectat, et permovet. Docere, debitum est; delectare, honorarium; permovere, necessarium. Haec ut alius melius, quam alius, concedendum est; verum id fit non genere, sed gradu. Optimum quidem unum est; et proximum, quod ei simillimum. Ex quo perspicuum est, quod optimo dissimillimum sit, id esse deterrimum.

2. Nam quoniam eloquentia constat ex verbis et sententiis, perficiendum est, ut pure et emendate loquentes, quod est latine, verborum praeterea, et priorum, et translatorum, elegantiam persequamur; in

Suus est cuique sonus) Sic Ms. VII. et recepit Ernestius. Vulg. *suus est cuiusque certus sonus*.

* *Cuique sonus*) Sonus in hoc genere verbum Ciceroni usurpatum in Bruto c. 26, ubi de Fannii oratione quidam sic scribit: *Sed nec eiusmodi est, ut a pluribus confusa videatur; idem enim sonus est totius orationis, et idem stylus*. STATIVS.

* *De hominibus*) Id est, Dicit aliquid de hominibus, quorum alius alius est dicendi character; pauca dicet de ipsa eloquentia, cuius idea perfectissima quaeritur. PAVSE.

Plura genera) Ms. Vit. omittit plura, Ernestio probante. Idem numeret pro numerat legendum putabat, quod tamen necessarium haud videtur.

propriis, ut aptissima eligamus; in translatis, ut similitudinem sequuti, verecunde utamur alienis. Sententiarum autem totidem genera sunt, quot diximus esse laudum. Sunt enim docendo, acutae; delectando, quasi argutae; commovendo, graves. Sed et verborum est structura quaedam duas res efficiens, numerum, et laevitatem; et sententiae suam compositionem habent, et ad probandam rem accommodatum ordinem. Sed earum omnium rerum, ut aedificiorum, memoria est quasi fundamentum, lumen actio. Ea igitur omnia in quo summa, erit orator perfectissimus; in quo media, mediocris; in quo minima, deterrimus. Et appellabuntur omnes oratores, ut pictores appellantur etiam mali; nec generibus inter sese, sed facultatibus different. Itaque nemo est orator, qui se Demosthenis similem esse nolit; at Menander Homeri noluit; genus enim erat aliud. Id non est in oratoribus; aut si est, ut alius gravitatem sequens, subtilitatem fugiat, contra alius acutiorem se, quam ornatorem velit: etiamsi est ingenere tolerabili, certe non est in optimo. Siquidem, quod omnes laudes habet, id est optimum.

3. Haec dixi brevius equidem, quam res petebat; sed ad id, quod agimus, non fuit dicendum pluribus. Vnum enim quum sit genus, id quale sit, quaerimus. Est autem tale, quale floruit Athenis; ex quo Atticorum ipsa vis ignota est, nota gloria. Nam alterum multi viderunt, vitiosi nihil apud eos; alterum pauci, laudabilia esse multa. Est enim vitiosum in sententia, si quid absurdum, aut alienum, aut non acutum, aut subinsulsum est; in verbis, si inquinatum, si abiectum,

Laevitatem) Rocte sic Lambinus
Vulgo *levitatem*.

Orator perfectissimus) Ita legen-

dum esse vere monuit Ruhakenius
ad Rutil. Lnp. pag. 200. Vulgo *orator*
peritissimus. Lamb. *orator praestantissimus*.

si non aptum, si durum, si longe petitum. Haec vitaverunt fere omnes, qui aut Attici numerantur, aut dicunt attice. Sed quatenus valuerunt, sani duntaxat et sicci habeantur; sed ita, ut palaestrice spatium in xysto iis liceat, non ut ab Olympiis coronam petant. Qui quamvis careant omni vitio, non sunt contenti quasi bona valetudine, sed vires, lacertos, sanguinem quaerunt, quandam etiam suavitatem coloris. Eos imitemur, si possumus; sin minus, illos potius, qui incorrupta sanitate sunt (quod est proprium Atticorum), quam eos, quorum vitiosa abundantia est, quales Asia multos tulit. Quod quum faciemus (si modo id ipsum assequemur, est enim permagnum), imitemur, si poterimus, Lysiam, et eius quidem tenuitatem potissimum. Est enim multis in locis grandior; sed quia et privatas ille plerasque, et eas ipsas aliis, et parvarum rerum causas scripsit, videtur esse ieiunior, quoniam se ipse consulto ad minutarum genera causarum limaverit.

4. Quod qui ita faciet, ut, si cupiat uberius esse, non possit, habeatur sane orator, sed de minoribus; magno autem oratori etiam illo modo saepe dicendum est in tali genere causarum. Ita fit, ut Demosthenes certe possit summis dicere; elate Lysias fortasse non possit. Sed si qui eodem modo putant, exercitu in foro et in omnibus templis, quae circum forum sunt, collocato, dici pro Milone decuisse, ut si de re privata ad unum iudicem diceremus: vim eloquentiae sua facultate, non rei natura, metiuntur. Quare quoniam nonnullorum sermo iam increbuit, partim se ipsos attice

Sani duntaxat et sicci) Sic Ernestius ex ed. Ven. et Med. Recte.

Vulgo sani et sicci duntaxat.

Qui quamvis) Hoc restituit Erne-

stius ex ed. Ven. Vulgo *qui quam*.

Limaverit) Sensus requirere videtur *limavit*.

dicere, partim neminem nostrum dicere: alteros negligamus. Satis enim his res ipsa respondet, quum aut non adhibeantur ad causas, aut adhibiti derideantur. Nam si arriderentur, esset id ipsum Atticorum. Sed qui, dici a nobis Attico more, nolunt, ipsi autem, se non oratores esse, profitentur: si teretes aures habent intelligensque iudicium, tanquam ad picturam probandam, adhibeantur etiam inscii faciendi cum aliqua solertia iudicandi; sin autem intelligentiam ponunt in audiendi fastidio, neque eos quidquam excelsum magnificentumque delectat: dicant, se subtile quiddam et politum velle, grave ornatumque contemnere; id vero desinant dicere, qui subtiliter dicant, eos solos attice dicere, id est, quasi sicce et integre. At ample et ornate et copiose, cum eadem integritate, Atticorum est. Quid? dubium est, utrum orationem nostram tolerabilem tantum, an etiam admirabilem esse cupiamus? Non enim iam quaerimus, quid sit attice, sed quid sit optime dicere. Ex quo intelligitur, quoniam Graecorum oratorum praestantissimi sunt ii, qui fuerunt Athenis; eorum autem princeps facile Demosthenes: hunc si quis imitetur, eum et attice dicturum, et optime; ut, quoniam Attici nobis propositi sunt ad imitandum, bene dicere, id sit attice dicere.

5. Sed quum in eo magnus error esset, quale esset id dicendi genus; putavi mihi suscipiendum laborem, utilem studiosis, mihi quidem ipsi non necessarium.

Arriderentur) Bene sic Ernestius. Vulg. *arrideantur*.

Se non oratores esse profitentur) Ernesto vel esse delendum, vel confitentur legendum videbatur.

Adhibeantur) Ita scribendum esse pro vulg. *adhibentur* recte iudicavit

Ernestius; quia deinde sequitur dicant, illi oppositum.

Dicunt) Sic Ernestius e Ms. Viteb. Vulg. *dicunt*.

Quasi sicce et integre. At ample— Quid? dubium est) Lambinus sic edidit: *quasi sicce et integre. At si ample—* cui dubium est.

Converti enim ex atticis duorum eloquentissimorum nobilissimas orationes inter se contrarias, Aeschinis Demosthenisque; nec converti, ut interpretes, sed ut orator, sententiis iisdem, et earum formis, tanquam figuris, verbis ad nostram consuetudinem aptis; in quibus non verbum pro verbo necesse habui reddere, sed genus omnium verborum vimque servavi. Non enim ea me annuere lectori putavi oportere, sed tanquam appendere. Hic labor meus hoc assequetur, ut nostri homines, quid ab illis exigant, qui se Atticos volunt, et ad quam eos quasi formulam dicendi revocent, intelligant. Sed exorietur Thucydides. Eius enim quidam eloquentiam admirantur. Id quidem recte; sed nihil ad eum oratorem, quem quaerimus. Aliud est enim explicare res gestas narrando, aliud argumentando criminari, crimenve dissolvere; aliud narratione tenere auditorem, aliud concitare. At loquitur pulchre. Num melius, quam Plato? Necesse tamen est oratori, quem quaerimus, controversias explicare forenses dicendi genere apto ad docendum, ad delectandum, ad permovendum.

6. Quare si quis erit, qui Thucydidio genere causas in foro dicturum se esse profiteatur, is abhorrebit etiam a suspitione eius, quod versatur in re civili et forensi; qui Thucydidem laudabit, suae nostram adscribat sententiam. Quin ipsum Isocratem, quem divinus auctor Plato, suum fere aequalem, admirabiliter in Phaedro laudari fecit a Socrate, quemque omnes docti summum

Abhorrebit) Ita rescripsi pro vulg. *abhorreat*, sensu postulante.

Quod versatur) Necessario sic erat scribendum pro vulg. *quae versatur*. Refertur enim ad genus. Vidit Ernestius, nec tamen in textu correxit.

Laudabit) Bene sic Lamb. Vulg. *laudavit*.

Suae nostram adscribat sententiam) Ordinem huius verborum revocavit Ernestius ex ed. Med. Vulgo *adscribebat suae nostram sententiam*.

oratorem esse dixerunt, tamen hunc in numero non repono. Non enim in acie versatur cum ferro; sed quasi rudibus eius eludit oratio. A me autem (ut cum maximis minima conferam) gladiatorum par nobilissimum inducitur. Aeschines, tanquam *Aeserninus*, ut ait Lucilius,

non spurcus homo, sed doctus, et acer,
Cum Pacidiano hic componitur, optimu' longe
Post homines natos gladiator qui fuit unus.

Nihil enim illo oratore arbitror cogitari posse divinius. Huic labori nostro duo genera reprehensorum opponuntur: unum hoc: *Verum melius Graeci*: a quo quaeratur, ecquid possint ipsi melius latine? alterum: *Quid istas potius legam, quam Graecas?* Idem Andriam et Synephebos: nec minus Terentium et Caeci-

Hunc in numero) Gulielmus hoc in numero fortasse verius.

In acie versatur cum ferro) Bene sic Purgoldus. Vulgo in acie versatur et ferro.

Sed quasi rudibus) Tò Sed, quod Schutzius non monito lectore, in sua editione vel primus delevit, aut certe post alios omisit, hortatu Robiolae Viri Cl. in testum revocavi. Tyr. Tavn.

Aeschines, tanquam Aeserninus, non, ut ait Lucilius, non spurcus homo, sed doctus et acer) Haec verba sic potius constituenda videntur, *Aeschines, tanquam Aeserninus, non, ut ait Lucilius, spurcus homo, sed doctus et acer.*

* *Aeschines, tanquam Aeserninus*) Hic Aeserninus fuit Samnis, id est, gladiator, et compositus cum praestantissimo gladiatore Placidiano, seu Pacidiano, quem commemorat Horat. Satyr. II, 7, 96. Proferuntur autem hi versus a Nonio Marcello ex Lucilio c, 4 in spatium: *Aeserninus* fuit

flacco ore: Samnis spurcus homo, vita illa dignu', loquoque. Cum Placidiano componitur? optimu' longe Post homines natos gladiator qui fuit unus? Vide Tusc. lib. XXIV, et ad Q. Frnt. III, 4. LAMB.

Optimu' longe Post homines natos gladiator qui fuit unus) Vulgo ultimus hic versiculus dimidius tantum scribitur post homines natos, omissis sequentibus gladiator qui fuit unus. Verum ita constructionis lege optimus ad Aeschinem referretur, contra mentem Ciceronis, qui palmam summæ perfectionis Demostheni, non Aeschini tribuit. Itaque statim subdit: *Nihil enim illo oratore* (scil. Demosthene) *arbitror cogitari posse divinius.* Vitium sensit Ernestius, sed aliam h. ll. medelam circumspexit, qua iam nihil egemus. Nostram rationem praeivit Ianus Parrhasius ep. 60.

Idem) Placet Ernestii emendatio, *At udsq.*

lium, quam Menandrum, legunt: nec Andromacham, aut Antiopam, aut Epigonos reiciunt: sed tamen Ennium et Pacuvium et Accium, Latinos potius, quam Euripidem et Sophoclem legunt. Quod igitur est eorum in orationibus e graeco conversis fastidium, nullum quum sit in versibus?

7. Sed aggrediamur iam, quod suscepimus, si prius exposuerimus, quae causa in iudicium deducta sit. Quum esset lex Athenis, NE QVIS POPVLI SCITVM FACERET, VT QVISQVAM CORONA DONARETVR IN MAGISTRATV PRIVS, QVAM RATIONES RETVLISSET: et altera lex, EOS, QVI A POPVLO DONARENTVR, IN CONCIONE DONARI DEBERE; QVI A SENATV, IN SENATV: Demosthenes curator muris reficendis fuit, eosque refecit pecunia sua. De hoc igitur Ctesiphon scitum fecit, nullis ab ipso rationibus relatis, ut corona aurea donaretur: eaque donatio fieret in theatro, populo convocato; qui locus non est concionis legitimae, atque ita praedicaretur: EVM DONARI VIRTVTIS ERGO BENEVOLENTIAEQVE, QVAM ERGA POPVLVM ATHENIENSEM HABERET. Hunc igitur Ctesiphontem in iudicium adduxit Aeschines, quod contra leges scripsisset, ut et rationibus non relatis corona donaretur, et ut in theatro, et quod de virtute eius et benevolentia falsa scripsisset; quoniam Demosthenes nec vir bonus esset, nec bene meritus de civitate. Causa ipsa abhorret illa quidem a formula consuetudinis nostrae; sed est magna.

Reiciunt) Sic auctore Ernestio correxi vulg. recipiant. Lambinus vero totum locum ita constituit: *Quod istas potius legam, quam Gr.? Nec Andromacham igitur, aut Antiopam, aut Epigonos Latinos recipiunt. Sed tamen Ennium et Pacuvium, et Accium potius, quam Euripidem et Sophoclem legunt. Idem Andriam et Synephebos, nec minus Terentium et*

Caeciliam quam Menandrum legunt; online verborum haud scio an multo concioniore.

Qui a senatu, in senatu) Ita verissime iam ediderat Fr. Morelius in edit. huius libelli a. 1596 facta; idque a Mureto aliisque probatum recte recepit Olivetus. Vulg. sine sensu quia in senatu Demosthenes etc,

Habet enim et legum interpretationem satis acutam in ultramque partem, et meritorum in reipublicam contentionem sane gravem. Itaque causa Aeschini, quoniam ipse a Demosthene esset capitis accusatus, quod legationem ementitus esset, ut ulciscendi inimici causa, nomine Ctesiphontis, iudicium fieret de factis famaue Demosthenis. Non enim tam multa dixit de rationibus non relatis, quam de eo, quod civis improbus, ut optimus, laudatus esset. Hanc mulctam Aeschines a Ctesiphonte petiit quadriennio ante Philippi Macedonis mortem; sed iudicium factum est aliquot annis post, Alexandro iam Asiam tenente; ad quod iudicium concursus dicitur e tota Graecia factus esse. Quid enim aut tam visendum, aut audiendum fuit, quam summorum oratorum, in gravissima causa, accurata et inimicitiis incensa contentio? Quorum ego orationes si, ut spero, expressero virtutibus utens illorum omnibus, id est, sententiis, et earum figuris, et rerum ordine, verba persequens eatenus, ut ea non abhorreant a more nostro (quae si e graecis omnia conversa non erunt, tamen ut generis eiusdem sint, elaboravimus): erit regula, ad quam eorum dirigantur orationes, qui attice volent dicere. Sed de nobis satis. Aliquando enim Aeschinem ipsum latine dicentem audiamus.

Itaque causa Aeschini) Lambinus:
causa autem fuit accusandi Ctesiphontis Aeschini.

Elaboravimus) Male Ms. Vit. ed.

Med. elaborabimus.

Volent) Recte sic Ernestius sine libris correxerat. Idem postea in Ms. Vit. reperit. Vulg. volunt.

INDEX SPECIALIS

Brutus, sive de Claris Oratoribus	pag. 11
Orator ad M. Brutum	187
Topica ad C. Trebatium	313
De Partitione Oratoria dialogus	361
De optimo genere Oratorum	423

M. TVLLII CICERONIS OPERVM
EXPLICIT TOMVS TERTIVS.





NUOVA CANTIERI

Via G. ...

Via G. ...
Digitized by Google

